





ΦΙΛΟΜΑΘΙΑΣ
ΤΑ. ΣΠΟΡΑΔΗΝ. Γ.

MISCELLANEA
DOCTRINAE

LIBER TERTIUS.



Οὐ παύσομαι τὰς χάριτας
Μούσαις συγκαταμυθεῖν,
Ἡδίσταν συζυγίαν.

EVRIPIDE^s.

AMSTELODAMI,
APUD PETRUM DEN HENGST.
MDCCCXVII.



L. S.

Septem anni sunt, quod hic liber scribi ac typis describi coeptus est. Quod spatium quum publice et privatim in incredibilem temporum nostrorum varietatem incideret; ad hanc argumentorum delectus et explicatio accommodari debuit: quamquam utrumque etiam, veteri nostro instituto, constanter ad virtutis doctrinaeque fructum retulimus. Sed in tanto spatio ac temporum varietate facile fieri poterat, ut quaedam argumenta inter scribendum ac describendum necessariam causam habentia,
jus-

justumque sibi hoc in hoc libro locum postulantiâ, insequentibus annis supervacanea viderentur. Atque hujusmodi negotium aliquis amicus noster putavit esse duarum censurarum II et III admonendis nostris sycophantis scriptarum; quippe dudum illis contemptu et judicio doctorum virorum sepultis. Hae vero censurae nec scriptae essent, et vel jam descriptae ab hujus libri editione exclusae, si Epistolae Sodalium et Creuzeri ad debitam ipsorum doctrinae et elegantiae notitiam venissent. Et nos nostris sycophantis tantum abest ut invidemus, ut iis etiam summum bonum, *τοῦν καὶ Φέρνας*, optemus.

A N E C D O T V M

H I E R O N Y M I.



ΙΕΡΩΝΥΜΟΥ. (*)

Δεῦρο δὴ, καὶ σκεψώμεθα περὶ τῆς τῶν παίδων ἀγωγῆς, τίνα τρόπον διειλήφασιν οἱ πατέρες· οὐ γὰρ μόνον ἐν τοῖς πρότερον, ἀλλὰ καὶ ἐν τούτοις εὐρήσομεν αὐτοὺς οὐ μικρὰ διαφωνοῦντας· ὅτινες πρῶτον μὲν βαρβάροις παραβάλλοντες παιδαγωγοῖς, καὶ τούτων ἀκούειν κελεύσαντες, ἱκανῶς ἐπιμελεῖσθαι νομίζουσιν, ὥσπερ τοῦ κατὰ πόδας ἀκολουθήσαντος (α), ἀλλ' οὐ τοῦ καλῶς ἡγησαμένου (β) δεομένων τῶν παίδων, καὶ τοῦ φυλάττοντος καθάπερ συβάτου εἰ (γ) πλανηθῇ,

ἀλλ'

(*) scil. Rhodil.

(α) Leg. ἀκολουθήσαντος.

(β) Leg. ἡγησομένου.

(γ) f. μῆ.

ἀλλ' οὐχὶ (d)· διὸ καὶ τὸν ἐκ τῶν ἔργων ἀποδοκimasθέντα τοῦτον ἐπὶ παιδαγωγίᾳ κατατάττουσι, τὰ φύσει τιμιώτερα τοῖς εὐτελεστέροις διδόντες. ὅθεν καὶ Περικλῆς, οἰκέτου ποτὲ πεσόντος ἀπὸ ἐλαίας καὶ τὸ σκέλος συντρίψαντος, „ νέε ὄρα ” ἔφη, παιδαγωγὸς πέφηνεν· (e) ” εὐκ ἀπιθάνως τῆς ὑπουργίας τὴν ἀτιμίαν σκώψας.

(d) Deest quid.

(e) Ε. πέφηνας.

D. W.

M E M O R I A

WILHELMII LODOVICI VAN WASSENAER

SODALIS STUDIORVM NOSTRORVM

EGREGII

EXSTINCTI D. XXVIII IULII, A. MDCCCXI.

AETATIS, XXI.

D I C T A


D. XXIV SEPTEMBRIS A. MDCCCXI

INSTAURANDIS SCHOLIS

ET DISCIPVLIS AD ILLIVS EXEMPLVM

SEQVENDVM COHORTANDIS.

Daphnin ad astra feremus; amavit nos quoque Daphnis.



AUDITORES OMNIUM ORDINUM
HUMANISSIMI!

Quum in hac annua scholarum instauratione idem nunc mihi, quod antea, exordium usurpandum sit, ut Deo O. M. gratias agam, qui nobis salvis ac bene valentibus reditum ad haec studia dederit, facio id quidem et pie et religiose, Deoque immortalī pro tanto beneficio, justas debitasque et ago gratias et habere me profiteor. Neque tamen dubito, quin haec ipsa beneficii commemoratio, ut me, ita unumquemque vestrum tacite ad recentem dolorem revocet, admoneatque illud non integrum sincerumque constituisse beneficium, nec ad omnes pertinuisse ~~auditores, sed unum in primis~~ fuisse, qui non modo hoc reditutionis, sed etiam vitae, fructu excideret. Intelligitis A. O. quem dicam! Omnium vestrum animi, vultus, oculi denique ipsi quaerunt ac desiderant optimum nostrum Wasſenaerium, repentino ac vehementi impetu morbi nuper nobis ereptum. Adeo verum est et in praesentem casum nostrum ac dolorem conveniens Ciceronis dictum (De Orat. III, 2.), „O fallacem hominum spem, fra-

„ gilemque fortunam, et inanes nostras con-
„ tentiones! quae in medio spatio saepe fran-
„ guntur et corruunt, aut ante in ipso cursu
„ obruuntur, quam portum conspicerere potue-
„ runt”. Nam luctuosissimus iste Wasfenaerii
obitus, quam multorum spem hominum fefel-
lit? quam multorum animis acerbus accidit?
Etiam nunc praesentem nobis videre videmur
illum adolescentiae florem ac vigorem, illum
sanitatis colorem et habitum, casti temperati-
que victus consuetudine firmatum: etiam nunc
oculis mentibusque nostris obversatur illa mo-
rum amabilis comitas et modestia, illa in-
dustria omnia egregii studiosi officia strenue
obeuntis, in scholis audiendo, respondendo,
disputando: domi, secum et cum aliis meditan-
do, commentando, legendo, scribendo: cujus
studii fructus jam apparebant privatim in prae-
claris progressibus, quos fecerat in Literis Grae-
cis, Latinis, et plerisque doctrinarum generi-
bus, magno cum incremento acuminis, rationis
et orationis: et in publicum exitura mox erant
harum facultatum specimina, duo libelli, quos
scribere instituebat; ut nemo quisquam dubita-
ret, quin, qui adolescens tantopere excelleret,
is aliquando vir ad summos honores perventu-
rus, atque insigne Literarum et Literatorum
hominum, atque adeo totius patriae decus ac
praesidium futurus esset. Verum enim hanc

tam laetam omnem omnium spem nec opinata mors intercepit: et quem modo animo, corpore, vita et exspectatione florentem ac vigentem videramus, hunc, quasi afflatu mali daemonis, nostrae felicitati invidentis, ardens febris invasit et intra paucos dies abstulit.

Jam quid prius conqueramur A. O.? matremne aerumnosam, quam summa pietate colebat, in familia tuenda negotiisque procurandis juvabat, cujus aetas ac viduitas in hoc gratissimo filii officio acquiescebat? An fratres et sorores, quorum commodis quasi tutor et alter pater prospiciebat? Nostramne scholam, cujus egregium sodalem, ego discipulum, Vos condiscipulum, utrique benevolentissimum amicum, amisimus? An Academiam nostram, in qua ille cum paucis unus fuit è principibus juventutis, quorum exemplum quasi lumen caeteris studiosis adolescentibus ad intuendum imitandumque exstaret atque luceret? An denique ipsam patriam, quae, tamquam communis mater, gravissime condolet mortibus filiorum adolescentum eorum, qui ad se ornandam illustrandamque ingenia sua optimis artibus excolunt.

Sed quum haec jactura ad tam multos pertineat, ad unum non pertinet ipsum Wassenarium: qui non modo mali nil passus, sed ingenti etiam bono potitus, est. Ipsum dicimus non corpus humi conditum, sed ani-

num, qui ex hac misera et mortali vita in beatam et immortalem transiit: corporis vinculis solutus ad superos evolavit, cum iisque propiore jam summi Dei numine fruitur, veritatem scientiamque, cujus in hac terrâ insatiabili amore et quasi siti flagrabat, ex puro limpidoque fonte largiter et abunde haurit. Quare ipsum quidem Wasfenaerium ne miseremur, immo felicem praedicemus, ejusque memoriam grati ac lubentes celebremus. In quam quando semel ingressus sum, finite me diutius ei immorari: et quod instaurativa schola quotannis antea solebam Vobis de Literarum studio universae quaedam *praecepta* et monita tradere, his nunc *exemplum* subjungemus, idque in Wasfenaerio nostro spectabimus.

Natus est d. 1. Martii, a. MDCLXXXI, gente una in Batavis gentibus nobilissima: de cujus antiquitate et amplitudine dicere non attinet; et quia omnibus nota est: et quia minime Wasfenaerius noster ea gloriabatur, et, quasi ipse eam ignoraret, sic inter nos communiter vivebat, ut unus ex multis, et animo firmiter infixum tenebat illud veterum effatum, *sola virtus nobilitat*. Octavum agens annum patre orbatus, cum duobus fratribus minoribus, tribusque sororibus matri relictus est, eximia illi non solum nobilitate, quippe Ysfelmudeniae, sed et ingenii animique dotibus, et libe-

rorum suorum educandorum erudiendorumque prudenti ac diligenti moderatrici: quae hunc maximum natu filium probatis praeceptoribus, procul à domo, in disciplinam convictumque tradidit. Ergo usque ad xvi aetatis annum apud duos deinceps praeceptores fuit, primum Creveldae, postea Naardae. Hic in domo et institutione doctissimi *Anosi*, viri erudiendis adolescentibus ingenuis perquam idonei, Sacerdotis Gallicani Reformati, auditoris quondam nostri et diligentis et jucundi, non solum prioris orsa scholae ulterius excoluit, in historia, geographia, mathematicis, musica, pictura, palaestra; sed Latinam quoque Graecamque linguam ad eum finem didicit, ut aptus haberetur scholis Profesorum in Academia audiendis. Graecam quidem adhuc sibi intactam tunc primo inchoavit, et cognitis declinandi conjugandique elementis, locos Gedikiani libri interpretatus, ultro ad *Literarum fontem*, Homerum, perrexit, scilicet miro ejus legendi amore flagrans, et egregia quaeque expetens, ad hujus lectionem horas subssecivas contulit, objectas quamvis multas intelligentiae difficultates constantiâ studii perfregit, intra duos menses librum Iliadis primum et partem secundi sic pertractavit, ut et rerum nexum et verborum rationem grammaticam memoriter reddere posset. Domum redux complures menses antequam an-

num in hac Academia scholarum initium fieret, totum illud tempus in addiscenda utraque lingua contrivit: Latinâ, per se solus: Graecâ, adjutoribus Viris Reverendis, primum Schouwenburgio, deinde Borgero. Ad hunc quominus bis per hebdomadem discendi causâ Cattoviço Leidam excurreret, nec viae spatium, nec aëris intemperies eum absterruit. Mox nostras in scholas venit, et per hoc postremum vitae suae triennium constanter ventitavit. Quod qua ratione, quo fructu fecerit, nunc animadvertamus, ita ut prius univêrse de studendi officio moncamus; quandoquidem haec animadversio et admonitio utilis erit cum novitiis ad ingrediendam studiorum viam, tum veteranis jam ingressis eam ad suaviter recordandam strenueque persequendam.

Totum illud quod nos *studere* dicimus, idem est ac Literis doctrinisque discendis certâ viâ et ratione operam dare: idque plures variasque habet partes et formas. Atque, ut in omni actione humana duo cernuntur, agens et res agenda, sic in discendo, discens et res discenda. In discente, tria debent adesse, natura, institutio, exercitatio. Res autem discenda, ut de nostro saltem studio dicamus, sunt Literae Graecae et Latinae: in quibus quum sit multiplex partium varietas, haec ad quatuor genera et quasi pensâ revocatur. Primum constat

stat ipsarum accurata cognitione Linguarum, comparanda grammaticis praeceptis, et scriptoribus antiquis diligenter interpretandis: alterum, Historiâ populorum et rerum gestarum: tertium, recensione veterum auctorum et monumentorum: quartum, Antiquitatibus. Quae quatuor quum nostris in scholis tradantur, has discens audiet et assidue et attente, et quotidie domi repetet: dico *quotidie*, quia nisi repetitio eodem fit die, multa quae docens utilia ad proficiendum disseruit, nec tamen dictavit, recenti recordatione in mentem redeunt, et quasi è fuga retrahuntur; dilatâ autem repetitione, ex memoria effluunt, et, irrevocabilia evanescent. Nec satis est^o cujusque diei scholam semel et eodem die repetiisse: scholae quavis hebdomade habitae, iterandae sub finem hebdomadis: scholae cujusque mensis, iterandae exeunte mense: scholae trimestris spatii, sub hujus exitum recolendae: scholae denique totius annui pensi feriis activis relegendae meditandaeque sunt. Adco haec repetitionis exercitatio, ut in omnibus rebus multum, sic in studiis plurimum valet: et paulatim in consuetudinem, ex consuetudine autem in naturam et firmam rei discendae possessionem abit. Habet illa quidem aliquid exceptionis et varietatis pro varietate discentis et materiae: si qui tamen eam despexerunt ut tardarum subsidium natu-

rum, cujusmodi contemtores haud paucos vidi, isti cum sua sibi velocitate indocti manserunt, et, ut Plutarchi dicto utar,

*Vanitatis et arrogantiae poenas dederunt, dum
Evolutaverunt tenues ceu fumus in auras.*

Jam vero hac scholarum repetitione, discens non totum studiorum opus confecit, sed ejus necessaria fundamenta jecit. Restat enim domestica lectio bonorum librorum, veterum in primis auctorum: quae in scholis tota explicari nequit; quippe in quibus Homeri, Platonis, Xenophontis, Ciceronis, Horatii, Virgilii, aliorum, unum alterumque librum accurate interpretamur; ut auditor ad eandem rationem totos scriptores illos legat. Qua in lectione rursus adhibenda est iterata illa repetitio, intelligentiam priorum confirmans, sequentium aperiens, utrorumque jucundiorē reddens: inveniendi facultatem actuens et ad progrediendum excitans. Discendi enim ea est natura, ut se finibus praescribendis coerceri non sinat. Veluti si quis constituerit alicujus disciplinae cognitionem ad certum terminum gradumque consequi, si hunc gradum attigerit, mox infra eum labetur, et acquisitam cognitionem amittet, nisi eam continuā cogitatione recolat ac repetat: contra, si eam recolat ac repetat, supra propositum gradum adscendet, multarum par-

partium notiones, quas adhuc implicitas confusasque habuit, evolvat, explicabit, illustrabit, itaque cognitionem suam amplificabit. Ita per aeternas naturae leges perpetuo luctantur Memoria et Oblivio: utraque Graecis dea: illa Mnemosyne, coelestis, mater Musarum, omnium genitrix artium: haec Lethe, soporiferi praeses fluvii, omnem ante actarum rerum cogitationem ex animis mortuorum abluentis, indeque rivum ad superos emittens, et viventium mentes adspersens, nascentia in illis scientiae lumina exstinguens: quae nisi perpetuo Mnemosyne repetendo accenderet, tota humana vita sempiterno ignorantiae somno obrueretur. Adeo gemina et cognata sunt negotia colendi agri et ingenii:

Pater ipse colendi
Haud facilem esse viam voluit, primusque per
artem
Movit agros, curis aevans mortalia corda:
Nec torpere gravi passus sua regna veterno.

Instat enim ubique et tacita obrepit Lethe, proxima quaeque semper corripit, omnem penitus vitae actionem cognitionemque absorptura, nisi, duce et auspice Mnemosyne, mortales ei sine intermissione resistent exercendo et repetendo:

Non

*Non aliter quam qui adverso vix flumine lembum
Remigiis subigit, si brachia forte remisit,
Atque illum in praeceps prono rapit alveus amni.*

Redeamus ad Wasfenaerium nostrum. Terti-
us hic annus est, quum primum ad me do-
mum venit, auditorem se professurus. Ibi tum
sponte in eo eluxit illud *incoctum generoso
pectus honesto*, quod studiis non pervulgatum
insigne honoris, sed verum honorem debitam-
que meritis gloriam, doctrinamque non propter
emolumenta ejus et praemia, sed ipsam propter
ipsius decus ac praestantiam appeteret. Inge-
nue affirmabat, se per accuratam Literarum
cognitionem ad Jurisprudentiam et civilem ra-
tionem contendere. Proposui ei aeternum Ba-
tavi nominis ornamentum Hugonem Grotium:
depromsi ejus immortalem librum *De Jure Bel-
li et Pacis*, ostendi omnia ex Graecis Latinis-
que fontibus hausta, et praecepta ad docen-
dum, et argumenta ad probandum, et exempla
ad illustrandum. Ille librum evolvit, inspexit,
et ingenti percussus admiratione, vehementiore
etiam quam antea Literarum amore incensus est.
Mox in scholas ventitans, jam tertio mense
tantum profecit, ut inter principes veteranos
eluceret. Nec mirum! tria illa ei aderant dis-
cendi subsidia: ad naturam et institutionem ad-
ferebat exercitationem repetitionis iteratae cum
in

in meditandis scholis, tum in legendis auctoribus antiquis, ad eam rationem, quam supra narravimus. Et in auctoribus rite orsus ab Homero, deinceps Hesiodum, Xenophontem, tum Thucydidem legit: aliorum, quos mox totos excusurus erat, partes praecepit, Herodoti, Platonis, Plutarchi, Euripidis, Aristophanis: nec dicam de minoribus, Anacreonte, Theophrasti Characteribus, aliisque similibus. Latinarum autem Literarum sibi tamquam domicilium, in quo habitaret, constituerat Ciceronem, cujus et doctrinâ ingenium aleret, et oratione stylum exerceret: huic adjungebat, veluti diverforia, Terentium, Nepotem, Sallustium, Caesarem, omnino historicos; quod hoc genere maxime delectabatur: tum vero poëtas principes, Virgilium, Horatium, Propertium, Ovidium, in quibus libenter Graeca vestigia indagabat imitationemque notabat.

Jam tempus erat, ut qui tantos progressus haberet, eorum specimen ederet. Sumsit sibi Chrysippum, cujus vitam, placita, librorumque reliquias exponeret: aliorum exemplo nostrorum quondam discipulorum, qui similem operam navarunt Musonio, Aristoxeno, Panaetio, Posidonio. At ingresus hoc argumentum, animadvertens latius patere quam ut brevi conficeretur, id quidem in posterum distulit, aliudque praeoptavit: Ciceroniani operis De Fini-

nibus librum tertium et quartum, qui sunt de Stoïca ratione: eoque referebat lectionem totius Ciceronis, Diogenis Laërtii, Stobaei, aliorum: tum vero ad scripturam illorum librorum emendandam, et hos et reliquos tres libros, cum vetusto codice scripto Bibliothecae Leidensis comparavit.

Atque haec haëtenus memorata hujus triennii acta, tot tantaque fuerunt, ut, si nihil aliud fecisset, vel his solis insignem diligentiae industriacque laudem meruisset Wasfenacrius. Nunc eodem tempore alia multa magnaque confecit. Primum Jurisprudentiae operam dedit: ejusque Profesores assidue audiuit, Institutiones, Pandectas, Jus Naturae, enarrantes: nuper Candidatus factus, mox summos honores adepturus erat. In aliarum quoque disciplinarum scholas ventitavit, Physices, Botanices, Historiae Naturalis. Deinde ab his ordinariis studiorum pensis, subinde quasi extraordinaria digressionem facta, aliarum cognitionem doctrinarum percepit. Itaque quod Plato pronuntiavit signum esse ingenii philosophi, quodque Plutarchus in Ciceronem accommodavit, omnem disciplinam diligere, nec ullum ejus genus contemnere, hoc suo ipse exemplo Wasfenacrius comprobavit. In quo talis ingenii documenta quum praeter ea, quae dixi, multa exstiterint; pau-

pauca, eaque cum ejus erga me amore conjuncta, referam.

Et sponte sua, et, Ciceronem legens animadvertenterat, Literarum studium constare non posse sine Logicae scientia, quae doceret definiendo, dividendo, argumentando, verum à falso discernere, invenire, dijudicare, cum aliis communicare, omnino via et ratione disserere. Itaque legit nostrum libellum *Praecepta Philosophiae Logicae* inscriptum. Cujus quum essent duae editiones, prima nostra, altera Halae in Germania à celeberrimo philosopho Jo. Aug. Eberhardo repetita, et, ut quidem titulus proficitur, *scholarum usibus accommodata*, Wassenaerius utramque nactus, eas inter se contulit, quod ego facere adhuc superfederam, annotationemque diversitatis diligenter confecit, mihiq; tradidit; unde cognovi novum editorem paucos locos, idque contra meum consilium, vel omisisse vel mutasse.

Hoc libro lecto, ad philosophiae Literarumque Historiam, quam in scholis nostris inchoaverat, accuratius cognoscendam excitatus, majores meos de ea commentarios à me petiit, quos describeret et meditaretur. Omnino supra vulgarem modum cum Universam Historiam, tum illam ejus partem tenebat, ut et philosophorum caeterorumque scriptorum veterum vi-

tas,

tas, placita, libros, et populorum res conversionesque, regum principumque facta in promptu haberet. Totius autem philosophiae brevem et compendiariam cognitionem, sed praesenti proposito sufficientem, praecepiebat ex Ernesti Initiis Doctrinae Solidioris. Et vero hujus caetera, itemque Mureti et Ruhnkenii scripta multum lectitabat, idque propter doctrinae praestantiam orationisque suavitatem, quae puritate, compositione, et eleganti philosopha ratione ad antiquorum formam accederet.

Phaedonem quam diligenter meditatus sit, ut fere totum in numerato haberet, ostendit acuta loci impediti explicatio, quam ipse mecum communicavit, ego in Addendis commemoravi. Et tamen editionem nostram quamvis saepius sibi lectam, rursus legit ab initio ad finem, à me rogatus, ut operarum menda notaret; ad quod genus singulari oculorum cogitationisque intentione valebat. Opus perhumaniter recepit, affirmans se id tam sui, quam mei causa facere; esse enim bonorum librorum lectionem ejusmodi negotium, ut sibi iterum iterumque repetita semper novum intelligentiae suavitatisque fructum adferret.

Ejusdem officii humanitatem, cum sociis condiscipulis nonnullis, mihi praestitit in Philomathiae libro secundo. Quos si ad primum item et alios superiores nostros libros adhibere

potuissimus, invidis et obrectatoribus nostris, mendarum typographicarum aucupibus, reprehendendi peccandique materiam praecidissimus. Cacterum, in eodem Philomathiae libro secundo ab operarum erroribus purgando versans, animadvertit, quaedam Sancto crucii scripta me fugisse, eorumque notitiam mihi nil tale expectanti ultro obtulit: quae à me prodita (p. 263.) omnibus harum rerum intelligentibus documento est singularis curae ac diligentiae, qua omnes libros perlegere et excerptere consueverat.

Selecta nostra principum Historicorum jam aliquoties legerat, quum rursus ea legere constituit, et primam cum altera editione conferre. Qua in lectione non modo quid in rebus; sed etiam quid in Latinis verbis mutatum esset, animadvertibat, ejusque rationem à me exquirebat. Erat enim Latinitatis et cultor assiduus, et judex intelligentior quam ab ejus aetate et brevi studiorum spatio expectari poterat.

Omnino scripta mea omnia valde expetebat, frequenti cognitione et usu terebat, et si quid eorum ignoraret, me interrogabat; si amore ille inest, si judicio; ea sibi ad propositam studiorum rationem conducere ratus; semel autem cognita sic tenebat, quasi in iis habitaret: quid quoque loco dixissem, subinde melius norat quam ipse ego, meque dubitantem aut ignorantem, certiores faciebat.

Fuit nuper fimiolus literatorem agens meque convicijs incessens. Hujus obscoenam gesticulationem et absurdum clamorem Vos mecum ridebatis: Wasfenaerius etiam materiam sibi eum fecit exercitii grammatici, ejus furta et sermonis vitia notans. Adeo pessimos quosvis libros in suum usum convertere norat.

Venio ad novissima. Proximo mense Majo habita est auctio librorum magni Valckenarii, quorum in marginibus plerumque erant annotationes hujus manu scriptae, sed variae numero ac momento, multae vel paucae, verae vel falsae, prouti aut subito aut cogitate notatae essent. Igitur emtor ne deciperetur, ad pervolvendos libros cum judicio et scientia etiam tempus et laborem adferre debebat. Hoc fecit Wasfenaerius cum Vestrum nonnullis, qui jam seiretis quid distarent aera lupinis; mihi quae utilem indagandi operam praestitistis.

Per hanc opportunitatem aliud quoque mihi mercuriale inventum, sive *ἑρμαιοῦ*, bonus Wasfenaerius attulit. Alias multas Valckenarii schedas apud ejus generum Stephanum Luzacium, virum honoratissimum, servari noram: in his esse Ruhnkenii et Valckenarii mutuas epistolas, non noram. Has Wasfenaerius, sciens quantum ego in colligendis Ruhnkenii Epistolis laborarem, pervestigavit, reperit, evolvit: eam, qua Valckenario inventum suum in Photio narrat, quod-

que

quæ ego quondam è Ruhnkenio auditum, non accurate recordans, universe in hujus Vita significavi: hanc igitur descripsit, descriptam continuo cursim ad me detulit. Ego, hoc indicio admonitus, caeteras omnes has epistolas à Luzacio, viro humanissimo, et petii et accepi.

Quum saepe ex me in scholis ac sermonibus audivisset, quanta inter Graecam Latinamque linguam compositionis diversitas intercederet, idque experimento Graeca Latine, et Latina Graece, vertendi certissime apparere; Graeco autem recentiorum eruditorum hominum complures bene scripsisse, idque factu etiam aliquanto facilius esse quam Latine scribere: hoc igitur audito, Wassenaerius cum praecipuis Graecarum scholarum discipulis me rogavit, ut ex quatuor scholis unam Graecae scriptioni tribuerem. Quod ego quum fecissem nostis profecto, Vos, qui nunc adestis illarum sodales scholarum, quanta cum industria has scribendi exercitationes obierit ac perceperit. Ipse etiam hoc in genere suum sibi, ut solebat, separatim instituit pensum, vertendo Ciceroniano^o Paradoxorum libello, antea sibi in scholis nostris Latinis pertractato: ejusque Exordium à se conversum mihi ostendit, judiciumque meum ut sibi impertirem, me rogavit. Ego indefessum optimi adolescentis studium magnopere miratus, nolens id eum minore, quam par erat, fructu

consumere; suasi ei ut initium vertendi faceret in Historico, ostendens quantum ad intelligendi facilitatem interesset inter historicum et didacticum genus: depromsi ei eundem Paradoxorum libellum ab Adriano Turnebo Graece redditum: jussi eum, illius et suum Exordium inter se comparare: tum continuo Nepotem in manus dedi, ut conaretur eum Graece reddere. In quo quum sibi opera quamvis subita facilius, quam in illo meditata, succederet, atque utriusque generis et interpretationis differentiam agnosceret, et porro ei dicerem, me puerum aliquot Vitas Nepotis Graece vertisse; domi statim idem agere coepit. Sed fuit hic quoque unus ex postremi anni laboribus, quos haud ita multo post mors intercept.

Disputandi scholas ut haberem, ipse fuit in primis hortator: meministis qua industria iis praetor praefuerit: ut nostram rationem Vobiscum probaverit et aliis approbaverit, jungendae dialecticae et rhetoricae exercitationis: publicae autem et privatae actionis disjungendae; ut simul ad Latinae orationis facultatem et dialectice disserendi rationem proficeretis. Meministis, ut postrema in disputatione interrogantis partes agens eas amanter et facete concluderet, ponendo hujusmodi syllogismo: quidquid studiis hoc anno salutare fuerit, id etiam proximo anno persequendum esse: fuisse autem saluta-

res

res disputandi scholas hoc anno studiis; ergo Praesidem rogandum esse, ut eas proximo etiam anno persequatur. At bonus Wassenarius voti hujus fructum ipse non tulit: dixerat hoc exeunte Junio, Julio exeunte occidit!

Longum est caetera referre, quae vel pro se ipse legendo meditandoque didicit, vel in hoc genere erga alios studiose officioseque fecit. Ad quae quum alia multa domestica, et vetera et nova, negotia accederent, plane mirabile videatur quomodo his tam multis laboribus vires ac tempus suppeditare potuerit. Postremus fuit ei hic labor, Annum vigesimum primum completurus calendis proximis Martiis, ac titulum dominiumque suscepturus erat utriusque Cattovici, et Valckenburgi: quorum reditus mater, ut tutor, administraverat, administracionemque, in qua filium instituerat, eidem jam tradiderat. Quo ille honore adeo non gloriabatur, ut fere nemini, nisi quibus necesse esset, ejus rei notitiam impertiret. Caeterum quomodo in hac rerum commutatione aviti patrimonii possessionem tueretur multum cogitans, eique expediendo an oblatum sibi Majoris Cattoviceni munus acciperet, varie deliberans; tamen, ne Academica studia nondum decursa abrupte cogeretur, recusans; interea morbo corripitur, subitoque quasi fulminis ictu nobis eripitur!

Epaminondas bello Leuctrico audiens virum

B 3

stre-



strenuum et laboriosum morbo periisse, *Heu!* inquit, *quomodo tali viro aegrotare vacavit?* Et hoc nobis de Wasfenaerio dicere licet, et multo etiam magis illud, Quomodo tam occupatus ordinariis studiis adolescens tam multa extraordinaria, atque adeo tot tantaque à studiis aliena negotia tractare, quomodo denique triennii spatio in Literis ac disciplinis tantos progressus facere potuit? Operae pretium est pauca respondere, quae ad Vos monendos pertineant.

Quum, quod supra diximus, ad proficiendum discipuli tria adesse debeant, natura, institutio, exercitatio; saepe fit, ut in his, quamvis paribus, dispares fiant profectus; et plures discipuli, in quibus tria illa aequalia sint, non aequaliter proficiant. Scilicet omne momentum positum est in exercitationis labore recte gubernando; siquidem alius multo labore parum, alius parvo multum efficere potest. Sequenda est certa via et ratio, quae à principiis et facilibus orsa aditum ad difficiliora patefacit: nec ulla pars nondum satis perspecta sine animadversione praetermittatur. Veluti, ut hoc utar exemplo, in Graecis et Latinis, verbum, nomen, particula, constructio, ne praetermittatur quin ejus rationem et usum indagemus ac perspiciamus. Sic factitabat Wasfenaerius, probe sibi persuadens, se sic non in minutis rebus, sed rerum magnarum fundamentis versari, nec esse

esse quidquam parvum, quod ad magnum finem tendat.

Porro, vitae agendaë constantem ordinem adhibebat; ut totum ei tempus in suas partes distributum, cuique penso ac negotio sua pars constituta esset; ut et solitis rebus tempus superesset, nec subitis deesset. Atque hac in dispensando tempore diligentia et quasi oeconomia, illud etiam consequèbatur, ut nec actum quid ei periret, nec agendum elaberetur. Velut in legendis Veterum scriptis quidquid in rebus vel verbis memorabile videret, id continuo in Adversariis, per literarum ordinem digestis scribebat, unde postea facile quidque promeretur: si quid autem ei aliud agenti, subito in mentem veniret, si quid etiam ex aliis narrantibus audiret, agendum, quaerendum, inventum, hoc statim in libello memoriali notabat, deinde prouti opus esset, vel agebat, vel in Adversaria referebat: adeo cavebat, ne sibi quid utile, semel cognitum, ex memoria efflueret.

Duo autem in primis ei profuerunt, quae ex puerili institutione in nostras scholas attulit. Alterum, cognitio elementorum Geometricorum, quae quamquam leviter percepta, tamen eum ad illam methodum adfuescit, ut etiam in Literis et aliis disciplinis nil sibi traditum

tum temere pro vero acciperet, sed definitiones ac demonstrationes requireret; indeque ad Dialecticæ præcepta delatus, hanc facultatem magis etiam confirmaret, et amplificaret. Alterum est, quod non ignarus Historiæ Geographiæque ad nos venit; quarum initia in vulgariis adeo scholis tradi solita, in gymnasiis tamen, siue Latinis, ut vocantur, scholis multum nimiumque negliguntur. Unde sæpe fit, ut hinc discipuli in Academias missi, Academicos doctores Historiam docentes vel non audiant, vel audientes novitate argumenti in distribuendis ætatibus et distinguendis annis se ipsi impediant, denique hoc studium, unum omnium facillimum ac jucundissimum, tamquam difficile ac molestum deserant. At Wasfenarius, qui jam antea Historiæ suavitatem utilitatemque præcepisset, nostras de eâ scholas eo magis expetere et adamare cœpit; indeque profectus ad alias Historiæ partes, veluti Literarum, Philosophiæ, Doctrinarum, hac luce, quæ aliis essent obscura, sibi clara et perspicua reddidit; quum quamque rem, siue populorum conversiones, bella, pacta, siue leges, Senatusconsulta, constitutiones, siue scripta et placita doctorum, ad suum tempus, locum, auctorem, referre nosset. Vel extremis his paulo ante obitum mensibus, quum ad interiorem scientiam Juris Francici, patrimonium.

nijumque suum tuendum pertinere judicaret, Francici Regni historiam, cujus brevem epitomen nostris in scholis praecepisset, ampliorem uberiolemque percipere; id exiguo tempore consecutus est; quod Franciei Regni originem et progresum, ejusdem cum caeteris Europae populis nexum et conjunctionem, omnino Veteris, Medii, Recentioris Aevi res rationemque teneret.

Nos igitur quidni moereamus orbatu sodali tam docto, tam grato, tam nostrum amante? Moereamus sane! sed moerorem aliquando sequatur ac leniat ratio. Me vero et adhuc illa, quae nunc Vobis proposui, monita confirmarunt; et recenti casu vehementer afflictum erexit Virgilianae Musae carmen in Daphnidem, nuper a nobis tractatum praesente Wassenaerio; mox, mortuo ipso, forte tunc in mentem mihi veniens; Daphnidem, inquam, pastorum principem, cujus in funere ut olim tota Sicilia luxit, sic ad famam de obitu Wassenaerii nostri, omnis nostra Batava patria, certe nemo non in quo vel paululum inesset humanitatis, et condoluit et ingemuit. Quod carmen quum mirifice temperatum sit ad praesentem nostrum affectum, et acerbitate doloris, et desiderio amoris, et lenimento consolationis; Vos ipsi totum postea legatis: nos nunc, age, sertum inde nectamus, et huic Wassenaerii nostri vel me-

moriae vel laudationi, aptemus coronidisque in-
star imponamus:

*Exstinctum Musae crudeli funere Daphnin
Flebant, vos coruli testes et flumina Musis:
Quum complexa sui corpus miserabile nati
Atque Deos atque astra vocat crudelia mater.
Nos etiam quocumque modo illi nostra vicissim
Dicemus: Daphnin nostrum tollemus ad astra:
Daphnin ad astra feremus: amavit nos quoque
Daphnis.*

*Candidus insuetum miratur limen Olympi,
Sub pedibusque videt nubes et sidera Daphnis.
Ipsi laetitia voces ad sidera jactant
Intonsi montes; ipsae jam carmina rupes,
Ipsa sonant arbusta, Deus, Deus ille beatus!
Sis bonus o felixque tuis! en quatuor aras:
Ecce duas tibi Daphni, duas altaria Phoebos;
Haec tibi semper erunt, et quum solemnia vota
Reddemus Musis, et quum lustrabimus agros,
Semper honos nomenque tuum laudesque manebunt.*



CENSURAE.

27

ΠΛΑΤΩΝΟΣ ΦΑΙΔΩΝ. PLATONIS
 PHAEDON: *explanatus et emenda-
 tus Prolegomenis et Annotatione Da-
 nielis Wytttenbachii. Lugduni-Bata-
 vorum, apud Haäkios et Honkoopios:*
 M D C C C X. 8. pagg. 366. *Prolegom.*
 LXIII.

Scriptorem de aliis libris referentem de suo item referre, nec à more recepto abhorret, et rationi consentaneum est. Ipsum enim quemque optime scire oportet quid sibi scribendo libro propositum habuerit, quomodo quantamque ejus propositi partem aut effecerit, aut infectam reliquerit, quibus in locis vel satisfecerit sibi, vel adhuc quid desideret: eamque scientiam in publicum promens, sui que ipse quasi censuram agens, alios et lectores et censores in veram de libro recte judicandi viam inducet. Dicimus autem scriptorem, qui cavere sibi sciat, ne in iudicio proprii operis amor sui veritati officiat: quod ita maxime consequetur, si argumentum suum, et ratione perceptum et usu pertractatum, unice ad legentium intelligen-
 tiam

tiam utilitatemque accommodet, in ea maximum operae suae fructum ponat, eamque operam doctis prudentibusque viris probasse contentus, vulgi laudem reprehensionemve contemnat. Quo in Scriptorum numero nos ut essemus, semper studuimus.

Sed significatio propositi etiam in praefatione et fieri solet, et à nobis facta est: quanta propositi pars effecta sit declarare, ampliorem postulat, quam pro finibus praefationis descriptionem: cujus materiam item scriptori quam alieno censori magis cognitam esse, par est. Et praeter hanc duae apud nos ad Phaedonis nostri censuram fuscipiendam valuerunt causae quarum altera ne vix quidem ab alio quam à nobis expediri possit. Prior haec est: quod opere per temporum varietatem interpellato, Annotationis modus mutatus est; neque hic modus, neque temporis in opere consumti spatium, congruit cum brevitatis professione, quam in principio praefationis posuimus: cujus rei rationes quamquam in Epilogo reddidimus, tamen, ne anteaquam lectores ad hunc pervenirent, illarum rationum ignorance dubii haerere, eas nunc etiam hac in censura exponendas duximus. Posterior illa est causa: quod libro jam edito, in quosdam et complures adeo aliorum Scriptorum incidimus locos, eosque necessarios nostrae Annotationi vel augendae, vel

vel confirmandae: quos quum in Addendis subji-
cere non potuissimus, in hoc Philomathiae ca-
pite explicandos censuimus.

Neque enim dubitamus fore, qui, quum in
praefationis principio, sub finem anni MDCCCVI
scriptae, legerint *hanc editionem subitam, bre-
vi opere confectam, nec nisi ad instantem pa-
ratumque scholae nostrae usum compositam es-
se*, mirentur nec modum nec tempus editionis
illa cum professione congruere; et librum nunc
denuum emitti anno MDCCXC, haud exiguo sti-
patum comitatu Prolegomenorum et Annotation-
nis. Hos scire volumus illam brevitatis festina-
tionisque professionem referendam esse ad illud
tempus, quo scripta est, exeuntis anni MDCCCVI.
Nam quum Phaedonem non nisi ad scholarum
nostrarum usum edere constituissemus anno
MDCCIV; primo nobis propositum fuit, solum
dare Graecum opus, et interpretationem omnem
ad scholas rejicere. Deinde bibliopolae et fa-
miliaribus studiosis flagitantibus, ut libro ali-
quam emendationis explicationisque commenda-
tionem adjungeremus, concedendum faciendum-
que judicavimus: et brevem illam, quantum
ejus in Adversariis paratum erat, expromere, ei-
que Dissertationis nostrae *De Placitis Immorta-
litate Animorum*, memoratae in Bibliothecae
Criticae Parte IX, pag. 116, Caput V *de Pla-
tine* praemittere instituimus. Quod dum age-
ba-

bamus, praesens materiae pars ita se aperiebat
 et quasi occurrebat, ut ad absentem etiam par-
 tem quaerendam induceremur, et jam uberius
 quid ampliolemque commentarium animo agita-
 remus. Sic erat anno MDCCCIV exeunte, quum
 Graecum Phaëdonis exemplum typis describere-
 tur, et continuo ad scholae nostrae usum adhi-
 beretur. Interea, ut asolet, ab hoc opere ad
 aliud deinceps et aliud avocabamur. Nam et
 Plutarcho iusti reditus debebantur. Et eundem
 annum Philo absumpsit: sequentem Plotinus et
 Bibliothecae Criticae Pars XI: proximum Ci-
 cero de Natura Deorum scholis instruendus:
 deinceps MDCCCVII ineuntem Leidae clades nobis
 funestavit, procedentem et exeuntem recreavit Bi-
 bliothecae Criticae Pars XII: sequentem dedimus
 interpretibus Platonicis nondum editis Olympio-
 doro, Hermiae, Proclo, excerptis, item Cice-
 ronis operi de Finibus ad scholarum interpretatio-
 nem accommodando, et Animadversionibus in
 Eunapium Inchoandis: proximum MDCCCIX An-
 notationi in Phaëdonem perscribendae, et Phi-
 lomathiae Libro Primo. Quae nos non ideo
 commemoramus, ut industriae laudem aucupe-
 mur, sed ut retardati Phaëdonis rationem red-
 damus. Nam acceptis demum variis lectionibus
 Venetis et Vindobonensibus Annotationem con-
 scribere coepimus d. XXV Martii, a. MDCCCIX:
 perscriptam d. IX Junii tradidimus librariis: qui
 ejus

ejus descriptionem librique editionem in mensem hunc Augustum a. MDCCCX extraxerunt.

Jam, ut Phaedonem ederemus, causae nos impulerunt et graves et necessariae. Neque enim quisquam adeo est humanitatis expers, ut ignoret Platonem ab omni aevo celebratum esse non intelligendi solum, sed et dicendi, gravissimum auctorem et magistrum, id est, eundem et philosophiae et eloquentiae principem: neque quisquam, qui hoc non ignorat, dubitabit, quin adolescentes optimis studiis destinati, lectione tanti auctoris imbuendi sint. Itaque, ex quo Graecas Literas docuimus, subinde nobis in scholis Platonem interpretandi argumentum sumimus; siquidem idonei nobis obtingerent discipuli, qui non contenti pervulgato ac puerili Graecae linguae modo, altius spectarent: cum orationis elegantia, disserendi quoque diligentiam confectarentur, ejusque confectandae laborem ferre possent, atque adeo per dialecticae subtilitatem ad ethicae humanitatem, et physiologiae divinitatem, percipiendam contendere vellent. Cujusmodi discipulos quum anno MDCCCIV nobis nacti videremur, proposuimus iis interpretationem Platonici libri. Quod illi propositum quum grati lubentesque accepissent, ecce copia exemplorum deerat. Ibi tum statim decrevimus unum aliquem dialogum edere, five nos ipsius numine Platonis instincti,

C

five

five studiis optimorum adolescentum abrepti; qui nostrarum ipsi rerum veluti ignari, et immemores veteris ac perpetui Plutarchei oneris, novum etiam et extraordinarium munus edendi Platonici dialogi fusciperemus; praesertim intelligentes idem nobis eventurum, quod in Selectis Historicorum Graecorum evenisset, ut gratificandum esset librario aliquid additamenti et Annotationis postulanti, quo libellus ad alios etiam, extra nostram scholam, lectores commendabilior redderetur. Quae Annotatio, uti diximus, quum primo brevis destinata, deinde largior instituta; postea, nobis ad eam conscribendam accedentibus, ad illius sibi primo destinatae brevitatis consilium revocata fuisset: denique, pergentibus longior, quam putabamus, inter scribendum exiit. Atque haec admonitio ad similem brevitatis professionem p. 100. positam pertinet; ne quis miretur, eam cum reliquo Annotationis opere non satis congruere.

Quod autem Phaedonem maxime sumimus, rationes reddidimus, quas hac in censura item referre oportet. Quacrebamus unum dialogum eum, ex quo potissime Plato cognosceretur, certe in omnibus eloquentiae virtutibus, perspicuitate, suavitate, gravitate: cujus argumentum et momento, et materia, et ratione, discentium fructui captuique maxime conveniret: qui denique personarum actionisque varietate ac
dis-

dispositione, tamquam dramatis verisimilitudine, in ipso dialogorum genere excelleret. Jam, qui omnes has dotes adferrent, quorumque adeo in hoc delectu rationem habere possemus, duo erant, Convivium et Phaedon: illud comediae, hic tragoediae finitimus: quorum utrum fumeremus, optio difficilis erat. Nam, ut caetera paria aut non multum diversa essent; Phaedon movebat gravitate et affectu: Convivium alliciebat facilitate, festivitate, et vero subsidiis, quibus editionem instrueremus: quippe qui adolescentes hunc et Phaedrum dialogum edere destinassemus, postea, deposito quamvis edendi consilio, tamen subinde quaedam annotassemus. Et Phaedon et Convivium in iis erant dialogis, quos initio Platonicae nostrae lectionis continuo vehementer adamassemus, commentariis in nostrum nobis usum illustrassemus, quos deinde, progressu aetatis et cognitionis, animadversis opportunis aliorum Scriptorum locis auxissemus. Et utrumque dialogum diversis temporibus aliquando in schola discipulis interpretati eramus: et his Phaedon magis placuerat quam Convivium. Cujus discriminis causam hanc verissimam deprehendisse videmur, quod Convivium quidem ad placendum lectores magis exercitatos postulat. Nam quum utriusque dialogi descriptio, cum totius personis ac sermonibus distributio et oeconomia, tum sin-

gularum partium, quasi luminibus, exornatio, mirabiliter ad vitae speciem verisimilitudinemque conformata sit; haec tamen in Phaedone magis est aperta ad intelligendum recentibus ac rudibus, magis omnium hominum communis, quam propria solis Graecis: in Convivio eadem fere continetur more interiore Attico, et omnino Platónico, festivitate, ironia, suavitatibus non modo salis et condimenti instar adsperfis, sed per totum libri tenorem acquabiliter fusis: quarum vim ut subtilem ac lenem, nec scurri-lem et crasam suo quisque lector sensu per usum lectionemque plurium Platonis dialogo-rum exercitato, percipere potest: doctor, quamvis intelligens, ad inexercitatorum sensum explicare non potest. Porro, quod materia Convivii de *Amore et Pulcro*, materiam Pha-odonis de *Animorum Immortalitate*, facilitate et perspicuitate superat: sunt istae Phaedonis partes ita obscurae, ut tamen ab intelligente doctore ad intelligentiam discentium, verborum significatione, argumentationumque nexu osten- dendo, explicari possint; modo illi natura non ad omnem dialecticam et philosophiam prorsus hebetes et plumbei sint. Sic enim se res ha- bet, ut *intelligentiae* materia sint verum et fal- sum, eaque doceri rationibus possint: *sensûs* au- tem materia sit pulcrum et turpe, gratum et ingratum, omnino quidquid placet aut displi- cet;

cet; quod nisi sponte et ultro ad sensum acci-
dat, tum demum percipitur, quum ad intelli-
gentiam usus et exercitatio accesferit. Nisi
forte quis putet, sensum ita esse excitandum in
discipulis, ut magister suo iudicio adclamet,
Eccè quam venustum! Admonitio adsit, quae
valeat ad observationem, rationem, et usum.
Adclamatio desit, facillimum negotium: quod
ab imperitis magistris ad dissimulandam ignoran-
tiam factitatum, similes illis fert discipulos,
rerum ac doctrinae inanes, vana sapientiae opi-
nione plenos.

Ergo vicit apud nos Phaedon, et hoc sane
in censu vincere debebat. Nam sive argu-
mentum spectamus, ecquod inajus graviusque
esse potest, ecquod humanum animum aut pro-
pius attingere, aut vehementius sollicitare,
quam cogitatio de futura sui post hanc vitam
conditione et immortalitate? Sive colloquen-
tium personas, locum, tempus, intuemur, So-
crates, philosophiae parens ad mortem condem-
natus, ultimo vitae die, in carcere cum amicis
ac discipulis, solita comitate et mentis tranquil-
litate, de hoc argumento sic disserit, non ut
ad mortem, sed ad beatam vitam cum diis im-
mortalibus degendam se abire demonstret. Sive
caeteras, tamquam dramatis, partes considera-
mus, omnes hae partes, actiones, sermones,
initium, progressus, exitus, eam habent rerum

ac dispositionis veritatem, quae legentium animos incredibiliter capiat, teneat, et vario deinceps affectu verset, sollicitudinis, commiserationis, admirationis, benivolentiae, atque in rem praesentem, ipsumque in locum auferat, ubi ipsi in carcere Socratem et loquentem audire, et morientem videre videantur; ut hic dialogus non modo justae tragoediae numerum obtineat, sed omni, quamvis flebili, tragoedia efficacior sit ad communicationem affectus ac doloris, quippe nullum poëticum ornatum desiderantis, nullis verborum vel numeris constricti, vel fuco obli- ti, ab omni artis suspicione remoti, sua ipsius natura valentis, ex sola rerum personarumque veritate nati: ut in quemvis non inhumanum lectorem conveniat, quod Cottam dicentem facit Cicero De Nat. Deor. III, 33: *Quid dicam de Socrate? cujus morti illacrymari soleo, Platonem legens.*

Nam illud quidem per est putidum et obsoletum, quod vulgo crepant, illa immortalitatis argumenta longe abesse à demonstrationis evidentia et firmitate, ipsumque Ciceronem Tuscul. I, 11, sic judicasse. Quasi vero nil probandum sit, nisi quod ad illam evidentiam firmitatemque demonstrari possit. Aut quasi locus de immortalitate illam demonstrationem capiat, quae ratione mathematica uno argumento certo conficiatur, ac non ex multis probabilibus col-
li-

ligatur argumentis, quorum conjuncta vis ad eum gradum augeatur, qui satis valeat ad persuadendum, post mortem bonis bene fore. Aut quasi Cicero id, quod volunt, ex sua ipse, ac non ex discipuli persona dixerit: quem quum admonuisset, *Evolve diligenter Platonis eum librum, qui est de animo; amplius, quod desideres, nihil erit: eundem respondentem facit: Feci mehercule, et quidem saepius: sed, nescio quo modo, dum lego adsentior: cum posui librum, et mecum ipse de immortalitate animorum coepi cogitare, adsensio illa omnis elabatur.* Hanc discipuli confessionem Cicero sine notatione praetermittens, ita disserere pergit, ut qui locum de immortalitate animorum non modo persuasionis, sed et demonstrationis, capacem judicet, cum aliorum philosophorum, tum Platonis ex aliis libris, argumenta adferens. Neque vero Plato in Phaedone omnes expromsit immortalitatis rationes, quas in aliis libris exposuit; quippe quarum et numerus major, et explicatio longior futura videretur pro modo, tempore, ac persona Socratis. Nos quidem, quando Platonis rationes omnes, cum aliis in libris, tum in Phaedone proditas singulatim notavimus in Disputatione anno MDCCCLXXXIII ad iudices Teylerianos scripta, *de quaestione, quae fuerint veterum philosophorum à Thalete et Pythagora usque ad Senecam sententiae de vita*

et statu animorum post mortem corporis; operae pretium, et hujus editionis lectoribus gratum, nos facturos, existimavimus, si ei ex illa Disputatione caput, quod est de Platone, adjiceremus.

Hactenus de materia. Sequebatur, ut de dictione Platonis moneremus: quoad quidem haec quaestio ad ejus vel perspicuitatem vel obscuritatem pertinet. Constat enim, antiquos fere Platonis dictionem divinis laudibus affectasse, et ejusmodi ferri effata haud pauca; quale illud apud Ciceronem Bruto 31.: *Quis enim uberior in dicendo, Platone? Jovem, ajunt philosophi, si Graece loquatur, sic loqui.* Quod item memorat Dionysius Halicarnasensis in Judicio de Demosthene Cap. XXI, p. 289: sed hic quidem, ut plerique alii rhetores, hoc effatum explodens, et Platonis in dicendo divinitatem multis exceptionibus circumscribens. Illud certe, cunctis approbantibus, affirmamus, Platonis dictionem in omnibus tribus eloquentiae dotibus, perspicuitate, suavitate, gravitate, quamvis egregiam et prorsus admirabilem, hujusmodi tamen esse ut aliquando perspicuitati obsit gravitas: quam ubi vel augere studet in rebus magnis, aut addere parvis, accidit interdum, ut audacia tralationum, traiectione verborum, compositionis inconsequentia, (*anacoluthiam* dicunt), tragicam granditatem affectans, tumorem

rem et obscuritatem contrahat. Quod vitium in paucis libris est frequens, veluti Legibus, Timaeo, Epistolis: in pluribus minus frequens: in plurimis prorsus abest, ubi perspicuitas et ipsa sibi constat in docendo ac narrando, et suavitatem gravitatemque illustrat in delectando et commovendo, et eum servat orationis candorem coloremque, qui sit apertus, simplex, sincerus, limpidus, *puroque simillimus amni*. Quo in genere laudis ac perspicuitatis censendi etiam sunt Phaedon et Convivium: quorum si quaedam partes vitiosa obscuritate affectae sunt, hanc verius librario quam auctori tribuemus. Sed Phaedonis dictio convenit etiam captui tironum; quippe simplex et unius modi, usitata Atticis, communis colloquentibus hujus dialogi personis. Convivii dictio paulo magis exercitatos lectores postulat; quippe varia et multiplex, pro numero et varietate disserentium, quorum cujusque non modo ingenium, sed etiam propria dicendi forma et character exprimitur. Quod etsi non magnopere difficultatem objicit ad intelligendum quid dicatur, ita obest ad observandum quomodo et quam diverse dicatur: nec animadverti potest, nisi à sensu auribusque tritis notanda varietate generum orationis.

Et hac igitur mihi rationes Phaedonem ad praesentem scholae meae usum commendabant: et accedebat illa cogitatio posse quasdam argu-

mentationes intactas praetermitti, si forte ad quorundam auditorum facultatem modumque difficiliiores acciderent. Et noveram magistros qui sic factitassent: et me ipsum semel fecisse memineram: neque quidquam discipulos ad delectationem dialogique integritatem desiderasse.

Est enim hoc Phaedonis tamquam iter; ut introitus et exitus sint narrationis quasi amoena vireta: medium, dialecticae quasi dumerum, necessarium quidem illud nec prorsus tenebri-
cosum et impervium, sed raro et sublustri et lumine interspersum, et tramite patefactum: at dumerum tamen: in quo verendum esset, ne tirones rerum obscuritate ac disputationis subtilitate defatigati, scholas defererent. Quem metum augebat ipsius exemplum Platonis, cui hoc accidisse, legimus apud Diogenem Laërtium III, 37, ut, dialogum Phaedonem recitans, solus relinqueretur, omnibus deinceps abeuntibus, uno Aristotele excepto. Sed ad istam compendiarum viam quominus descenderem effecit reputatio studii facultatisque plerorumque discipulorum, qui constantes et permanfuri viderentur; quosque illo cognitionis et laudis fructu defraudari, iniquum esset; quippe in epitomes facilitate, remanentibus omnibus, praestantium laus et constantia non eminuisset: at eadem his integra servabatur, servata libri integritate: et erat haec quasi obrussa futura, qua, ut auri,
sic

sic ingenii probitas cognosceretur, et, ut Homerice dicamus quasi λόχος, ἔνθα μάλιστα ἀρετὴ διαείδεται ἀνδρῶν. "Ενθ' ὅ, τε δειλὸς ἀνὴρ, ὅς τ' ἄλκιμος ἐξεφάνθη. neque proponebatur ἴση μοῖρα μένοντι. "Εν δὲ ἡ τιμὴ ἡμὲν κακὸς, ἡδὲ καὶ ἐσθλός (Iliad. I, 318, N. 277.) Nec spem nostram exitus scellit. Nam quum mihi a. MDCCCIV has scholas habenti duodeviginti fuissent auditores, quadriennio postea eas iteranti sex supra septuaginta fuerunt: et utroque tempore major meliorque eorum pars ab initio ad extremum per longam illam disputationis subtilitatem et rerum obscuritatem studiose fideliterque perseveravit. Talium igitur discipulorum studiis nos vel per temporis operisque nostri dispendium consuluisse, neque antea umquam poenituit: neque nunc, edito Phaedone, extraordinarii laboris poenitet; quo magis haec est libri materia in qua non modo ingenium ad veripulcrique iudicium excolatur, sed per hanc ipsam culturam animus ad exemplum Socratis, ad sui cognitionem, et rerum divinarum humanarumque scientiam, convertatur: indeque profectus ad omnem virtutem instruatur: temperantiam in moderandis cupiditatibus et affectibus: iustitiam ac beneficentiam erga alios: fiduciam divinae providentiae et gubernationis: fortitudinem in vincendo dolore, ferendis aliorum injuriis, tolerandis vitae calamitatibus, contem-

nen.

nenda denique morte. Qui profecto ex omni
Literarum studio fructus et discenti et docenti
longe est uberrimus.

Hacc fere ex Praefatione retulimus; quae in
perpetuo materiae formaeque contextu excer-
pendi compendium recusabat: Philomathiae au-
tem lectoribus ad iudicandum de nostro Phaе-
done necessariam cognitionem habebat.

Partes libri tres omnino sunt: *Prolegomena*,
Graecum exemplum Phaëdonis, *Annotatio*.
Nam his accensentur, quae deinceps sunt, Ad-
denda, Indices, Errata operarum, Epilogus;
nec peculiarium partium instar censentur.

Prolegomenorum nomine non quidem inscri-
psimus, sed tamen usurpamus tria illa, quae
Graeco exemplo praemisit, paginis LXIII exstant:
Praefationem: Disputationis de Placito Im-
mortalitatis Caput V. quod est de Platone:
Scholarum Metaphysicarum Psychologiae Ca-
pūt V, quod est de Animi simplici natura et
Immortalitate. Ac de Praefatione satis dixi-
mus. Sectionem autem illius Disputationis,
quae est de Platone, et correximus subinde ad
perspicuitatem, et auximus aliquot locis ad ma-
jorem cum demonstrandi vim, tum doctrinae
modum. In hoc genere sunt hi loci: v. c.
p. xviii de Lactantii iudicio Inst. Div. VII,
22. Tum p. xxiii, de dissensu Platoniorum,
utrum Plato mundum à Deo et ab aliquo ini-
tio

atio creatum, an à se et aeternum statuerit, et illam in Timaeo narratam creationem non nisi ad humanum captum finxerit. Porro de illo placito ab Antiquis jactato, *omni rei aliam quamdam esse contrariam*, veluti si sit compositum, esse etiam aliquid non compositum: si sint bona, etiam mala esse oportere: quod à Stoicis maxime celebratum, jam in Platone exstat, et ab Herodoto ridetur IV, 36: de quo placito nunc quaedam adjecimus p. xxxvii, et in Addendis p. 335. Et erat hujus Disputationis materia in primis conjuncta cum argumento Phaëdonis, justaque ac debita hujus editionis accessio; siquidem non solum argumenta illius dialogi de Immortalitate, sed et aliorum dialogorum, recensentur ac dijudicantur, et ex ipsius etiam Platonicae doctrinae principiis repetuntur. Fuit enim is Plato, qui unus ex omnibus philosophis maximum studium in Animorum Immortalitate demonstranda poneret. Itaque ejus argumenta magnam quidem partem in Phaëdone exposuit, eadem etiam et alia non pauca aliis in libris prodidit, veluti Timaeo, Menone, Phaëdro, de Republica decimo, de Legibus duodecimo. Quae omnia sub unum adspectum à nobis posita, lectoribus Phaëdonis cognita et praecepta, multum ad ejus intelligentiam conferre necesse est.

Tertia Prolegomenorum pars est *Scholarum Metaphysicarum Psychologiae Caput V, quod*
est

est de Animi simplici natura et Immortalitate: quod scripta demum Praefatione addendum censuimus, nec in ea proinde memoravimus. Nam dum in illius Disputationis modo dictae sectione, quae est de Platone, recognoscenda et ad Phaedonis accessionem componenda versabar, in mentem mihi venit Scholarum Metaphysicarum olim à me juvene, per duodecim annos Philosophiam docente, habitarum: quarum unum certe Caput de hoc ipso argumento simplicis naturae et Immortalitatis Animorum, opportunum hujus editionis auctarium fore videretur, quo Phaedonis lectores nexum partesque ipsius quaestionis praeciperent, ejusque cognitione instructi, paratiores ad lectionem accederent. Quod quum nuper in Bibliothecae Criticae Parte XII, Praefat. p. XIV¹, me fortasse facturum professus essem, nunc omnino faciendum esse judicavi; cognito frequenti hominum elegantis et, ut ita dicam, patriae avitaeque Philosophiae amantium studio et desiderio. Ne vero quem hujus Capituli brevitatis offendar, is legat et judicet. Continetur enim designatione totius quaestionis et argumentorum, brevi quidem illa, sed, ut puto, perspicua et suis partibus apta: cujus, ut reliquae institutionis metaphysicae, numerum quemque auditoribus primo dictare, deinde dictatum sermone explicare, et fusius ampliusque interpretari solebam. Hujus argumentationis via-

de-

designatur, et quatuor hae partes constituuntur, ut ostendatur: I. Animum non esse corporeum, nec compositum; materiam enim et omnino corpoream naturam cogitare, velle, meminisse, non posse, et intelligendi appetendique facultatibus actionibusque prorsus carere; ergo Animum diversae et contrariae Corpori esse naturae, id est incorporeae, non compositae, simplicis. II. Igitur, quum Corpus morte in suas partes dissolvatur, Animam quippe nullas partes habentem, in eas dissolvi non posse: morte Corporis non item mori, nec in eandem intereundi communionem implicari: sed sua ipsum natura post Corporis mortem remanere. III. Nec modo remanere, sed etiam vigere, cogitatione aliisque propriis suae naturae viribus valere. IV. Etiam si natura sua corporeus ac mortalis esset, tamen permansurum et immortalem fore voluntate Dei; cujus sapientiam et justitiam in gubernandis rebus hujus universitatis aliter constare non posse. Quae partes deinceps per decem numeros sive paragraphos, paginis quindecim descripta explicantur, argumentis his et titulis: I. Constitutio Loci. II. Dubitationes de simplici Animi natura. III. Distributio argumentorum, quibus istae dubitationes confutentur, in duplex genus, vel justae demonstrationis, vel huic proximae probabilitatis. IV. Justae demonstrationis summa: Corporis natura con-

constat qualitate partium et modo compositionis: at ex neutra ratione existere potest cogitatio, ergo Animus non est corporeae, sed simplicis naturae. Haec deinceps demonstrantur. V. Nam cogitatio non potest effici modo compositionis. VI. Neque potest contineri singulis partibus. VII. Neque motu potest effici. VIII. Argumenta Probabilia. Conscientia sui ejusque constantia, quam vulgo *personalitatem* et *identitatem* vocant, tacito sensu Animum unitatis suae ac simplicitatis admonens. Corporis continuus mutationum fluxus, partibus veteribus abeuntibus, novis accedentibus, immutabilitati conscientiae et perpetuitati recordationis repugnat. Porro in Corporea Animi natura nec Libertas, nec cognitio symbolica i. e. quae per signa fit, locum habet. IX. Jam Animus sua ipse natura post Corporis mortem remanens, neque exstinguitur, quod non nisi ab ipso Deo fieri posset: neque per se cogitationem conscientiamque amittit, ut in quemdam morti similem somnum incidat. Quod suis rationibus ostenditur. X. De Auctoribus et Interpretibus, antiquis et recentioribus, hujus quaestionis de Immortalitate, et in primis de ejus simplicitate. Et nos non dubitamus profiteri, ad nostrum nobis adfensum et philosopham quidem rationem, illa argumenta tantum valere, ut simplicitati justam demonstrationis effici-

ca-

caciam, huic autem proximae probabilitatis vim Immortalitati tribuamus. Neque tamen repugnamus quin alii à nobis dissentiant. Qui quidem quomodocumque senserint, illud nobis concedent, hanc materiae et argumentorum descriptionem à lectoribus Phaedonis praeceptam ejus intelligendi quasi iter planius dilucidiusque illis praestituram.

Sequitur *exemplum Graecum*, qui vulgo *contextus* dicitur, paginis 98, eadem typorum forma quae in Selectis Historicorum exstat: idque mere Graecum, nullis additis Animadversionibus, nulla interpretatione Latina, quam vulgo *Versionem* et *Translationem* usurpant. Animadversiones enim, quas nunc *Annotationis* nomine insignivimus, seorsum post Graecum exemplum exhibuimus: ut adhuc in nostris editionibus factitavimus: et reddidimus scripturam editionis Stephanianae, paucis tamen locis nostro judicio codicumque scriptorum adsensu mutatam. Interpretationem autem Latinam nostrum nos institutum abjudicare jubebat ab hac editione; quippe destinata scholis; quarum magna pars in eo posita est, ut ipsi discipuli Graeca Latine reddant, nosque, comparata utriusque linguae proprietate, eorum interpretationem ad Latinam rationem et ad Auctoris sententiam conformemus. Cujus exercitationis fructum fero intercipere solet, interpretatio jam para-

ta et discipulis in promptu ac sub manu posita.

Tertia eaque maxima editionis nostrae pars est *Annotatio*; quae continetur singulorum deinceps locorum vel corruptorum *emendatione*, vel obscurorum *interpretatione*. Quarum utraque, quamquam promiscue expromatur, prouti quisque quamque locus exigit; et ita invicem implicitae sint, ut divelli nequeant; tamen et officio antecedit *emendatio*; siquidem frustra interpretari coneris quae nondum emendata sint; et multo frequentiores sunt partes *interpretationis* quam *emendationis* in Phaedone; quod in eo longe plura obscura quam corrupta sunt.

Emendationis duo sunt fontes, *libri vetustiores* et *conjectura*. Dicimus autem *libros vetustiores*, cum editiones priores, tum codices scriptos: tum vero locos libri edendi citatos à posteris Scriptoribus, sed antiquis tamen, veluti Platonis multos apposuerunt Eusebius, Stobaeus, Grammatici, Interpretes Platonis et Aristotelis, Proclus, Simplicius, alii multi Scriptores. Ergo et hos citatos à veteribus locos diligenter confectati sumus: et editiones priores adhibuimus; cum eas *Omnium Operum Platonis*, Aldinam, Basileenses, Stephanianam; nam posteriores non habent recensitionum auctoritatem, nisi quod Bipontina codicis Tubingensis lectiones adfert; tum eas pauciorum quorundam dialogorum; veluti Forsteri et Fischeri:

tum

tum Versiones Latinas Marfilii Ficini et Jani Cornarii. Aliae autem Versiones nobis cognitae Serrani Latina et Dacierii Francica, non valent ad emendationis subsidium: et ejusdem Dacierii notulae, et Sebastiani Foxii Morzilli Commentarii, et Gottleberi Animadversiones, non nisi ad interpretationem pertinent. Itaque quum hi, quos diximus, libri nobis praesto essent, sed ad propositam emendationis copiam non satisfacerent, alia uberiora, et primum quidem in Bibliotheca Lugduno-Batava circumspeximus. At haec Graecum codicem Phaedonis nullum, nec quidquam aliud subsidii habebat, quam Olympiodori Commentarium, et veterem Latinam versionem, quod constituendae scripturae prodesset. De Olympiodoro, cujus in Platonis Phaedonem Commentarius scriptus in compluribus per Europam bibliothecis exstat, et Forsterus è codice Bodleiano quaedam addidit Phaedoni à se cum aliis quatuor dialogis edito Oxonii MDCCXLV, quae inde sua in editione repetiit Fischerus; quemque Commentarium nuper Mullerus in Notitia Codicum MSS. Bibliothecae Numburgo-Cizensis, Partic. II. MDCCCVII, inter codices ejus Bibliothecae scriptos servatum recensuit: Olympiodorus igitur, de quo et Fabricius dixit Bibliothec. Gr. IX, p. 354, et nos multa citavimus in singulari editione libri Plutarchei De Sera Numinis Vindicta, et in edi-

tione Operum Moralium fragmenta librorum *De anima* indidem prodidimus, habet ille doctrinam non mere mysticam et Plotinianam, sed subinde etiam historicam et grammaticam; sed tamen ut ipsa verba Platonis et rarius et brevius apponantur, quam ut inde varietas lectionis satis locuples colligatur. Quod in aliis quibusdam Veterum in Platonem Scholiis secus est: veluti Hermiae in Phaedrum: in quibus nullus auctoris locus sine Scholiis praetermittitur, et singulis Scholiis singuli auctoris loci praemittuntur; itaque totus dialogus ad verbum redditur. Sed de Olympiodori ratione et opera uberius alias exponere constituimus, quod et operae pretium est, nec aut in illam tunc editionis, aut nunc censurae brevitatem conveniebat. Valuit tamen aliquantum ad scripturam constituendam: sed multo frequentiores ejus locos ad doctrinae historicam interpretationem apposuimus.

Veterem autem interpretationem Latinam, nomine *Versionis Siculae* insignivimus: cujus ratio et negotium hujusmodi est. Haec verbum verbo reddit; ut appareat, quid in codice suo interpres legerit, et ipsa propemodum Graeci codicis instar censenda sit. Facta est ab homine, qui suum ipse nomen non prodidit; ut quidem suspicamur, in Sicilia, saeculo XII. Nam codex in quo illa Versio primo loco exstat, qui

qui est inter libros Biblioth. Lugd. N. 64, deinceps habet eadem manu scriptam, et ab eodem, ut videtur interprete factam, similem interpretationem Latinam dialogi Menonis, cum praefatione interpretis, ad hominem item non nominatum, sed cum quodam indicio temporis et loci. Codicem non ab ipso interprete, sed à librario minus perito scriptum esse apparet ex multis locis imperite et vitiose scriptis. Et interpretationem diversam esse ab ea, quae sub Aristippi nomine servata Oxonii, adhibita est à Forstero, multae lectiones ab hoc memoratae, et à nostra diversae, ostendunt. Eamdem autem esse atque illam cujus Excerpta exstant in codice Marciano Veneto, specimina manifesto declarant mecum communicata ab ejus bibliothecae Praefecto, Jacobo Morellio, viro eruditissimo, Literarum nostrarum singulari ornameto, et Historiae Bibliographicae principe: cui viro quum jam ante hos viginti sex annos nos conciliasset studiorum communio, multa-que in nos collata Literarum et humanitatis officia; facere non potuimus quin, ex ejus ad nos datis epistolis, in Annotatione apponere-remus, quae ad rem praesentem pertinerent: in hac autem censura referre brevitatis consilium nos vetuit.

Ergo quum parum pro nostro consilio et susceptae editionis diligenter conficiendae reli-

gione nostrae nos Bibliothecae juvarent; ab exteris amicis, studiorumque nostrorum fautoribus, uberiora auxilia et rogavimus et accepimus. Atque hac in causa rursus mihi praedicanda est ejusdem, viri praestantissimi, Morellii, erga me benevolentia, cui mox debui varietatem lectionis duorum codicum Venetorum. Magnam porro copiarum hoc in genere accessionem nobis contulit insignis humanitas Bastii, viri eruditissimi et ornatissimi, qui Legationi Serenissimi Dynastae Hasfodarmstadiensis ab actis, Lutetiae Parisiorum degit. Hic enim quum egregiae Literarum Graecarum scientiae specimen edidisset Epistolam Criticam, quam recensuimus Bibliothecae Criticae Parte XI, et meminissimus eum aliquo illius Epistolae loco scribere se totum Platonem cum codicibus scriptis Bibliothecae Vindobonensis contulisse; non dubitavimus ab eo petere, ut nobis varias lectiones dialogi Phaedonis impertirer. Neque vana spes nostra fuit. Nam copias nobis sane luculentas, varietatem lectionis e septem codicibus Vindobonensibus collectam nobis transmissit. His igitur viris, Morellio et Bastio, tanti beneficii causa, et nos has publice gratias agimus, et lectores Phaedonis nostri privatim quique habebunt. Multis enim locis illae nobis copiae cum ad veram scripturam confirmandam, tum ad falsam arguendam,

tum

tum ad orationis structuram expoliendam, profuerunt.

Alterum emendationis fontem diximus esse *conjecturam*, ubi libri vetustiores nil auxilii praebent: quae pertinet non solum ad vitii animadversionem, sed etiam ad remedii inventionem. Plurimum autem ad ejus facultatem felicitatemque valet, consuetudo cum universae orationis Graecae, tum peculiariter auctoris quem tractamus, ut ejus notando genere tritum habeamus sensum: quo quidem in sensu et consuetudine Platonis si quid profecimus, multo studio ac tempore inde à primis adolescentiae initiis in ejus lectione consumto et voluptate inde percepta consecuti sumus. In Phaedone denique singularis etiam haec accessit causa, quod eum aliquoties in scholis interpretati sumus, eaque provincia nobis necessitatem imposuit libri saepe multumque relegendi, disputationis ac seriei perfequendae, sententiae subinde difficilis suis quasi vestigiis indagandae, et in omnes partes versandae, ut ejus rationes discipulis redderemus eorumque intelligentiae probaremus. Itaque haud raro nobis evenit, quod et aliis in Scriptoribus experti sumus, ut in locis quamvis corruptis, sententia semel reperta, verba quoque ipsa vetera et germana reperirentur, eorumque forma ductusque sic apparerent,

ut et mentis iudicium et oculorum sensus conjecturae fidem facerent.

Ad illam consuetudinem animadvertendae notandaeque proprietatis si accesserit lectio caeterorum Auctorum, colligitur materia et facultas *Interpretationis*: quae adhibenda est omnibus libri tractandi partibus, quarum vel obscuritas illustretur, vel difficultas expediatur. Igitur et *res* et *verba* complectetur: in *rebus*, historiam, antiquitatem, mores, instituta, leges, artes, doctrinas, philosophiam, placita, disputationis rationem et nexum; quarum partium singulae alias continent minores partes, quas omnes enumerare nunc infinitum sit: in *verbis*, cum propria quaeque illarum rerum modo dictarum, tum et rariora Atticae consuetudinis, formulas venustiores auctori usitatas, dialogi rationem, orationis compositionem, locos à posteris citatos, imitationes vel ab ipso ex aliis, vel ab aliis ex ipso expressas: in utrisque operam dabit, ne aut satis nota persequendo putidus fiat, aut non satis nota praetermittendo lectorum studia expectationemque destituat.

Haec quum tam sint multa tamque varia officia Grammatici, librum rite et ad legentium intelligentiam accommodare edituri, nullum horum fuit officiorum, quin ejus fungendi haec
Phae-

Phaedonis Annotatio nobis frequentem non modo opportunitatem offerret, sed potius necessitatem imponeret. In quo quomodo versati simus docti intelligentesque homines judicent. Nostrum quidem in hac propria censura munus postulat, ut illis aliquid admonitionis ad nostram operam censendam subjiciamus. Idque ejusmodi erit, ut praecipuarum deinceps Annotationum argumenta referamus: recte ne autem an secus haec à nobis tractata sint, ipsorum iudicio relinquamus.

P. 2. Personae dialogi, πρόσωπα τοῦ διαλόγου, distinguuntur in πρώτα et δεύτερα: illa sunt *narrantia*, Phaedon et Echecrates: haec *agentia*, de quibus narratur, Socrates, et caeteri in carcere colloquentes. Nam et dialogi Platonici sunt vel διηγηματικοὶ vel δραματικοί: ut monent Plutarchus Sympot. VII, 8, et Diogenes Laertius III, 50. Phaedon est ex utroque genere mixtus.

P. 3. Φαίδων ἢ περὶ ψυχῆς. Alterutro, aut utroque, ut hic, titulo memoratur ab Antiquis: quorum locos sane multos Fischerus laudavit. Nobis satis fuit notasse, hunc praescriptum titulum se commendare Thrasylli auctoritate apud Diogenem Laertium III, 58: et antiquissimos hunc dialogum citantes memorasse, ipsum Platonem Epist. XIII, p. 728, C, quam germanam esse Wesfelingius persuadet, et Aristote-

lem Metaph. I, 7: Generat. II, 9: Meteor. II, 7. Epigramma de Panaetio dialogum hunc spurium censente, nullius auctoritatis, alibi nobis tractandum. Nec valet illud vulgo de Dialogis jactatum è Cicerone Divers. IX, 8: *Puto fore ut, cum legeris, mirere nos id locutos esse inter nos, quod numquam locuti sumus, sed nosti morem dialogorum*: nec reprehensio Athenaei XI, p. 505, E, idem Platoni objicientis, refutati sua ipsius adversus hunc invidia et iniquitate. Omnino verisimile est Socratem de hoc argumento disseruisse in carcere cum discipulis: ut monuimus in Disput. de Placito Immortalitatis p. 38 et 39. Olympiodoro debemus noticiam aliorum Phaedonis interpretum, Jamblichii, Syriani, Procli, Harpocratonis, Paterii. Et Galenus librum, nunc perditum; adversus Platonis hanc disputationem scripsit.

P. 3. Principium *Αὐτὸς, ὃ φαίδων, κ. τ. λ.* imitantur Dio Chrys. Or. VII, et Athenaeus, uterque initio: refert etiam Hermogenes De Method. p. 518.

P. 3. Echecratis et aliorum illo tempore in Graecia Pythagoricorum, sub finem sodalitiis clarorum, notitia, et urbis Phliuntis cum Pythagora necessitudo, traditur.

P. 4. *Τύχη τις αὐτῷ — συνέβη· ἔτυχεν γὰρ κ. τ. λ.* Locum animadverterunt Plutarchus Fat. p. 572, B: et Simplicius in Aristot. Phys.

P.

p. 79, b. τύχης notionem explicantes. Paronomasiae autem venustatem, τύχη — ἔτυχε, imitatus est Achilles Tattus Hist. Amator. I, p. 55, in Addendis notatus, et postea animadversus Eupapius in Proaerésio p. 86: τύχων δὲ κατὰ τὴν ἑαυτοῦ Φιλοτιμίαν τύχης ἀξίας.

P. 4. De Navi quotannis θεωρίας causa Delum misa. De verbo καθαριεῖν. De dictione, ἄνεμοι ἀπολαβόντες αὐτούς. Ἐπιτήδαιοι. Παρήτάν τινες, καὶ πολλοί γε.

P. 5. τοιούτους ἑτέρους i. e. *similes*: male quidam ἑταίρους. Notantur qui locos Platonicos hinc duxerunt, Plutarchus, Epistolae Socraticae scriptor, Aristænetus. Socratis familiares caeteri satis cogniti: non item *Phaedondas* et *Cleombrotus*: de quibus aliquid notitiae adfertur.

P. 6. Aristippus et Cleombrotus, moriente Socrate, in Aegina. Rarior forma ἀνέωγγο: ὑπακούει janitor, respondet et aperit januam.

P. 7. *Voluptas et dolor eodem vertice suspensi se invicem sequuntur*: sententia multis celebrata. Stobaeus ex MS. suppletus. Ἄνευφημεῖν, lamentari.

P. 8. Socrates fabulas Aesopi versibus ligavit, ἐνέτεινε: harum libri tunc fuisse videntur. Prooemium in Apollinem. Evenus poeta. Μουσικὴν ἐργάζεσθαι, hinc à Platonicis frequentatum. Παρακελεύεσθαι τε καὶ ἐπικελεύειν, ὥσπερ

οἱ τοῖς θεοῦσι διακελευόμενοι. Philosophia, maxima musica. Ἀφοσιῶσθαι, *religione defungi*.

P. 9. Poesis fabulam requirit: μῦθος, λόγος, μυθοποιός, λογοποιός, μυθολόγος, μυθολογικός· ποιεῖν, *versus facere, carmine quid prodere*. Se ipsum interficere, nefas est. Philolai et Lyfidis aetas. Καὶ μάλιστα, *vel maxime*.

P. 13. Δὴ νῦν, *jam nunc*: νῦν δὲ, *modo*. Οὐδέποτε τυγχάνει τῷ ἀνθρώπῳ, ὥσπερ καὶ τᾷ ἄλλῳ ἐστιν ὅτε καὶ οἷς, βέλτιον ζῆν ἢ τεθνάναι· sic legendum ex MSS. i. e. *numquam accidit homini, prouti alia negotia nonnumquam et quibusdam bene vel male accidunt, ut melius ei sit vivere quam mori*: totus locus impeditus expeditur: Simplicius Epict. p. 43. eum citans corrigitur. Ἰτῷ Ζεύς, Ὁ ἐν ἀπορρήτοις λεγόμενος περὶ αὐτῶν λόγος, est doctrina arcana, non mysteriorum, sed scholae philosophi. Animus in corpore, ut carcere inclusus, nec inde nisi à Deo liberandus: Pythagoricum placitum. Dei hominum curatores. Θεοὶ et θεοὶ, quomodo promiscue dicantur. Sententiae Platonis à posteris memoratae.

P. 11. Ταῦτα abundans. Πραγματεία, *studium*.

P. 13. Ἀλλὰ repetitum brevi spatio. Ἀποθνήσκειν, καὶ τεθνάναι, *mori, ei mortuum esse*: hoc est Praeteriti Temporis: cognatio verborum θάνω, θάνω, θνάω, θνήσκω, τέθνημι: Pla-

to

to Epicharmum, Platonem Philo imitatus. Simplicius comparatur. Diversa significatio Terminationum, in ἡβάω et ἡβάσκω et similibus verbis. Οὐ πάνυ γέ με νῦν γελασεῖοντα ἐποίησας γελᾶν, et Eunapius et Damascius arripuerunt: Boeotiorum ἀμουσίαν Olympiodorus notans, Plutarchum descripsit.

P. 14. Τὰς ἡδονὰς καλουμένας τὰς τοιάσδε· insolita compositio pro τὰς καλουμένας ἡδονὰς τ. τ. ex usu Graeco explicatur. Σιτίων τε καὶ ποτῶν — ἀφροδισίων — καλλωπισμῶν· pertinet ad triplex voluptatum genus Veteribus celebratum. Ὑποδημάτων, ad Socratis consuetudinem spectat qui discalceatus degere soleret.

P. 15. *Vitam sine corporis voluptatibus mortis instar esse*, cum aliis Platonis et aliorum dictis comparatur. *Ad scientiae adeptionem corpus animo officere, poetae celebrant*; hi sunt Epicharmus, Xenophanes, Empedocles, Parmenides, quibus Anaxagoras et Democritus addendi: quorum dicta notantur. Λογίζεσθαι Olympiodorus intelligit colligere et seligere: at hic valet ratiocinari, nexum rerum indagare: et hoc munus, τὸν λόγον, habet ὁ νοῦς.

P. 16. Ὑπερφυῶς ὢς. Ἄτραπος ἐκφέρει ἡμᾶς μετὰ τοῦ λόγου ἐν τῇ σκέψει, non opus est ex Pythagorica schola repetere.

P. 17. Ὡστε, τὸ λεγόμενον ὢς ἀληθῶς, τῷ ὄντι ὑπ' αὐτοῦ οὐδὲ φρονῆσαι ἡμῖν ἐγγίγνεται οὐδέποτε οὐ-

αὐδέν, redditur: *ut, quod vero proverbio dicitur omnino ne sapere quidem umquam quidquam propter corpus possumus*, proverbium intelligitur αὐδὲ φρονῆσαι ἐγγίγνεται. notatur formula τῷ ὄντι et ὄντως in citandis aliorum locis usurpata. Platonicae sententiae vestigia apparent in Cicerone Fin. I, 13, et Jacobo Epist. IV, 1. Τὸ δ' ἔσχατον πάντων ὅτι, *extremum omnium hoc est, quod —*. Δέδεικται ἡμῖν.

P. 18. Ἰσως, *verisimiliter*. Μὴ καθαρῷ καθαροῦ ἐφάπτεσθαι οὐ θεμιτόν. multis celebratum. Λέγειν καὶ δοξάζειν. Ὅρθως pro ὄντως. Ὡσπερ, *quippe*.

P. 19. Οὕτω post Participium abundat. Διαβεβλήσθαι τινι, *odisse quid*.

P. 20. Οἴεσθαι γε χρεῖ. *Mortem timens non est φιλοσόφος, sed φιλοσώματος, idemque φιλοχρήματος καὶ φιλότιμος*, vel alterutrum vel utrumque, explicatur ex Platonica doctrina Rep. IX, p. 506.

P. 21. Δειλία ἀνδρεῖον εἶναι. Κρατούμενον κρατεῖν. Καταλλάττεσθαι ἡδονὰς πρὸς ἡδονάς. Τούτου μὲν πάντα καὶ μετὰ τούτου ὠνούμενα κ. τ. λ. i. e. *si prudentia omnia vendantur, et cum hac (i. e. prudenter) omnia emantur*: Participium pro Infinitivo. Σκιαγραφία opponitur ἀληθείᾳ. perperam Fabricius voluit σκηνογραφία, ad Sext. Emp. Math. VII, 88. Τὸ δ' ἀληθές τῷ ὄντι ἢ καθαρίσις τῶν τοιούτων πάντων καὶ

καὶ ἡ σωφροσύνη καὶ ἡ δικαιοσύνη, καὶ ἡ ἀνδρεία· καὶ αὕτη ἡ φρόνησις μὴ καθαυτὴ τις ἦ·
i. e.: *revera autem certo* (i. e. *ut ostensum est*) *purgatio talium omnium, et temperantia, et justitia, et fortitudo; atque ipsa prudentia vide ne sit purgatio: virtutes καθαρτικά*
Veteribus dictae: antiquitas quadripertitae distributionis, postea Stoicis celebratae, in prudentiam, temperantiam, fortitudinem, justitiam.

P. 22. Ἐν βορβόρῳ κεῖσθαι, Orphicum. Πολλοὶ μὲν ναρθηκοφόροι, παῦροι δὲ τε βάκχοι· item Orphicum. Dubitatio Socratis de sorte post hanc vitam, est φιλόσοφος εὐλάβεια.

P. 23. Ψυχὴ — ὥσπερ πνεῦμα ἢ καπνὸς διασκεδασθεῖσα οἷχεται ἀποπταμένη. Οὐδὲν οὐδαμῶς εἶναι. Παραμυθία, *difficultatis in quaestione solutio*. Comici Socratem traduces. Aristophanes et Eupolis: hujus versus tentatur. *Homines ex alia vita in hanc venire, ex Orpheo et Empedocle venit, quorum loca ab Olympiodoro allata traduntur. Contraria à contrariis oriri. Παλαιὸς λόγος.*

P. 24. Ἐχεῖν τι, *firmiter perceptum quid habere.*

P. 25, Philoponus notatur. Συζυγία, *par contrariorum*. Χωλὸς, χωλεύειν, *altera parte deficere.*

P. 26. Ἀδίκως et ἀδικεῖν, *temeritas in disputando*.

putando. Ἀνταποδιδόναι τινι, congruere alicui, respondere.

Λήρόν τι ἀποδεικνύναι· item χρυσόν, σοφόν τινα ἀποδεικνύναι, et similia. Οὐδαμοῦ φαίνεται. Endymionis somnus. Anaxagorae ὁμοῦ πάντα χρήματα.

P. 27. Πάντα καταναλωθῆναι εἰς τὸ τεθνάναι, Epicurus assumsit. *Discere est reminisci.*

P. 28. Κατηγορεῖ, *apparet.* Αὐτὸ δὲ τοῦτο δέομαι μαθεῖν ἢ, περὶ οὗ ὁ λόγος, ἀναμνησθῆναι· sic, interposito ἢ, sententia haec efficitur, *id autem ipsum desidero discere, vel requiro reminiscentiam, de qua ipsa nunc loquimur.*

Οὐδὲν μὲν ἂν ἤττον ἀκούοιμι· i. e.: *nilo tamen minus audire velim:* μὲν ex MSS. mutandum in μέντ' i. e. μέντοι, et Optativus propria optandi potestate accipiendus. *Amantes recordantur amati, si ejus lyram aut vestem vident,* sententia ab aliis hinc sumpta.

P. 29. Αὐτὸ τὸ ἴσον, *notio universalis aequalitatis.* τὰ αὐτὰ ἴσα φαίνεται, τοτὲ δ' οὗ, quale sit, exponitur.

P. 30. Αὐτὰ τὰ ἴσα· item est, *notio universalis aequalitatis,* quare Plurali numero dicitur, quaeritur. Ταῦτα τὰ ἴσα, *haec aequalia,* demonstrative de rebus singularibus dicitur. Λέγειν τι ἐν τινι, *aliquid alicui generi annumerare.* Vulgata lectio aliquoties corrigitur.

P. 31.

P. 31. 'Ορέγεται τοῦθ' ὃ ἐστὶν ἴσον, legendum τοῦ ex MSS. τοῦ ὃ ἐστὶν ἴσον, Platonica ratione dictum pro τοῦ ὄντως ὄντος ἴσου. 'Επισφραγίζεσθαι τί τινι, *alicui aliquod signum imprimere, nomen imponere*. 'Εν ταῖς ἐρωτήσεσιν ἐρωτῶντες, καὶ ἐν ταῖς ἀποκρίσεσιν ἀποκρινόμενοι, i. e. *disputantes*. 'Ερωτᾶν, *argumentari*.

P. 32. Εἰδέναι et λήθῃ definiuntur. Rursus αὐτά ex MSS. mutandum in ταῦτα, i. e. *res singulares*.

P. 33. 'Απέλλουμεν δὲ αὐτάς ἐν ποίῳ ἄλλῳ χρόνῳ — χρόνον, sensus aperitur hic: *non possumus istas notiones accipere nascentes; quia nascentes eas perdimus: nec potes aliud tempus excogitare, quo eas perdamus: huc accomodatur Olympiodori scholion*.

P. 34. 'Οπως, cum Indicativi Praesente vel Perfecto v. c. *ut hoc fiat*. Discrimen inter εἰ et ὅτι v. c. *demonstrare, hoc ita esse: et d. an ita sit*.

P. 35. 'Αναπείθειν, *aliam cui sententiam persuadere*. 'Ο ἐν ἡμῖν παῖς, *pars nostra rationis expers*, hinc aliis frequentatum, et in Addendis a nobis notatum. Μορμολύκειον. 'Επαῖδειν et ἐπωδῇ *docendo*, Platoni frequens: sic ἐξάδειν, *excantare*, rarissimum, eidem restitutum in ἐξάσσηται pro ἐξιάσσηται.

P. 36. 'Οθεν δὲ ἀπελίπομεν, ἐπανέλθωμεν. Εἰ σοι ἡδομένῳ ἐστίν· *si tibi placet*. Πῶς γὰρ

οὐ μέλλει; *Quidni?* Συντεθὲν, σύνθετον, συνθετὸν, differunt: et sic alia Participia Passivi et Adjectiva Verbalia. Διαιρεθῆναι ταύτη ἥτερ συντέθη. Ἡ οὐσία ἢ λόγον δίδομεν τοῦ εἶναι *essentia, quam definimus per esse.* Λόγος, *definitio.* Κατὰ τὰ αὐτὰ καὶ ὡσαύτως ἔχειν. Οὐδέποτε οὐδαμῇ οὐδαμῶς ἀλλοίωσιν οὐδεμίαν ἐνδέχεται *consuetudo Platonica augendae negationis, et in affirmatione usus literae π obser-* vatur.

P. 37. Ὁ τῆς διανοίας λογισμός. Ἄλλό τι ἡμῶν αὐτῶν, ἢ τὸ μὲν σῶμά ἐστι, τὸ δὲ ψυχή, i. e. *nostrum autem ipsorum altera pars aliudne quid est quam corpus, altera vero anima?* Τὰ ὁρατὰ καὶ τὰ μὴ, τῇ τῶν ἀνθρώπων φύσει ἐλέγομεν i. e. *visibilia et invisibilia dicebamus ea, quae humanae naturae visibilia et invisibilia essent.*

P. 38. Ψυχὴ — ἰλιγγιά. Φρόνησις πάθημα, et in Addendis. Ὅλῳ καὶ παντί. *Natura animi ad imperandum, corpus ad obediendum fecit.*

P. 39. Συμβαίνει, consequitur quid in argumentatione. Νοητὸς et αἰσθητὸς active, cogitandi vel sentien-*di vim habens, pro νοητικὸς, αἰσθητικὸς.* Χαριέντως ἔχειν τὸ σῶμα *corpo-* re bene affecto *esse.* Dacierii error, qui solus animadvertisse sibi visus est, Socratem mense Julio obiisse. Corpus συμπίπτει.

P. 40.

P. 40. Αἵδης, ἀγαθὸς καὶ φρόνιμος θεός.
Philosophia est exercitatio moriendi. Ἄγριοι
ἔρωτες, paederastiae. Ἀνθρώπεια κακά· hinc
Cicero Tusc. I, 30, *humanis vitiis*.

P. 41. Διαλαμβάνω, vincio, ligo. Ψυχὴ
περὶ τὰ μνήματα καὶ τοὺς τάφους καλινδουμέ-
νη, hinc aliis frequentatum.

P. 42. Metempsychosis variè à Platoniciis
informata. Φιλοτησία, propinatio benevolæ. Vir-
tutis quatuor gradus: quarum infimus, virtus
civilis. Mendum vetus transponendo sanatur
sic: εἰς δέ γε θεῶν γένος μὴ οὐ θέμις ἀφικνεῖ-
σθαι ἄλλω ἢ τῷ φιλομαθεῖ φιλοσοφῆσαντι καὶ
παντελῶς καθαρῶς ἀπιόντι. Explicatur vis et
ratio φιλομαθοῦς et φιλοσόφου, φιλομαθίας et
φιλοσοφίας. Οἰκοφθορία, rei familiaris jac-
tura.

P. 43. Ἐπειτα, Participiis ex abundanti sub-
jungi solet. Σώματα πλάττοντες ζῶσι.

P. 44. Ἐν ἄλλοις ἢν ἄλλο. Ἐκάστη ἡδονὴ
καὶ λύπη, ὥσπερ ἦλον ἔχουσα, προσηλοῖ. (τὴν
ψυχὴν) πρὸς τὸ σῶμα καὶ προσπερονᾷ. Platon-
ica sententiâ posteris celebrata.

P. 45. Οὐ γάρ· ἀλλά —, et Οὐ γὰρ ἀλλά,
differunt. Πηνελόπης τινα ἐναντίως ἰστὸν μετα-
χειρίζεσθαι. Τροφή ψυχῆς, vel δοξαστὴ vel
ἀδόξαστος. Οὐδὲν δεινὸν μὴ φοβηθῇ· i. e. non
est periculum, ne timeat. Πρὸς τινι εἶναι, ali-

E 2 quid

quid secum cogitare. Ἰδεῖν ἐφαίνετο, visu apparebat: pleonasmus.

P. 46. Μῶν μὴ, *an non?* mutandum moneatur in μῶν πῃ, *an aliqua ratione?* Λεχθῆναι, *dictum esse: positum pro ἂν λεχθῆναι, dicere potuisse: ἂν possibilitatem significans, subinde omittitur.* Ἐκάτερος ἀπορῶν, τὸν ἕτερον προωθεῖ καὶ κελεύει ἐρέσθαι· imitati sunt Aristaeneus I, 24, et Damascius ap. Suid. v. Ἡραΐσκος. *Cynos, Apollini servos, suos conservos, ante mortem canentes, imitatur Socrates: locus ab aliis memorando nobilitatus.*

P. 47. *Discere, invenire, divinitus accipere, tres sunt ad cognitionem viae. Ὡς περ ἐπὶ σχεδίας ὀχεῖσθαι τοῦ λόγου· argumento, tamquam rate, vehi. Λόγος θεῖος.*

P. 48. *Animam esse tamquam harmoniam corporis tensi calore, frigore, humore, siccitate, Zenonis Eleatae et aliorum opinio.*

P. 49. Διαβλεψάμενος — καὶ μειδιᾶσας. Προσάδειν, *accinere, i. e. aliquid rationis disputationi conferre.*

P. 50. Ἀνατίθεμαι, *retracto. Ἐπαχθές εἰπεῖν, dictu molestum. Φαίη ὁ λόγος, dicat ratio.*

P. 51. Ἀνυφαίνειν. Τὴν φύσιν τῆς ἀσθενείας, *dictum pro τὴν ἀσθένειαν τῆς φύσεως: item, ἡ φύσις τῶν ἄστρων, pro τὰ ἄστρα. Enallage Generis et Subjecti.*

P. 52.

P. 52. Dialogi à secundis personis ad primas digressio insignem habet vim.

P. 53. *Sedens in sella juxta recumbentem in lecto*: imitatur Plutarchus. Χαμαίζηλος, *humilis sella*. Καταψάν τὴν κεφαλὴν τινος, *caput cui demulcere*. Capillum in luctu tondendi, mos Graecorum. Eorundem fuisse in luctu, ut capillum viri alerent, mulieres tonderent, Meursius non persuadet. Οὐκ, ἂν γ' ἔμοι πεῖθῃ. Εἰ σὺ εἶην, *si tu essem*. Argivorum jusjurandum, Thyrea amissa, capilli non alendi donec illam recuperassent. Similia aliorum populorum facta. Ἀναμάχεσθαι. Πρὸς δύο οὐδ' Ἡρακλῆς proverbium.

P. 54. Εὐλαβηθῶμεν τὸ πάθος μὴ πάθωμεν. Τὸ ποῖον; ἦν δ' ἐγώ. Dialogi formula frequens Platoni. Μισολογίας et μισανθρωπίας, cognata origo. Ἐταιρότατος. Οὐδενὸς οὐδὲν ὕγιες τοπαράπαν. Homines optimi et pessimi, sunt paucissimi: plurimi mediocres.

P. 55. Locus mutilus expletur probabili conjectura. Ἀντιλογικοὶ philosophi, qui dicantur. Ὡσπερ ἐν Εὐρίπῳ proverbium.

P. 57. Ὡπερ μέλιττα τὸ κέντρον ἐγκαταλιπὼν οἰχήσομαι. Ἄλλ' ἰτέον. Ἀναγκαίως ἔχει.

P. 58. Ἀποδέχεσθαι ἑαυτοῦ τι λέγοντας. Ἀπόδειξις, εἰκότες λόγοι, εὐπρεπεῖς demonstrationis, argumenta verisimilia, speciosa, distin-

stingūuntur: ἀλαζών λόγος, *vanum argumentum, mendax*. Δι' ὑποθέσεως.

P. 59. Τῇδε δοκεῖ σοι — primum vocabulum delendum censetur, et sententia iubente, et codicum assensu.

P. 61. Eadem auctoritate restituitur: πότερον συγχωροῦσαν τοῖς κατὰ τὸ σῶμα παθήμασιν, ἢ καὶ ἐναντιουμένην, pro inficeto, π. σ. τ. κ. τ. σ. πάθεισιν ἢ κ. ἐν. τοῖς παθήμασι. De ψυχῆς tribus partibus, λόγῳ, θυμῷ, ἐπιθυμίᾳ disidentibus, et λόγου imperio, cui accommodatur Homericum Στῆθος δὲ πλήξας κ. τ. λ. comparatur Plato Rep. III, p. 434, IV, 453, cum sequentibus Platoniceis.

P. 62. Quae sit harmonia, quam ab animi natura Plato abjudicet: Aristotelis et aliorum cum Platone consensus. *Harmonia Thebana et Cadmi*, quae dicantur. Θαυμαστῶς ὥς. Μὴ μέγα λέγε, μήτις ἡμῶν βασκανία περιτρέψῃ τὸν λόγον· proverbii vim habent: hinc *fascinus*, et *praefiscine*.

P. 63. Duo Phaedonis loci mendosi corriguntur.

P. 64. Pars τῆς σοφίας, ἣν δὴ καλοῦσι περὶ φύσεως ἱστορίαν· λ. e. *physica*. Σηπεδὼν, *putredo*, significatur *concoctio cibi*. Sanguine, aëre, igne, *an cerebro cogitemus*; quibus singula philosophis tribuenda sint. Anaxagorae homocomeria significatur.

P. 65.

P. 65. Graeca bis emendantur: primum; *μεῖζον εἶναι αὐτοῦ τῇ κεφαλῇ, καὶ ἵππος ἵππου* i. e. *major illo esse per caput, et equus item equo major esse*, alterum deinde sic expletur, οὐδὲ ὥς, ἐπειδὴ ἐνί τις προσθῇ ἐν, ἢ τὸ ἐν, ὥ ἐν προστετέθῃ, δύο γέγονεν· ἢ τὸ προστεθέν· ἢ τὸ προστεθέν καὶ ὥ προστετέθῃ, διὰ τὴν πρόσθεσιν τοῦ ἐτέρου τῶ ἐτέρῳ δύο ἐγένετο — nam in hac hypothesis tres hi modi intelliguntur, quibus ex duobus duo fiant. *Ἐνὶ λόγῳ* uno verbo, omnino.

P. 66. Locus obscurior ad perspicuitatem redigitur, accipiendo φύρω potestate Praeteriti, et sequenti Ἀλλὰ pro Nam, Nimirum. Κατὰ νοῦν ἐμαυτῶ, acutae est ambiguitatis.

P. 67. Ὁρῶ ἄνδρα· *Video hunc virum*: vel, *video aliquem virum*: uterque exquisitior usus illustratur. *Anaxageras, quamvis Noῦν creatorem, certe ordinatorem, inducens, tamen causas rerum naturalium aliunde repetebat*: adferuntur alia insuper testimonia, Platonis, Aristotelis, Plutarchi, Plotini, Clementis Alexandrini, Simplicii, aliorum.

P. 68. Τὸ γὰρ μὴ διελέσθαι οἶόν τ' εἶναι — corrigitur, τὸ δ' ἄρ' ἦν μὴ δ. οἶ. τ. ε. *hoc autem erat, non posse distinguere*. Ψηλαφῶντες οἱ πολλοὶ, ὥσπερ ἐν σκότει ἀλλοτρίῳ ὄμματι προσχρώμενοι· dictum cum similibus comparatur· ὄμματι dubium, alijs ὄνοματι praebentibus.

stinguntur: ἀλαζών λόγος, *vanum argumentum, mendax*. Δι' ὑποθέσεως.

P. 59. Τῇδε δοκεῖ σοι — primum vocabulum delendum censetur, et sententia jubente, et codicum assensu.

P. 61. Eadem auctoritate restituitur: πότερον συγχωροῦσαν τοῖς κατὰ τὸ σῶμα παθήμασι, ἢ καὶ ἐναντιουμένην, pro *infecto*, π. σ. τ. κ. τ. σ. πάθεσιν ἢ κ. ἐν. τοῖς παθήμασι. De ψυχῆς tribus partibus, λόγῳ, θυμῷ, ἐπιθυμίᾳ disidentibus, et λόγου imperio, cui accommodatur Homericum Στῆθος δὲ πλῆξας κ. τ. λ. comparatur Plato Rep. III, p. 434, IV, 453, cum sequentibus Platoniceis.

P. 62. Quae sit harmonia, quam ab animi natura Plato abjudicet: Aristotelis et aliorum cum Platone consensus. *Harmonia Thebana* et *Cadmi*, quae dicantur. Θαυμαστῶς ὥς. Μὴ μέγα λέγε, μήτις ἡμῶν βασκανία περιτρέψῃ τὸν λόγον. proverbii vim habent: hinc *fascinus*, et *praefiscine*.

P. 63. Duo Phaedonis loci mendosi corriguntur.

P. 64. Pars τῆς σοφίας, ἣν δὴ καλοῦσι περὶ φύσεως ἱστορίαν. i. e. *physica*. Σηπεδὼν, *putredo*, significatur *concoctio cibi*. *Sanguine*, *aëre*, *igne*, *an cerebro cogitemus*; quibus singula philosophis tribuenda sint. Anaxagorae homocomeria significatur.

P. 65.

P. 65. Graeca bis emendantur: primum, *μεῖζον εἶναι αὐτοῦ τῇ κεφαλῇ, καὶ ἵππος ἵππου* i. e. *major illo esse per caput, et equus item equo major esse*, alterum deinde sic expletur, οὐδὲ ὥς, ἐπειδὴν ἐνὶ τις προσθῇ ἐν, ἢ τὸ ἐν, ὥ ἐν προστεθῇ, δύο γένοιν· ἢ τὸ προστεθέν· ἢ τὸ προστεθέν καὶ ὥ προστεθῇ, διὰ τὴν πρόσθεσιν τοῦ ἐτέρου τῷ ἐτέρῳ δύο ἐγένετο — nam in hac hypothese tres hi modi intelliguntur, quibus ex duobus duo fiant. *Ἐνὶ λόγῳ* uno verbo, omnino.

P. 66. Locus obscurior ad perspicuitatem redigitur, accipiendo φύρω potestate Praeteriti, et sequenti Ἀλλὰ pro Nam, Nimirum. Κατὰ νοῦν ἐμαυτῷ, acutae est ambiguitatis.

P. 67. Ὁρῶ ἄνδρα. *Video hunc virum*: vel, *video aliquem virum*: uterque exquisitior usus illustratur. *Anaxagoras, quamvis Νοῦν creatorem, certe ordinatorem, inducens, tamen causas rerum naturalium aliunde repetebat*: adferuntur alia insuper testimonia, Platonis, Aristotelis, Plutarchi, Plotini, Clementis Alexandrini, Simplicii, aliorum.

P. 68. Τὸ γὰρ μὴ διελέσθαι οἷόν τ' εἶναι — corrigitur, τὸ δ' ἄρ' ἦν μὴ δ. οἷ. τ. ε. hoc autem erat, non posse distinguere. Ψηλαφῶντες οἱ πολλοί, ὥσπερ ἐν σκότει ἀλλοτρίῳ ὄμματι προσχρώμενοι dictum cum similibus comparatur ὄμματι dubium, alijs ὄνοματι praebentibus.

bus. Ὁ μὲν τις δίνῃ περιτιθεὶς τῇ γῇ ὑπὸ τοῦ οὐρανοῦ, μένειν ποιεῖ τὴν γῆν. i. e. *alius quidem turbinem circumdans terrae, quò coelum eam vertat, stabilem scilicet eam facit*: interpretibus non intellectum, explicatur è grammatica ratione: et plactum refertur, ad Leucippum, Democritum, Anaxagoram. Ὁ δὲ, ὥσπερ καρδὸν πλατεία, βάθρον τὸν ἀέρα ὑπερείδει. *festivitas dictionis notatur, sententia Anaximeni tribuitur.*

P. 69. Ἀτλαντα ἰσχυρότερον — ἐξευρεῖν. *spectarunt hoc Aristoteles Coel. II, 1: Philostratus Icon. II, 20. Ἀγαθὸν dicitur δέον, quia δεῖ, ligat, omnia et continet, Δεύτερος πλοῦς. Ἐπίδειξιν ποιεῖσθαι τινος, à Socrate in Sophistas significatum. Solem deficientem, si in ipso, nec in aqua, spectamus, excaecamur, comparatio ex hoc fonte ad alios fluxit.*

P. 70. Οὐκ ἂν φθάνοις περαίνων. Ἀτεχνῶς, *revera: ἀτέχνως, sine arte.*

P. 71. Εἴτε παρουσία, εἴτε κοινωνία, εἴτε ὅπῃ δὴ καὶ ὅπως προσηγορευμένη. *Platonica forma, in qua quis προσηγορευομένη expectaverit. Τέρας, monstrum in disputando.*

P. 72. Μέγα βοᾶν. Μετέχειν et μέθεξις, *qua res singulares participes sunt ideae universalis. Imitatio Euripidea, τὰς τοιαύτας κομψείας ἐφῆς ἂν χαίρειν παρὲς ἀποκρίνασθαι τοῖς σεαυτοῦ σοφωτέροις. Suam ipsam umbram ti-*
me-

mere: proverbium. Ἐχεσθαί τινος, *apprehendere quid, et alicui adhaerescere*, eodem loco bis diversa notione positum, ut alia alibi. Εἴ σοι ἀλλήλοις συμφωνεῖ ἢ διαφωνεῖ. i. e. *utrum, te iudice, invicem consentiant, an dissentiant*: in σοὶ Dativus Atticus notatur. Disputandi rationis praeceptum dialecticum explicatur: Ἄνω, ἄνωθεν, *universaliter*: κάτω, *particulariter*. Varia significatio vocabulorum εἶδος, ἰδέα, distinguitur in notionibus universalibus: sub his μετουσία et ἐπωνυμία tribuitur particularibus.

P. 73. Corrigitur: τῷ μὲν, τῷ μεγέθει ὑπερέχειν, τὴν σμικρότητα παρέχων· τῷ δὲ τὸ μέγεθος, τῆς σμικρότητος ὑπερέχον· i. e. *illi quidem, quia magnitudine illum superat, parvitatē praebens: huic autem magnitudinem, quae parvitatē superat.. Συγγραφικῶς ἐρεῖν*, refertur ad scriptores civiles, id est oratores, quos Plato exagitare solet.

P. 74. Θέλειν et τολμᾶν, *posse pati.. Argumentationis ratio grammatica exponitur. Ἀνδρικός, ἀνδρείος, diligens in vero quaerendo.*

P. 75. Εἶδος et μορφή a philosophis distinguuntur. Eudori apud Stobaeum Phys. p. 30. caput notatur.

P. 76. Πεμπὰς, πεμπάς, πεντάς, *numerus quinquarius. Ὁ ἡμισυς τοῦ ἀριθμοῦ ἅτας* et ὁ ἕτερος στίχος τοῦ ἀριθμοῦ· i. e. *numeri pares,*

E 5 qui

qui duabus utrique diversis lineis adscribi solebant

P. 78. Ὡς ἂν τί ἐν τῷ σώματι ἐγγένηται, θερμὸν ἔσται; i. e. *quam re in corpus aliquod incidente, id corpus calidum erit?* constructionis forma exemplis illustratur. Plato sibi falso commento progressum demonstrationis à posse ad esse fingit. Δέχεσθαι et ἐπιφέρειν ἰδέαν, in hac materia usitatum; et 79.

P. 79. Distinguuntur ἀθάνατον, ἀνώλεθρον, ἀφθαρτον, αἰδιον. Boëthi ἐμψυχία ex Porphyrio, Simplicio, et Olympiodoro notata.

P. 80. Ψυχὴ ἂν εἴη, πρὸς τῷ ἀθάνατος εἶναι καὶ ἀνώλεθρος; i. e. *anima praeterquam quod immortalis est, etiam interitus expers sit.* Anima, ut Deus, e vitae idea, immortalis statuitur à Platone: posse et esse confundente. Hinc sua sumsit Augustinus De Immort. Anim. §. 14 — 16: tractat Porphyrius, qui emendatur apud Stob. Phys. p. 820.

P. 81. Τὴν ἀνθρωπίνην ἀσθένειαν ἀτιμάζων, i. e. *humanam imbecillitatem tantae rationum magnitudini perspicendae imparem judicans,* similibus dictis illustratur. Χρόνος ἐν ᾧ καλεῖται τὸ ζῆν i. e. *tempus, quo haec, quae dicitur, vita continetur:* dicendi forma confirmatur consuetudine Scriptorum. Si mors esset interitus et privatio omnis sensus, lucrum adferret malis hominibus morientibus: effatum à posteris celebratur. Mala ex reliquo mundo relegata
cir.

circum terram versantur; igitur quantocyns hinc fugiendum: Platonicum placitum. Anima ad inferos abiens nil secum adfert quam τροφήν καὶ παιδείαν, i. e. institutionem ac disciplinam, quam in hac vita accepit: item ex Platonis fonte alii duxerunt. Τροφή de corporis cura, παιδεία de animi doctrina usurpatur: quibus saepe tertia additur ἀγωγή, educatio.

P. 82. Μῦθος de Inferis: similes alii Platonis et aliorum: ποῦταrum νεκυΐαι. Dæmon quemque nascentem sortitus, et mortuum apud Inferos duceus, quis à Platone significetur. Διαδικάζεσθαι. Aeschyli Telephus dixit, ἀπλὴν οἶμον εἰς ἄδου φέρειν. Θυσίων τε καὶ νομίμων codices dant ὁσίων τ. κ. ν. i. e. *iuxta funebria. Οὐκ ἄγνοεῖν. Ξυνέμπορος.*

P. 83. De Terrae forma et partibus docuerant Physici et Geographi: erant πίνακες tabulae geographicae. Γλαύκου τέχνη, proverbium. Terra paritate ponderis et rotunditate sua sustentet in medio coeli immota: quam ab Anaximandro proditam opinionem postea deseruit Plato: et hinc quoque colligitur Phaëdonem ab ipso juvene scriptum esse. Prima vestigia decreti de gravitate, seu *vi centripeta*. Scholion MS, ad Hesiodi Theogon. 116, tractatur. Librarii veteres saepe confuderunt. ἐν Φαίδωνι et ἐν Φαίδρω.

P. 84. Οἰκουμένη nostra censebatur regionibus

bus circum mare jacentibus à Columnis Herculeis usque ad Phasidem: postea ad Indiam. Circum hoc mare habitamus ut formicae aut ranae circum paludem. Terrae coelestis purae in puro jacentis coelo imaginem ab Anaxagora sumsit Plato. Τὸ δὲ εἶναι ταυτὸν τῷ ὑπ' ἀσθενείας καὶ βραδυτήτος οὐχ ὅλους εἶναι ἡμᾶς διεξελθεῖν ἐπ' ἔσχατον ἄερα· sic legendum interposito τῷ· i. e. hoc autem idem esse ac nos propter tarditatem et infirmitatem ad summum aërem pervenire non posse.

P. 85. *Ut pisces in maris superficiem exsiliunt, ita homines in aeris summitatem extollere se debent ad coelestem terram conspiciendam:* aliorum imitatione frequentatum dictum. Οὐτε φύεται ἄξιον λόγου οὐδὲν ἐν τῇ θαλάττῃ οὐδὲ τέλειον· quomodo intelligendum sit. Δωδεκάσκυτοι σφαῖραι, referuntur ad Dodecaedrum, cui Plato figuram mundi comparavit.

P. 86. Ἀνάλογον pro ἀνὰ λόγον. Coelestis Terrae lapides pretiosi, colores, natura, ex illo Platonicarum opinionum genere censetur, quod late ad posteros dimanavit. Θέαμα εὐδαιμόνων θεατῶν est eadem Terra.

P. 87. In ea τῷ ὄντι οἰκητὰς θεοὺς εἶναι, καὶ Φήμας τε καὶ μαντείας καὶ αἰσθήσεις τῶν θεῶν. Totius Terrae tres partes, supera coelestis, media, infera orcus: media, hominum

num et animalium, breviter memoratur: duae reliquae amplam habent descriptionem, universae verisimilitudinis physicae et mythologicae; quibusdam locis tamen ne huic quidem satis congruentem praefertim in parte de orco et quatuor fluviorum cursu: de quibus judicat Aristoteles Meteor. II, 2. Quatuor genera lacunarum Terrae explicantur.

P. 88. Ὁ Πύαξ. Αἰώρα, libramentum aquae infernae, cujusmodi significetur. Homericum Τῆλε μάλ' Iliad. Θ, 14. Aqua illa αἰώρας nec fundum nec fundamentum habet. Ὅταν τε οὖν ὀρμήσαν ὑποχωρήσῃ τὸ ὕδωρ — ἐπαντλοῦντες· quomodo accipiendum sit declaratur, mutato τοῖς in τότε, solemni librariis literarum permutatione.

P. 89. Καταντικρὺ ἢ εἰσρεῖ ἐξέπτεσεν· i. e. *ē regione effluunt ejus loci, per quem influunt*: nisi, judice Aristotele, repugnans futurum sit; intelligenda cum Forstero opposita puncta non *diametri* sed *subtensae*. Legendum porro ex norma Atticismi κ. ἢ ἡ. εἰσρεῖ ἐξ. — Quatuor fluvios Orci ab Homero suscepit: quos cum Orphica doctrina conciliant Proclus et Olympiodorus.

P. 90. Ἀναβάντες ἃ δὴ αὐτοῖς ὀχήματ' ἔστιν· *conscendentes ea, quae scilicet ipsis sunt, vehicula: ὀχήματα, vehicula*, non intelligenda indumenta animis propria, quasi tunicae:

cae: sed *navigia*, ex fabulae verisimilitudine.

P. 91. *Insanabiles quosdam esse et per omnem aeternitatem sine fine puniri*, in mysteriis et à poetis traditum, retentum à Platone et aliis in *νεκυίαις*, propriae tamen ipsius doctrinae repugnat. Impietas natorum in parentes punita apud Inferos in Polygnoti tabula de Ulixis descensu ad Inferos ap. Pausan. X, 28. Διαφερόντως πρὸς τὸ ὁσίως βιάσθαι, egregie ad sanctitatem vixisse, sanum censetur.

P. 92. Καλὸν τὸ ἄθλον καὶ ἡ ἐλπίς μεγάλη· imitantur alii. Ταῦτ' ἐστὶν ἡ τοιαῦτα ἅττα· Πλέον θάτερον ἀπεργάζεσθαι· quasi *alterum plus efficere*, i. e. *plus mali quam boni facere*, exemplis illustratur, ex usu nomini ἕτερος, ἐτέρως: *alius, secus*, i. e. *malus, male*, repetitur.

P. 93. Tragici dictum, ἐμὲ δὲ νῦν ἤδη καλεῖ — ἡ εἰμαρμένη. *Socrates ante mortem se lavans*, quam rationem secutus sit. Οὐ πείθω — Κρίτωνα κ. τ. λ. Αὐτὸς, *ipse* quilibet, est ejus *animus*, non *corpus*, secundum quidem philosophos: et sic Plato Leg. XII, p. 693. B, C. Accius Cic. Tusc. I, 43: Lucilius apud Nonium p. 330; qui tentantur: alia in hanc rem dicta Select. Gr. p. 455.

P. 94. Socrati morienti tres fuerant filii: nec duas habuit eodem tempore uxores: et quae ad eum venerunt postremo salutatum οἰκεῖται γυναι-

ναῖκες, non fuerunt uxores, sed mulieres domesticæ, familiares.

P. 95. De cicuta ad potum praeparanda, vel terendo, vel alio modo. Tempus legitimum bibendæ cicutæ, quum sol montes reliquisset. Trium deinceps dierum optionem ad bibendum condemnato datam fuisse, quod tradit Scriptor apud Stobaeum Flor. p. 19, singulare est. Πίνοντας, *bibere solitos*.

P. 96. Φειδόμενος οὐδενὸς ἔτι ἐνόντος· imitatio Hesiodi O. D. 367. Πείθου καὶ μὴ ἄλλως ποίει· formula Platonica. Pota cicuta, obambulandum erat, donec gravitas cruribus accideret. Καὶ δε λαβὼν — ἐξέπτε· alii hinc sumserunt. Οὐδὲν διαφθείρας οὔτε τοῦ χρώματος οὔτε τοῦ προσώπου, explicatur: ἐπισχόμενος, i. e. *admouens*, scil. *proculum ori*.

P. 97. Ἀστακτεῖ ἐχώρει τὰ δακρύα, *lacrymae ubertim ibant*. Οὐδένα ὄντινα οὐ κατέκλαυσε, *neminem non deploravit*; Attica compositionis proprietas. Ἐν εὐφημίᾳ χρὴ τελευτᾶν, Pythagoricum praeceptum. Πηγνύοιτο Stephano corrigente, accedentibus codicibus scriptis, pro vulgato πήγνυτο receptum. Οὗτος ὁ δοῦς τὸ φάρμακον, annotatoris additamentum, et aliis animadversum. Τὸ ἥτρον. Socratis ultima vox, τῷ Ἀσκληπιῷ ὁφείλομεν ἀλεκτρυόνα, ab ejus posteris reprehensoribus agitata, vindicatur.

P. 98.

P. 98. Evoluti Socratis habitus non dilucide descriptus; intercidentibus fortasse aliquot verbis, sic restituendis: Ταῦτα ἐρομένου αὐτοῦ, οὐδὲν ἔτι ἀπεκρίνατο· ἀλλ' [ἐνεκαλύψατο αὐθις· καὶ] ὀλίγον χρόνον διαλιπὼν ἐκινήθη τε, καὶ ὁ ἄνθρωπος ἐξεκάλυψεν αὐτόν· καὶ δὲ τὰ ὄμματα ἔστησεν· i. e. haec interrogante Critone, nihil amplius respondit Socrates, sed se involvit rursus: et paulum temporis intermittens commovit se: et homo eum evoluit: et Socrates oculos fixerat: i. e. fixis oculis apparebat. Συλλαμβάνειν mortuo labia et oculos· dictio et mos illustratur: Artemidorus in ea corrigitur II, 2. De Socrate dicitur, ἀνδρὸς — τῶν τότε, ὧν ἐπειράθημεν, ἀρίστου· legendum πῶποτε pro τότε· i. e. viri, eorum, qui umquam fuerunt, quos cognoverimus, optimi.

Hae igitur fuerunt deinceps ad paginas Exempli Graeci Annotationum, nec omnium illarum, sed praecipuarum, summae, brevissime tamquam punctis notatae, omittendis locis Scriptorum in testimonium adhibitis, ipsisque explicitis vel emendatis: pluribusque rerum verborumque animadversionibus. Quam totam materiam cum Prolegomenorum tum Annotationum quo magis ut hominibus Literarum studiosis ad recognoscendi usum et facilitatem accommodaremus, per quatuor Indices digestam, quasi in compendio subiecimus: quorum Primus est

Scri-

Scriptorum veterum et recentiorum, qui notantur, vindicantur, emendantur, illustrantur: Secundus, Historicus et Geographicus hominum et rerum: Tertius, Rationis grammaticae et verborum Latinorum: Quartus, Vocabulorum Graecorum in Annotatione explicitorum.

Neque committere voluimus ut *Index* desideraretur, quo *Errata Operarum* notata existerent. Quae *Errata* fortasse multa cui videantur: re tamen pauca sunt: et pauciora quam aliarum quarumvis, vel emendatissimarum, editionum, pari versuum in numero, errata esse solent. Continentur enim haec fere leviori genere, quod neminiis cuiusquam mediocriter docti intelligentiam moretur, singulari elemento, apice, accentu, spiritu, commate, puncto, eorumque absentia: quae ne in omnibus quidem exemplaribus apparet; quippe orta non quod typus omitteretur ipse, sed quod atramento vel pinguius vel tenuius inficeretur, itaque chartam aut non signaret, aut macularet. Quod maxime propter minutiorem formam in Annotatione accidit; ut correctores quamvis acute videntes et attenti! fuerunt autem praeter me J. Bakius et G. H. Moserus: subinde quid expressum esset, dignoscere non possent et aliquoties ut mendosum corrigerent. Talium, in aliis *Erratorum Indicibus* vulgo neglectorum notatio

huic libro laudem emendatae scripturae diligentisque correctionis adeo non detrahit, ut etiam augeat et confirmet. Debuimus autem hunc Indicem industriae Guilielmi Lodovici Wasfenarii Cattoviceni, discipuli nostri ad egregiam Literarum spem scientiamque crescentis, cujus de laudibus diximus p. 337.

Quod si hanc nostram censuram ejusmodi adhuc fecimus, ut lectoribus Phaetonis nec inutilis nec injucunda futura esset; certe reliquam ejus partem iis gratam fore speramus. Nam adjectis demum illis Addendis, quae exstant nostrae editionis p. 335 — 338, factum est, ut adversaria pleraque nostra quondam et nuper à Graecis scriptoribus facta, denuo percurrentes, locos haud paucos animadverteremus appositos illos ad Annotationem aliquantum illustrandam et locupletandam; quosque idcirco, ut huic nostrae censurae debitos, in eâ expromeremus.

ANNOTATIONIS ADDENDA.

P. 109. Epigramma Incerti, de Panaetio remere Phaetonem dialogum non à Platone scriptum censente, exstat Anthologiae Brodae I, 44, P. 94:

Εἰ με Πλάτων οὐ γράψε, δὴν ἐγένοντο Πλάτωνε
Σωκρατικῶν δάρων ἀνθεα πάντα Φέρω.

’Αλ.

Ἄλλα νόθον μ' ἐτέλεσσε Παναίτιος, δε ρ' ἐτάλασσε
καὶ ψυχὴν θνητὴν, καὶ μὲ νόθον τέλεσσαι.

Hujus Epigrammatis auctorem facit Syrianum philosophum Anonymus Interpres MS. in Aristotelis Categorias p. 28. cujus verba, quamvis corrupta, sic apponenda sunt: Συριανὸς μὲν δὲ Φιλόσοφος ἐπέγραψε τῷ Φαίδρῳ νοθευμένῳ ὑπὸ τινος Παναίτιου· εἰ μὲν Πλάτων ἐπέγραψε, δύο ἐγένοντο Πλάτωνες σωκρατικὸν γὰρ ὦν ἄνθεα πάντα φέρω· ἄλλα νόθον μ' ἐτέλεσε Παναίτιος· δε ἐτέλεσε καὶ ψυχὴν θνητὴν καὶ μὲ νόθον τέλεσαι· Ἐγὼ δὲ Φῆμι ὁ ὑμέτερος διδάσκαλος, ἐπιγράφω ταῖς Κατηγορίαις· εἰ μὴ Ἀριστοτέλους ἐγενόμην, ἢ δίπλος οὕτως, ἢ σοφίην ἀκάρηνον ἐδείματον νόσφιν ἐμεῖο· De hoc Interprete Categoriarum Aristotelis, adhuc ignoto, à nobis nuper inter libros MS. Vossianos primum animadverso, diximus in editione nostra Phaedonis p. 336. Hinc igitur et de hujus Epigrammatis auctore discimus: et praeterea altero augemur, sic legendo:

Εἰ μὴ Ἀριστοτέλους γενόμην, ἢ δίπλος οὕτως,
Ἡ σοφίην ἀκάρηνον ἐδείματο νόσφιν ἐμεῖο·

i. e. Nisi Aristotelis sum, hic aut duplex est, aut sine me sapientiam condidit capite carentem. Quod interpretes bis posuit ἐπέγραψε,

utroque loco significare voluit *Epigramma fecit*. Syrianum autem, Procli magistrum, in Phaedonis interpretibus numerat Olympiodorus, ut notavimus p. 110. Verbum $\Phi\eta\mu\iota$ compendio scriptum $\Phi\eta$, transversa lineola ducta per inferiorem partem literae Φ , possit quidem esse $\Phi\eta\sigma\iota$, ut proximum $\acute{\upsilon}\mu\acute{\epsilon}\tau\epsilon\rho\omicron\varsigma$ mutandum sit in $\acute{\upsilon}\mu\acute{\epsilon}\tau\epsilon\rho\omicron\varsigma$, et scriptor suum magistrum laudet: quod solet fieri in Olympiodori et aliorum Graecorum Interpretum in Platonem et Aristotelem Commentariis. Sed de hoc novo Anonymo alias uberius dicemus. Quod autem ad praesens in Phaedonem Epigramma attinet, habet sane frigidam et repetitionem in $\epsilon\tau\acute{\epsilon}\lambda\epsilon\sigma\sigma\epsilon$ — $\tau\acute{\epsilon}\lambda\epsilon\sigma\sigma\alpha\iota$, et paronomasiam in $\epsilon\tau\acute{\epsilon}\lambda\epsilon\sigma\sigma\epsilon$ et $\epsilon\tau\acute{\alpha}\lambda\alpha\sigma\sigma\epsilon$: ipsum autem $\tau\epsilon\lambda\epsilon\acute{\iota}\nu$ significatione *iudicandi, censendi, statuendi*, novum est. Nam $\tau\epsilon\lambda\epsilon\acute{\iota}\nu$ $\epsilon\iota\varsigma$ $\tau\omicron\upsilon\varsigma$ $\nu\omicron\theta\omicron\upsilon\varsigma$, passive quidem dici potest *censeri inter spurios*, ut $\sigma\upsilon\nu\tau\epsilon\lambda\epsilon\acute{\iota}\nu$ ϵ . τ ν . quod legitur pluribus locis ab J. Meursio allatis in Athenis Atticis II, 2, p. 73; ut Scriptor per innovationem verbum hoc pro *censere* posuisse videatur, i. e. *facere censeri*: quae enallage significationis in aliis quoque verbis reperitur. Prius distichon non caret elegantia. *Si Plato me non scripsit, duo fuere Platones: Socraticorum flores sermonum omnes gero*. Sed posterius claudicat, non librarii, sed scriptoris culpa. Et huic omnino suam scripturam relin-

quam

quam, nec, quod Brunckius fecit, ultimo versu scribam, καὶ ψυχὴν θνητὴν καὶ νόθον ἐκτελέσαι, ut scilicet tautologia vitaretur: quae aut concedenda est reliquae duritiei distichi, aut interpretando excludenda, ut καὶ — καὶ pro ὥς — οὕτως accipiat: qui usus subinde valet, et animadvertitur ab Hoogeveenio Doctrin. Particul p. 534, et 544, item in οὐδὲ — οὐδὲ a nobis Biblioth. Crit. XII, p. 67. Itaque sententia sic intelligenda, *— Qui ausus est, ut animam mortalem, sic me spurium censeret.* Porro Φαίδρω pro Φαίδωνι scriptum solemnibus librorum temeritate. Nec illud negligendum, quod dicitur ὑπὸ Παναητίου τινος, à Panaetio quodam, neque per contemptum dici potuisse neque à Syriano, neque ab hoc Anonymo, quorum neuter eam fuit doctrinae inopia ut Panaetii laudes et praestantiam ignoraret. Itaque accipiendum à quodam qui item, ut Panaetius, et animum mortalem statuit, et Socraticorum dialogorum censuram agere voluit. Panaetius enim, ut constat, utrumque fecit: nec tamen Phaedonem ad spurios aut retulit, aut referre omnino potuit. Fortasse potuit etiam scriptor Epigrammatis in errorem inductus fuisse male intellecto Grammatici alicujus dicto perhibentis Panaetium de Phaedonis et aliorum quorundam Socraticorum dialogis judicasse; ut adeo Phaedonem philosophum pro Phaedone

dialogo accipere. Qualis est locus Diogenis Laërtii II, 64, τῶν Σωκρατικῶν διαλόγων Παναίτιος ἀληθεῖς εἶναι δεκεῖ τοὺς Πλάτωνος, Ξενοφῶντος, Ἀντισθένης, Αἰσχίνου· διζάζει δὲ περὶ τῶν Φαίδωνος καὶ Εὐκλείδου· τοὺς δὲ ἄλλους ἀναιρεῖ πάντας. Videtur hoc Epigramma ex eorum numero esse, quem undique ex posteriorum etiam philosophorum commentariis collegunt Agathias et Constantinus Cephalas.

P. 113. Τύχη — ἔτυχε —] Exemplum hujus paronomasiae, praeter illud ex Achille Tat. notatum p. 335, legimus etiam in Eunapio Vit. Proaeressii p. 150: τυχὼν δὲ κατὰ τὴν ἑαυτοῦ φιλοτιμίαν τύχης ἀξίας —.

P. 114. Δις ἑπτὰ, Libanius Orat. De ulciscenda Juliani nece, apud Fabricium Biblioth. Gr. Vol. VII, p. 170: Ἐνόησαν μὲν Ἀθηναῖοι διὰ τὸν Ἀνδρόγεω θάνατον, καὶ τῷ πατρὶ τοῦ τετελευτηκότος τὸν δασμὸν τοὺς δις ἑπτὰ ἤνεγκαν —. In Catulli Epithal. 776, scribendum 76.

P. 127. Φιλοσοφίας μὲν οὔσης μεγίστης μουσικῆς. Attigit hanc sententiam J. Davissius ad Maximum Tyrium XII, 7, p. 543.

P. 134: Ὁ — ἐν ἀπορρήτοις λεγόμενος περὶ αὐτῶν λόγος — est interior doctrina Socratis, tradita ab eo discipulis per sermones habitos secreto: distinguitur ab exteriori ac populari. Sic Socrates de justitia se didicisse ait in Cratylō

p. 269, C: μέχρι μὲν οὖν ἐνταῦθα, δ νῦν δὴ ἐλέγομεν, παρὰ πολλῶν ὁμολογεῖται τοῦτο εἶναι τὸ δίκαιον· ἐγὼ δὲ, ὡς Ἑρμόγενης, ἄτε λιπαρῆς ὢν περὶ αὐτοῦ, ταῦτα μὲν πάντα διαπέπυσμαι ἐν ἀπορρήτοις —.

P. 142. Ἀλλὰ σχεδὸν μέντοι ἤδειν· — ἀλλὰ μοι πράγματα πάλαι παρέχει. Pierfonus ad Moeridem p. 173, ex Photii Lexico MS., pro ἤδειν restituit Atticum ἤδη· qua in ratione eum sequitur Larcherus Annot. ad Etymol. M. Act. Acad. Inscript. Tom. XLVII, Histor. p. 165. Neque tamen Aristophanis Avib. 19, Τὼ δ' οὐκ ἄρ' ἦσθην οὐδὲν ἄλλο πλὴν δάκνειν, scribam ἦσθην, *cognoverant*, pro ἤδεσαν· sed vulgatam tuear vertens: *Hi autem duo nil aliud erant, quam mordere*: i. e. *nil nisi mordebant*, ut Kusterus et Berglerus. — Nam Bruncius ἐστὼν, *sunt*, dedit, usum tamen verbi εἶναι retinens: qui sane elegans et Atticus est, et nobis animadversus Biblioth. Crit. X, p. 11. Repetiti ἀλλὰ exempla sunt etiam in Demosthene Advers. Leptin. p. 364, B: ἀλλ' ἐὰν δείξῃ πέντε, ἐγὼ ληρεῖν ὁμολογῶ· — ἀλλὰ καὶ τῶν μετοίκων εἶναι πλείονας ἢ τοσούτους κ. τ. λ. Advers. Midiam p. 597, C: saepius Julianus, Caesariib. p. 333, C. Epist. III, p. 374, C. Sic Latinis *at* — *at*, v. c. Ciceroni Senect. 11. Cluent. 33. Matio Epist. Divers. XI, 28.

P. 144. Ad haec adhibeantur et exigantur

ea, quae de partibus Verbi τεθνάναι tradit eruditissimus vir Augustus Matthiae in Grammatica Graeca p. 328.

P. 149. Graec. Exempl. p. 14. τὰς περὶ τὸ σῶμα θεραπείας δοκεῖ σοι ἐντίμους ἡγεῖσθαι ὁ τοιοῦτος; — ἢ ἀτιμάζειν, καθόσον μὴ πολλὴ ἀνάγκη μετέχει αὐτῶν; hujus capituli imitationem confectatus est Basilii Magnus Homilia XXIV, De Legendis Graecorum Libris T. I, p. 500, B: τί οὖν ποιῶμεν, Φαίη τις ἄν; τί δ' ἄλλογε ἢ τῆς ψυχῆς τὴν ἐπιμέλειαν ἔχειν, πᾶσαν σχολὴν ἀπὸ τῶν ἄλλων ἄγοντας; οὐ δὴ οὐκ τῷ σώματι δουλευτέον, ὅτι μὴ πᾶσα ἀνάγκη· ἀλλὰ τῇ ψυχῇ τὰ βέλτιστα ποριστέον, ὥσπερ ἐκ δεσμοτηρίου, τῆς πρὸς τὰ τοῦ σώματος πάθη κοινωνίας, αὐτὴν διὰ φιλοσοφίας λύοντας, αἷμα δὲ καὶ τὸ σῶμα τῶν παθῶν κρεῖττον ἀπεργαζομένους· κ. τ. λ.

P. 152. Graec. Exempl. p. 15. Οἷον τὸ τοιόνδε λέγω· *Veluti, hoc tale dico.* Non erat praetermittenda formulae venustas, quam memorando hoc loco attigit Heusdius noster in Specimine Platónico p. 7. Sic etiam Leg. I, p. 574, E: Οἷον τὸ τοιόνδε περὶ αὐτοῦ καὶ μάλα εἶχομεν ἂν αὐτῷ διαλέγεσθαι· Maximus Tyrius. XXVII, 5: Οἷον τὸ τοιόνδε λέγω. — σῶμά που τραφῆναι ἀδύνατον, ὅτι μὴ σιτίων προσφορᾷ κ. τ. λ.

P. 155. Olympiodori locum Ruhnkenius ap-

pe-

posuit ad Callimachi Fragm. Bentleyi. Edd. Ernest. T. I, p. 541, ubi ex Eustathio Il. Ψ. 1436 hoc Callimachi laudatur, δραμόντος ἐτέρων ἰχθια μὴ κατ' ὁμά. Valckenarius in fragm. Eleg. Callimach. etiam illud prius Callimachi, certe veteris poetæ, et sic scribendum esse iudicat: — τᾷ μὴ πατέουσιν ἀμάξαι, τᾷ στείνειν — p. 298. Monuit me quoque Eldikius, Literarum nostrarum coryphaeus. Itaque meum commentum lubens deleo.

P. 161. Ὡς τὸ εἰκός· rarius est, pro ὡς εἰκός, vel ὡς εἰκός ἐστὶ, ut *par est*, ut *consentaneum est*. In Platone credo me legisse, quamquam non annotatum in adversariis video, Xenophon aliquoties habet: Cyropaed. I, 2, 11: Select. Gr. p. 122: ἀριστον ἔχοντες πλεῖον μὲν, ὡς τὸ εἰκός, τῶν παίδων, τᾶλλα δὲ ὁμοιον· i. e. *prandium habentes majus quidem, ut par est, quam pueri, caeteroquin autem simile*. Anabaf. III, 1, 14: Select. Gr. p. 174: ἀγνωθῆται δ' οἱ θεοὶ εἰσιν, οἱ σὺν ἡμῖν, ὡς τὸ εἰκός ἔσονται· *certaminis autem praesides, sunt Dii, qui nobiscum, ut par est, erunt*. Agesil. 2130. Basilii Magnus Epist. CCLIV, T. III, p. 252, E: ἀ πάντως μὲν γνωρίζει σοι, ἔωλόν ἐστι καὶ ψυχρόν, πάλαι μεμαθηκότι ὡς τὸ εἰκός· i. e. *haec tibi nunciare ineptum est et obsoletum; quippe dudum, ut par est,*

scienti. Aelianus Var. Hist. III, 20: XIV, 18.

P. 162. Μὴ καθαρῷ γὰρ καθαροῦ ἐφάπτεσθαι μὴ οὐ θεμιτὸν ἤ. Anonymus Interpres Categor. p. 12: μὴ καθαρῷ γὰρ καθαροῦ ἐφάπτεσθαι οὐχὶ θεμιτὸν, κατὰ τὴν Πλάτωνος Φωνήν.

P. 169. Καταλλάττεσθαι. Plato Sympos. p. 334, I: ἀλλάξασθαι κάλλος ἀντὶ κάλλους quo se flosculo ornavit Aristaeus I, 27. Demosthenes pro Corona p. 333, A: τῆς ἐπὶ ταῖς λοιδορίαις ἡδονῆς καὶ χάριτος τὸ τῆς πόλεως συμφέρον ἀντικαταλλαττόμενοι. Maximus Tyrius Disf. XXXII, 2: Ἐρώμεθα οὖν Φίλιππον, τίνος ἀντικαταλλάττη πόνους τοσούτους —. Plutarchus Caesare, p. 1709. E: ἐφήμερον καὶ βραχεῖαν ἀντικαταλλάττεσθαι μεγάλων ἀναλωμάτων δόξαν. Antonio p. 924, B: φόνων γὰρ ἀντικαταλλαττόμενοι φόνους. Adversf. Stoicos p. 1064, A: τῆς φρονήσεως ἀντικαταλλάττονται τὴν ὑγείαν. Dio Chrys. Or. LXXIX, p. 665, B: ἀντὶ χρηστῶν ἄχρηστα ἀντικαταλλαττόμενοι. Notavit dictionem etc. P. Wesfelingius ad Diodor. Sic. I, 2, p. 5. Simplex ἀλλάττεσθαι hoc sensu et constructione est in Platone Leg. VIII, p. 651, C: ἀλλάττεσθαι νόμισμά τε χρημάτων, καὶ χρήματα νομισμάτων. Plutarchus Apophthegm. Lacon. p. 236, A: τῆς ἐλευθερίας — οὐκ ἂν ἀλλάξαιτό τις νοῦν ἔχων τὴν Περσῶν βασιλείαν. Himerius Or. XIII, 6, p. 594: Δειρῆθριοι μὲν ἀντὶ τῆς Ὀρφέως λύ-

αἶρας, ἣν ἀτιμάζειν εἶλοντο, —μανίαν τε καὶ ἀ-
μουσίαν καὶ σιωπὴν ἡλλάξαντο.

P. 171. Proclus Comment. in Platonis Al-
cibiad. I. MS. p. 61: τῶν παρόντων μὲν ὑπερ-
φρονεῖν ὡς ἐσκιαγραφημένων. p. 99: ὁ ταύτην
κτησάμενος οὐκ εὐεξαπάτητός ἐστιν ἀπὸ (lege
ὑπὸ) τῶν εἰδώλων καὶ πρὸς αὐτὰ τὰ ὄντα δύνα-
ται βλέπειν τῶν σκιαγραφικῶν τούτων ἀπαλλα-
γείς. Fons autem hujus praecepti et nominis
est in mirabili illo Platonis antro Rep. VII,
initio.

P. 174. Οὐδὲν ἔτι οὐδαμοῦ ἤ. Julianus in
Caesaribus, p. 18, edit. Heusing. 'Αλλ' ὁ Πομ-
πήιος ἐπῆρέ σε μετὰ τοῦτο, κολακευθεὶς μὲν
ὑπὸ τῶν πολιτῶν τῶν ἑαυτοῦ, γενόμενος δὲ οὐ-
δεὶς οὐδαμοῦ.

P. 175. Παραμυθία sic est apud Sextum Em-
piricum Advers. Mathem. X, 86: παραμυθία
τῶν λημμάτων, *confirmatio praemisfarum*; ut
recte interpretatur Fabricius: ibid. 90, ἡ τοῦ
λόγου παραμυθία· item 100. Sic et verbum
παραμυθεῖσθαι VII, 66. de quo alia ad aliud
tempus reservamus.

P. 179. Ad hunc usum Verborum ἀποδεικνύ-
ναι et ἀποφαίνειν referendi sunt Athenaeus XIV,
p. 620, B: ἔχαιρε γὰρ τοῖς Ὀμήρου Λαρῆνσιος
ὡς ἄλλος οὐδὲ εἷς, ὡς λῆρον ἀποφαίνειν Κάσαν-
δρον τὸν Μακεδονίας βασιλεύσαντα — XV, p.
691, D: simpliciter — ὡς λῆρον εἶναι τὰ —
'Αλέ-

Ἀλέξιδος ταυτί: — Gregorius Naz. Or. XX, p. 319, B: διωγμὸς ἦν — Μαξιμίνου, ὃς — πάντας Φιλανθρώπους ἀπέδειξε· i. e. *persecutio fuit* — . à Maximino facta, prae qua omnes aliae persecutiones lenes et humanae fuisse videbantur.

P. 182. Οὐδαμοῦ φαίνεσθαι. Demosthenes De Falsa Legat. p. 215, A: οὐδαμοῦ γὰρ ἂν Φανῆναι καθ' ἑαυτὸν ἐκείναι· *nil enim effecturum fuisse illum per se solum*.

P. 183. Οὐδαμοῦ θεῖναι τι. Euripides Andromach. 209 — τὴν δὲ Σκυρόν οὐδαμοῦ τίθης. Gregorius Naz. Or. I, p. 22, A: πολλὰ καὶ τακρίναντες ἡμᾶς — καὶ οὐδαμοῦ θέντες ἀπῆλθον.

P. 185. Οἱ ἐρασταὶ ὅταν ἴδωσι λύραν —, Idem Maximus Tyr. VIII, 10: αὐτὸ ἐκείνο τὸ τῶν ἐρώντων πάθος, οἷς ἥδιστον μὲν θέαμα οἱ τῶν παιδικῶν τύποι, ἡδὺ δὲ εἰς ἀνάμνησιν καὶ λύρα —.

P. 187. Verbi ἐπισφραγίζεσθαι vim non cepit interpretes Clementis Alexandr. Strom. I, p. 346, D: — λογισμὸς ἐστὶ τὸ τακτικόν, ἐπισφραγίζόμενος ἐγκράτειαν, σωφροσύνην μεθ' ὁσιότητος — *vertens qui obsignet, vertendum: ratio est quae ordinat, nomen et potestatem sibi sumens continentiae, temperantiae, caet.*

P. 189. — Λήθην λέγομεν ἐπιστήμης ἀποβολήν· In primis hoc fecit Aristoteles Topic. VII, 2; ἀνά

ἀνάγκη γὰρ ἀκολουθεῖν τὰ γένη τοῖς γένεσι, καὶ τοὺς ὄρους τοῖς ὅροις· οἷον, εἰ ἡ λήθη ἐστὶν ἀποβολὴ ἐπιστήμης· καὶ τὸ ἐπιλανθάνεσθαι ἀποβάλλειν ἐπιστήμην ἔσται· καὶ τὸ ἐπιλελῆσθαι ἀποβεβληκέναι ἐπιστήμην.

P. 192. Ἄλλ' ἴσως ἐνι τις καὶ ἐν ἡμῖν παῖς. —] Spectat eodem Plotinus Ennead. I, 4, 15, P. 38, E, τὸν ἐν αὐτῷ κινηθέντα, οἷον πρὸς λύπας παῖδα καταπαύσεις: sic enim legendum pro παῖδας.

P. 193. Ἐπάδειν. *accinere*, metaphorica significatione *suadendi*, *docendi*, *monendi*, *consolandi*, Platonicis est frequens. Sic ipse Leg. II. p. 578, D: 580, D: 581, D: VI, 622, D: VII, 637, C: VIII, 646, D: XII, 687, B. Plutarchus Moral. p. 145, C: 602, E: 604, B: 779, A: 920, C. Julianus Or. VIII, 248, D, ἐπὶ δὴ, de quo item frequenti alias dicemus. Basilius M. Epist. CLXXXVIII, T. III. p. 204, A: εἰδὼν ἐπιτρέψωμεν τῷ λογισμῷ ταῦτα ἡμῖν κατεπάδειν, τάχα ἂν εὕροιμέν τινα μετρίαν τοῦ κακοῦ λύσιν. Joannes Chrysostomus Homil. De Ira. T. I. p. 254, F: τὴν ψυχὴν ἀνὰ δυομένην, καὶ ὀκνοῦσαν, καὶ ἐρυθριῶσαν, καὶ αἰσχυνομένην διέγειρον, ταύτας αὐτῇ συνεχῶς ἐπάδων τὰς ἐπὶ δάς.

P. 194. Exempl. Gr. p. 35. Πολλὴ μὲν ἡ Ἑλλάς — Clemens Alexandrin. Strom. I, p. 302, D: Πλάτων — ἐν τῷ Φαίδωῳ, πάντα χό-
θει

θεν τὸν φιλόσοφον ὠφελεῖσθαι γράφων· Πολλὴ μὲν ἡ Ἑλλὰς, ἔφη, ὧ Κέβης, ἢ δ' ὅς, ἐν ἧ εἰσὶ πάνπαν ἀγαθοὶ ἄνδρες· πολλὰ δὲ καὶ τὰ βαρβάρων γένη.

P. 199. Exempla iteratarum negandi particularum haec etiam cognoscantur: Demosthenis Adv. Leptin. p. 374, C: μὴ ἐξεῖναι τῶν αὐτοῦ δοῦναι μηδενὶ μηδέν· 375, A: μηδενὶ δεῖν μηδὲν δίδοναι, μηδ' ἂν ὅτιοῦν πράξῃ· Adv. Androtion. p. 423. E: δίκην οὐδεὶς οὐδεμίαν μὴ δᾶ· Adv. Midiam p. 405, B: οὐδὲν οὗτ' ἐστίν, οὗτ' ἔσται, οὐ γένος, οὐ πλοῦτος, οὐ δύναμις, δ τοῖς πολλοῖς ὑμῶν, ἂν ὕβρις ἦ, προσήκει φέρειν.

P. 201. Ἄλλό τι ἡμῶν αὐτῶν, ἢ τὸ μὲν —. Vim hujus formulae accurate explicat idem noster quondam eruditissimus familiaris Augustus Matthiae, Grammaticae Graecae p. 675.

P. 202. Πάθημα φρόνησις. Sic Aristoteles De Memoria Cap. II, ἐπιστήμην vocat πάθος.

P. 203. Ὅλῳ καὶ παντί. Anonymus Interpres Categor. p. 61: ὥς οἱ παροιμιαζόμενοι φασὶν ἀλλὰ καὶ παντί, legendum, ὅλῳ καὶ παντί.

P. 204. Ἀθανάτῳ καὶ νοητῷ. Eldikius saepe nobis laudatus hanc mecum animadversionem communicavit. „Quod Olympiodorus νοητῷ interpretatur, intelligente, eodem sensu, nisi fallor scripsit Crito, sive Damippus, apud Sto-

Stobaeum Serm. III, p. 44. τὸ γὰρ ἄλογον καὶ τὸ NOHTON ἐν πᾶσιν ἐνι κ. τ. λ. τὸ δὲ ἐξ ἀμφοτέρων αὐτῶν συγκείμενον ΑΥΤΑ τῷ ὄλῳ καὶ τῷ παντὶ συναρμογὰ ἐντι." Equidem pro priori retineam vulgatum ῥητὸν, quod in principio hujus disputationis cum λόγον ἔχον jungitur, et λογικὸν valet: at posterius prae vulgato ἄ, τε, plane probandum. Utroque in vocabulo veterem lectionem retinet novissima editio Nicolai Schowii: quae ad hoc tempus non nisi XXVI titulis constat. In loco Olympiodori duo sunt animadvertenda. Primum: quod in verbis, νοητὸν λέγει ἑνταῦθα ὁ Πλάτων τὸν νοῦν, οὐ μὲν νοοῦμενον, pro τὸν νοῦν legendum videtur τὸ νοοῦν, ut mox. Alterum: quod in proximis, οὕτω δὲ καὶ Ἀριστοτέλης τὸ αἰσθητὸν αἰσθητικὸν ἐκάλεσεν, dicendum erat — αἰσθητὸν τὸ αἰσθητικὸν ἐκάλεσεν i. e.: id quod sentiendi vim habet, vocavit αἰσθητὸν, scil. *sensibile*; hoc enim Olympiodorus voluit. Habet quidem ἀναίσθητος, ut apud alios, sic apud Aristotelem utramque significationem activam et passivam, quod non sentit, et, quod non sentitur. At idem τὸ αἰσθητὸν, *sensibile*, id quod sentitur vel sentiri potest, et τὸ αἰσθητικὸν, id quod sentiendi vim habet, semper sic distinguit, ut ὁρατὸν et ὁρατικὸν, ἀκουστὸν et ἀκουστικὸν, γευστὸν et γευστικὸν, ὀσφραντὸν et ὀσφραντικὸν, et similia. Videatur Cate-

ria-

riarum Cap. V: De Anima III, 2. item in Illo bello περί Αἰσθήσεως καὶ Αἰσθητῶν.

P. 205. Socratem mense Julio obiisse ex tempore festi *Deliorum*, et theoriae colligitur: quod recte tueretur, Dacierii etiam errorem notans, Larcherus in Actis Academiae Inscription. T. XLVIII, p. 306.

P. 207. Φιλοσοφία — μελέτη θανάτου. Gregorius Naz. Epist. LXX, p. 827, B: ζῆν ἀντὶ τοῦ παρόντος τῷ μέλλοντι, θανάτου μελέτην, τοῦτο ὃ Φησι Πλάτων, τὸν τῆδε βίον ποιούμενον, καὶ λύοντα τὴν ψυχὴν τοῦ, εἴτε σώματος, εἴτε σήματος κατ' ἐκεῖνον εἰπεῖν, ὅση δύναμις.

P. 208. *Humanis vitiis*. Huic Ciceronis loco Tusc. I, 30, geminus est alter ex ejus Hortensio, servatus apud Augustinum De Trinitate IX, 26. Tom. Opp. VIII, p. 684, B: „ si, ut antiquis philosophis, hisque maximis „ longeque clarissimis, placuit, aeternōs animos ac divinos habemus, sic existimandum „ est, quo magis hi fuerint semper in suo cursu, id est in ratione et investigandi cupiditate, et quo minus se admiscuerint atque implicuerint *hominum vitiis et erroribus*, hoc his „ faciliorem adscensum et reditum in coelum fore.”

P. 209. Ψυχὴ — περί τὰ μνήματά τε καὶ τοὺς τάφους καλινδουμένη. Clemens Alexandr. Protreptico p. 37, C: πῶς οὖν ἔτι θεοὶ τὰ ἔδω-

θωλα καὶ οἱ δαίμονες, βδελυρὰ ὄντως καὶ πνεύ-
ματα ἀκάθαρτα, πρὸς πάντων ὁμολογούμενα γήι-
να καὶ δεισάλεα, κάτω βρίθοντα, περὶ τοὺς τά-
φους καὶ τὰ μνημεῖα καλινδούμενα; ubi Potte-
rus imitationem Platoniceam notat. Julianus
Misopog. p. 344, A: de cultu religioso sepul-
crorum — τοῖς περὶ τοὺς τάφους καλινδουμένοις
γραϊδίσις συνεχώρησαμεν. Idem Advers. Chri-
stianos apud Cyrillum Alexandr. X, p. 339,
F: Τούτων οὖν οὕτως ἐχόντων ὑμεῖς ὑπὲρ τίνος
προσκαλινδεῖσθε τοῖς μνήμασι.

P. 215. Φιλοτησίας. Demosthenes De Fal-
sa Legat. p. 216, C: συνεστεφανοῦτο καὶ συνε-
παιώνιζε Φιλίππῳ καὶ Φιλοτησίας προὔπινε: ubi
plura dedit Taylorus in edit. Reisk. T. IX,
p. 404 seq.

P. 219. Exempl. Gr. p. 43. ἡρέμα παραμυ-
θεῖται. Platoni debuit Themistius Or. I, p. 9,
C: ἡρέμα παραμυθούμενοι.

P. 220. Exempl. Gr. p. 44. Hunc usum
particulae οὕτω animadvertimus supra p. 164.

P. 227. Ὀχοούμενον ὥσπερ ἐπὶ σχεδίας.
Gregorius Naz. Or. V, p. 134, D: καθάπερ
ἐπὶ λεπτῆς σχεδίας διαπεραιουμένῳ μικρὸν τι
πέλαγος. Aristophanes Gerytade ap. Athen. XII,
p. 551, D: ὡς σφόδρ' ἐπὶ λεπτῶν ἐλπίδων ὀ-
χεῖσθ' ἄρα· sic Brunckius.

P. 230. Θράττον. Est etiam hoc verbum
in Euripidis Rheso 683. Pherecrate Athenaei

VII, p. 306, A: πάνυ ἐκεῖνο θράττει με — Porphirii Epistola ad Anebonem p. 5, vers. 42: πάνυ δέ με θράττει πῶς οἱ κρείττους παρὰ καλούμενοι ἐπιτάττονται ὡς χείρους. Jamblichus Myster. Aegypt. III, 2, p. 61, vers. 29: ὁ δὲ καὶ σε θράττειν μοι δοκεῖ.

P. 231. Φαίη ὁ λόγος. Plato Philebo p. 88, G: Ἄλλ' εὐθύ τι λέγω, φησὶν ὁ λόγος, καὶ περιφέρει. Sophista p. 157, B: Οὐκ ἂν ὀρθῶς γε, ὡς ἔοικεν, ἐπιχειροῖμεν, ὡς φησὶν ὁ λόγος. quae adhibuit Davisius ad Maximum Tyrium Disf. XXVIII: 5: Λόγοις τοιγαροῦν εὐωχητέον τὰς ἀγαθὰς ψυχὰς, καὶ οὐ δεικανικοῖς λόγοις, φησὶν ὁ λόγος.

P. 231. Ἄνυφαῖνοι. Verbum in Lexico Manuali Hederico-Ernestino exstare, monuit me discipulus et meus et Literarum studiosissimus, idem mihi supra memoratus p. 337.

P. 232. Τὴν φύσιν τῆς ἀσθενείας. Simplicem in hac sententia ac dictione compositionem secutus est Gregorius Nazianzenus Or. X, p. 160, D: Τῆς τε ἀνθρωπίνης φύσεως τὴν ἀσθένειαν ἐπιδείξομεν. Hunc autem in periphrasi usum vocis φύσις attigit etiam Abreschius in Animadvers. ad Aeschylum Lib. III, p. 174.

P. 234. Ἐτυχον γὰρ καθήμενος ἐν δεξιᾷ αὐτοῦ παρὰ τὴν κλίνην ἐπὶ χαμαιζήλου τινος. Non ingratum spero me facturum lectoribus nostris apponenda animadversione ex scripto Com-

Commentario nostro Plutarcheo ad illum memoratum locum, ex hoc Platonico expressum, in Sapientum Convivio p. 150, A, eaque nunc aliquantum auctiore. Est enim illius Commentarii ea fors, ut vel libero cum Britannia com meatu in paucissimorum nostratium manus perventurus esset; nunc autem adhuc clauso, in neminis cujusquam conspectum venerit. Sic igitur habet. „ Exemplum è Platone ductum Phaëdonis p. 389, F —. Vocabulum χαμαιζήλος in Glosfas retulit Timæus, ibique exposuit Ruhnkenius p. 273: ut Adjectivum adhibuit Plutarchus T. II, p. 293, A: χαμαιζήλων φυτῶν. Achilles Tatius Hist. Amat. I, p. 11: καθίσας οὖν αὐτὸν ἐπὶ τινος θώκου χαμαιζήλου, καὶ αὐτὸς παρακαθιστάμενος, Ὅρα νῦν, ἔφην, τῆς τῶν λόγων ἀκροάσεως. Simile quid de Terentio prodit Suetonius in Ejus Vita p. 402: — *Andriam quum Aedilibus daret, jussus ante Cuerio recitare; ad coenantem quum venisset, dictus est, initium quidem fabulae, quod erat contemptiore vestitu, subsellio juxta lectulum residens, legisse: post paucos vero versus invitatus ut adcumberet, coenasse und, deinde caetera percurrisse, non sine magna Caerii admiratione. Et Tacitus hunc morem Romanorum attingit Annal. XIII, 16; ubi J. Lipsius erudite docet, viliorum fuisse conviviarum ad fulcrum lecti sedere, accumbentibus*

caeteris: et quaedam nobis animadversa occupavit, quae idcirco hic omittimus. De Graecis haec Athenaei addimus: I, 18, A: ex Hegesandro: Ἡγήσανδρος δὲ φησὶ, οὐδὲ ἔθος εἶναι ἐν Μακεδονίᾳ κατακλίνεσθαί τινα ἐν δείπνῳ, εἰ μὴ τις ἔξω λίνων ὣν κρατήσειεν· ἕως δὲ τότε καθήμενοι ἐδείπνουν. Κάσανδρος οὖν πέντε καὶ τριάκοντα ὧν ἐτῶν, ἐδείπνει παρὰ τῷ πατρὶ καθήμενος, οὐ δυνάμενος τὸ ἄθλον ἐκτελέσαι, καίπερ ἀνδρείος γεγονώς καὶ κυνηγὸς ἀγαθός. Ex Perseo de Lacedaemoniis IV, p. 140, F: τὸ δ' ὅλον ὥσπερ πολίτευμά τι τοῦτο συνίσταται μικρόν. καὶ γὰρ ὄντινα δεῖ πρῶτον κάτακεῖσθαι ἢ δεύτερον, ἢ ἐπὶ τοῦ σκιμποδίου καθῆσθαι, πάντα ταῦτα ποιοῦσιν εἰς ἐπαίχλα. Caeterum, Lipsius et Plutarcheum locum animadvertit his verbis: *nec alio Plutarchus respexit, cum in Convivio suo reliquos quidem accumbentes facit, at Aesopum, qui servus, sedentem in subsellio apud Solonem.*"

P. 237. Τὸ ποῖον; Sic etiam Epictetus Disser. III, 23, p. 475: Πῶς οὖν εἶπον ἐκεῖνο; Τὸ ποῖον;

P. 239. Τοὺς μὲν χρήστους καὶ πονηροὺς σφόδρα, ὀλίγους. Hinc aliquid duxisse videtur Lucianus Pro Mercede Conductis, §. 13, T. I, p. 722: — ὅψει ὅτι μεγέθει καὶ σμικρότητι διαλλάττομεν τῶν ἀκροτάτων· τὰ δ' ἄλλα, μισθοφόροι ὁμοίως ἅπαντες.

P. 241.

P. 241. Μικρὸν φροντίσαντες Σωκράτους, τῆς δ' ἀληθείας πολὺ μᾶλλον. Spectat huc Anonymus Interpres Categor. MS. p. 16: πιστεύει γὰρ Σωκράτει λέγοντι· καὶ Σωκράτους μὲν ὀλίγον φροντιστέον, τῆς ἀληθείας δὲ πολὺ.

P. 251. Μὴ μέγα λέγε. Adde G. Koenium Praefat. ad Corinthum p. IX, X.

P. 251. Προσκυνῶ δὲ Ἀδράστειαν. Euripides Rheso. 468: — σὺν δ' Ἀδραστεία λέγω. Julianus Epist. XXIX, p. 403, B: Ἀδραστεία δ' εὐμενὴς εἶη. LIX, p. 445, D. Themistius Or. XXXI, p. 354, B: ἔξεστί μοι παρακαλέσαντι τὴν Ἀδράστειαν ὑψηλογῆσαι. Libanius Or. Ad Eos Qui Molestum Eum Appellabant: apud Fabric. B. G. VII. p. 199: σὺν Ἀδραστεία δ' εἰρήσεται.

P. 253. *Partem philosophiae physicae, quae tunc una adhuc philosophiae pars, auctoribus Jonicis, Pythagoricis, Eleaticis, florebat.* Haec non ad vivum refecanda, sed intelligenda eo modo, quo diximus Philomathiae Lib. II, p. 240. Nam et Ethica tractabatur a Pythagoricis, et Dialectica a Zenone Eleate ejusque sectatoribus.

P. 254. Exempl. Gr. 64. Ἀρ' ἐπειδὴν τὸ θερμὸν καὶ τὸ ψυχρὸν γηπεδῶνα τινὰ λάβη, ὥς τινες ἔλεγον, τότε δὴ τὰ ζῶα συντρέφεται. Monuit me Paradyfius noster de Curtii Sprengelii conjecturâ proditâ in ejus Historia Medi-

cinae Germanice scripta, Tomo I, p. 443, ψυχρὸν mutantis in ὑγρόν. Quam sane mutationem et res ipsa postulat, et commendat proclivitas librarii, propter frequentem in hac disputatione θερμοῦ et ψυχροῦ oppositionem, facile in istum errorem incidentis.

Ibid. Πότερον τὸ αἶμά ἐστιν, ᾧ φρονοῦμεν, ἢ ὁ αἷρ, ἢ τὸ πῦρ. Poterat item addi Stoicorum ex Heraclito repetitum placitum, et Diogenes Laërtius VII, 156, 157, et Disertationis nostrae De Placit. Immortal. Sect. VIII, p. 70.

P. 256. Ἐνὶ λόγῳ. Plato Leg. VII, p. 636. Dio Chryf. Or. LXXVII, p. 651, C. Plutarchus Pompejo p. 645, D. De Ifid. et Ofir. p. 377, A. Plenius Galenus De Sanitate Tuenda. II. Edit. Charter. T. VI, p. 75, C: λόγῳ ἐνὶ καὶ πρώτῳ. Budaeus Comment. Ling. Gr. p. 984.

P. 257. Κατὰ νοῦν. *ex animi sententia, gratum.* Julianus Or. VIII, fin. p. 252, D. Anonymus apud Suidam in Ἀειφυγία.

P. 263. Δέον, *id quod oportet, officium,* quasi *ligans*, a verbo δεῖν *ligare* ductum, quibusdam videri Plato in Cratylo p. 271, tradit: τὸ δέον φαίνεται δεσμεῖν εἶναι. Quam significationem suae disputationi accommodat Plotinus, VI, 2, p. 753, C—F.

P. 265. Platonis, ut videtur, Comici, verba

ba

ba ὡς καὶ νῦν ἔχομεν παρουσίας, quum in fine jambos habeant, suspicionem praebent versum hujusmodi fuisse 'Ἄλλ' ὡς γε καὶ νῦν εἶχομεν παρουσίας.

ibid. Ad illam formam constructionis verborum χαίρει προσχγορευμένους τι referenda etiam sunt haec Platonis Euthyphrone p. 51, G: τί ποτε ὃν τὸ ὅσιον, εἴτε φιλεῖται ὑπὸ τῶν θεῶν, εἴτε ὅτιδ' ἄσχει Symposio p. 331, F: τοῦτον οὖν τὸν λόγον, ὃ Φαῖδρε, εἰ μὲν βούλει ὡς ἐγκώμιον εἰς Ἑρωτα νόμισον εἰρησθαι· εἰ δέ, ὅ, τι καὶ ὅπῃ χαίρεις ὀνομάζων, τοῦτο ὀνόμαζε. Athenaei VI, p. 234, D: Πολέμων γοῦν ὁ εἴτε Σάμιος, εἴτε Σικυώνιος, εἴτ' Ἀθηναῖος ὀνομαζόμενος χαίρει VII, p. 277, D: ὁ τὴν Τιτανομαχίαν ποιήσας, εἴτ' Εὐμηλὸς ἐστ' ὁ Κορίνθιος, ἢ Ἀρκτῖνος, ἢ ὅς τις δήποτε χαίρει ὀνομαζόμενος VIII, p. 234, B: ὁ τὰ Κύπρια ποιήσας ἔπη, εἴτε Κύπριός τις ἐστὶ, ἢ Στάσινος, ἢ ὅς τις δή ποτε χαίρει ὀνομαζόμενος.

P. 267. Τὰ ἀνωτάτω, scilicet *principia*, *genera summa*. Sextus Empir. Adv. Mathem. IX, 117, X, 38, ibidem Fabricius: idem ad VIII, 223, de Adverbio ἀνωθεν, paulo tamen aliter quam de *genere*.

P. 269. Exempl. Gr. 72. Οὐκ ἂν φύροιο. Verbum aliquoties a Platone positum, ut notet *turbare in disputando*. Gorgia p. 288, D: φύρονται ἐν τῷ αὐτῷ καὶ περὶ ταυτὰ σοφισταὶ τε καὶ ῥή-

τορες. Sic συμφύρειν Philebo 74, C. Alibi simpliciter. Epictetus Disf. II, 12, p. 230: οἱ δὲ πολλοὶ καὶ εἰκαῖοι φύρονται καὶ φύρουσι. IV, 13, p. 675: καὶ φύρω καὶ φύρομαι. Plutarchus De Isid. et Osir. p. 378, D. Defect. Orac. 416, F. Aristides T. II, p. 112: πάντα ταῦτα τῶν φυρόντων ἐστὶ τὰ δνόματα. Ibid. p. 314: καὶ μὴ φυρώμεθα ὥσπερ ἐν νυκτομαχίᾳ.

P. 270. Ἰδέα et εἶδος promiscue etiam ponuntur in Euthyphrone p. 49, H; 50, A; 51, C.

P. 283. Ψυχὴ ἂν εἴη, πρὸς τῷ ἀθάνατος εἶναι, καὶ ἀνώλεθρος: i. e. *anima, praeterquam quod immortalis est, etiam interitus expers sit*. Huc pertinet Athenaeus I, p. 33, E: ὁ Ταινιωτικὸς, πρὸς τὸ ἡδὺς εἶναι, ἔχει τὸ καὶ ἀρωματώδες. Diphilus Siphnius, medicus, apud eundem: ἡ γεγγυλὶς — γλυκυτέρα γάρ' ἐστὶ καὶ πεπτικωτέρα πρὸς τῷ εὐστόμαχος εἶναι. In hac compositione πρὸς τὸ rarius est quam πρὸς τῷ, ut monuimus item in Animadversf. ad Plutarchi Mor. editionis Oxoniensis, Consolat. ad Apollon. p. 115, B. Sed illarum Volumen Animadversionum quum nesciamus quando ad nos venturum sit, ejusque ego non nisi scriptum exemplum in manibus habeam: et homines nostrarum Literarum studiosi succensere, certe subirasce, mihi videantur eos si quando ad illas Animadversiones rejicienti; age eorum sto-
ma-

macho consulamus, et locos Auctorum ibi expofitorum, faltem fuis paginis, notemus, ut et nos brevitatis rationem habeamus, et ipfi locos illos evolvere et infpicere poffint. Igitur Platonis funt, Theaeteto p. 132, G: Sympof. 324, F: Phaedro, 342, B: Leg. VI, 618, E: 622, D. Plutarchi Sympof. IV, p. 669, B: VIII, 710, D: Praecept. Reip. 815, E: Malign. Herodot. 855, B: Adverf. Epicur. 1092, E: Fabio Max. 175, A: M. Coriolano 253, E: Pelopida 280, F: Marcello 303, C: Tib. Graccho 831, E. Dionis Chryf. Or. VI, 109, B: 98, C: LXV, 600, D. LXXVIII, initio. Aristidis Or. Plat. I, p. 75. Horum quidam emendantur: quod nunc referre longum erat.

P. 285. Xenophontis verba, Hellenic. V, 1, 10: *ἐνθα ἡ Τριपुरγία καλεῖται*, imitatus videtur Procopius Bello Perf. II, 27, p. 330, D: *ἀμφὶ πύλας τὰς Σόνας καλουμένας ἐξὸν τοῖς ἐπομένοις ἐμάχετο· οὗ δὲ Τριपुरγίαν καλοῦσι τὸν χῶρον.*

P. 289. *Ὁ ἐκάστου δαίμων, ὅσπερ ζῶντα εἰλήχει.* Huc pertinet etiam disputatio Jamblichi Protrept. p. 11.

P. 297. Ad argumentum de aequilibrata Terrae referendus est Cicero De Natura Deorum II, 39: *Ac principio Terra universa cernatur, locata in media sede mundi, solida et*

globosa, et undique ipsa in sese nutibus suis conglobata. Eadem cum Mundo communicatur ibidem 45: Quocirca, si mundus globosus est, ob eamque causam omnes ejus partes undique aequabiles ipsae per se atque inter se continentur; contingere idem Terrae necesse est, ut omnibus ejus partibus in medium vergentibus: id autem medium infimum in sphaera est: nihil interrumpat, quo labefactari possit tanta contentio gravitatis et ponderum. De Oratore III, 45: Incolumitatis ac salutis omnium causa videmus hunc statum esse hujus totius mundi atque naturae, rotundum ut coelum, terraque ut media sit, eaque sua vi nutuque teneatur. Ovidius Met. I, 12: Nec circumfuso pendebat in aëre tellus, Ponderibus librata suis. Ubi similia dat N. Heinsius.

P. 301. Julianus Or. V, p. 170, D, *Ter-ram* significans, eam dicit, τῶν ὄντων ἀποκάθαρμα καὶ τρύγα καὶ ὑποστάθμην.

P. 308. Θέαμα εὐδαιμόνων θεατῶν. Geminum huic est dictum Platonis in Phaedro, p. 346, C: μακαρίαν ἔψιν τε καὶ θέαν — εἶδον. Quod significat Jamblichus Myster. Aeg. I, 12, p. 23: ἐν γὰρ τῷ θεωρεῖν τὰ μακάρια θεάματα, ἡ ψυχὴ ἄλλην ζωὴν ἀλλάττεται: et totum locum perperam cum Metrodori Epicurei sententia continuavit Clemens Alexandrinus, aut librarius, in ejus Strom. V, p. 614, B.

P.

P. 314. Τῇ ὑστεραίᾳ ἢ ἢ τὰ ἐπινίκια ἔθουεν.
Formam constructionis attigit Bastius in Appendice Epistolae Criticae Praefat. p. VII.

P. 327. In Theophrasti Hist. Plant. IX, 17, et Dioscoridis IV, 79, *Chii* dissenſu codicum dubiam habent lectionem, ut, pro iis *Cei* substituendi videantur. Nam et pronunciandi in his vocibus idem fere fuit sonus: et credibile est Ceorum fuisse inſigne prae caeteris ſtudium colendae componendaeque cicutae, propter morem antiquitus apud eos vigentem, ut ſenes ſibi ſponte ſumenda cicuta mortem expedirent. Quo de more tradit Strabo X, p. 744, ſeq. apponens Menandri verſus: Καλὸν τὸ Κεῖων νόμιμόν ἐſτι, Φανία, Ὁ μὴ δυνάμενος ζῆν καλῶς, οὐ ζῆ κακῶς: item Aelianus Var. Hist. III, 37: Heraclides de Rebuspublicis p. 516, ubi perperam *Cois* tribuitur, ut monet Holſtenius ad Stephanum Byz. voce Ἰουλίς. Omnino ſaepe in libris confunduntur *Chii*, *Cei*, *Cois*: quo pertinent dicta Villoiſoni in Actis Academiae Inſcript. T. XLVII, p. 325: et de prioribus duobus populis notum illud Ariſtophanis Ran. 1001: Πέπτωκεν ἔξω τῶν κακῶν, οὐ Χίος ἀλλὰ Κίος. Itaque ſimile mendum ſuſcepit Meleagri Epigramma CXXII, quod ſub Antipatri nomine eſt in Anthologia Brodaeī III, 6, p. 312; unde diſtichon ſaltem apponemus:

Γήραι δ' ἢ νοῦσω βίον ἔλλιπες; "Ηλυθὸν ἄδαν
 Αὐτοθελεῖ, κείνων γευσάμενος κυλίκων.

Ubi istud κείνων, quod male habuit interpretes, mutandum in Κείων, i. e. *Cea gustans pocula*. Ad eandem causam pertinet, quod est apud Stobaeum Florilegii Tit. VII, p. 90, de Erasistrato, Medico illo, ut videtur, quem alii Κεῖον alii Κῶον patria faciunt: Ἐρασίστρατος δ' Χίος ἤδη γηραῖος ὢν, ἔλκος ἐπὶ τοῦ ποδὸς ἔχων· Εὖ γε, εἶπεν, ὅτι τῆς πατρίδος ὑπομιμνήσκομαι· καὶ κῶνειον πῖον κατέστρεψε.

P. 330. Eldikius haec annotavit: „ in Gregorii Nazianzeni loco ἐπειδὴ δὲ προσηνέχθη „ τὸ κῶνειον, δέχεται μάλα ἩΔΕΨ, non „ necesse quidem ut scribatur, nescio tamen „ an olim ad Platonis Plutarchique rationem „ scriptum fuerit ΙΔΕΨ.”

P. 334. Συνέλαβε τὸ στόμα καὶ τοὺς ὀφθαλμούς. Alius etiam in adversariis erat locus Joannis Chrysostomi, Homil. Antiochen. XX, p. 222, F, seq.: ἡμεῖς δὲ αὐτὴν καταλείψαντες ἀπελευσόμεθα, καὶ οὐκ ὀψόμεθα ἐκπνέουσιν, καὶ τὰς τελευταίας ἀφεῖσαν φωνάς; ἀλλ' αὐτὴ μὲν κατ' ἐκάστην ἡύχето τὴν ἡμέραν ἡμᾶς δὲ (f. αὐτῆς) ὀφθαλμοὺς καθελεῖν καὶ στόμα συνελεῖν, καὶ περιστεῖλαι, καὶ τὰ ἄλλα πάντα πρὸς τὸν τάφον ἐπιμελήσασθαι. κ. τ. λ.

Haec

Haec igitur nostrae editionis et descriptio fuit, et accessio. Quod si quaedam etiam sint recentiores Phaedonis editiones, quae ad notitiam nostram non pervenerint, nec ad usum à nobis adhibitae sint: de quo statuere non possumus; non dubitamus fore, ut docti quidem et prudentes lectores, ea quae defunt nostrae operae, iis quae adfunt compensaturi sint.



II.

DAVID RVHNKENII, LVD. CASP.
VALCKENAERII *et aliorum* ad IOH.
AVG. ERNESTI, EPISTOLAE.
Accedunt DAV. RVHNKENII *Ob-*
servationes in Callimachum. L. C.
VALCKENARII *in Thomam Mag.* et
IOH. AVG. ERNESTI *Acroasis in-*
edita. *Ex autographis edidit Joh.*
Aug. Henr. Tittmann. Prof. Lips. Lip-
siae apud Gerhardum Fleischerum jun.
1812. 8. pagg. 204.

Censurae huic subjicitur :

Defensio Batavorum contra Tittmannum.

Philomathiae Sodales Lectoribus S.

Quod de suis Fabulis dixit Phaedrus: *Duplex*
libelli dos est: quod risum movet, Et quod
prudenti vitam consilio monet: hujusmodi quid
nobis ad hunc libellum in diverso genere acci-
dit. Nam et Epistolae scriptaeque doctorum vi-
rorum haud imprudentem habent doctrinae ad-
monitionem: et editor nobis risum movit in
prae-fatione fluctus quasi in simpulo excitans,
Ba-

Batavis literatoribus ut iratus Jupiter ambas buccas inflans, eosque immisericorditer ad proletarios abjiciens. Caeterum libellus quum prius nobis quam Philomathi in manus incideret, isque, oculorum infirmitati parcens, eum legere superfederet, nos ei inde particulas et argumenta narrantes paulatim in eam sententiam inducti sumus, ut judicaremUS reprehensionem, quamvis deridendam, tamen refutandam esse, idque nos acturos affirmaremUS. Tum ille „Vos vero, inquit, vestro arbitratu defendite existimationem Batavorum nostrorum: de me quidem hoc unum agite, ut ostendatis quantum a veritate aberret reprehensor dictitans me osorem Germanorum, Ernesti adulatorem et calumniatorem: qui nullum umquam populum odi, neminem umquam hominem adulari potui; indeque mihi multorum invidiam contraxi: Ernestum autem et vivum et mortuum, ut nemo alius magis, ex vero aestimavi, miratus sum, laudavi.” Nos igitur ad propositum veniamus, et primum de Epistolis et scriptis virorum doctorum, deinde de praefatione editoris, videamus.

Primae sunt Epistolae Ruhnkenii, numero tredecim, a pagina 1 ad 40, scriptae ab anno MDCCLXVIII ad MDCLX, omnes fere de instituta Callimachi editione, ad quam Ruhnkenium Ernesto plurimum adjumenti et copiarum contulisse apparet: quaedam etiam, quae non illius

no-

nomine insignita sunt: de quibus ille Ep. XII. p. 37, sic ad Ernestum: „ In notis tuis ubi-
 „ que summa humanitate erga doctos homines
 „ usus es: erga me quidem nimia; sic ut pau-
 „ corum etiam locorum, quos Tibi suggesse-
 „ ram, indicium mihi tribueris. Verum cum
 „ non consueverim laureolam in mustaceo quae-
 „ rere, nomen meum passim deleui. Ex tali-
 „ bus nihil mihi laudis vel accrescit vel dece-
 „ dit. Tibi vero, qui editoris partes sustines,
 „ ne levia quidem sunt praetermittenda.” Alia-
 rum rerum rara et brevis injicitur mentio: v. c.
 Epistolarum Criticarum Ruhnkenii: ejusdem
 peregrinationis Parisinae: delati sibi muneris
 Lectoris LL. Gr. in Academia Leidensi: de
 Corradi libro Quaesturae Ciceronianae priore
 parte recens reperta augendo: de nova editione
 operum Xenophontis, et Animadversionibus in
 Lucianum, ab Ernesto destinatis: caet.

Sequitur epistola una J. R. Ernstii ad Er-
 nestum data Groningae d. VIII Jul. a MDCCCLII.
 Fuit is Fernas Helvetius, auditor et familiaris
 Danielis Wyttenbachii patris, S. Ministerii
 Candidatus, Graece doctus, et bene idem La-
 tine scribens, ut testatur haec et alia ad Reiskium scripta epistola indidem ejusdem anni Kal.
 Jun. edita in Vita Reiskii p. 539. Tunc lite-
 ratum, quod vocant, iter, ut solent Helvetii
 liberaliter instituti adolescentes, per cultiores

Eu-

Europae regiones faciebat; Lipsiâ, ubi Ernesti et Reiskii consuetudine usus erat, per Hamburgum et Bremam, venit Groningam: ibique plures menses degens Francqueram excurrit ad Valckenarium, ab eoque Ernesti nomine rogavit, ut huic annotationes suas in Callimachum impertiret: quo de negotio praestitit ipsius Ernestii verba referre: „ Petii quidem Tuo nomine, ut
 „ Tecum quidquid hujus laboris esset, com-
 „ municet: sed impetrare non potui; quod
 „ pleraque satis tumultuarie ad juvandam solam
 „ memoriam in schedas conjecta esse diceret,
 „ nec haberet quidquam elaborati. Ait tamen,
 „ si gratum Tibi id fore intellexerit, per lite-
 „ ras Tecum de Callimachi quibusdam vexatio-
 „ ribus locis esse acturum: non ut ipse, quum
 „ Tu eum auctorem es editurus, in scena com-
 „ pareat publice; sed ut ansam praebeat me-
 „ ditationi Tuae, eique quodammodo subser-
 „ viat. En specimen, quod ut ad Te mitte-
 „ rem, potestatem mihi fecit Vir Clarissimus”.
 Subjunctae sunt duae emendationes, Epigramma-
 tis XLIII et Fragmenti Bentleiani CXLVI,
 tum commemoratio fragmenti apud Tryphonem
 p. 579. edit. Ern. de quo, quid judicet Ernes-
 tus, scire se avere profitetur Valckenarius.

Hinc duae succedunt Valckenarii Epistolae;
 altera scripta Kal. Octobr. a MDCCII, habet
 quatuordecim circiter in Epigrammata et Frag-
 men-

menta correctiones: altera, edito jam Callima-
 cho, Cal. Aug. MDCCLXI, habens notationem
 decem circiter locorum, de quorum curatione ab
 Editore dissentiret. Ex utroque verba quae-
 dam apponere juvat. Exordium prioris hoc est:
 „ Bene sit Ernstio, qui tuam mihi benevolen-
 „ tiam sic paraverit, eas ut ad me dares lite-
 „ ras humanitatis plenas, quibus nihil acci-
 „ dere poterat huic homini jucundius: sed illud
 „ Ernstium scripsisse nolueram, libenter me
 „ meam de vexatioribus Callimachi locis sen-
 „ tentiam ad Te perscripturum. Sunt enim
 „ non pauca, quibus illuminandis ego quidem
 „ prorsus impar, Te solum idoneum judico.
 „ Gratulor Callimacho, quem Tu, Virorum
 „ praestantissime, Tibi sumseris expoliendum,
 „ Meas animadversiones, quas Tecum communi-
 „ cari benigne petis, exspectare noli. Tentā-
 „ mina quaedam critica libenter ad Te perscri-
 „ bam ea lege, ut si quid his insit, quod et
 „ verum videatur, et Tibi forte non in men-
 „ tem venerit, his, quando commodum erit,
 „ utaris tamquam tuis: reliquis, quae minus
 „ probantur, rejectis et ne memoratis quidem.
 „ Si quid etiam fragmentorum est in schedis,
 „ quod à Bentleio sit praetermissum, colligam
 „ aliquando Tecumque communicabo: sed hoc
 „ quidquid est, erit non magni sane quam mo-
 „ menti.” Haec autem Callimachea sua anno-

ta-

tata Ernestum non desiderasse, diserte ad ipsum scribit in altera Epistola p. 53: „Operae nunc
 „occupantur in Herodoti libro VI. In VII,
 „VIII, IX, Tu si quid habes exquisitius, ut
 „habiturum Te confido, quod meis observa-
 „tis intertextum non nolis, id, quaeso Te,
 „mecum communica. Libenter mea quoque
 „misissimam, si desiderasses, in Callimachum
 „observata; qui poetam illum olim non indi-
 „ligenter tractaveram. Eorum partem tum à
 „Te, tum ab amicis aliis, in hac Tua editio-
 „ne splendidissima, occupatam vidi, *νῆ τὰς*
 „*Μούσας, ὅμματι μὴ λοξῶ.*”

Deinceps sunt quatuor Musgravii, anni
 MDCCCLVII, et MDCCCLVIII, una Oudendorpii a.
 MDCCCLV: una P. Burmanni, ejusdem anni: sex
 J. J. Breitingeri, ab a. MDCCXLVI ad MDCCCL:
 una Barsotti, qui lectiones codicum Vaticano-
 rum Ernesto miserat, ut ipse narrat in Praefa-
 tione Callimachea p. *5: porro, una Wytten-
 bachii a. MDCCCLXXVI: denique una Franciee
 scripta Oliveti, Parisiis d. IX Aug., anni nota
 omisâ. Quae omnes Epistolae quum fere ma-
 gis sint officiosae quam literatae, earum argu-
 menta referre nil attinet.

Subjiciuntur alia scripta. Primum schedae
 Ruhnkenii cum Ernesto communicatae à p. 92
 ad 136. I. Variæ lectiones Codicis Regii, in
 Callimachi Hymnis et Scholiasta. II. Annota-

ziones in Callimachi Epigrammata. III. Ad Callimachi Epigrammata et Fragmenta, et Hymnos. IV. In Epigrammata, è Salmasiano exemplo Anthologiae ineditae, Parisiis sibi emto. V. Quatuor alia Epigrammata aliorum, suo ordini restituta. VI. Ad Callimachi Fragmenta. VII. Variantes Codicis Leidensis in Aristophanis Nubes. VIII. Variantes Angeli Caninii editioni adscriptae. IX. D. Ruhnkenii Notulae in Scholia. X. Danielis Heinssii Notulae adscriptae in editione Frobeniana Aristophanis Nubibus. Et Callimacheas quidem Ruhnkenii schedas, jam ab Ernesto ad usum adhibitas et editas, quare rursus totas ediderit Tittmannus rationem reddit in notula p. 96:

„ Hae annotationes et sequentes mutatae non
 „ uno loco reperiuntur in editione Callimachi,
 „ nonnullae omisae, aliae sine Ruhnkenii no-
 „ mine repetitae sunt. Sed nomen quidem
 „ suum Ruhnkenium ipsum extinxisse (immo
 „ *delevisse, induxisse*) ipsius verba docent in
 „ Ep. XII: vide supra p. 112. Et ipse etiam
 „ observationes suas remissas mutasse et auxisse
 „ videtur: quod in Vita Arati, quam infra ex
 „ ipsius Ruhnkenii schedis repetimus, manifes-
 „ to factum est. Certe nihil infcio Ruhnkenio
 „ Ernesti (quidni *Ernestus*, vel *Ernestius*?)
 „ mutavit aut omisit: omnia enim ad illum hic
 „ misit, ut typis exscriberentur.” Similis est

no-

notula editoris p. 106. ad *Vitam Arati*, quae cum notis Hemsterhusii et Ruhnkenii tota reponitur ex editione Callimachi p. 590: „Ex-
 „ scripta quidem est haec Vita Arati in editione
 „ Callimachi Ernest. T. I, p. 590: sed eam
 „ repetendam tamen duxi hoc loco, non modo
 „ quod in iisdem schedis scripta erat, sed quod
 „ Ruhnkenii et Hemsterhusii ad eam annotationes differre intellexi ab illis quae editioni sub-
 „ jectae sunt. Quas ne Ernesti arbitrio mutatas quis putet, ipsa comparatio impediet,
 „ quum secundas illorum virorum curas luculenter prodere videantur. Quod supra etiam
 „ de fragmentis et annotationibus ad Callimachum observavi (immo *monui*, vel *obser-*
 „ *vasse me scripsi, dixi*).” Nostro quidem iudicio, editor emtoribus lectoribusque magis consulisset, si eos tantum locos edidisset, in quibus schedae ab editione differebant; quid enim attinebat omnia edita rursus apponere? aut, si tamen omnes schedas edere volebat; saltem locos ab editione differentes notasset. Nunc omnia reddens, simul quaerendi laborem lectoribus reliquit.

Tria sunt reliqua capita. XI. Excerpta Codicum Ambrosianorum Mediolanensium in Callimachum. XII. L. C. Valckenaerii Adnotationes ineditae in Thomae Magistri Eclogas a p. 141 ad 188, a hoc margini, ut solebat, exem-

pli sui obiter inscriptae; itaque subinde obscurae; an hoc exemplum ex auctione Luzaciana, aut unde, editor nactus sit, non dixit. XIII. Acroasis coram Celsissimis Principibus, Domino Friderico Christiano Electoratus Saxonici herede, ac Domino Xaverio Saxoniae Duce, clementissimis Dominis recitata d. xv Octobr. A. C. MDCCXLIV, à Io. Augusto Ernesti Humanior. Literar. Prof. Argumentum est, *De artibus politicis, quibus Caesar Augustus usus est in summo imperio Romae sibi comparando*: quod, licet notum et ab aliis saepe tractatum, tamen ab Ernesto, ut omnia in disferendi genere scripta, tanta cum iudicii et orationis facultate explicitum est, ut vel decies lectum repetitumque placeat.

Caeterum desideravimus Indicem rerum et verborum, debitum illum huiusmodi argumenti libro et necessarium ad eum commode legendum ac pervolvendum; quod dudum verissime dixit vir magnus, Jacobus Gothofredus Opuſc. Minor. p. 358, librum omnem sine Indice prope inanimum esse et cadaver.

Veniamus ad praefationem, quae continetur epistola ad Heynium. Neque tamen hic eam legisse videtur, praepeditus quippe urgente facto. Principio editor supercilium tollit, vultum ad severitatem componit, ut lectores suspensos teneat quorsum habitus animusque iste eva-

evasurus sit: qui mox evadit in agrestem ac stolidam infectionem Wyttenbachii et literatorum Batavorum. Initium repetit a contemtoribus Ernesti p. IV: „quem plerique spernere didicerint, aetate nostra, multique, quem vivum „adulati fuerant, mortuum *lacescere* consueverint; ut parum absit, quin Ernesti Graecas „literas ignorasse vel pueris videatur” — p. X. „in iudicio de Homeri editione ferendo, de „qua tam iniquos iudices Ernesti habuit, ut „etiam pueris vix Hagerianae praestare videretur.” Haec ad Germanos pertinere possunt: ad Batavos non possunt; quippe apud quos Ernesti memoria, magis quam apud alios populos, ut viri summi et accurata elegantique doctrina meritissimi, grato animo colitur, ejusque scripta frequenti usu teruntur. Homeri autem editio quatuor abhinc annos in auctionibus quinquaginta, Ciceronis altera triginta sex florenis vulgo vendebatur. Caeterum et haec Tittmannus nesciebat, et mortuos non *lacesci*, sed vivos; siquidem hoc verbum valet *provocare, excitare*.

Jam aures arrigite Batavi Literatores, eadem enim ignorantia editor in vos invehitur: „Sed „alia”, inquit p. X. „est accusatio, quam „contra illum proferre solent, eaque tanto „speciosior, quanto quisque ex grege philologorum ad invidiam ipse pronior est. Dicunt „nimirum, virum illum aliorum doctissimorum

„ hominum copiis , quibus ipse careret , uti
 „ potuisse , sed eas aut ultro oblatas repudias-
 „ se , aut in scriniis suis retentas alijs invidis-
 „ se , aut etiam petere ab alijs noluisse , ne
 „ ipsius paupertas ab illorum hominum divitiis
 „ obscuraretur. Quae accusatio à nemine atro-
 „ cius quam à Wyttenbachio prolata est in vi-
 „ ta Ruhnkenii , cuius summa familiaritate usus
 „ esse videtur. Scripsit enim p. 155 , ad Xe-
 „ nophontis Memorabilium editionem quintam
 „ Ernesto ab Ruhnkenio varias codicum scrip-
 „ torum lectiones ipsiusque animadversiones mis-
 „ sas esse , eundemque Valckenaerio persuasis-
 „ se , ut et ipse suas annotationes adjungeret.
 „ Sed quoniam Valckenaerius , dum Xenophon-
 „ tis locos attingeret , simul Ernestum candide
 „ et simpliciter reprehendisset , eaque censura
 „ huic minus grata accidisset , parum abfuisse
 „ quin totam Valckenaerii operam ab instituta
 „ editione excluderet ; Ruhnkenii tamen arbi-
 „ trio factum esse , ut partis , qua ipse corri-
 „ geretur , rationem haberet quantam ipse vel-
 „ let , omisfa Valckenaerii mentione ; at sub
 „ hujus nomine adderet reliquas annotationes ,
 „ quae ad ipsum Xenophontem referrentur ;
 „ atque ab illo tempore Valckenaerium inter et
 „ Ernestum , quamquam nec antea fuisset amo-
 „ ris ardor , magis etiam frigus et suspensionem
 „ fuisse. Sed huic narrationi quanta fides ha-
 „ „ ben-

„benda sit alia accusatio ostendit, quam de
„Callimacho adversus Ernestium protulit.”

Hoc vero nobis nec opinatum accidit, quod in libro de Vita Ruhnkenii jam per quindecim annos cognito et per totam Europam lectione literatorum hominum celebrato, horum nemo illas de Ernesto narrationes invidiae accusavit: sed primus tam acute videre sibi visus est Tittmannus: isque Profesor Lipsiensis idemque, ut fertur, Theologiae Doctor, adeo inconsiderate garrit et falso impudenterque in Wyttenbachium invehitur quasi *accusatorem* Ernesti: quem nemo magis quam Wyttenbachius miratur et laudat, suisque discipulis legendum imitandumque commendat: quemque ideo in Vita Ruhnkenii cum hoc ipso, Valckenario, Hemsterhusio, Albertio, comparasset vera aestimatione, non falsa laudum praedicatione; abundantem quippe propriis laudibus, quibus eas, quae ei deessent, ita compensaret, ut omnium consensu, magni et summi viri nomen tueretur. Quod si non animadvertit Tittmannus; aut non potuit, aut noluit, animadvertere; igitur aut hebes, aut malevolus, est. Sed videamus, primo de Xenophontea accusatione, deinde de Callimachea.

Ergo si alii item dixerunt, quod T. significat, Ernestum oblatis sibi virorum doctorum copiis uti noluisse easque repudiasse, idem à

Wytttenbachio dictum, idcirco minus ab eo fictum haberi debet. At, inquit, a nemine, quam a Wytttenbachio, *atrocius* prolata est haec *accusatio*. Atqui haec non est *accusatio*, sed narratio, relatio; narratur enim res sine accusatione aut reprehensione. Neque *atrox* est; quippe quae non habet crudelitatem aut immanitatem, quae cum atrocitate conjunctae sunt: sed est simplex, *ἄνακτος*, diserta. Reprehensor autem verborum proprietatem Latinam non satis tenere videtur: quod et supra vidimus: et mox videbimus, ubi dicit *ne illius paupertas illorum hominum divitiis obscuraretur*: dicendum erat *in i. h. d. appareret*, aut *ne illius copiae obscurarentur*; sic sane Ernestus scripsisset, et postulabat ratio verborum agentium et negantium. Porro Tittmannus invidiose egit, quod omisit verba Wytttenbachii proxime antecedentia, quae valebant ad benevolentiam ei conciliandam, qui mutuo utriusque amoris suffragaretur: sunt autem haec —: „Ernestum vehementer diligebat, cum quod ab illo ipse diligeretur, tum quod eos quaedam animi et elegantis doctrinae similitudo conjungeret: et quandoquidem is Xenophontea Memorabilia saepius edidisset, sed pro more ipse suo et levi apparatu: cupiebat Ruhnkenius Ernestum novâ editione operae pretium facere, suaeque ipsum existimationi apud peritos quidem ju-

judices consulere, eique, ad ornandam novam editionem varias scriptorum codicum lectiones et suas ipse animadversiones submittebat." Quod autem narravit Wytttenbachius non modo à Ruhnkenio, sed à Valckenario etiam, acceperat: qui id non ipsi soli, sed aliis quoque narraverant. Et tamen hujus narrationis fidem T. la-
befactare studuit comparando eam cum narratione de editione Callimachea. Quod quam belle fecerit, age videamus. Sic igitur pergit:

„ In hac enim editione paranda et adornan-
 „ da, ita fere Ernestium cum Ruhnkenio et
 „ Valckenaerio egisse scripsit W. p. 79. seq.
 „ *ut soleat superbus discipulus cum doctiori*
 „ *magistro, non autem amicus cum amico,*
 „ *vir doctus cum viro docto agere.* Nam non
 „ solum Ruhnkenii aliorumque facultatem,
 „ *quam sibi deesse sentiret,* argutando elevare
 „ illum studuisse in Praefatione ad Callima-
 „ chum, sed ipsius Ernesti notulas, Ruhnke-
 „ nio et Hemsterhusio monentibus, locupletatas
 „ quidem, sed ad illorum virorum rationem
 „ ingenio et doctrinae ubertate nihil fuisse,
 „ neque à Valckenario quid adjumenti, non
 „ quod hic nollet dare, sed quod ille nollet
 „ rogare, intelligens suas copias in tantis au-
 „ xiliis obrutum iri. Sed quanta injuria Wyt-
 „ tenbachius haec *ad Ernesti nomen post mor-*
 „ *tem ejus minuendum* narraverit, facile cog-
 „ nos-

„ nosci potest, et Ruhnkenii et Valckenaerii
 „ epistolae de hoc toto negotio luculentissime
 „ ostendent. Primum enim verba illa in Prae-
 „ fatione ad Callimachum non nisi *callidissimus*
 „ *obtrectator* isto sensu dicta putare potest,
 „ quum nihil magis a vero, imo ab recta ra-
 „ tione abhorreat, quam Ernestium eo ipso lo-
 „ co, quo Ruhnkenii de Fragmentis Callima-
 „ chi merita celebraret, facultatem illam, qua
 „ merita illa maxime constarent, elevare vo-
 „ luisse. Neque parva illa vocavit, ut Wyt-
 „ tenbachius *calumniatus* est, sine quibus maxi-
 „ ma neminem consequi posse ipse Ernesti pro-
 „ be intellexit, et in elegantissima oratione de
 „ doctrinae accuratae et promptae laudibus lu-
 „ culenter demonstravit; imo excusare se tan-
 „ tum vel ingenio, vel tempore suo voluit,
 „ quod à veterum et rariorum verborum foe-
 „ toribus eruendis et tractandis abhorreret. —
 „ Sed notas, quibus Ernestus Callimachum
 „ ornavit, Ruhnkenio et Hemsterhusio ne tunc
 „ quidem probatas fuisse, postquam eos illo-
 „ rum virorum auctoritate locupletasset, *quam*
 „ *verum sit*, ipsae Ruhnkenii epistolae demon-
 „ strant, ex quibus omnia, quae de Callimacho
 „ inter illos Triumviros gesta sunt, cognosci
 „ possunt.”

Hacc tota pars, ut caeterae, insectationis
 Tittmannianae, plena est calumniae et impu-
 den-

dentiae. Primum ea ejus verba notemus, quae obliquis literis retulimus, deinde totum locum Wytttenbachii ex vita Ruhnkenii apponamus, ut cum ista infectatione conferri possit. Nam illa de suo addidit infectator, *ita fere cum Ruhnkenio et Valckenaerio egisse Ernestum, ut soleat superbus discipulus cum doctiore magistro, non autem amicus cum amico, vir doctus cum viro docto agere*: cujus dicti nec vola nec vestigium reperitur in Wytttenbachii libro. Quo Tittmanni commento quid calumniosius esse potest? praesertim quum conjunctivus *soleat* hunc adferat sensum, quasi haec ipsa sint verba Wytttenbachii. Melius fecisset T. si plura, et in his temporum modorumque consecutionem, ab Ernesto didicisset, quam se, quasi illum defendens, Thrafonis instar jactaret. Tum: *quam sibi deesse sentiret* mutilatum est: W. cum reverentiâ erga Ernestum scripsit: *ignoscamus viro caeteroquin magno, qui facultatem, quam sibi deesse sentiret, argutando elevare maluit*: omisit prima verba T. invidiae augendae causa. Wytttenbachium vero illa narrasse *ad Ernesti nomen post ejus mortem minuendum*, multis partibus mentitus est T. Omnia enim narrata sunt ad veras Ernesti laudes declarandas, non ad falsas ei affingendas: omnia simpliciter et ad veritatem dicta sunt, argumento et materia libri non solum invitante, sed et jubente: dicta sunt,

sunt sic, ut si quae laudes ei defuissent, hae magnitudine caeterarum ejus laudum ita compenfarentur et cumlarentur, ut ei magni et summi viri nomen asfereretur, nec à quoquam umquam certiore verioreque aestimatione praedicaretur quam a Wyttenbachio. Tantum igitur abest, ut *Epistolae Ruhnkenii et Valckenaerii ostendant, haec Wyttenbachium ad Ernesti nomen post ejus mortem minuendum narrasse*, ut potius ostendant Tittmannum hoc stulte simul et malitiose effutiisse. *Verba autem Ernesti in Praefatione ad Callimachum non nisi callidissimum obtrectatorem isto, quo W. fecit, sensu dicta putare posse*, haec sponte in ipsum T. recidunt. Nemo enim nisi stultissimus obtrector, illa Ernesti verba alio, quam quo Wyttenbachius accepit, sensu accipere potest. Sed hujus sui effati duas rationes affert T: „*quum nihil magis*”, inquit, „*a vero, imo ab recta ratione abhorreat, quam Ernestium eo ipso loco, quo Ruhnkenii de Fragmentis Callimachi merita celebraret, facultatem illam, qua merita illa constant, elevare voluisse.*” En Dialectici acumen! Prima ratio est, *quia hoc a vero abhorret*. Atqui id ipsum demonstrandum erat. Nisi forte, ut solet notiones turbare, *verum* pro *verisimili* posuit. Sed fortasse primam rationem per alteram demonstrare voluit, sic: *à vero abhorret; quia ab recta*
ra-

ratione abhorret Ernestium — elevare voluisse. Hoc rursus ambigue dictum, utrum, nos à *recta ratione abhorreremus, si putaremus Ernestum — elevare voluisse:* an vero, *Ernestus à recta ratione abhorruisset — si elevare voluisset.* Utroque autem modo T. hanc opinionem anticipavit, *Ernestum — elevare non voluisse:* quod T. demonstrare debebat, nec demonstravit: demonstrandum pro demonstratione posuit; igitur dialecticum vitium, petitionem principii, commisit. Caeterum, quamvis Ernestum hanc colligendorum Fragmentorum operam, quae in singularibus verbis eruendis consumitur, non nominatim *parvam* vocavit, tamen sic de ea locutus est, quasi eam negligendam et parvam duceret, nec W. hoc nomine utens calumniatus est, nec verba Ernesti in alienam sententiam pervertit, sed in suam veramque interpretatus est.

Denique, quod postremo illo loco dixit T, temere et stolide dictum est. Multa enim et diserta sunt indicia in his ipsis Ruhnkenii Epistolis, ex quibus apparet, hunc saepe Ernestum flagitasse ut suas notulas locupletaret, etiam tunc, quum operae typographorum jam ad Hymnum in Dianam pervenisissent: quae deinceps apponamus: Ep. VII, p. 27: *Notae Tuae in Callimachum, noli dubitare, Vir Summe, quin, quae exunt longiores uberioresque, eo fu-*
tu-

*turae sint gratiores. Ep. VIII, p. 29: Tan-
tum igitur spatii cum Tibi, mi Ernesti, tri-
butum sit, indulge ingenii Tui ubertati, sic ut
non solum de Callimacho, sed de omnibus
Graeciae veteris scriptoribus praeclare me-
reare: indulge etiam aureae, qua polles, elo-
quentiae, ut alii hinc in posterum eleganter
commentandi exemplum sumant. Scribant bre-
ves notulas, quibus curia domi suppellex est.
A Te, quem antiquitatem omnem, capitali
ingenio complexum scimus, non nisi Excursus,
quales in Suetonium dedisti, expectamus.
Ep. X, p. 32: Commentatione ad Callimachi
Epigramma, nihil in hoc genere vidi elegan-
tius. Utinam omnes Callimachi locos, qui
aliqua difficultate laborent, tam fusa illustra-
res. Nam ut longas aliorum notas plerumque
respuo, sic Tuarum notarum longissimam
quamque optimam judico. Ep. XII, p. 37,
eximie laudans misiss ad se ab Ernesto obser-
vationes in Callimachum, tamen illum rogat,
ut eas augeat misiss ipsi à se et Hemsterhusio
supplementis: Quo praestantius igitur nobis
opus Tuum visum fuit, eo majorem operam
dandam putavimus, ut ne levisimi quidem
naevi in tam pulcro corpore relinquerentur.
Notulas nostras in adjectis schedulis reperies,
praebituras Tibi largam, ni fallor, disputan-
di et Callimachum castigandi materiam. Ita-
que*

que δευτέρας Προτιδας, quibus priores observationes vel augeas vel emendes, à Te avide exspecto, quas ego deinde locis suis diligenter accommodabo. Praestat enim illas suo loco, quam in addendis, legi. In notis Tuis ubique summa humanitate erga doctos homines usus es: erga me quidem nimia, sic ut paucorum etiam locorum, quos Tibi suggereram, indicium mihi tribueris. Verum, cum non consueverim laureolam in mustaceo quaerere, nomen meum passim delevi. Ex talibus nihil mihi laudis vel accrescit, vel decedit. Tibi vero, qui editoris partes sustines, ne levia quidem sunt praetermittenda. Vellem, si per alia tua negotia liceret, unum alterumve Excursum adderes, v. c. de Pelagonibus, de quibus multa dicenda supersunt. Nam ubi Tu rem latius tractare instituis, mihi quidquid est eruditorum hominum superare videris. Ep. XIII. p. 40. scripta a. MDCCLVIII, d. XXIV. A Te brevi luculentum notarum Tuarum supplementum exspectamus. Operae excudunt initium H. in Dianam.

Ergo plane confirmatur, Ernestum ab Ruhnkenio admonitum ut uberiores notas scriberet, ad locupletandas suas ad hunc misas et ab hoc valde laudatas observationes, ab eodem et Hemsterhusio supplementa accepisse, eaque largam materiam disputandi et Callimachum castigandi

I

prae-

praebentia. Nonne haec prorsus conveniunt, cum iis quae W. in Vita Ruhnkenii scripsit, quae quam calumniatorie perverterit ac negaverit T., ut intelligatur, ipsa Wii verba apponamus. p. 79: „Ernestus suscipit hanc editionis provinciam, nec multo post mittit ad Ruhnkenium notulas suas, tenues illas valde et exiles, sed satis, ut ipse quidem putabat, ad novae editionis ac recensitionis nomen parandum ac tuendum. Ruhnkenio ista notularum levitas inexpectata accidebat: dat eas Hemsterhusio legendas: huic item videtur: ergo de communi sententia eas Ernesto remittunt, suadentes ut, quoad posset maxime, eas doctrinae copiis augeret, significantes simul copiarum petendarum fontes, porro monentes ut à Valckenario etiam opem peteret, quem in primis ad ornanda Fragmenta egregium emendationis et interpretationis apparatus habere. Facit Ernestus. Redeunt notulae paulo locupletiores, probabiles iudicio et diligentia, sed ingenio et doctrinae ubertate nil ad horum rationem triumvirorum: nec à Valckenario quid adjumenti: non quod hic nollet dare, sed quod Ernestus nollet rogare, intelligens suas copias in tantis auxiliis obrutum iri. Haec qui noverit, jam intelliget quo pertineat Ernesti de Veterum fragmentis iudicium in praefatione Callimachea proditum: —

In Fragmentis Callimacheis erunt forte quae

copiosiores notas datas velint; quibus me non contemptu excusare cupio; quod possim forte, favente majore doctorum hominum parte, facere. Valde enim vereor, ne plerique sint in ea, qua Kusterus fuit, sententia, qui ad Suid. II, p. 327, non postulandum putabat, ut corruptas et laceras veterum Scriptorum reliquias emendaremus et explicaremus, putentque in iis bonas hordas non valde bene consumi, cum nec sententiae saepe admodum probabiles insint, nec verba aliam, quam interdum raritatis, commendationem habeant. Atque ipse non dubito fateri, me semper maluisse libris veterum Scriptorum integris legendis ingenium ad copiam rerum et verborum alere, et ad elegantiam cogitandi ac dicendi acuere et polire, quam in veterum et rariorum verborum, ut Augustus vocabat, foetoribus eruendis, cum Grammaticis veteribus, ingenium et tempus meum, quod sic satis exercitum habeo, vexare. Eloquenter sane, partim prudenter, partim callide nec satis vere: ignoscamus viro ceteroquin magno, qui facultatem, quam sibi deesse sentiret, argutando elevare maluit: et Ruhnkenii magis miremur ingenium, qui et parva illa, quae Ernestus vocabat, sed sine quibus maxima nemo consequi potest, intime perspecta pertractataque habuit, et tamen legendis integris veterum Scriptorum libris ingenium ad copiam rerum et verborum aluit, et ad cogitandi

dicendique elegantiam acuit et polivit. Sed referamus ultimam ex Ernesti praefatione partem, veriore illam denuo et aequiorem: *Quo magis gratum*, inquit, *et nobis fuit, et lectoribus fore confido, quod Cel. Hemsterhusius, qui omnes Graecae literaturae recessus tenet, et dignus tanto magistro discipulus Ruhnkenius, his fragmentis aliquid lucis et ornatus ab doctrina sua accedere voluerunt. Atque utinam mihi orium tantum fuisset, ut magis uti in hac parte potuissem consilio Cel. Valckenarii, cujus ille mihi copiam humanissimis literis fecit; profecto, ut intelligi potest ex iis, quae de sententia ejus in notulis meis subinde dixi, multum lucis accessisset his fragmentis ab ejus recondita et accurata in his literis doctrina."*

Haec hactenus ex Vita Ruhnkenii; nam reliquos Ernestinae praefationis locos ibi citatos referre, nil attinebat; quippe qui sunt de laudibus Ruhnkenii, ejusque in Callimacheam editionem meritis, quae à nemine in dubium vocantur. Apposuimus verba quamvis plura, ut appareret, quae Ernesti, quae Wyttenbachii essent: quae T. commiscuit, ut hunc eo probabilius calumniaretur. Nonne igitur luce clarius est, Ernestum hanc operam, in ejusmodi fragmentis eruendis positam, argutando callide elevare voluisse? Hujus judicii fidem unicuique Latine scienti, nec sensu communi carenti, facit ipse ad-

adfectus et lectio illorum verborum. *At*, inquit T., *nihil magis à vero, imo ab recta ratione abhorret, quam Ernestum eo ipso loco, quo Ruhnkenii de Fragmentis Callimachi merita celebraret, facultatem illam, qua merita illa constarent, elevare voluisse.* Istius futilitatem ratiunculae supra excusimus. Neque etiam Ernestus affirmabat omnem operam Ruhnkenii et illorum virorum in fragmentis ad sola minima et verborum foctores referri. Quid ergo fecit Ernestus? Dixit libere, quod sentiebat, ut item W. fecit in Vita D. R. Nam et hic et nos, si optio detur, malimus illam Ernesti facultatem. Sed Ruhnkenius utraque valuerat: idque in ejus Vita non reticendum erat. Notulas porro remissas ab Ernesto, *nil fuisse ingenio et doctrinae ubertate ad rationem horum triumvirorum*, id est non comparandas cum notis, quales Hemsterhusius, Valckenarius, Ruhnkenius, scribere solebant, quivis rerum peritus agnoscit; fuerunt enim hae ipsae quae nunc in editione exstant. Illud quis reprehendere possit, quod W. dixit, *nec à Valckenario quid adjumenti*; quippe quum Valckenarium aliquoties citet Ernestus in suis notis, ut qui sibi sententiam suam de dubiis locis impertiverit. Atqui vix sunt duodecim hi loci, et sententia Valckenaerii plerumque uno aut altero verbo significata; ut hoc tam parvum adjumen-

cum pro nullo potuerit haberi. Neque etiam Valckenarii nomen, ut contra Hemsterhusii et Ruhnkenii, in titulo editionis positum est; perinde quasi nil à Valckenario adjumenti accessisset.

Quod vero deinceps posuit W. *non quod hic nollet dare, sed quod Ernestus nollet rogare, intelligens suas copias in tantis auxiliis obrutum iri*, id, more suo, verbose ac superbe T. infectatur: ubi haec attendisse satis erit; „Sed quum Valckenaerii”, inquit, „epistolas, legerint ingenui homines, statim et Ernesti nomen ab illa turpi suspicione liberabunt, et illius viri audaciam mirabuntur, qui quum ex Ruhnkenio meliora scire posset, quae falsissima sunt in hominis integerrimi opprobrium projecit. Fatetur enim Valckenarius, se ab illo rogatum, negat se multa daturum, „Quid faceret Ernesti? —”. Videtur quidem ex his Valckenarii Epistolis apparere, eum ab Ernesto rogatum esse: sed hanc rogationem deinde vel retractatam vel cohibitam fuisse, pluribus aliis indiciis ostenditur, quae mox exponemus. Nullam vero turpem suspensionem in Ernestum conjecit W, dicens, illum Valckenarii auxilia noluisse assumere, intelligentem in iis suas copias obrutum iri; potuit enim Ernestus probabiles habuisse rationes, quare suas copias obrui a Valckenarii copiis, et hanc

accessionem Valckenario debere, nollet: quale fuit in Orpheo ornando, Gesneri et Ruhnkenii negotium: in Herodoto, Wesfelingii et Valckenarii: quorum narratio negotiorum huic Callimacheo confertur et subjicitur à W. in Vita D. R. p. 83—89: quod T. non dissimulare debebat. Neque verò turpem suspicionem in Ernestum. conjecit: nec suspicionem; nam narravit ea, quae saepius Ruhnkenium et Valckenarium narrantes audiverat; nec turpem, quod nomen addidit T., ut invidiam Wo. conflaret; quum tamen ipse, addito hoc nomine, Ernestum turpiter fecisse arguat; si quidem eum id fecisse apparuerit. Nonne igitur, ut Ti. verbis utamur, ingenui homines, quum rem cognoverint, statim et Wi. nomen ab ista turpi suspicionem liberabunt, et Ti. audaciam mirabuntur, qui Wo. ea narranti, quae saepius Ruhnkenium et Valckenarium narrantes audiverat, et quae aliis indiciis confirmantur, audaciam objicit, et falsissima eum in hominis integerrimi opprobrium projecisse mentitur. An verò in diminutivo *coptolis* aliquid vel turpitudinis vel offensionis inest; quae minor aut nulla fuisset, si W. dixisset *parvas copias*? At hoc quidem nugatorium est: et Ernestus ipse suas notas *notulas* vocat. Valeat hoc in minutis hominibus, ut aliquid dissimulando eorum existimationi consulatur: in magnis quidem viris, in quibus

recte Ernestum numeramus, vere et simpliciter omnia memoranda sunt, nec verendum est ne notularum tenuitas reliquis illorum laudibus ac doctrinae magnitudini obfit.

Pergit T. quaerere, qui factum sit ut Ernestus, quum Valckenarium rogasset, parum retulerit: quas ratiunculas referre non opus est: in his haec saltem Ti. verba animadvertamus:
 „ Certe si utramque Valckenarii epistolam
 „ comparamus, vix intelligi potest quomodo
 „ excusamus ea, quae à Valckenario scripta
 „ leguntur in Observationibus ad Callimachi
 „ Elegiarum Fragmenta à Luzacio editis p.
 „ 210: *Callimachea quum sub auspiciis Er-*
 „ *nesti renovarentur. hic meas secum ut con-*
 „ *jecturas communicarem rogavit: unas ad*
 „ *ipsum dedi literas, quibus priora tantum*
 „ *carminum fragmina sumseram tractanda,*
 „ *hujus generis centena daturus, si fuissent*
 „ *desiderata, sed ad istam epistolam respon-*
 „ *sum demum accepi, nec sane mirabar, quum*
 „ *Callimacheis jam recentatis donarer.* Er-
 „ go rogavit Ernesti, sed misa sunt tantum
 „ paucissima: expectavit Valckenaerius ut ille
 „ denuo rogaret et tertium et deinceps, donec
 „ singula centena extorsisset. Non fecit Er-
 „ nesti; quid enim faceret, quum humanissi-
 „ me roganti prima statim epistola fuisset nega-
 „ tum? Habent nunc in manibus epistolam
 „ „ illam

„ illam aequi iudices: videant uter superbius
 „ egerit, Valckenaerius, qui non nisi saepius
 „ rogatus bona sua impertire Ruhnkenio amico
 „ voluerit, an Ernesti, qui ne saepius rogan-
 „ do instaret, ipsa, quam in eo maximam fuis-
 „ se scimus, verecundia impeditus potest vide-
 „ ri. Dabimus, utrumque humani quid pas-
 „ sum esse, Ernestium, quod repulsa offensus
 „ denuo rogare noluerit, Valckenaerium au-
 „ tem, quod rogatas primum negaverit, esse-
 „ ceritque ut ille dare hunc nolle crederet,
 „ quod vel ex amico communi sciret plurima
 „ eum dare posse: concedemus quoque —
 caet. Nam caeteras nil attinet reponere ra-
 tiunculas vanas et in Valckenarium injurias.
 Hic vero vel unus Valckenarii locus satis debe-
 bat valere ad Tittmannum veriora docendum,
 nisi plane prae ira et invidia in Wyttenbachium
 coecutiret. Nunc vero sunt duo alii ad hanc
 causam pertinentes loci, iique disert, quos
 per easdem animi labe non viderat, aut non
 meminerat: alter Valckenarii in Ep. II, p.
 55: *Libenter mea quoque misissem, si deside-
 rassem, in Callimachum observata, qui poetam
 illum olim non indiligenter tractaveram*: scrip-
 sit autem haec Valckenarius, postquam ab Er-
 nesto exemplar editionis dono accepisset: alter
 locus est ipsius Ernesti in pagina ultima illius
 praefationis: *Atque utinam mihi otii tantum*

fuisset, ut magis uti in hac parte potuissem consilio Cel. Valckenarii, cujus ille mihi copiam humanissimis literis fecit; profecto, ut intelligi potest ex iis, quae de sententia ejus in notulis meis subinde dixi, multum lucis accessisset his fragmentis ab ejus recondita et accurata in his literis doctrina.

Haec igitur T. antea animadvertere debebat, quam frivola convicia in W. jaceret; atque dans, utrumque et E. et V. humani quid passum esse, ipse inhumanissimum quid pateretur, et Wum temere ac maledice carperet; quod ea dixisset, quae nisi verbis, tamen sententia et re cum duumvirorum illorum dictis convenirent. Jam quid T. dicat, cum bellam suam argumentationem claudicare ostendimus? Nam quum duae sint Wi in Vita D. R. narrationes, quas T. criminatur, altera de Xenophonte, de Callimacho altera, illam per hanc redarguere instituerat p. XI, ubi egregiae scilicet suae argumentationi hanc formulam praefatur: „ sed huic „ narrationi quanta fides habenda sit, alia accusatio ostendet, quam de Callimacho adversus „ Ernestium protulit.” Ergo confutata Callimachea Ti. criminatione, jacet item Xenophontea, et tota conclusio.

T. tamen, ut valens nimirum dialecticus, non desinit eadem crepare; sic enim p. XVII:
 „ — arbitramur potius, omnes, tum Germa-
 „ nos,

„ nos, tum Batavos intellecturos adversus ho-
 „ minem mortuum, quem amaret et coleret
 „ Ruhnkenius, nihil iniquius ab eo dici po-
 „ tuisse, qui vivum amplissima reverentiae sig-
 „ nificatione adulatus esset.” Atqui et nos ar-
 bitramur, omnes Batavos et Germanos intellec-
 turos adversus hominem vivum W., quem Ruhn-
 kenius vivus amasset, et intima familiaritate
 complexus esset, nil iniquius nec stultius ab eo
 dici potuisse, qui se Ruhnkenium amplissima
 reverentiae significatione coluisse simularet,
 Istud vero *adulationis* crimen iterat T. p. XIX;
 quamvis impudentissime illud ementiens. Itane
 tibi, Tittmanne, Profesori Lipsiensi ac S. S.
 Theologiae Doctori, impune mendacia jacere
 licet? Cedo unum locum in scriptis Wi, ubi
 is Ernestum adulatus sit! An in epistola illa,
 quam tu nunc in tuo fasciculo edidisti? Atqui
 hanc totam mera et simplex veritas occupavit,
 Scripsit eam W. honestissimo consilio, quamvis
 sine fructu, ut Ernesto duos homines egregie
 literatos, eosque Germanos, meliore fortuna et
 profesoriis cathedris dignos, Bangium et Wa-
 gnerum, commendaret: sibi ipsi nihil gratiae aut
 beneficii Ernestum rogavit: putabat sibi bene esse
 in Batavia: et si manere noluisset, patebat ei
 patria Berna, ubi cives eum sui semper deside-
 rarunt: in epistolae exordio Ernestum à doctri-
 nae praestantia laudavit, et quod ex ea fructus
 ipse

Ipse magnos percepisset, gratum illi animum testificatus est, omnia vere, sincere et procul ab adulatione: vocavit eum virum summum, antistitem Literarum; item et similiter eum vocarunt Ruhnkenius, Valckenarius, et alii, sine ulla prorsus adulationis suspitione. Quam epistolam hic reponere nolumus; et quia longior est quam pro finibus huic Philomathiae libro destinatis; et quia in reliquis his virorum doctorum ad Ernestum epistolis uniuscujusque lectioni patet. Proximis annis MDCCCLXXVII et MDCCCLXXVIII, W. in tribus prioribus Bibliothecae Criticae Partibus tres censuras prodens editionis Ciceronianae ab Ernesto factae, iisdem tunc publice, quibus antea privatim, laudibus doctrinam viri et merita celebravit, liberaliter item et vere, atque adeo sine adulatione, ut multis in locis ab illius judicio dissentire se ostenderet. Sed fortasse W. tantummodo de vivo Ernesto, non item de mortuo, honorifice locutus est, quod reprehensor T. infimulat! Legat quis nobis ea, quae de mortuo Ernesto dixit: quae, quia non omnibus prae manu sunt, ea hic nos apponere operae pretium est.

Bibliothecae Criticae Vol. II, Part. II, p. 139: „Hac nos Ernesti mentione admonemur, ne antea finem imponamus huic Parti, quam de illius obitu dixissemus: non quidem ut referamus de eo tamquam de re nova; quippe diu est
quod

quod percrebuit tristis nuntius: sed ut dolorem nostrum prodamus, ad ejusque societatem bonarum Literarum amantes vocemus; neque reticendo sensu nostro, aliis videamur carere sensu, quo praeditos esse decet cultores earum Literarum. quarum praecipuus antistes fuit Ernestus, quae molliunt mores, nec sinunt esse feros. Ergo vana fuerunt vota nostra, quae pro vita ejus fecimus in censura operis Ciceroniani. Jam enim eo tempore instabat fatalis hora, qua primo corpus labefactaretur, mox illud ingenii Literarumque lumen exstingueretur. Nos quo minus in laudes Viri digrediamur, prohibemur et loco et facultate. Et speramus non defuturum idoneum laudatorem ejus viri, qui per Elogia tot alios immortalitati commendavit, quorum nemo fuit, qui uberiores quam ipse materiam Elogii praeberet. Verum tamen, quod Romanus Poëta de se ipse gloriatus est, se opus exegisse, quod *nec ignes, Nec poterit ferrum, nec edax abolere vetustas*, quid impedit, quo minus augurio nos quodam ad Ernestum referamus? Venit quidem illa dies, quae nil nisi corporis hujus jus habet, et incerti finivit spatium aevi. Ille vero parte sui meliore superstes, et indelebile nomen assecutus, legetur quacumque humanior patebit orbis, non quidem à populo, qui Literas ad ludicram oblectationem referat, sed ab iis, qui an-

antiquam venustatem retineant, quique fructum ejus metiantur doctrina, cum eleganti, tum accurata."

Ibidem Vol. II, Part. III, p. 116: „Dum speramus, Ernesti, summi viri, memoriam ab homine docto ac disertio ita proditum iri, ut non tantum illius laudes celebrentur, sed ingenium, doctrina, mores, animus et vita eleganter accurateque describantur; adfertur hic ad nos libellus (C. L. Baueri et Aug. Guil. Ernesti) qui desiderium spei nostrae magis incendat, quam expleat. Sed tamen is cuiusmodi sit, eo minus potuimus facere quin de eo referremus, quo jucundior, in recenti etiam nunc dolore, recordatio egregii viri esse debet."

Poteratne sincerius amantiusque de Ernesto quidquam dici ab eo, qui illi non nisi fama cognitus esset, quique nullum ab eo beneficium, nisi legendis ejus libris, percepisset?

Nec minus postea quanta reverentia et quasi religione de eodem locutus est W. ubi dissen- sum ab eo suum declarare cogeatur: veluti de Lexico Hedericiano in Praefatione ad Selecta Historicorum Gr. p. XXVI: „Magnopere profecto de studiosa juventute meritis est Ernestus locupletando et purgando Lexico Hedericiano. Illiberale sit, cum ob ea, quae reliquit, vitia defraudare laude et gratia bene factorum: sed illiberale etiam non profiteri verum, praesertim ipso

ipso loco et utilitate discipulorum postulante. Magnus fuit vir Ernestus et omni laude cumulat: cujus ego laudis si vel exiguam partem assequar, egregie mecum agi existimem. Sed in Graecis Literis quantum superabat Hedericum, quod sane magnum fuit spatium, tantum ipse superabatur ab Hemsterhusiis, Valckenaariis, Ruhnkenius, Pierfonis, Lennepiis, caet."

Jam in Vita Davidis Ruhnkenii, unde non nisi duos locos protulit T., eosque non satis sibi intellectos per invidiam calumniatus est, ut supra demonstravimus: in Vita igitur Davidis Ruhnkenii quot quantaque sunt quamque luctulenta documenta, per quae W. testatum reliquit, non modo quam certa aestumatione, sed etiam quam honorifice de Ernesto et sentiret et judicaret. Ex quibus tres longiores locos referamus, omisissis iis, quae paucis continentur verbis.

Igitur p. 38, de annorandi et adversaria con-
ficiendi necessitate sic W.: „ Quis neget mag-
nos fuisse viros Gesnerum et Ernestum, doctri-
nae praestantia et varietate, judicandi facultate,
scribendi laude? Ut eorum in disserendo mi-
ramur diligentiam, copiam, subtilitatem, ele-
gantiam, prudentiam, ita in animadversionibus
ad Scriptores antiquos, in primis Graecos, ve-
luti Gesneri ad Lucianum et Orpheum, Ernesti
ad Homerum, Xenophontem, Callimachum,
quam-

illarum penuriam dotum obtegeret, sed Literas etiam Graecas complurium Scriptorum editione ad communem cognitionem studiique apud multos incrementum commendaret. Ad has dotes quum adjungeret Philosophiae cognitionem liberalem quidem et elegantem; poterat se vel Jureconsultum vel Theologum, quam primum hoc agere coepisset, profiteri. Et certe, ut nomen suum Theologiae dedit, ita statim in ea eluxit ac principatum obtinuit."

Ibidem p. 219, in comparatione ingenii et rationis. „Tota Ernesti, quamvis egregia, doctrina magis ratione quam ingenio constitit, magis in judicando quam inveniando consumta est: emendationes locorum corruptorum, magnas quidem et acutas, per conjecturam haud scio an nullas protulerit. At egregia valebat judicandi facultate de aliorum Inventis, de Scriptorum Editorumque dotibus et laudibus, de omni Antiquitatis studio; ut, si sola reliquisset Opuscula Oratoria et Philologica, solas item Praefationes, in primis Ciceronianam illam ad Stigizium, immortaliter de Literis meruisse censendus esset."

Haec omnia insigniter ad laudem Ernesti dicta silentio premit T., et, quos hinc in meliorem sententiam interpretari debebat, duos reprehensos locos, identidem iterat et calumniatur: et hanc praefationis partem, ridicule concludit: „In

K

„ qua

„ qua quidem turpi obtreptione nescio an
 „ plus superbiae et simulationis quam invidiae
 „ insit: hoc autem scio, Wyttenbachium hac
 „ narratione, siue vera siue falsa fuerit, pessimam
 „ nam apud Ruhnkenium gratiam initurum esse,
 „ se, si is, homo integerrimus et amicorum
 „ suorum studiosissimus, rescire possit, quam
 „ inique ille amici nomen carissimum stringere,
 „ re, quin excindere studeat.” Videtur nobis
 plane vocem audire hominis, qui nuperrime
 ludimagister vel privatus paedagogus istam admonitionem
 discipulis suis ingerere solitus, *quid pater tuus de te diceret, si hoc sciret?* istam
 consuetudinem etiamnum tenet atque alieno loco
 usurpat. Sed praeterea ista Ti. verba duas alias
 habent ineptias. Prima est, quod illo disjuncto,
siue vera siue falsa fuerit, relinquit eam veram
 esse posse; quod si vera fuerit, et Wyttenbachius
 hanc narrationem à Ruhnkenio acceperit: ut
 profecto eam ab hoc accepit: efficitur, ipsum
 Ruhnkenium pessimam apud se gratiam iniisse,
 et hunc hominem integerrimum, amicorumque
 suorum studiosissimum, inique amici nomen
 stringere, quin excindere studuisse. Altera,
 quod ea dicit, quae ultro in ipsum T. récidunt.
 Nam „ in hac quidem Tittmanni turpi obtreptione
 nescimus an plus superbiae et simulationis
 quam invidiae insit: hoc autem scimus, Tittmannum
 hac obtreptione pessimam apud Ruhnkenium
 nium

nium gratiam initurum esse, si is homo integerimus et amicorum suorum studiosissimus rescire possit quam inique Tittmannus iste amici ipsius Wytttenbachii nomen carissimum *stringere*, quin *exscindere* studeat." Et hoc scimus, Tittmannum hac turpi obtrectatione pessimam gratiam initurum fuisse apud optimum Heynium amantissimum illum Wytttenbachii, eique principem in Literis locum tribuentem. Sed de Heynii judicio postea dicemus. *Stringere* autem et *exscindere nomen* alicujus poetis relinquamus; apud quos haec adeo semel occurrunt: illud apud Ovidium Trist. II, 350 dubiam quoque habet lectionem: hoc alium eumque proprium sensum apud Silium Italicum VII, 643. Dicendum erat *perstringere* et *extinguere*.

Hactenus T. satis quidem inepte ac ridicule, sed nil ad proxima. Nam dum ita Wytttenbachium convicians eadem iterat verba, et quasi ipse quid velit nesciens et majus quid animo volvens, ultro citroque redit, tandem in totam Batavorum literatorum quasi familiam impetum facit, et sic inquit: „ Sed salva res est. Non „ potest enim diutius dissimulari invidia illa, „ qua crescentem Germanorum philologorum „ gloriam Batavi persequuntur. Nam quum in „ omni scientiae et eruditionis genere ita excel- „ lat nunc gens Germanica, ut si eas artes, „ quibus vitae humanae divitiae et voluptates

„ augentur , excipias , nulla verae doctrinae
 „ laude inferior reperiatur — : tum in iis po-
 „ tissimum literis et artibus , quae — huma-
 „ niores vocantur excolendis augendisque tan-
 „ tum reliquas gentes superat , ut , qui sa-
 „ piunt , non habeant quod iis inuideant super-
 „ bisimos triumphos. Nihil dicam de philo-
 „ sophia : — nihil de historia — : sed philo-
 „ logiae — philologiae inquam laude Germani
 „ nunc ita antecellunt omnibus , ut etiam adver-
 „ sarii aut exteri ; (quod nuper quendam publi-
 „ ce fecisse compertum habemus) confiteantur ,
 „ in una Germaniae provincia plures veros phi-
 „ lologos quam in maximo Europae regno re-
 „ periri. Quod vere a me dici , etiamsi Wytten-
 „ bachius numquam sibi persuaserit , tamen om-
 „ nes intelligunt et lubenter concedent , qui li-
 „ terarum incrementa non genti cuidam pro-
 „ pria , sed toti generi humano communia , un-
 „ decunque proveniant , grati agnoscere solent. ”

Eja vero Tittmanne : *Salva res est : quasi Ger-*
maniae salus agatur ! et Germani literis et arti-
bus humanioribus tantum reliquas gentes supe-
rant , ut qui sapiunt non habeant quod iis su-
perbisimos triumphos inuideant. Quid vero , si
 haec triumphorum superbia cum cladibus Ger-
 maniae conjuncta sit ; tamenne tibi placebis et
 afflictam patriam consolaberis Literarum princi-
 patu ? quae istae sunt nugae et vana verborum
 jactan-

jactantia? Quasi non principe loco sit patria, ejusque tuendae officium, ad quod omnia, etiam Literarum studia, tendere ac referri oporteat. Quis porro non videt ipsum T. ea invidia, quam Batavis objicit, torqueri, ipsiusque verba in ipsum valere: *Non potest enim diutius dissimulare Tittmannus invidiam illam, quam stantem florentemque Batavorum philologorum gloriam persequitur.* Tum istud totum mendacissime dictum est, *Wytttenbachium invidere Germanis philologis*: qui de nemine eorum male, de multis bene, meruit: cum multis etiam officiorum literarumque commercia colit. Jam istam laudationem principatus literarii Germanorum ex declamatiuncula quadam sua puerili transcripsisse videtur; igitur totam reponere nolimus. Illud manifesto apparet, Tittmannum suam ipsum patriam ignorare, qui putet eam *nunc demum* humaniorum literarum, historiae, et philologiae scientia excellere; quippe quae illarum scientia jam centum abhinc annos excelluit: adeo imprudens laudibus patriae, quas celebrare vult, detrahit. Quod autem Germanos literatores cum Batavis contendit numero, sane lepidum est; quum tota summa populi illius duodecies major quam hujus censeatur; ut adeo si hic duodecies pauciores philologos habeat, illi par et in pari ratione aestimandus sit. *Exterus* autem qui *hoc publice dixit*, fuit Gallus;

idque non de Batavia, sed de Galliae regno, audacius item quam verius, dixit; sunt enim, certe tunc fuerunt, in maximo illo regno plures, quam vulgo putatur, philologi: sed T., ut quae ante eum fuerunt, ita quae procul ab eo absunt, ignorat: nec umquam pedem extra Germaniam, aut adeo extra Saxoniam suam extulisse videtur. Postremum autem plane dementis est, ut is profiteatur, *literarum incrementa non genti cuidam propria, sed toti generi humano communia esse*, caet: hoc igitur ut is profiteatur, qui unice illud agit, ut ostendat literarum incrementa Germanis propria, nec Batavis aliisque gentibus communia esse. Literis vero, tamquam patriam, gentem aliquam assignare eamque sibi assumere et jactare, quam stultum et plebejum sit, compluribus locis ostendit W. Sic igitur Bibliothecae Crit. Part. I, p. 32: „inconsiderati et parum res humanas callentis est, dicere, singulas Batavorum editiones ad eandem rationem esse conformatas; ac si omnes, qui in eodem populo viverent, eadem Literarum studia, aut in iisdem studiis eandem rationem, sequi necesse esset. Neque enim si v. c. in Germanis Ernestus et Heynius praeclare veteres scriptores interpretantur, continuo Fischerus, quia Germanus est, in ejusdem laudis societatem adjungitur.” Item Part. V, Praefatione p. IV: „Neque vero hoc ita acci-

elphi volumus, ac si constituissēmus civibus nostris prae caeteris favere, eorum laudes celebrare, supra exteros extollere, reticere errores aut excusare. Quamquam hoc non infrequens est vitium eorum, qui censuras novorum librorum scribunt. Rempubicam literariam in classes describunt, non ut ingenii et doctrinae, sed nationum et regionum, censum sequantur. Hinc est, quod non raro videamus, hunc in modum ab iis pronunciari: *ita solent v. c. Britanni; ita Galli: nos melius*. Qui puerilis est error, nec aliunde profectus, quam ex rerum humanarum et communis vitae ignoratione. Sunt enim apud omnes nationes, qui melius, et qui pejor artem tractent: sunt vel principes, vel secundarii, vel tertiani, vel inferiores. Igitur classium habenda est ratio, non populorum: neque videndum cujas quisque sit, sed quid dicat. Fuit hic quondam Spartanorum mos, ut, si in conventu sociorum à legato ignobilis civitatis optima dicta esset sententia, eam continuo quidem negligerent, postea vero à Spartano iterum proponi juberent; ut prudentiae opinione auctoritatem patriae conciliarent. Valeat haec rivalitas in aliis rebus: à literis et doctrinarum studiis absit. Una est et communis bonorum Scriptorum civitas: cujus quidem jus non a vulgi opinione tribuitur, sed paritur doctrina diligenti, ejusque prudenti diserteque explicatione. Quibus virtuti-

bus ut quisque magis excellit, ita quemque nobiscum maxime conjunctum et civem nostrum arbitramur." Nec minus luculentus existat locus in Vita D. R. p. 92: „Horum (Burmanni et Schraderi) amici dictitare non verebantur, Ruhnkenium magis Graecae quam Latinae cathedrae aptum esse, nec provinciam civibus debitam debuisse peregrinum occupare. Quae vocolae ab insigniorine stupore an malevolentia profectae fuerint, difficile est statuere. — Peregrinitatis crimen reprehensio laudem, reprehensori dedecus habebat; erat enim invidia à virtute superatae clamor, et in istam naturae gloriolam, ut in unicum praesidium, confugientis; erat mentis ad praejudicatas vulgi opiniones abjectae, necdum ab earum sordibus purgatae per liberalem institutionem et studium sapientiae: ignorabant naturam erudite civitatis, cujus ipsi se cives profitebantur: ignorabant, in erudita civitate nullos esse Batavos, nullos Germanos, nullos unius alicujus populi cives, omnes esse mundanos. Quo nomine Diogenes stuporem cujusdam homunculi confutavit ei objicientis, eum non esse Atheniensem, *Atqui, inquit, multo praestantiorē patriam habeo, mundum; mundanus sum, non Atheniensis.* Caeterum peregrinitatis reprehensio in Ruhnkenium eo minus valebat, quod jam duodeviginti annos in Batavia degisset, eamque doctri-

doctrinae fama illustrasset, porro à principe Literarum Hemsterhusio veluti adoptatus esset: aut si valebat, debebat item valuisse adversus Wesfelingium, Graevium, Gronovium, Vossium, Salmasium, Scaligerum, innumerabiles alios, in suo quemque genere principes: quibus et prudentissimi hujus reipublicae rectores, velut insignis beneficii, magnas habuerunt gratias, quod hanc potius quam aliam terram, ubi habitarent et doctrinam suam explicarent, elegerint. Sed istud, quidquid est, in peregrinos convicii, quippe non nisi in illiberali vulgo jactatum, nec auditum in elegantiorum humaniorumque consuetudine hominum, quibus cum vivebat Ruhnkenius, ipse nec audiebat, nec morabatur."

Poteratne disertius testatum relinquere W. quantopere istam popularis rivalitatis stultitiam contemneret? quae testimonia ignorans aut dissimulans Tittmannus, ipseque ista stultitia misere laborans atque adeo insaniens, quum eam passim Wo. objiciat, quid, ut istius verbis utamur, *de illius audacia dicemus?*

Jam eo pervenit T. quo pervenire dudum gestiebat; ut Literarum principatum à Batavis abjudicaret, Germanis adjudicaret. Qua in re ridiculum in modum ipse cum umbra sua pugnat. Sic igitur pergit p. XXII. „Olim in Batavis „veluti sedes Philologiae fuit, et Hemsterhu-

„ fii, Valckenarii, Ruhnkenii, et aliorum glo-
 „ ria, etiam proletarii quique illius gentis li-
 „ teratores fruebantur; *ut Graecum nomen*
 „ *quisque olim apud omnes gentes superbius*
 „ *jactabat.* Germanorum tum quidem, nisi ig-
 „ nobiliora, certe minus splendida in illo li-
 „ terarum genere studia fuerunt: Gesnero et
 „ Ernestio, vix par quisquam in Germania —
 „ Gesnerus ille quidem in Universitate Geor-
 „ gia Augusta, quam Tu, V. C., nunc cum
 „ maxime ornas, philologiae princeps existit:
 „ apud nos ex Ernesti schola numerosa proles
 „ exiit hominum, qui verae philologiae laudem
 „ in Germania propagarunt et auxerunt. — In-
 „ terea apud Batavos clarissima quaeque lumi-
 „ na interierunt, apud reliquas gentes ad eas
 „ potissimum artes, quibus opes et honores pa-
 „ rantur, conversi sunt animi: ipsi Britanni,
 „ paucissimos Bentleii similes habent. Sed
 „ haec rerum conversio magnam nobis invi-
 „ diam conflavit, apud Batavos potissimum,
 „ qui nondum assuefacti videntur, ut palmam
 „ illam, quasi hereditariam, in aliorum manibus
 „ videant. Itaque nihil studiosius hi quidem
 „ agere solent, quam ut nostros homines cum
 „ illis principibus eruditionis dudum mortuis
 „ comparantes, sibi gloriolam quaerant e com-
 „ muni patria: aut scholam philologicam in
 „ Germania, nescio quam cum Hemsterhusii,
 „ Valc-

„ Valckenarii, Ruhnkenii, schola conferant
 „ iniquius, cujus ipsi soli ex asse heredes ha-
 „ beri velint.”

Haec ex eadem, qua priora, ignorantia et invidia fluxerunt. De triumviris illis ita loquitur, quasi hi demum Batavae genti Literarum gloriam peperissent. Atqui haec gloria jam ducentis abhinc et amplius annis à Justo Lipsio et Josepho Scaligero exstitit. *Proletarios* quosdam literatores dixit Ruhnkenius in his Epistolis p. 19, et Wyttenbachius in Vita D. R. p. 122. Sed T. qui ne *proletarius* quidem, sed vix *capite census* est, sane impudenter, agit, alijs obijciens quod ipse facit, se *Graece* doctum *superbe jactans*, et *gloriam sibi quaerens ex communi patria*. Illud autem, ut *Graecum nomen* quisque olim apud omnes gentes *superbius jactabat*, nec sensum habens, et soloece dictum, hominis est, aut quid velit, ignorantis: aut quod vult, dicere nescientis. Primo, *nomen Graecum*; an quasi Graecus natione sit, ut dicitur *nomen Latinum*? Deinde, *apud exteros*: an igitur hi proletarii Batavi ad exteros abierunt et *apud hos se jactarunt*? an in scriptis suis, quae exteri legebant, se jactarunt? ergo illa scripta cives Batavi non item legerunt? quoquo-versum verba vertas, nusquam sana sententia existat. Fortasse voluit, *Graece docti opinionem apud exteros captabat*: aut, *Graece docti nomen ad exteros jactabat*. Sic si dixisset, di-

xijs

xisset et Latine, et quod intelligeretur. Gesneri et Ernesti laudes nemo in dubium vocaverit: et W. eas saepe et ample praedicavit: illorum autem aetate illis *vix quemquam parem, et caeterorum Germanorum studia minus splendida fuisse*, temere et imperite, ut ab homine historiam literariam patriae suae ignorante, dictum est: ut mox item de Britannis. Sed his et aliis ignorantiae erroribus mox locum suum dabimus. Tum rursus hoc plane ridiculum est, quod ait, *Batavos potissimum invidere Germanis, quod palmam illam quasi hereditariam in aliorum manibus videant*. Nos vero, qui sumus et ipsi Batavi literatores, nec ipsi in animis nostris quid sentimus invidiae de incrementis literatis Germanorum, nec alios Batavos illis invidentes novimus: nec *alios* illos novimus, *in quorum manibus sit illa palma*: nec concertationem cum exteris, sed ipsa nostra studia, cogitamus: Germaniae quos habet viros egregie doctos gratulamur, nec invidemus: Tittmannum nec gratulamur, nec invidemus.

Deinceps T. analogiam Linguae Graecae à Batavis traditam sugillat, in suam causam, Batavorumque literatorum in reprehensionem convertens querelam Joannis Luzacii effusam in Praefatione ad Valckenarii Callimachea p. 32: „disciplinam Etymologicam scholae Hemsterhu-

„ hufianae interitui vicinam jam esse, quum ne-
 „ mo unus repertus sit, qui illam *in formam*
 „ *artis* redegerit, neque, ut hodie sunt tem-
 „ pora, sperare liceat, ante Hemsterhusiano-
 „ rum, qui pauci supersunt, fata, repertum
 „ iri. — Literae sordent, nec sordent tantum
 „ apud Batavos, sed jacent, prorsus spernun-
 „ tur, et ab hominibus, quibus audacia pro in-
 „ genio, frons pro pectore, temeritas pro con-
 „ silio est, palam proculcantur. — Valckena-
 „ rius tam bene inchoatum opus deseruit: in-
 „ tra primas lineas substitit, neque ultra pro-
 „ gressus est, viam aliis monstrasse contentus.”
 Quae ille de contemptu Literarum scripsit ab
 adversariae factionis hominibus cathedra motus;
 restitutus postea, contra judicasset. Analogia
 autem quamvis nondum in artis perfectae for-
 mam redacta, tamen iis, qui sciemer ea utun-
 tur, semper fructuosa est ad intelligendas ori-
 gines et significationes vocabulorum. Quam in
 rem operae pretium est legere quae Wyttenba-
 chius scripsit Bibliothecae Criticae Part. X,
 p. 124: Praefatione ad Selecta Hist. Gr. p.
 xxvii et sequ: Vita D. R. p. 27. Tittmannus
 vero sic de Analogia loquitur, ut qui eam pe-
 nitus ignoret, nosque tædeat cum serio refelle-
 re. Saltem elegans dilemma referemus, quo
 hunc locum concludit: „ Sed” inquit „ osten-
 „ dant nobis Batavi philologos, à quibus po-
 „ pu-

„pulares nostri superentur, non veteres illos,
 „quorum veluti hereditaria gloria superbiunt,
 „sed recentiores, qui verae philologiae lau-
 „dem nostris praeripiant. Sin minus, certe
 „demonstrent, qua ex parte linguarum disci-
 „plina per scholam Ernestinam corrupta fue-
 „rit.” Jam ista quomodo cohaerent? Ergo
 si non possunt ostendere Batavi suos quosdam,
 qui Germanis laudem philologiae praeripiant,
 tamen debent demonstrare, qua in parte lingua-
 rum disciplina per scholam Ernestinam corrup-
 ta fuerit? Quid vero? si Batavi ostendunt suos
 quosdam, qui Germanis laudem Philologiae
 praeripiant, tunc non debent demonstrare qua
 in parte linguarum disciplina per scholam Er-
 nestinam corrupta fuerit. Haec sunt hominis
 non modo Dialecticam ignorantis, sed ne natu-
 rali quidem et communi sensu ad argumentum
 concludendum praediti. Prius membrum ha-
 bet provocationem ad pugnam: quam ab homi-
 ne tam fatuo non accipiunt Batavi: posterius
 autem, quod continet praestantiam et utilitatem
 scholae Ernestinae, nemo Batavus literator in
 dubium vocat.

Hactenus de Batavis. Reliqua praefatio ha-
 bet querelas de detrimentis Literarum Humanio-
 rum in Germania. „In scholis” inquit „et
 „gymnasiis quibusdam linguarum veterum stu-
 „dia videmus aut cum rerum quarumcumque
 „je-

„ jejuna institutione commisceri, aut ita coli
 „ quasi plurimorum auctorum et voluminum
 „ vaga lectione veram eruditionem vel pueri
 „ sibi comparare possint. In Literarum Uni-
 „ versitatibus autem hi tantum a multis magni
 „ magistri habentur, qui rerum diversissimarum
 „ farraginem in librorum veterum interpreta-
 „ tione profundunt et auditoribus quis de qua-
 „ que re non quid quisque scripserit, denarrare
 „ sciunt —.” Haec aliaque, quae nolumus
 referre, publicae institutionis vitia, quomodo
 cum illis humaniorum Literarum per Germa-
 niam incrementis, eorumque tam effusa praedi-
 catione conveniant, T. ipse viderit. Et quod
 etiam eos, qui rebus publicis praesunt, obte-
 statur, contra ipsum testatur. Sic enim inquit: —
 „ Qua de re velim ego deprecari apud omnes
 „ qui praesunt rebus publicis, velim eos ob-
 „ testari, ne solam corporis fortitudinem in
 „ civibus quaerentes, illa extinguere studia pa-
 „ tiantur —” Est sane ridicula commendatio,
 quam ipse commendans suo exemplo refellit.
 Quis enim prudens rei publicae moderator fe-
 rat, ut sibi literae humaniores ab eo commen-
 dentur homine, qui ex earum studio inhumanus
 et sophista gloriosus ineptusque evaserit? et
 quis non istiusmodi ingenii perversitati robur
 corporis longe anteponat?

Sed cum multa nobis risum in T. praefatione
 mo.

moverunt, tum illud etiam, quod censoris personam is sibi sumsit, qui trium, quae in censore esse debent, virtutum nullam habeat, nec aequitatem, nec iudicandi facultatem, nec rerum scientiam. Nam aequitatem, quam dicimus animi integritatem nullo affectu nec partium studio occupatam, quomodo ei inesse dicamus, quem vidimus manifesta invidia flagrare et odio in Batavos, amore et cupiditate in Germanos? aut iudicandi facultatem concedemus ei, quem passim iudicio labentem et inepte argumentantem cognovimus? De rerum autem scientia, quam dicimus argumenti et causae cognitionem, jam ostendemus eum sic disserere de literatoribus Germanis et Batavis, ut appareat eum ignorare quid sint Literae, qui Literatores Germani adeo, nedum Batavi.

Ac primum quidem, quum *Litterae Humaniores*, de quibus hoc loco agitur, sint Graecae et Latinae, T. de solis cogitat Graecis, Latinarum nullam habet rationem. Quod et insignis est vel negligentiae vel ignorantiae, in quaestione de Literis Humanioribus alteram earum dimidiam partem praetermittere: et hebeti ingenio hominis, qui memorans Gesnerum et Ernestum (p. xxii) non animadverteret, se in Literis Latinis hos certe Germanos, ut earum scientiam excellentes, Batavis opponere posse. Rursus in Graecis solam attingit Grammaticam: quae est
fun-

fundamentum quidem caeterarum partium, sed ita demum si hae ei superstruantur: Iquae sunt Scriptorum cognitio; Historia, Antiquitates, Philosophia, et aliae veterum artes ac doctrinae: ad has enim per Grammaticam, quippe per verba ad res, ducit rectum Literarum studium; eamque viam tenuerunt hi, quos solos nominatim laudat, viri, Gesnerus, Ernestus Hemsterhusius, Valckenarius, Ruhnkenius: quam viam non novit T, mere in verbis haerens; unde apparet quantis angustiis literae illius contentur.

Jam incredibile est ut ignoret literatores non modo exteros, sed etiam Germanos, atque adeo in sua ipse patria hospes sit. „Germanorum” inquit „tunc quidem (i. e. temporibus Henst-
sterhusii, Valckenarii, Ruhnkenii) nisi igno-
bilia, certe minus splendida, in illo Litera-
rum genere studia fuerunt: Gesnero et Er-
nesto vix par quisquam in Germania —” Haec universe et indefinite dicta *vix par quisquam* sunt ejus, qui rem accurate nescit, ignorantiamque suam dissimulat. Quid ais T, horum virorum aetate, quae propemodum toto saeculo XVIII continetur, nulli fuerunt in Germania egregii in hoc genere Literatores? Quid Cellarius, qui adhuc vixit Gesnero adolescente? item Kusterus: Fabricius, quo nemo magis de Literis Graecis et Latinis superiore sae-

culo meritis est: alii Hamburgenses, Wolfii et Reimarus: caeteri, quorum vel nomina recensere longum est: Schoetgenius, Cortius, Longolius, Christius, Heusingeri, Leisnerus, Reiskius: tum plures, qui has Literas cum eleganter, tum ad rerum doctrinarumque scientiam accommodate tractarunt: Schwartzii, Janus, Zornius, Thyllitschius, Ayrmannus, Jablonskius, Heineccius, Bruckerus, Bayerus, Kappius, Menckenius, G. Matthiae, Wernsdorffii, Walchii, Stoschii, Krebsius, Schwebelius, Freytagius, Platnerus, Winkelmannus, Guichardus, Gottleberus, Reitzius, Morus, alii, qui Literis Humanioribus docendo scribendoque ita profuerunt, ut eorum nomina nominibus Gesneri ex Ernesti non ita temere obruenda essent. Sed, inquit, hos omnes recitare nolebam. Immo non poteras! chartae caeteroquin et verborum minime parcus: aut si nolebas, sponte injuriosus in civium tuorum famam fuisti.

Britannos de gradu dejicit paucis verbis, in quibus plures sunt rationis et orationis lapsus: „*Ipsi Britanni paucissimos Bentleii similes habent*”, quae est pars loci, quem supra, p. 154 totum apposuimus. Quid tum, si Britanni paucissimos habent Bentleii similes? Scilicet T. id eo valere putat, ut Britanni quoque illam, de qua loquitur, Literarum palmam Germanis con-

cedere debeant. Scita, profecto, conclusio: quae saltem intelligeretur, si ita constaret: Qui populus plures quam alius populus Bentleii similes habet, hic ab illo Literarum palmam aufert: Atqui Germani plures habent Bentleii similes quam Britanni: Ergo Germani a Britannis Literarum palmam auferunt. Quamquam et propositio et assumptio reprehendi poterat: quibus confirmandis quum T. nil attulerit; tota ratiuncula, ut vana, repudiatur. Quare vero *similes*, ac non *pares* aut *aequales*? Nam quae eodem genere continentur omnia sunt *similia*; non item *paria*; *paria* quippe aut *imparia* fiunt diversitate graduum et magnitudinis; igitur omnes Literatores, magni et minuti, sunt similes, nec tamen *pares*. Deinde *habent*, quale hoc est Praesens? utrum simplex et absolutum, i. e. *hoc ipso tempore*, an latius patens, quod etiam partem proximè superioris temporis complectatur; nam accurate definiendum erat in ista, scilicet capitali! causa, quando Germanis victoria parta, et invidia Britannorum ac Batavorum orta sit. Illud autem *ipsi Britanni*; illud inquam *ipsi*; unde ei excidit, nisi ex tacito quodam sensu et iudicio excellentiae eorum in his Literis: quorum multi et nostra et Bentleii memoria fuerunt, qui prope ad hujus praestantiam accederent, omnino digni, qui nominatim commemorarentur, nec hujus

aninus nomine prodito obscurari debebant: quod modo in Germanis, ut vidimus, fecit T, ignorantiam plerumque suam universe et ambigüe loquendo dissimulans. Sunt igitur hi, nisi qui nos fugerunt, diverso quidem gradu, sed tamen eo, ut silentio nomina eorum premere inhumanum sit: Davisius, Hearnius, Needhamus, Mettairius, Wasius, Clarkius, Pearcius, Middletonus, Bryanus, Chishullus, Jebbius, Jortinus, Uptonus, Marklandus, Tunstallus, Taylorus, Mangeyus, Chapmannus, Squirius, Dawesius, Chandlerus, Hamiltonus, Toupius, Musgravius, Tyrwhittus, Burgesius, Porsonus.

Caeteros Europae populos prorsus tacet: ex quibus certe Itali et Galli non tacendi erant ab eo, qui illam, quam somniat, Literarum palmam caeteris abjudicare, et Germanis adjudicare vult. Primi seculo XV intermortua Literarum studia in vitam revocarunt Itali: ab his ad Gallos, ab utrisque ad Batavos et Germanos venerunt: Et quamquam elegans et vera illa ratio grammatica principibus restitutoribus, Politianis, Manutiis, Victoriis, Gallisque magno numero a Wyttenbachio Philomathiae L. II, p. 168 memoratis, quamquam igitur haec ratio, ab illis principibus instituta et exculta, sequentibus saeculis aliquanto minus frequentata est, tamen ne patrum quidem no-

stro-

strorum memoriâ, quae fuit *Gesneri et Ernesti aetas*, ita defecerat, ut Germanis cedere deberet. *Itali* citentur, Maffei, Muratorius, Morgagnus, Caryophilus, Salvinus, Mazochius, Cocchius, Gorius, Corfinus, Facciolatus, Lagomarsinus, Bongiovannus, Ignarra, Foggini, Bandinus, Morellius: *Galli*, Boubierius, Vignolius, Rollinus, Sallierius, Sevinus, Capperonnerius, Bimardus, Delanoius, Caylus, Danvillius, Cr vierius, Brotierius, Seguierius, Barthelemyus, Monfauconus, fratres Lebeau, Brosseus, Stoeberus, Brunkius, Schweighaeuserus, Larcherus, Villosus, Sanctocrucius, Chardonus, Rochettius, Boissonadius. Horum enim aliquot certe sunt palmares: caeterorum nemo tam a palma remotus quam Tittmannus.

Hic vero ipsos parum novit Batavos, quos profecto nosse debebat, censere eos et notare volens. Horum non nisi tres nominatim laudat, *Hemsterhusium, Valckenarium, Ruhnkenium*, horum, inquit, et aliorum gloria etiam proletarii quique illius gentis litteratores fruebantur. — Quae ita dicta sunt, quasi putet Literarum principatum Batavis demum per illos tres asertum esse, et caeteros ejusdem aetatis et laudis socios paucos nec satis dignos fuisse qui cum his nominarentur. Horum utrumque magno in errore versatur. Nam Batavis laudem

quidem Literarum jam pepererat Erasmus Rotterodamus, quam deinde propagarunt Ceratinus, Nannius, Longolius, Janus Secundus, Tiara, Ratallerus, Cruferius, Suffridus Petri, Nansius, Hadrianus Junius, Pighius, Falco-burgius, Janus Doufa: principatus autem venit condita Academia Lugduno-Batava, constitutisque Literarum doctoribus, summis viris, primum Justo Lipsio, deinde Josepho Scaligero; à cujus fonte alii deinceps fluxerunt principes saeculo XVII, G. J. et Isacus Vossii, D. et N. Heinsii, Grotius, Rutgersius, Meursius, Arcerii, Putschius, Cunaeus, Scriverius, Salmasius, Cluverius, Boxhornius, Podaëus Stapelius, J. Fred. Gronovius, J. G. Graevius, Thysius, Vlitius, Blancardus, Jac. Tollius, Meibomius, Munckerus, Ouzelius, Gallaeus, Schelius, Tennulius, Cuperus, Jac. Gronovius, Perizonius, Lambertus Bos: quorum certe dimidium principes, caeteri secundarii sunt. Saeculum vero XVIII illustrarunt sane Hemsterhusius, Valckenarius, Ruhnkenius, quos solos novit T. principes profecto, sed ut plures iis in lucis et principatus societatem accedant, veluti Clericus, Wopkenius, Haverkampius, Wesfelingius, Dorvillius, Albertius, Burmanni, Cannegieterus, Dukerus, Drakenborchius, Saxius, Schraderus, Lennepius, Pierfonus, Koenius, Abreschius, Hoogeveenius,

nius, Bondamus, Segarius, Fonteinus, Nieuwlandus: quibus et alios recentiores addere poteramus, nisi T. censoria sua arrogantia omnes post Ruhnkenium et vivos et mortuos è principe classe exclusisset: de quibus jam videamus.

Fatemur quidem, exteros, qui de novissimo harum Literarum apud Batavos statu ex indice sodalium tertiae Classis Instituti nuper apud nos creati statuunt, non valde honorifice de hoc statu existimare posse, quum in illo indice Horrearium ejusque consortes Reçensentes agnoverint. Sed certioribus argumentis de literatura nostra judicandum est. Et primo negamus et pernegamus, Batavum hujus aetatis literatorem quemquam esse, quem T. prae se contemnere possit: sive spectemus mortuos illo temporis spatio, sive adhuc viventes. Mortui sunt Sante-nius, Roverus, Saxius, Hana, Luzacius, Boschius, Derkinderenus, Waardenburgius, Kootenius; quos parum ornemus, nisi Tittmanno multis partibus doctiores fuisse dicamus. Vivunt, et porro vivant, qui scriptis item inclaruerunt suis: in Academia Groningana Derhoerius nonagenarius, ejusque collega Ruardius, in Francquerana Wasfenbergius, in Lugduno-Batava Wytttenbachius et Tollius, in Trajectina Heusdius: in Athenaeo Amstelodamensi D. J. Lennepius et H. Boscha: in Daventriensi H. O. Sluiterus; Gymnasiorum Rectores, Rotteroda-

menſis Nodellus, Ziericzeani Mahnius, Arnheimenſis Zilleſenius, Zwollani Goudoeverius, Dockumenſis Peerlkampius: rempublicam tractantes, Scholtenus, ſcriptor diſſertationis de Theologia Ciceronis, Nobiliſſimus Lyndenus Diſſertationis de Panaetio; porro recentiſſimi ſcriptores juvenes, Pakius diſputationis de Poſidonio; Netſcherus de Oratione pro Archia; Baumhauerus Obſervationum Literariarum ad Ciceronis Academica, in Stoicorum doctrinam de Viſis et Evidentia; Willetius editor et interpres Protreptici Galeniani: tum rei publicae tractatione defuncti Matthias Temminkius et Fred. Guil. Boerſius; denique item privatus, primo loco nominandus, Graecae Linguae peritia et emendandi felicitate inſignis, Hubertus Eldikius. Huc accedunt docti ſcriptores Actorum Trajectinorum. Mittimus plures, quos enumerare longum ſit. In his quidem, quos nominavimus, quum et nos Philomathiae Sodales ſimus, malumus aliis judicandum relinquere, quam ipſi pronunſciare, quo loco quiſque eorum cenſendus ſit. Qui vero horum ſcripta legerint, facile animadvertent, in hoc numero non deeſſe principes, caeterorum autem neminem non multis claſſibus Tittmanno praeponendum eſſe.

Sed quandoquidem Wyttenbachius et nominatim et in primis oppugnatur, ut nimirum hoc
la,

labefactato caeteri eo certius à principatu excludantur Batavi, pauca de hoc dicemus. Hic scilicet, *Vrit enim fulgore suo, qui praegravat artes Infra se positas: exstinctus amabitur idem*: hic jam quadraginta abhinc annos ut unus e Literarum principibus per omnes populos et homines literatos celebratus urit sua gloria plebeculam vana eruditionis opinione inflatam ejusque antistites Horrearios et Recensentes et Sycophantas; quod ipsis nec litat, nec adulatur, sed ut sunt vel indocti vel semidocti, ita indoctos vel semidoctos appellat. Hic jam puer Graecos Latinosque scriptores legere orsus, deinceps adolescens et juvenis horum, qui quidem cum doctrinae orationisque elegantia conjuncti essent, legit omnes, et hujus lectionis fructum retulit cum ad illarum linguarum interiorum grammaticam cognitionem, tum ad scriptores ipsos interpretandos et emendandos, tum vero ad rerum scientiam, Historiam, Philosophiam, caeterasque doctrinas et omnem antiquitatem. Accedebat facultas minime vulgaris eleganter diserteque Latine scribendi. Itaque mature principibus annumeratus est. Et quod Tittmannus (p. xxi.) alia in re dixit de Wyttenbachio temere et stulte, hoc vere et recte in illum accommodabimus. „ Quod vere „ à nobis dici, etiam si T, numquam sibi per „ suaserit, tamen omnes intelligunt et libenter

„ concedent, qui Literarum incrementa, non
 „ genti cuidam propria, sed toti generi huma-
 „ no communia, undecumque proveniant, gra-
 „ ti agnoscere solent.” Ruhnkenii certe aucto-
 ritatem non repudiabit T, quem et principem
 censeret, et *candidissimam animam* (p. xvii) voca-
 vit; nec dubitabit quin is, ut princeps, quid
 verum esset, judicare potuerit, et, ut *candi-
 dissima anima* pronunciare voluerit. Hic igitur
 disertè de Wytténbachio ita locutus est, ut
 quem principe loco censeret, ad Timaeum p.
 215: *In hac sententia, inquit, me valde con-
 firmavit consensus Daniellis Wytténbachii, cui
 tantum tribuo, quantum eruditorum, qui nunc
 sunt, nemini.* Similia in R. scriptis passim oc-
 currunt. Juvat vero etiam ex ejusdem ad Wyt-
 tenbachium epistolis quaedam proferre. Sic igitur
 ille ad hujus recens editam Epistolam Criti-
 cam a. MDCCLXIX. — „ *Lectus à me li-
 bellus Tuus, expectationem, quam de eo Hey-
 nius noster fecerat, multum superavit. Nam,
 ut vere dicam, vix putabam in Germania esse,
 qui tantum in hoc genere saperet, et tantam
 Graecae linguae scientiam cum vera Critices
 ratione conjungeret. Miror lumen ingenii Tui,
 quod ex tot egregiis conjecturis elucet, sed mul-
 to magis miror rectum, in illa aetate praeser-
 rim, judicium. Ex his non fallacibus signis
 auguror, Te, si eundem cursum tenueris, mag-
 num*

num aliquando *Literarum* nostrarum decus et praesidium futurum. Tu solus nimis demisse de Tua in his *Literis* facultate sentire videris. Verum scias, quod *Quintilianus* simili in re dicebat, eum in *Graecis Literis* multum profecisse, cui *Plato* multum placeret. caet." Et vero *Wytttenbachius* eundem cursum fideliter tenuit. Proximo anno R. de hujus in *Latinis Literis* progressibus sic ad eum scripsit: „In *Latinis Literis* quantum proficias vel *literae* *Tuae* ostendunt, quibus nego quidquam elegantius et *Latinum* magis scribi posse. Editio *Plutarchi* libello de *Sera Numinis Vindicta*, anno MDLXXII, ad eundem *Amstelodami* viventem scribens, haec posuit: „*Plutarchus Tuus* quanta cum ingenii doctrinaeque admiratione ab omnibus, qui recte judicare possunt, exceptus sit, non dubito, quin multis multorum literis cognoveris. Donaram exemplum intelligentissimo harum *Literarum* existimatori *Claudio Salgasio*. Is statim me iussit quatuor alia exempla *Londinum* mittere ut *Anglorum* cupiditati satisfaceret. Qui librum Tuum ita probarunt, ut, si Tu in *Plutarchi* edendi consilio persisteres, fidem suam *Salgasio* adstringerent ad copias *Anglicarum Bibliothecarum* submitendas." Tum a. MDCLXXVII, ad W. orsum *Bibliothecam Criticam* scribere: „Remitto Tibi censuram Tuam, in qua vix reperi quod

ca-

calumniarer, nedum quod reprehenderem. Rectum certumque iudicium Tuum: oratio elegans ac plane Latina. In qua Te tantum profecisse eo magis gaudeo; quod, me potissimum auctore, hanc bene scribendi laudem, caeteris, quae in Te sunt, ingenii doctrinaeque ornamentis, conjungendam putasti." Porro a. MDCCLXXVIII, edito Euripide Musgraviano: „Euripides Musgravii prodit. Academia Oxoniensis me et Valckenarium exemplaribus donabit. Vellem Te nobis adjungerent, cum satis illis constet, tertium Te esse in Triumviris rei literariae constituendae." Hos locos ut nos in publicum prodere pateretur Wyttenbachius, ejus modestiam expugnâvimus: in quo literatis hominibus nos gratum fecisse non dubitamus. Sed referamus testimonia vulgata. Christophorus Saxius, locuples sane testis, Onomastici Literarii Parte VIII, p. 333, cum alia diligenter et honorifice de Wyttenbachio narravit, tum haec: „— sic ad Ruhnkenium se applicuit, ut parentis eum loco haberet, ejusque haud dubie grandi studiorum et ingenii acuminis exemplo incensus, pari gressu celebritatem nominis ejus aequare coepit, ut ambo Duumviratus literarum dignitatem attingerent: vid. Cel. Ruhnkenius in Epist. Crit. I ad Valckenarium p. 94, et ad Timaei Lex. Plat. p. 215." Sed fortasse hic propter communionem Batavae civitatis minus

hūs integer iudex habeatur: ecce Gallum, eum-
 que eruditissimum, Villoisonum! qui in Prae-
 fatione Epistolarum Vinariensium, ad Serenissi-
 mam matronam Annam Ameliam, matrem Caroli
 Augusti, Serenissimi Ducis Saxo-Vinariensis,
 haec posuit: „*Has conjecturas in Batavia
 natas esse suspicer, quas semper criticis viris
 et Graece doctisimis abundavit, sed numquam
 magis quam hodie, cum Ruhnkenio, Valckena-
 rio, Wytttenbachio etc., summis illis viris et
 supra nostras laudes longe positis, doctisimis-
 que eorum alumnis ex hoc ludo, tamquam ex
 equo Trojano, profilientibus, gloriatur.*” Pote-
 ramus aliorum etiam testimonia citare Gallorum
 Larcheri, Sanctocrucii, Boissonadii: poteramus
 et Britannorum, saepe quidem ab illis dissen-
 tientium, in Wytttenbachii laude consentientium:
 malumus Germanorum, quos ut populares Titt-
 mannus contemnere non audebit. Sic igitur
 Schneiderus, in praefatione Fragmentorum Pin-
 daricorum ad Mutzembercherum, coetus Luthe-
 ranorum Hagani doctissimum antistitem: „*Ha-
 bes in vicinia Tuae Triumviros illos, summis et
 ingenii doctrinaeque laude florentes, Valckena-
 rium, Ruhnkenium, Wytttenbachium, quos
 quidem hisce in literis regnare, nemo facile
 est, qui non confiteatur.*” Hoc scripsit Schnei-
 derus jam tunc Graece multo eruditior certiorque
 Tittmanno iudex, et scripsit a. MDCCCLXXVI,
 quum

quum Wyttenbachius in hoc genere nil nisi Epistolam Criticam, et libellum Plutarcheum De Sera Numinis Vindicta, edidisset: nondum Bibliothecam Criticam, Philomathiam, Selecta Historicorum Graecorum, Plutarchi Moralia Opera omnia, Praecepta Logica, Disertationes Philosopho-Historicas, Vitam D. Ruhnkenii, Platonis Phaëdonem: nondum complures ejus discipuli disputationes eleganter accurataque doctrina commendatas emisissent: quae omnia T. aut turpiter ignoravit, aut turpius etiam dissimulavit; praesertim quum in omnibus non modo exteris sed et Germanicis Ephemeridibus Literatis, Gottingensibus, Halensibus, Jenensibus, Erfordiensibus, aliis, ita celebrata et ut perfecti Critici opera commendata sint, ut neminem vel mediocriter doctum literatorem eorum notitia et laus quemquam fugere possit, nec nostrum sit, has laudationes referre. Juvat tamen apponere principis in Germania Literatoris Heynii, cui Tittmannus turpem istam adversus Wyttenbachium obtrectionem inscribere non dubitavit, Heynii, inquam, judicium et elogium de Wyttenbachio apponere, quod ille posuit in literis ad hunc misis cooptatum sodalem Clasfis Antiquarum Literarum Societatis Regiae Scientiarum Goettingensis: hoc igitur sic habet;

*Societas Regia Scientiarum Goettingensis —
Sodalium suffragiis et judiciis Virum doctissimum*

*num Danielem Wytttenbachium, Profesforem in Universitate Literaria Leidensi, accurata, subtili, elegante eruditione spectatum, priscæ laudis Batavorum, principatum Literaturæ Graecæ et Romanæ obtinentium, vindicem, in Classe Antiquarum Literarum et Artium Sodalem, amicum sibi et familiarem literarum commerciis conjunctum, optat, legit, cact. — Scripsit illa Heynius publica auctoritate Societatis d. IX Majii MDCCCXI: privatim autem suo nomine epistolam addidit, unde saltem prima et poscrema reponamus: Praestantissime, amicissime Wytttenbachii! non est alius superstes, quicum pari affectus, officiorum, studiorum, necessitudine conjunctus sim, quam Tecum, Vir optime, multis nominibus mihi carissime, Literarum doctarum liberalitate et humanitate ornatisime. Non igitur mirabere, cum Societas Regia Scientiarum Goettingensis nova Classe Literarum Antiquarum et Artium aucta esset, principem Te mihi se obtulisse, quem ut honoris causa cooptarent, et suffragiis suis sibi expeterent, Sodalibus meis persuasum irem. — Me autem de amicitia, qua me adhuc amplexus es, ita securum redde, ut quamdiu vixero, et post fata quoque, mei memoriam apud Te integram fore spondeas. Vale. Scr. Goettingae. d. X Maji. 1811. C. G. Heyne. Hunc igitur virum, Wytttenbachii amantissimum, plenam in
il-*

illum contumeliarum et mendaciorum praefationem si quidem legit, quanta cum animi indignatione legisse credibile est? Unum etiam addamus iudicium viri omnis historiae scientissimi, C. Hulthemii, Rectoris Academiae Bruxellensis, qui, in Oratione a. MDCCCXIII habita, *Batavorum avita merita de Literis Graecis et Romanis attingens, haec illorum propria ac praecipua esse pronunciat, et hodieque apud eos haec studia extolli et florere praesertim Leidae in Wytttenbachii schola principe Europae.* Quid ad talium virorum praeconia dicat Tittmannus? Scilicet ringatur et ilia ei rumpantur. Wytttenbachius autem nec extollit animum laudatus à claris viris, nec demittit vituperatus à sycophantis, suum iter sequens et illud *Nec tardum operior, nec praecedentibus inflo.*

Caeterum Batavi, etiam si, contra quam ostendimus, nullos harum Literarum principes haberent, tamen studii earum et frequentiae principatum obtineant. Nullus enim facile est populus, in quo, pro numero civium, earum et tot sint cultores, et tanta ratio ducatur. Cuius rei in primis causa est quod Batavi observantissimi sunt iudicii morisque majorum suorum, qui hanc rem publicam fundantes simul liberali filiorum institutioni prospexerunt scholis constituendis, in quibus excolendi ingenii initium à Latinis Graecisque Literis fieret. Sic,
pau-

paulatim crescentibus rebus, Gymnasia circiter quinquaginta, Academiae quinque exstiterunt, quae sane multitudo, pro angustis terrae finibus, et numero civium, singularis et inusitata est. Gymnasiorum, quae et Scholae Latinae dicuntur, ea est ratio, ut cuique praesit Rector, sub eo Conrector, Praeceptor, saepe plures; non homines per incitiam à Theologia repulsi ad Scholasticum opus confugientes, ut apud exteros passim fit: neque, quod Tittmannus de sua patria queritur p. xxxi, ubi *haec studia ab ejusmodi hominibus reguntur, qui philologiam, ut Candidati Ministerii, leviter tantum attigerunt, et aliquot annorum improbum laborem Rectorisque superbum imperium certa muneris sacri spe indigne perferunt*: sed homines ad talia docendi munera apti ac docti; unde hic magistrorum Scholasticorum ordo apud nos non, ut apud exteros fere, contemnitur, sed merito suo in primis honestus habetur. Hi ergo gradatim per classes pueros instituunt in Latinae Graecaeque linguae cognitione, aliisque disciplinis huic aetati aptis, usque ad adolescentiam et eum finem, ut discipuli scholis Academicis interesse easque percipere queant. Qui primum biennium spatii Academici pergunt iisdem linguis studere: assumunt Historias, Antiquitates, Philosophiam, Mathematica, alia, quae *propaedeutica* dicuntur et censentur. Tum ad propositam

M

sibi

sibi quisque disciplinam se dat, Theologiam, Jurisprudentiam, Medicinam. Sunt etiam qui praecipue operentur propaedeuticis, veluti Graecis Latinisque Literis, in iisque vitae tabernacula ponant, ut eas vel doceant ac profiteantur, vel ad sui liberalem oblectationem adhibeant. Et quandoquidem hac etiam in parte mos majorum viget, ut omnes scholae in Academiis habeantur Latino sermone, hic nobis mos eum adfert fructum, ut et conjunctio cum ipsis Latinis Graecisque Literis retineatur, et apud nos non modo Profesores, sed et Auditores, publice et privatim, commodius meliusque Latine loquantur, quam apud exteros, v. c. Germanos, quorum in Academiis, exceptis paucissimis, fere omnes scholae, Germanice habentur, ut Latina lingua propemodum extinguatur, certe intermittatur. Neque vero ista nos labes premit, ut nostri magistratus, aulici, nobiles, omnino primarii Reip. dignitate viri, has Literas ut ipsis indignas et mere scholasticas contemnant: quam labem in Germania his obesse studiis queritur Tittmannus p. xxviii. Apud Batavos *hoc caverat mens provida* Guilielmi I, ejusque consiliorum socii et adjutoris Jani Doufae, qui princeps nobilitatis Batavae, et bellica fortitudine et civili prudentia et Literarum scientia praecipuus, primus idem Curator hujus Leidensis Academiae, haec studia sic stabilivit,

ut

ut deinceps nobilissimus quisque ea maxime et honorifica et honoranda judicaverit, plurimique ex primariis ordinibus viri ea et juvenes et senes coluerint. Sic etiam Britanni, principium fundamentumque excolendi ingenii in lectione classicorum Scriptorum ponentes, hanc non solum ut debitam necessariamque ad pueritiam et adolescentiam, sed etiam, ut liberalem et salubrem, ad reliquas aetates referunt; unde saepe apud eos est videre proceres, magnates, senatores, qui Thucydidem, Demosthenem, aliosque Graecos auctores, ad civilis rationis usum quotidie terant. Est autem in his Literis, ut in rebus magnis, praeclarum ad hanc rerum intelligentiam profecisse, etiam si ad summum ejus gradum, quasi Aristarchi alicujus facultatem, pervenire nequeas. *Prima enim sequentem, ut sapientissimo Ciceronis dicto utamur, (Oratore, I.) honestum est in secundis tertiisque consistere. Nam in poetis non Homero soli locus est, aut Archilochi, aut Sophocli, aut Pindaro; sed horum vel secundis, vel etiam infra secundos. Nec vero Aristotelem in philosophia deterruit à scribendo amplitudo Platonis: nec ipse Aristoteles, admirabili quadam scientia et copia, caeterorum studia restinxit.*

Satis videmur pro Batavis dixisse; ut nemo intelligens iudex nostram causam improbaverit, nedum ipse, si viveret, Ernestus, vir idem et

eruditissimus et aequissimus: qui profecto reprehensorem sic alloqueretur: Quid est, Tittmanne, quod tantopere te moveas et jactes, ut in Batavos et Wytttenbachium inveharis, quasi, meam scilicet famam defendens. Quae te quidem defensore non opus habet. Neque enim populus est; in quo meis scriptis meaeque rationi plus tribuatur, quam apud Batavos, nec solum à Literatoribus, sed etiam à Theologis, et aliarum doctrinarum cultoribus: neque quisquam ex iis me saepius, verius, liberaliusque laudavit, quam Wytttenbachius. Qui quod meam cum Valckenario de Callimacheis et Xenophonteis annotationibus disensionem memoravit, vera et ex illo Ruhnkenioque et aliis audita narravit, nec ad *meum nomen minuendum* retulit, ut tu calumniaris, hujus narrationis fidem ineptis ratiunculis elevare conans, eximias autem laudes pasim à Wytttenbachio in me collatas silentio premens. Et quod eum ac Batavos insimulas mihi Germanisque obtrectare, indeque sibi gloriam quaerere, vehementer erras: neque enim illi id faciunt, nec opus habent ista ad gloriam via, quae est vanorum et minorum hominum, quam tu tuo in libello sectaris. Quem quicumque legit, is manifesto videt, te ardentem invidiâ adversus Batavos tibi censoris personam assumere, hos è prima classe dejicere, in hac Germanos ponere, ut scilicet tu hujus clas-

sis

sis focius habearis. Neque tantummodo animi
 integritas, sed duae etiam reliquae facultates
 censoriae, iudicium et rerum intelligentia, tibi
 defunt, ut monuerunt Sodales Philomathiae,
 et omnes prudentes doctique animadvertunt,
 apud quos turpiter te dedisti cum tuo libello,
 magnumque existimationis detrimentum fecisti.
 Quam tu, si me audis, ita restituere studebis,
 ut candide profitearis, te per ignorantiam et
 gloriae cupiditatem à vero aberrasse. Debes
 hoc tibi. Debes Academiae tuae Lipsiensi:
 quae quum adhuc semper florisset humanitate
 non modo Literarum, sed et morum, nunc se
 neutro bono per te auctam, sed redundantem
 videt inficeto profesore et agresti, qui inter
 caeteros sit *Rusticus urbano confusus, turpis
 honesto*. Debes mihi; de quo male meritus es,
 quod in mea scrinia incidens has epistolas emit-
 tis, minime in istum usum a me servatas, ut tu
 aliquando is edendis abutereris ad occasionem
 male dicendi obtrectandique Batavis, tuaeque
 obtrectationi meae defensionis nomen praeten-
 deres. Ego vero, qui his in Literis aetatem
 contrivi, earum principes semper Batavos esse
 iudicavi, horum rationem in edendis scriptori-
 bus antiquis unice probavi, saepissime in meis
 scriptis laudavi, et Germanis nostris in exem-
 plum ad imitandum commendavi. Quorum si
 qui nunc hanc studiorum viam secuti excellunt,

non ideo Batavis nunc excellentibus suum locum laudemque adimunt: quale quid tu somnias, ipse in hoc Literarum genere minime excellens, de Batavis nescio quam palmam fingens, triumphans, et multa temere comminiscens, instar militis gloriosi hostes quaerens ubi nulli sunt. Quin tu potius, qui meam laudas verecundiam p. xvi, hanc secutus es; praesertim quum et ipse sis et salutare volueris *Theologiae Doctor*; neque sit vel doctore ventoso quidquam ineptius, nec mendace theologo turpius!

Caeterum, habet Philomathes noster aliquot Ernesti ad Valckenarium epistolas, à filio generoque, humanissimis viris, acceptas, longiores illas quidem, quam quae hoc in libro edantur: inter quas quum exemplar sit epistolii à Valckenario ad Ernestum scripti, ad causam Xenophonteam pertinens, eamque vere a Philomathe narratam ostendens; iuvat nos, illud hoc loco referre. Est autem his verbis conscriptum: „Viro summo Jo. Aug. „Ernesti. S. P. D. L. C. V. Brevisissimam „quidem schedulam in Aristoph. Nubes „petenti mihi aliquando remisisti: sed ob- „servata mea in Xenophontis Memorab. „nec ego repeti, neque Tu mihi remisisti. „Haec igitur inter chartas tuas reperiēs, iis- „que

„ que, prout libuerit, uteris. Commode mihi
 „ videntur. separatim ad calcem poni posse.
 „ Cum nihil habeam quod iis addam, prorsus
 „ necesse non est, ut ad me mittas plagulas,
 „ quas dicis, ubi praelum reliquerint. In
 „ Scheda quadam separata, pauca quaedam in
 „ notas Tuas animadverteram: his si quando
 „ uteris, me, quaeso, in re tantilla nominare
 „ noli. Vale, Vir Summe, et me inter Tuos
 „ admiratores semper numera.” Dabam Leidæ
 d. xx Nov. 1771.

III.

EPISTOLAE Sodalium Socraticorum Philomathiae, cum Praefatione et Appendicibus **GUILIELMI LEONARDI MAHNE** *Rect. Zierizeani Gymnasii.* — Πλάτων λοιδορούμενος ὑπὸ τινος, Λέγε, ἔφη, κακῶς, ἐπεὶ καλῶς οὐ μεμάθηκας. „Plato, „quodam ei maledicente, Perge, inquit, male dicere, quandoquidem „bene dicere non didicisti” **STOBAEUS.** — *Zierizeae. Apud Abrah. De Vos, Jac. Fil. MDCCCXII. 8. pagg. 104.*

Hic liber, jam biennium ante annum in titulo notatum scriptus, nunc demum prodiit; quod Scriptores ejus editionem propter nova tempora differendam, nec tamen Literarum detrimento abjiciendam judicarent. Quod utrumque eos recte judicasse, lectio ejus docebit. Continet vero, ut prior Mahnii Epicrisis, insignem, et multo etiam ampliorem, copiam praeceptorum ex Philomathis disciplina natorum, de stilo Latino, puritate ac proprietate orationis, cum in compositione, tum in singulis verbis et locutio.

dionibus: magnam accessionem ad libros Vossii, Cellarii, Heusingeri, aliorumque, qui de vitiis sermonis antibarbaras animadversiones scripserunt: quae quum tanti sint momenti, ut, iis ignoratis, nemo Latine scribere possit, tamen vulgo à semidoctis Latine scire et scribere volentibus ignorantur. Sed causa libri paucis declaranda est.

Horrearius aliquando in Horreo Philomathem ultro lacesiverat, ab eoque diu postea de ista temeritate admonitus, in Bibliothecae Criticae Parte XII, ut rem ex praefatione referamus, bilem sibi hac admonitione commotam mox in Philomathem effudit, edita ad eum Epistola Latine scripta, sed Latinitate belgicante et plena barbarismis: volens scilicet et ipse literatus et Latine doctus videri. Et visus est indoctis ac Philomathi invidentibus: doctis autem audaciam simul suam et imperitiam ostendit. Nam apparuit, eum ad scribendam illam Epistolam adgressum, pauca Ciceronis, Terentii Andriam, quaedam Mureti, Philomathis Bibliothecam Criticam, Lexica denique, pervolutasse, indeque decerptis pannis centonem confuisse filo ac stilo Belgico. Materia vero continebatur tota foedis impudentissimisque in Philomathem conviciis, quibus eum malum et improbum hominem pronunciabat, et *quasi maleficum aliquod et noxium animal, quod quis non*

fugiat, aversetur, odio habeat, concursusque ejus sibi dirum, tetrum, ominosum, putet. Hoc clam Mureto surreptum, cum ipso typographico mendo *concursum* pro *occursum* Opp. II, p. 79, et similia inde aliundeque compilata, uno et continuo rictu in Philomathem elatavit: scilicet impium hominem, ausum Horreario respondere, et latranti Kantiano Anubi veram rationem opponere. Alia multa effutiit, quae essent hominis prae iracundia insanientis, suae causae diffidentis, nec eam nisi mentiendo tueri se posse sperantis, et in ipso mentiendo nullam saltem verisimilitudinis rationem habentis. Veluti, Philomathi nomen *doctoris umbratici* objiciens, nec intelligens ejus significationem, nec Ruhnkenii in illa oratione propositum, id ipse commisit, quod illic in vitiis doctoris umbratici numeratur, *qui summos viros, si forte in vocula syllabave lapsi sint, ob torto collo ad suum tribunal rapiat.* Nam in duobus à Philomathe citatis versibus hexametris errores typographicos nactus, eos ipsi tribuit et rei metricae ignorantiam exprobravit; alium etiam versum ei objiciens, suam ipse imperitiam prodidit. Enimvero Philomathem quid hexameter sit nescire! eum qui à pueris Graecos Latinosque Poëtas legit! qui in illa ipsa et caeteris Bibliothecae Criticae Partibus, atque adeo in omnibus aliis suis scriptis, sex-

cen-

centos Poëtarum locos probabiliter tractavit et emendavit! Alia multa in illa Epistola infaniae exempla cognoscantur è Catharsio, quod Philomathes in Philomathiae Libro I, prodidit, opus faciens Literatis gratum, norandis erroribus Horrearii, cum caeteris, tum iis de Latinitate: ipsi salutare, expurgandis ejus sordibus, debitumque pro ejus syllabarum aucupio in typographicis mendis: leniter eum, ut aegrotum, tractans: errores circiter ducentos notans in quatuor generibus, Latina oratione, Graeca, Philosophia, Sensu Communi: nam mores suos, ab Horreario per diram maledicendi libidinem vituperatos, adversus febricitantem defendere nil attinebat.

At Horrearius per Catharsium ex febris in furorem conversus, sordes sibi suas adimi non passus, in sterquilinum suum se recepit, indeque suo more, scilicet, fulminans, *Triadem Epistolarum*, quasi stercoream grandinem, in Philomathem emisit: quem Pallas aegide protegens, stercus in Horrearium excusit, eumque obruit. Erat autem posterior iste libellus prior eo foedior ac dirior; ut, quum utrumque ex triviorum colluvione peteret, priorem à superficie delibasse, posteriorem è sentinae coeno ac faece hausisse videretur: ille, quamquam abjiciendus insignis ad deformitatem foetus, tamen aliquam humanae formae similitudinem
re.

retinens : hic inferni tricipitis Cerberi figuram latratumque referens. Ad hunc nisi Philomathes fileret, quartam se epistolam emisurum minabatur. Juniores medici, qui sunt iidem Sodales Philomathiae, quorum iudicio hic Horrearii curationem reliquerat, judicarunt Triadem non silentio praetermittendam, sed animadvertendam esse : non quidem ipsius Horrearii causa, qui, ut suis ipse sordibus obrutus, sua sponte punitus miserandusque esset; verum, ut adolescentibus studiosis caveretur, ne istius vitiis erroribusque contaminarentur. Itaque remper Epistolas agere instituerunt. Quae fuerunt numero decem, a p. 1. ad 108. scriptae a Sodalibus singulis, sub nominibus Socraticorum, inde ab Octobri a. MDCC CIX, ad x. d. Junii MDCCCX. Prima est Terpsionis ad Euclidem, ante editum Catharsium, d. 11. Octobris. Altera, Euclidis ad Terpsionem, de edito Catharsio et denunciata Triade, d. xxv. Novembris. Tertia, Euclidis ad Aeschinem, de edita Triade, eique procurandae facto Sodalium decreto, data Antistheni provincia procurandi, et scribendi ad Horrearium, alio nomine appellandum *Paulum H. V. C.* — d. v. Maji. Quarta, Antisthenis ad Paulum H. V. C. adhortatio ad cognitionem sui colendam, curationemque admittendam: d. 11. Maji. Quinta, Antisthenis ad Paulum H. V. C. de prima Triadis
Epi-

Epistola, praecipue de errore Pauli, quo is dixerat *rem esse doctoris umbratici in aliorum scriptis vitia Grammatica notare, praesertim si doctissimi viri alii similiter locuti sint: Ruhnkenium nomine doctoris umbratici cogitasse Philomathem, quamvis adhuc ei ignotum et puerum duodecennem*: d. xvi. Maji. Sexta, Antisthenis ad Paulum H. V. C. de ejus errore, quo contenderat, *bene Latine scribere esse Veterum scripta compilare, et Veteres item factitasse*: admonitio ad eundem, de differentia puerilis et virilis imitationis: d. xx. Maji. Septima, Antisthenis ad Paulum H. V. C. de eodem argumento, et Pauli compilationibus, in singulari priore Epistola factis: d. xxv. Maji. Octava, Antisthenis ad Paulum H. V. C. de differentia rectae et pravae rationis interponendi Graeca verba ac dicta Latinae orationi, et Pauli hoc in genere ex eadem Epistola errores: d. xxx. Maji. Nona, Antisthenis ad Paulum H. V. C. de puerilitate, in primis Pauli. d. v. Junii. Decima, Antisthenis ad Paulum H. V. C. de argumento Kantiano, a p. 85 — ad 108. d. x. Junii: qua ostenditur, Horrearium multa Kantii dicta non intellexisse.

Hactenus pertinuerunt Epistolae, quum Antisthenem sua et amicorum negotia in exterarum regiones proficisci coegerunt. Ne tamen Pauli H. V. C. causam derelinqueret, ut ipse scribit,

bit, eum purgandum tradidit uni e Sodalibus nostris, Mahnio, quem novit Paulus H. V. C., docto et modesto viro, qui item purgavit collegam Pauli H. V. C. arrogantem et indoctum hominem, tenebrionem sub nomine Recensentis Recensentium latentem. Ex his igitur Epistolis, quamquam materiae à Sodalibus collectae vix tertiam partem complexis, multa discere possunt alii, cum ad rerum et orationis scientiam, tum ad formae et characteris epistolae cognitionem: quam discipuli Philomathis in ejus Scholis interpretatione et imitatione Ciceronianarum Epistolarum consequuntur, Horrearius autem adeo ignorat, ut nullam habeat rationem copiae, varietatis, brevitatis, tenoris, verisimilitudinis, sed putet se nomini et officio Epistolae satisfacere, positis illis in principio et fine formulis. — *Salutem, Vale.* Quae sane ratione etiam e singulis suis hominibus totidem Epistolas conficere poterat.

Mahnus autem has Sodalium Epistolas, et caetera eorum hujus argumenti adversaria, ita ab Antisthene sibi tradita accepit, ut his sua adderet acta, omnia in unum corpus redigeret ac perscriberet, et, si quando tempestivum videretur, uno volumine vulgaret. Et quum tunc simile argumentum purgandi Recensentis in manibus haberet, non alienum ab eo judicavit, isti bulbo Horrearium quasi guttam ad-

sper-

pergere. Recepit igitur Antistheni se facturum, quam primum ejusmodi tempora venissent, ut studiosi homines tali lectione frui ac delectari possent. Quae tempora jam adesse cum aliunde judicavit, tum inde, quod frequentes studiosi homines ex ipso et aliis ejus sodalibus quaerere solebant: *Ecquid Juniores Medici? Siccine sinunt barbaros equitare inul-ros*. Ergo his Sodalium Epistolis duae deinceps Mahnii Appendices subjiciuntur: prior sic inscripta, *Appendix Prima continens Animadversiones Sodalium Socraticorum Philomathiae in Horrearii Epistolarum Triadem*, à pagina 109 ad p. 206: altera, *Appendix Altera, sive Epicrisis Censurae, quam Recensentium Reveniens, vir eruditissimus, edendam curavit, a. mccccix*, a pagina 297 ad 399. Sequuntur Addenda et Corrigenda à p. 400 ad 408. denique Index Grammaticus, utilissimus et locupletissimus, verborum et locutionum in quibus Horrearius erravit.

Mahnus igitur traditam sibi provinciam in Appendice Prima sic administravit, ut saltem grammaticos et logicos errores Horrearii animadverteret, convicia autem maledictaque refutare supersederet, quippe quorum fraudem et injuriam nemo sanus non sponte videret. Et primo quidem è Philomathis Scholis locum p. 111—115. de partibus et officiis filii Latini ejus;

ejusque comparandi recta ratione, protulit: deinde Triadem per paginarum deinceps ordinem persequens breviter ac diserte notavit: quae notatio ingentem numerum admonitionum et regularum de recto verborum usu, à vulgo ignoratarum, peperit. Nam Horrearius non solum priores suos errores in Catharsio castigatos tenuerat ac defendere laboraverat, sed etiam plurimis novis cumulaverat; ut expurgandi materia tanta esset, quae vel complurium Sodalium operam industriamque exerceret. Et vehementer indignatus erat, quod Philomathes ejus barbarismos et soloecismos notasset, clamans id esse syllabarum aucupium et negotium doctoris umbratici, in eumque frequens compilatos ex illa Ruhnkenii Oratione pannos jaciens: immemor, aut parum curans, quod ipse prior syllabarum aucupium, idque indignissimum et abjectissimum, in mendis typographicis, adversus Philomathem instituisset, et omnino in ea vitia incidisset, quae in illa Oratione doctoribus umbraticis tribuuntur. Veluti in Kantianis disputatiunculis iste facit, quod in doctoribus umbraticis reprehenditur, p. 112, *falsa scientiae opinione inflati, non se accommodant infirmis ingeniis, sed, ut supra vulgus sapere videantur, eruditionem venditant, docendo difficultates augent*: et p. 125: *Huic vitio etiam affines sunt nonnulli aetatibus*

sis nostrae philosophi, qui, quas res populari ac perspicuo sermone enunciare possent, nimia subtilitatis affectatione, verbis exprimunt à communi usu abductis, interdum etiam novis, et à se satis inconcinne confectis. Et archaismos affectat Horrearius, ut ostenditur Append. I, p. 194, quod item in vitiiis doctorum umbraticorum numeratur in illa Oratione p. 104: *Sunt, qui exoletae vetustatis amore capti, cum Euandri matre loquantur.* De compilatione et Terentianis jocis ad res graviores translatis, quae ineptia saepe in Horreario nota est, dicitur in eadem oratione p. 125 *Vidi qui — in mansuetiorum Musarum contentores declamaturi, Ciceronis Catilinaras compilarent. Vidi, contra, alios, qui dicta per vernilem jocum à Comicis rebus gravissimis accommodarent, cum irrisione intelligentium.* Ruhnkenius quidem nimium festinanter arripuit appellationem *doctoris umbratici*, et in malum sensum convertit, quae veterum ratione et usu honestam habet significationem, omnibus doctoribus scholas habentibus communem, Philosophis et Rhetoribus, Platoni, Aristoteli, Quintiliano, Longino, horumque simillimo cuique: volebatque ipse notum aliquem illo tempore Scholae Latinae Rectorem, non Profesorem: qua de re legenda sunt Sodalium nostrorum monita p. 18, 19, 40, 41, 237. Philomathes autem, ab

N

in.

ineunte aetate in publica luce educatus et eruditus, adolescens peregrinando cultiores populos obiit, et *mores hominum multorum vidit et urbes*: deinde Profesfor Amstelodami diu in vitae celebritate versatus, denique Lugduni Batavorum progressu aetatis, quo magis intellexit quantum esset quod nesciret, quantumque sibi agendum superesset, sibi et paucis vivere coepit, scilicet iis, qui ab ipso discere vellent, et à quibus ipse discere posset: in Musarum se otia et *umbracula* recepit, ubi ejus felicitati invidentes et laudi obtrectantes Horrearios, Recensentes, aliosque Zoilos, longum valere jubet, *rumpantur ut ilia Codris*.

Triadis Horrearii, ut nomen ipsum significat, tres sunt Epistolae, immo potius partes: si quidem cum Epistolis nil habent commune, nisi initium et finem *Salutem et Vale*. In has iste triplicem materiam distribuit, ut prima contineret errorum in Graeca Latinaque oratione suorum à Philomathe reprehensorum defensionem: altera reprehensionem rationum de Philosophia, ab eodem explicitarum: tertia vitae morumque ejus vituperationem. Ita quidem distribuere voluisse videtur: quamquam saepe turbat, ex alio in aliud transiit genus, lubentissime in vitae morumque vituperationem. De Latinis et Graecis suis vitiis à Philomathe reprehensis per-

pergit vociferari (p. 137.) *non agitur in nostra lite de Latinitate, agitur de mea fama, agitur de Philosophia Kantiana*: interim ipse menda typographica Philomathis colligit, eaque ipsi pro ignorantiae erroribus objicit, ejus animo moribusque improbitatis infamiam adspersit: quae dum barbaro sermone, conviciorum sortibus, furtis pannisque compilationum, in Philomathem torquet, exclamat interea Ἀπλοῦς ὁ μῦθος τῆς ἀληθείας ἔφω. scilicet *talem suum esse sermonem: Philomathem autem, ut Sophistam, apud Ciceronem in Bruto, 12, judicare, hoc esse oratoris maxime proprium, rem augere posse laudando, vituperandoque rursus affligere. Quem utrumque locum à Philomathe furatus est. Bibliothecae Criticae P. xi, p. 26, et P. ix, p. 88. Atque sic identidem grasfatur per totum libellum, longum centum septuaginta sex paginarum; ut interdum vehementiore furoris accessu excitetur. Veluti p. 25, obrutus à Philomathe notatione soloecismorum ac barbarismorum suorum, quum frustra laborare se sentiret iis defendendis, et ad omnem succensus desperationem redigeretur, hoc extremum subsidium sibi superesse putavit, ut Philomathis auctoritatem Diminutivi jactu labefactaret, eumque ex magno viro parvulum hominem sibi que parem faceret. Sic enim scripsit ibid. „ Qua propter, ut spero, aegre non*

„feres, si te in posterum aliquando *Wyttens-*
 „*bachioli*, aut etiam *Danieluli*, diminuto no-
 „mine, vel etiam praenomine, compellem. Et-
 „enim ut poëtae Martialis ad Priscum quem-
 „dam, in te adhibeam verba: *Cum te non*
 „*nossem, dominum regemque vocabam: Cum*
 „*bene te novi, jam mihi Priscus eris.*” Hanc
 pueri furiose irascentis insaniam placida admo-
 nitione castigat et curat Antisthenes: quam to-
 tam quidem in ipsa ejus Epistola IX, quae est
de puerilitate Horrearii, legisse praestat: pau-
 ca tamen inde hic apposuisse utile est: —
 „Agam tecum, inquit, ut cum aegroto meae
 „curationi tradito. Dic mihi quid hoc disti-
 „chon Martialis ad tuum propositum Diminu-
 „tivi pertineat. Quem poëtam si tu legisses,
 „alios opportuniore locos depromsisses. Sed
 „neque Martialem legisti: et voluisti uti noto
 „tibi versu, quo Alphenum, optimum virum,
 „interfecisse diceris, si forte Philomathem
 „eodem telo interficere posses. Deinde dic
 „mihi quare posueris *deminuto* nomine, non
 „autem *Diminutivo*, ut omnes veteres Gram-
 „matici loquuntur? Scilicet volebas exquisite
 „loqui, et nactus in Lexico Facciolati sin-
 „gularem locum Quinctiliani Inst. Or. I, 5,
 „sic significatum *Diminutum nomen*, cupide
 „id arripuisti, mutasti in rarius et ab hoc
 „loco alienum *deminutum*, nec auctorem in-
 „spe-

„ spexisti, apud quem, edit. Burm. p. 64,
 „ Capperonnerii p. 42. antiquos codices *dimi-*
 „ *nutivum* habere vidisfes: quae sane vera est
 „ lectio; ut ostendemus in purgatione gram-
 „ maticâ Triadis tuae (vid. Append. I, p. 142.)
 „ Praepositiones *De* et *Di* accuratius distin-
 „ guendae sunt, quam vulgo fit. Illud pro-
 „ fecto, ut omnia tua, festivum est, quod
 „ *diminutivum* Philomathi inferre volens, ne
 „ id quidem habuisti cognitum, quo modo *di-*
 „ *minutivus* Latine dicendus esset. Sed, ut a
 „ nomine ad rem transeam, duo saltem te in-
 „ terrogabo, quis quem diminutive appellave-
 „ rit. Ego, inquis, Philomathem. Tu ergo,
 „ Paule H. V. C. an te unquam in speculo vi-
 „ disti? Certe videre te oportet, qui sis ipse
 „ diminutivus. Jam si unquam, de quo du-
 „ bito, in animorum speculum, in illud *nosce*
 „ *te ipsum*, inspexisfes, profecto cognovisfes
 „ te ingenio doctrinaque ad Philomathem esse
 „ instar guttae ad mare Aegaeum, aut lychni
 „ tabernarii ad Solem. — Ego vero nunc de Phi-
 „ lomathis gloria te unum testem satis habeo;
 „ ut hanc tui partem nōscere discas, tuum
 „ scilicet tecum ipso consensum. Nam quem
 „ tu in Triade diminutive appellas, et furto
 „ Ruhnkeniano *propudium Literarum* vocas;
 „ hunc tu in Oratione Funebri in A. A. Meer-
 „ schium a. 1792, p. 37. his verbis praedicās.

„ *Literarum illud omnisque elegantiae mira-*
 „ *culum, Daniel Wytttenbachius, Vir Claris-*
 „ *simus.* Tum in tortuoso illo et inficeto tui-
 „ que ingenii simillimo Dialogo de locis Vitae
 „ D. Ruhnkenii, quem edidisti in Horreo III,
 „ 12, Philomathi tribuis illud, *micat inter*
 „ *omnes — velut inter ignes Luna minores: —*
 „ et ibidem vocas eundem, *eum Literato-*
 „ *rum, item ut Plato quondam dictus sit Deus*
 „ *Philosophorum.* Porro in singulari tua Epi-
 „ stola quamvis stomacharis er conviciaris,
 „ tamen subinde invito verum excidit: veluti
 „ p. 44. in *Literis regnas: Literas tractan-*
 „ *tem omnes te suspiciunt, qui aliquem pulcri*
 „ *habent venustique sensum: doctrinamque hi*
 „ *tuam et egregiam admirantur orationis fa-*
 „ *cultatem.* — Ab illo autem tempore, quo
 „ tu eum *miraculum* fecisti ad hunc usque
 „ diem Triadis editae, quum duodeviginti anni
 „ intercesserint: ipseque Philomathes interea
 „ majus *miraculum* factus sit, multa quotidie
 „ didicerit, subinde libros vel composuerit,
 „ vel à se editos illustraverit, in his Plutar-
 „ chum, Selecta Hist. Gr., Vitam Davidis
 „ Ruhnkenii, Additamenta ad quorundam disci-
 „ pulorum specimina, Bibliothecae Criticae
 „ Partes XI et XII, Philomathiam Phaedo-
 „ nem: quorum tu librorum nec intelligentiam
 „ assequi, nec praestantiam aestimare, ac ne
 „ unum

„ unum quidem similem versum conficere pos-
 „ sis: dic igitur, fodes, qui factum sit, ut
 „ Philomathes, post tantam doctrinae accessio-
 „ nem, apud te *miraculum, deus, et inter*
 „ *ignes Luna minores*, esse desierit? Quia,
 „ inquis, adversus me scribere ausus est: id-
 „ que tantum scelus est, quantum si *maleficum*
 „ *animal factus esset, quod quis non averse-*
 „ *tur, refugiat, odio habeat*: sic enim scrip-
 „ sisti in Epistola singulari p. 63. mentiens et
 „ ineptiens, saltem ut Muretum describere te-
 „ que ejus spolio ornare posses. Et quando
 „ in amicis vis haberi, viri optimi, Hieronymi
 „ Boschii, ejusque judicium magni facere vi-
 „ deri, referam tibi, quae is in Epistola, qua
 „ Philomathi Carmen de Aequalitate Hominum
 „ inscripsit, de hoc pronunciavit: caet. — Ta-
 „ lium tantorumque virorum tam diuturnam, nec-
 „ umquam interruptam, conjunctionem qui dis-
 „ jungere, alterum apud alterum in invidiam
 „ adducere studeat, alterum ut amicum assec-
 „ tetur, alterum ut inimicum infectetur: illi
 „ de hoc si quid forte temere dictum excide-
 „ rit, id excipiat et in vulgus edat: hunc sibi
 „ respondentem criminetur, quasi amico illu-
 „ dentem: quod tu fecisti in Triade tua, fo-
 „ cium assumens Recensentem, et alium ne-
 „ scio quem vulgivagum famigeratorem: hoc
 „ qui agat, ex calumniosissimo est hominum

„ genere: *hunc tu Romane caveto*. Sed bene
 „ te novit et impudentiam et maledicentiam
 „ tuam: et quidni noverit, quod omnes no-
 „ runt. — Ergo tu, qui diminutive appelles
 „ Philomathem, quem non modo laudatus ille
 „ vir cum Casaubono et Ruhnkenio, sed et
 „ alii laudati viri cum iisdem et cum Hemster-
 „ hufio Ernestoque compararunt, eadem ra-
 „ tione dixeris hos viros, Casaubonulum;
 „ Ruhnkeniolum, Hemsterhufiolum, Ernestu-
 „ lum *Non dixerim*. inquis; *non enim meam*
 „ *majestatem laeserunt, nec errantem cor-*
 „ *rexerunt*. Quid? si laesissent et correxis-
 „ Scioppius quidem, quem tu tacita quadam
 „ culpa conscientia horres, si viveret, te,
 „ ut puerum impudenter petulantem, et soloe-
 „ cismos fundentem, ad illud, quod vocabat,
 „ natale supplicium condemnaret.”

At Horrearius, semel Diminutivum nactus,
 eo jaciendo multum sibi placet, et pergit
 quasi *equitare in arundine longa*. Subinde
 simul etiam instar simiolae cachinnans exsul-
 tansque Philomathi occinit, *nonne*, inquit,
Wytttenbachiole, angit te quod te doctorem um-
braticum nominavi: nonne Danielule, te pu-
pugit quod tibi metri ignorantiam objeci.
 Qui jam est clamor pueri non solum, sed
 pueri furiosi, vetuli qui semper puer mansit,
 suumque furorem omnibus ad deridendum ex-
 po-

ponit. Omnino nil nisi incredibile confectatur: suosque errores quamvis manifestos conviciorum atrocitate obtegere se posse putat. Sic duabus illis reprehensionibus, quamvis per se falsissimis et a Philomathe confutatis, insistere et huic obloqui non desinit, et tandem cumulandis ineptiis ab asino suo ἀπ' ὄνου) in omnium intelligentium irrisum incidit. Quarum nunc illam brevitatis causa omittamus, exemplum insaniae saltem in hac spectemus.

Igitur objecit metri ignorantiam Philomathi. Hoc satis per se erat incredibile et absurdum: ut supra ostendimus. Deinde confutatum hoc mendacium cum Grammaticis suis erroribus defendens in Triadis prima Epistola, dicit: *Huic enim rei, quoniam pars est majoris abollae, singularem in hac scriptione locum destinavi*: scilicet in tertia Epistola hanc rem tractare volebat. Ad hoc absurde dictum, haec annotant Sodales Append. I, p. 182: „Siccine tua tertia Epistola est *major abolla*? Adeone indoctus es, ut nescias *abollam* hoc loco esse pallium philosophi. Adeone complandi cupidus, ut inficere etiam hoc ex Juvenale Sat III, 115, arripias: *audi facinus majoris abollae. Stoicus occidit Baream, delator amicum*. Ergo in tertia Epistola occides Philosophus Philomathem, ut Alphenum diceris occidis; et eris indutus pallio philosophi.

„ genere: *hunc tu Romane caveto*. Sed bene
 „ te novit et impudentiam et maledicentiam
 „ tuam: et quidni noverit, quod omnes no-
 „ runt. — Ergo tu, qui diminutive appelles
 „ Philomathem, quem non modo laudatus ille
 „ vir cum Casaubono et Ruhnkenio, sed et
 „ alii laudati viri cum iisdem et cum Hemster-
 „ husio Ernestoque compararunt, eadem ra-
 „ tione dixeris hos viros, Casaubonulum;
 „ Ruhnkeniolum, Hemsterhusiolum, Ernestu-
 „ lum *Non dixerim*. inquis; *non enim meam*
 „ *majestatem laeserunt, nec errantem cor-*
 „ *rexerunt*. Quid? si laesissent et correxissent.
 „ Scioppius quidem, quem tu tacita quadam
 „ culpa conscientia horres, si viveret, te,
 „ ut puerum impudenter petulantem, et soloe-
 „ cismos fundentem, ad illud, quod vocabat,
 „ natale supplicium condemnaret.”

At Horrearius, semel Diminutivum nactus,
 eo jaciendo multum sibi placet, et pergit
 quasi *equitare in arundine longa*. Subinde
 simul etiam instar simiolae cachinnans exsul-
 tansque Philomathi occinit, *nonne*, inquit,
Wytenbachiole, angit te quod te doctorem um-
braticum nominavi: nonne Danielule, te pu-
pugit quod tibi metri ignorantiam objeci.
 Qui jam est clamor pueri non solum, sed
 pueri furiosi, vetuli qui semper puer mansit,
 suumque furorem omnibus ad deridendum ex-
 po-

ponit. Omnino nil nisi incredibile confectatur: suosque errores quamvis manifestos conviciorum atrocitate obtegere se posse putat. Sic duabus illis reprehensionibus, quamvis per se falsissimis et a Philomathe confutatis, insistere et huic obloqui non desinit, et tandem cumulandis ineptiis ab asino suo ἀπ' ὄνου) in orantium intelligentium irrisiōem incidit. Quorum nunc illam brevitatis causa omittamus, exemplum insaniae saltem in hac spectemus.

Igitur objecit metri ignorantiam Philomathi. Hoc satis per se erat incredibile et absurdum: ut supra ostendimus. Deinde confutatum hoc mendacium cum Grammaticis suis erroribus defendens in Triadis prima Epistola, dicit: *Huic enim rei, quoniam pars est majoris abollae, singularem in hac scriptione locum destinavi*: scilicet in tertia Epistola hanc rem tractare volebat. Ad hoc absurde dictum, haec annotant Sodales Append. I, p. 182: „Siccine tua tertia Epistola est *major abolla*? Adeone indoctus es, ut nescias *abollam* hoc loco esse pallium philosophi. Adeone complandi cupidus, ut inficere etiam hoc ex Juvenale Sat III, 115, arripias: *audi facinus majoris abollae. Stoicus occidit Baream, delator amicum*. Ergo in tertia Epistola occides Philosophus Philomathem, ut Alphenum diceris occidis; et eris indutus pallio philosophi.

Et quare non in secunda, quae est de Philosophia? An vero in prima et secunda es cum pallio sacerdotali, aut toga profesoria? Equidem nescio: illud scio, te non prorsus esse nudum, sed tectum alienis plerumque graculum."

Deinde, quum Horrearius ad illum tertiae Epistolae locum venit, sic pergunt Sodales:

„Salve Paulè cum tua abolla. Scilicet demonstrabis, Philomathem metrum nescire. Quis

non hic expectet, te multa exempla errorum ex illius scriptis allaturum? At tu multis qui-

dem verbis non nisi tria illa, dudum ab ipso et nobis confutata adfers: cum aliud addis,

quod nusquam in illius scriptis exstat, *Novus*

de integro saeculorum nascitur ordo: quasi sic hoc in versu pro *magnus* corrigere voluerit:

quod tu nisi ostenderis ubi ille scripserit, tibi et hujus mendacii causa pessimi calumniatoris nomen imponimus. — „Atque hactenus jam

tanta tamque incredibili audacia et impudentia in hac reprehensione grassatus erat, ut nullus

aecessioni locus relictus videretur. Horrearius tamen, quod adderet, invenit. Addidit ex

puerilitate sua parvulam hanc *chriam*, in eaque hoc dictum: „*Nam cum histrio, ut ait*

„*Tullius, si paulum se movit extra ordinem,*

„*aut si versus pronunciatus est syllaba una*

„*brevior aut longior, exhibilatur et exploditur*: quid viro accidet Literas. atque adeo

poë.

„ *poesin* profitenti, si nec numerum metricum
 „ scire, nec syllabarum curare quantitatem de-
 „ prehendatur.” Quibus paucis in verbis, in-
 credibile est quot sint errores. Primo in Ci-
 ceronis loco, Paradox. II¹, 1, est *numerus*;
 pro quo quod Horrearius *ordinem* ponit festivum
 est quum de metro disputet, et ignoret, qui
 fit *numerus* actoris scenici in motu, saltantis
 carmen ad *numeros*. Deinde Philomathes non
 enim *poesin*, sed Poetarum interpretationem
 proficitur, ut ipsius decesores Ruhnkenius,
 Oudendorpius, Perizonius, J. F. Gronovius;
poesis enim quae vulgo dicitur, est versuum
 compositio, quae traditur in puerili institutione.
 Porro non modo falsum, sed insanum est,
 quod Horrearius ex duabus mendis typographi-
 cis ignorantiam metri objicit ei viro, qui scien-
 tiam in hoc genere suam probavit eruditis vi-
 ris, documentis plurimis versuum à se emenda-
 torum: qui caeterum poetas tractat ad doctri-
 nae et animi fructum, ut metricam rationem
 interpretationi et emendationi adhibeat, non
 ut, histrionis instar, eorum carmina recitet
 ac saltet, quod Horreario relinquit. Tum illud
 insani erroris est, quod qui per hanc ipsam
 reprehensionem, et alia insuper à nobis pro-
 lata indicia, metri ignorantia verissime arguitur,
 eadem metri peritum falsissime arguit. Denique
 non vidit Horrearius, se per sui ignorantiam
 in

in suam ipsum reprehensionem incidere; *quid enim*, ut ipsius verbis utamur, *accidet viro Literas profitenti*, earum quamvis ignaro, tamen nuper doctorem, nunc *membrum tertiæ classis Instituti, quæ est Literarum, et iudicem elegantiae ac pulchritudinis*, agenti.

Recensens nobis cognitus ut homo arrogans et indoctus, priore Epicrisi Mahnii confutatus, atque infra omnes mortuos amandatus, pergit tamen ab Inferis vocem ad superos emittere: seque ultro socium sycphantam sycphantæ Horreario adgregat, ei furenti suffragatur, eumque ad rescribendum et Latine scribendum hortatur, et, quanvis soloecismos cum felle fundentem, bene scribere et adversario fortiter resistere affirmat: agnitus etiam impietatis Horrearii consors, vetus auditor Philomathes, ab eo gratis ad Graecas scholas admissus, hanc nunc ei gratiam insectando referens. Ab hoc Horrearius, quod postea demum vidimus, trium illorum versuum, et quarti etiam, reprehensionem accepit: cuius causam hic memorare juvat. Philomathes aliquando publice dicens, huius versus partem apposuerat, omitteens primam vocem *magnus*, ejusque loco extra versum ponens *novus*: quod hæc sententiae congrueret, illa repugnaret: sic v. c. „ novum Platonis studium incipit, novusque — ab integro sæclorum nascitur ordo. Venit pos.

postea aliquis cum sugillans, quasi primam syllabam nominis *novus* longam fecisset. Satis ille absurde. Sed tamen rumusculus inde exstitit: ad alios et Recensentem manavit: ab hoc suscepit Horrearius, et solita sibi mentiendi libidine amplificavit, perhibens Philomathem per metri ignorantiam sic emendare voluisse. Adeo omnia sunt Sycophantarum plena! Caeterum, Recensens si item Latine scripsisset multo majorem expurgandi materiam attulisset: nunquamvis Belgice scribentis tamen ignorantia Graecae Latinaeque linguae et judicii stupor tot sparsit in ejus recensione errores, ut eorum nonnisi parte notanda et refellenda Mahnius eruditam Appendicem, et priori Epicrisi simillimam, expleret; reliquam partem ab hac Appendice excluderet, et cum refutatione caeterarum ejusdem Recensentis recensonum ad Philomathiam spectantium, in aliud tempus rejiceret; atque omnino rursus insigne documentum daret cum pietatis erga magistrum, tum accuratae doctrinae dignae profecto quae in majori theatro spectetur.

Haec, quamvis multa, tamen pauca diximus pro amplitudine et copia libri, qui spectat ad elegantiores Literas tuendas, ab iisque earum et corruptores, et antistitum conviciatores abigendos: qui abundat verisimilis et vulgo parum observatis de recte pureque scribendo monitis

ac

de praeceptis, veterum Scriptorum frequenti interpretatione et emendatione: qui et materia et ratione est instar partis Philomathiae, ejusque quasi corporis membrum; ut ab omnibus hujus lectoribus, et bonae Latinitatis studiosis, totus cognoscendus, legendus, relegendusque sit.

Cui quod respondeat, Horrearium nil habiturum, omnes judicarunt viri docti. Iste vero, ut Cerberus ab Hercule in lucem protractus viscera sua evomuit. sic tanta veritatis ac doctrinae vi obrutus, febricitare, delirare, sordes cum atra bile ejicere, easque meras elegantias esse putans, libello inclusas emittere. Quem nos sodales animadversione indignum censuimus, Philomathes, etiam sibi missum, ut accepit, ita statim in ignem conjecit.

P A R E N T A L I A :



P A R E N T A L I A.

Age vero, novissimos amicorum nostrorum manes salutando veneremur! Incidit enim hoc, proximum ab edito secundo Philomathiae libro, biennium fane funestum et frequens mortibus hominum nostri amantium, Literarumque studio nobis conjunctorum, multorum, heu! nimium multorum, quam quorum desiderium et jacturam nostra nos aetas ac tempora lenire et consolari sinant. E quibus quum nullus non meritis vel in Literas, vel in nos, vel alios multos, justae laudationis materiem praebeat; nos, et animi dolore et argumenti copia oppressi, eorum commemorationem paucis verbis complectemur: caeterum cogitatione nobis humanae conditionis fragilitatem proponentes, et illud,

Omnes eodem cogimur, omnium

Versatur urna, serius ocius

Sors exitura, et nos in aeternum

Exsilium impositura cymbae.

Quamquam horum versuum ut tres priores verissimam sententiam habere judicamus, ita postremum nihil minus. Mortem non esse

O

exi-

exilium, sed, contra adeo, reditum in patriam, poterat Poeta discere à Pythagora, et Platone aliisque Graecorum legendo sibi cognitis: poterat à Romanis, Cicerone, et Virgilio suo: qui nobis magis persuadent, quam Horatius, caeterum admirabilis, at hoc in argumento, vel Epicurum vel plebem sequens. Sed haec hactenus.

I. Amicorum autem, quos memorare instituimus, prima Hieronymi Boschii *sors exiit urna*, die primo Junii anni MDCCCXI: quum ejusdem anni die septimo Februarii, et quarto Aprilis, et superioris mense Junio, Leidam veniens sic apud me fuisset, ut mihi prorsus veterem amorem referret, affirmans frustra laborasse Sy-cophantas, ut animum ipsius à me abalienarent. *Manibus hoc satis est.* Nam de vivo bis diximus, duo amicitiae nostrae monumenta posuimus: alterum, Epistolam, qua Boschio Partem undecimam Bibliothecae Criticae dicavimus: alterum, Narrationem de ejus editione Anthologiae Graecae, in Philomathiae libro secundo. Huc accedit, quo minus plura dicamus, quod in alienam provinciam invadere nolumus; si quidem et publice proposito praemio invitati sunt docti homines ad Boschii *Elogium* scribendum: et sua sponte id agere dicitur vir huic operi, si quis alius, idoneus, J. D. Lennepius, Professor Literarum in Illustri Amstelodamensi Athe-

Athenaeo. Illud fortasse non inutile sit futuro scriptori monendo, quodque quosdam fugisse vidimus: hujus, ut Curatoris, nullas fuisse partes in me Leidam vocando; quippe qui, me dudum vocato, Curator factus sit: mihique, à prioribus Curatoribus vocato, oblatam cathedram recusare suaserit: ut ipse, illo vivo, narravi, Bibl. Crit. P. xxviii.

II. Paucis post diebus altera fors exiit Jani Derkindereni, discipuli peramantis nostrum, quem antea bis memoraveramus, ut magnos in Literis progressus habentem: primum, in Vita Davidis Ruhnkenii, p. 277, deinde in Annotatione ad Selecta Historicorum Graecorum, editionis alterius p. 456. Pater cargator, vir spectatae industriae ac fidei, Amstelodami cargarium (*) negotium factitabat sane quaestuosum: eidem hunc filium destinaverat, artibus idoneis linguisque hodiernis erudiendum curaverat, jamque adiutorem sibi adhibebat: quum hic forte, ut lectione librorum delectari solebat, in historiolas Graeci Romanive argumenti incidit, indeque has Literas discendi mira cupiditate incen-

fus

(*) Utimur nomine vulgari, quo fere dicitur procurator navium onerandarum: haec et similia, non multo diversa significatione, usurpata in Latinitate Medii Aevi. Vid. Ducangius T. I, p. 319. Carpenterius T. II, p. 822.

sus est. Ergo magistrum quaesivit: quem fortiter nactus, inde à primis elementis, quae penitus ignorabat, orsus, unius anni spatio tantum profecit, ut nostris scholis uti posset. Et usus iis est per quadriennium, initium faciens a. MDCXCV, ipse viginti et unum annos natus: et altero jam mense princeps sodalium, non satis habens commune pensum devorasse, proprium requisivit, quo altius evolveret. Legit igitur hoc primo et altero deinceps anno Homerum, Hesiodum, Herodotum, Xenophontem, Thucydidem: eosque totos et grammatica ratione: ex Latinis, Nepotem, Justinum, Terentium, Virgilium, Horatium, Tibullum, Propertium, totos: Ciceronis, Livii, Ovidii, complures libros: ita ut Latinitatis rationem et iudicium consequeretur. Quod tantum erat spatium, quantum tam brevi tempore conficere discipulorum meorum memineram neminem. Etenim, quam sibi cumque rem discendam proposuisset, eam celeriter arripiebat, firmiter retinebat, nec ex manibus dimittebat, quin à principio ad finem totam persecutus, singulorum etiam partium intelligentiam percepisset. A tali initio et facultate quis non expectasset eum mox Literarum principem fore. At sine ipsius culpa multae supervenere causae, quae in itinere instituto eum retardarent. Nam per proximum biennium ter morbo laboravit: qui

quum

quum raros ad studia reditus daret, nec eos satis magnos, nec vires ut nuper pares legendis Scriptoribus totis, contentus fuit per morbi intermissiones in Scholas ventitare, domi, lecta relegere, vagari per multos libros, ex alio in alium involare: quod genus studiorum antea contemnebat, nil ordiri nisi quod ad finem perduceret, nil inchoatum relinquere, solitus. Sanato confirmatoque accidit a. MDCCIC ut Leidam migrarem: quo et ipse me sequi volens, parentum caritate domi retentus est. Ibi tum apparuit, quod alios etiam magistros animadvertisse necesse est, discipulos quosdam, quamvis non amplius in scholam ventitantes, tamen porro ita maxime ad proficiendum juvari, ut quam proxime magistrum degant: cujusmodi quid et sibi in quodam familiari usu venisse Socrates narrat apud Platonem in dialogo Theaetete p. 11, 12. Filius apud parentes manens paulatim aliquantum ex priori discendi ardore remisit: accedente praesertim frequenti amicorum et cognatorum reprehensione, eum culpan- tium, quod id aetatis adhuc apud suos aleretur, nec ipse sibi victum quaereret, sed, relicto quaestuofo patris negotio, infructuosam Literis operam navaret. Quibus ipse voculis nullo quidem modo à Literarum studio, cui se in perpetuum consecraverat, abduci potuit: sed tamen commotus est, ut in animum indu-

induceret, ea, quae didicisset, ad quaestum conferre, et primam quamque vacantem scholasticam quamvis inferioris ordinis cathedram petere. Itaque, in Gymnasio Amstelodamensi, infimae classis Praeceptor factus est. Ibi quum ei quotidianum opus esset, per antemeridianas et pomeridianas horas, puerorum animis, prima Grammaticae elementa, declinationes et conjugationes inculcare, infra sane ipsius dignitatem ac doctrinam, vespertinae tamen ei remanebant vacuae, quas lectioni veterum Scriptorum tribuebat. Quamquam et hanc ei felicitatis partem mox ademit matrimonium, in quod incidit, indotatum, et multis liberis foecundum: quibus sustentandis, etiam vacuas horas privatis scholis habendis consumere debuit. Sic in scholis continuo docendi labore fatigatus, domi à liberis turba strepituque exceptus, neque requiescendi, nedum aliquid suo sibi studio legendi, tempus locumve reperiebat. At tamen hanc sortem patienter tulit, meliorem ei brevi succeduram sperans. Quod dum sperabat, et nos, ne frustra speraret, operam dabamus, liberos ejus erysipelas morbus invasit: quibus opem paterno et effuso animo ministrans, ipse eodem morbo implicitus et cum duobus è liberis absumtus est. Caeterum in illa conjugialis aerumna vitae, quum in Literis parum addiscere posset, cavuit tamen ne quid de-

dediceret: semperque illum scientiae modum obtinuit, quem antea habuerat, quemque supra declaravimus, et duobus illis in libris significavimus: quorum in priore testati sumus, eum praeclara studiorum et variae simul accurataeque doctrinae laude florentem, cum Mahnio in eo discipulorum meorum pari à Ruhnkenio numeratum esse, ex quo hic sibi alterutrum collegam obtingere optaret: in altero autem libro acutam ejus verisimilemque Xenophon-team correctionem laudantes, diximus, eum, dignum profesoria cathedra, adhuc in subsellio scholastico praeceptoris infimae clas-sis acquiescere. Sed et alias ab eo factas esse correctiones meminimus. Exstant certe edita ejus industriae opera duo: alterum, Rudimenta Grammaticae Graecae: alterum, accessio, quam ipse, sodalis Philomathiae, Epistolis et Appendici Primae contulit. Ex quibus omnibus existimare licet, quantum ejus scientia nobis Litterarum fructum attulisset, si vita ipsi et longior et faciliior contigisset.

III. Tertius fuit Wasfenarius noster, cujus memoriam in principio hujus libri edidimus.

IV. Quartus, Fredericus Jacobus Bastius, et ipse bis a nobis laudatus, Bibliothecae Criticae P. XI. p. 118, et Philomathiae Libro II, p. 248. Natus d. XVI Martii, a. MDDCLXXI, Buxovillariae (Buchswailer) oppido ditionis

Hasso - Darmstadiensis in Alsatia: ubi pater erat Gymnasii Rector, Praeceptor Seyboldus, alibi nobis notatus, caeterum elegantis doctrinae non expers, cujus disciplinae puer multum debuit. Theologiae destinatus, huic aliisque Literis percipiendis adolescens Jenam petiit, salario adjunctus a Serenissima Amalia, Ducis Saxo-mariensis matre, bonarum artium patrona egregie docta. Huc venit a. MDCCCLXXXIV, quinquenium manens, audivit Griesbachium, Doederlinum, Reinholdum, alios, maxime omnium Schutziurn, Literarum nostrarum decus, quo auctore ac doctore se iisdem consecravit. Relicta Jenensi Academia a. MDCCCLXXXVI Comes ab Epistolis additur Legato Hasso - Darmstadiensii (De Jan.) Vindobonae; ubi in Caesarea bibliotheca aptam suo studio materiam nactus, plurimos Graecorum Scriptorum codices excerptit. Ibidem Hasso - Darmstadiensem Principem Georgium Carolum fautorem adeptus, huic inscripsit libellum Germanicum *de Platonis Symposio* a. MDCCCLXXXVIII. Mox Latine scriptum, et patrono suo, Legato, dicatum, edidit *Specimen Editionis Novae Epistolarum Aristotelis* a. MDCCCLXXXVI. Proximo anno fuit item Comes ab Epistolis Gazotto, viro amplissimo, Hasso - Darmstadiensis Consiliario, ad Conven-tum Rastadiensem, pacis causam habitum, misso. Hinc redux eandem officii operam praestitit illustri Co-

Comiti à Pappenheim, ejusdem Hasfo-Darmstadiensis aulae Parisiis Legato: cui percarus fuit, eo-
que absente Legationis negotia solus administravit,
Qua in urbē eundem, quem Vindobonae, vitae
cursum tenuit, vacuum à negotiis tempus ad
codices Graecos pervolutandos excerpandosque
conferens. Epistolam Criticam ad Boissona-
dium edidit a. MDCCCV, cujus praestantiam de-
claravimus censura ejus in Bibliothecae Criticae
p. xi. prodita, unde, ad cognoscendam Bastii
eruditionem, haec certe exordii pars referenda
est: „Scriptor adhuc nobis cognitus erat ex
specimine editionis novae Epistolarum Aristae-
neti, anno MDCCXCVI Vindobonae edito; unde
praeclaram de ejus doctrina spem concepera-
mus. Quam spem hic liber non modo exple-
vit, sed etiam multum superavit; quippe cujus
argumentum et opera per omnem Graecae Cri-
ticae provinciam late patet. Nam et ipsius
linguae apparet accurata et grammatica cog-
nitio: et lectio multiplex optimorum Auctorum:
et observatio diligens dictionis elegantioris et
rarioris: et acumen in plurimis iisque egregiis
emendationibus: et judicii subtilitas, cum uni-
verse, tum de veterum librorum bonitate et
editionum fontibus: et verò usus ac tractatio
frequens codicum scriptorum bibliothecae Pa-
risinae; unde Graecorum vel correctiones vel
novi loci proferuntur. — Quo jucundius no-

bis accidit ejus propositum illustrandi Luciani, quod profertur p. 49." Hunc autem suum librum tum recens editum, ipse nobis miserat, addita humanissime scriptâ epistolâ; unde initium factum mutuae benevolentiae, quae deinceps literarum inter nos officium frequentavit. Alteram hujus libri editionem fecit a. MDCCCIX, à nobis memoratam Philomathiae Libro II. Biennio antea nobis impertiverat, Phaedoni nostro expoliendo, varias lectiones septem codicum Vindobonensium: de quibus diximus, p. 106. editiones nostrae. Interea ipse honoribus auctus, factus Consiliarius Legationis, Eques Ordinis Hasso-Darmstadiensis *Meritum*, Instituto Imperiali Francico epistolarum commercii causa adscriptus, quorum nomina posita in titulo editionis secundae exstant. Per aestatem a. MDCCCXI Parisiis Darmstadtum profectus, in itinere Heidelbergae totum diem apud Creuzerum nostrum fuit. Qui non modo ex ejus sermonibus, ingentes ipsius in codicibus scriptis excutiendis labores, et librorum edendorum propositam multitudinem, sed etiam ex corporis adpectu inusitatum virium robur ac valetudinem succo et sanguine quasi turgentem, admiratus est. Unde, nemine quidem tale quid metuente, tamen mox apparuit illud Hippocrateum, ἡ ἐπ' ἄκρον εὐεξίη σφαλερή. summam valetudinem esse periculofam. Redux
Pa.

Parisiis misit nobis exemplar promissum Gregorii Koeniani, d. xv Octobris, adscripta paucis verbis salutatione. Mox d. xiii Novembris vesperi alicunde domum rediens, apoplexi concidit in via Honorea, indeque sublatus, mortuus domum relatus est. Nos viri obitu eo magis dolemus, quo magis et nobis favit, et Batavorum in his Literis studia ac rationem, quam quidam recentes ejus populares Hellenistae contemnere videri volunt, ipse probavit, laudavit, secutus est. Vidimus catalogum, partem bibliothecae Bastii complexum eam, quae ad *Litteraturam Antiquam et Novam* refertur: et vidimus optimorum librorum editionumque multitudinem nostra expectatione majorem. Variarum autem lectiones ex codicibus scriptis ab ipso excerptae, non solum in marginibus editionum exstant, sed etiam singularibus inscriptae chartis, fasciculos LXV explent, in quibus complures etiam inediti libelli Graeci, et ipsius animadversiones, continentur. Catalogus, conscriptus, ut videtur, ab homine docto, multa habet, quae ad cognitionem literariam vitae et studiorum Bastii pertineant. Auctionum horum librorum et fasciculorum proscripta in d. xxx Martii a. MDCCCXII, deinde in diem incertum dilata, jam facta sit, nec ne, nondum audivimus. Nam ipsi quominus mandata ad emendum daremus, et oculi nos nostri
uten-

utendis illis chartis impares, et vero tempora;
prohibuerunt.

V. Jam vero et ex Helvetia, natali patria, duplicis nos domestici funeris acerbitas afflixit, et cognati optimi et sororis optimae. Sed de illo prius dicamus, quando illius fors prior exiit urna. Joannes Wyttenbachius patrem habuit cognominem, rerum sacrarum in Republ. Bernensi Praefulem, auctoritate et prudentiae laude florentem. A natura factus ad probitatem, beneficentiam et industriam, à fortuna destinatus ad rem publicam gerendam, huic cognoscendae mature studuit; adolescens ac paene puer in idonea huic studio positus statione, adscriptus officialibus Quaestorii, quam Cancellariam vulgo vocant, ut in ea per legitimos gradus in eum ordinem adscenderet, ex quo Senatores legebantur. Fuitque haec ei cognitio materia non solum negotii, sed et otii et unicae oblectationis. Et quod ille in Andria Pamphilus juvenilibus adolescentium sodalium studiis omnibus medioriter obsequendo, nec iis adversando, nec aliis se praeponendo, sine invidia laudem invenit et amicos sibi paravit: eundem fructum uberius etiam simili via, sed verioribus instructus subsidiis, W. noster assecutus est. Nam quae vulgo usurpantur, venari, piscari, aucupari, equitare, auringare; pila, alea, chartis, ludere; fidibus aut
ti.

tibla canere: vinum, aut similia vini potulenta, bibere: tabaco, quod dicitur, uti: et quidquid huiusmodi adventitium, praeter naturae necessitatem adscivit hodierna consuetudo: horum omnium ille nihil, ne mediocriter quidem: et tamen si forte in coetus talia agentium incideret, compotantium adeo et comestantium, eorum laetitiae obsecundabat, et quamvis abstemius ac sobrius jucundi sodalis partes tuebatur. Ad hanc facilitatem comitatemque accedebat mira candoris, ac benevolentiae significatio, sermo plenus rerum scitu dignarum è civili prudentia et historiarum varietate, qui eum et junioribus et senioribus commendaret. Anno MDCCCLXXXV, aetatis vigesimo quinto, stationis cancellariae decimo, commeatum accepit peregrinandi per exteras terras in biennium; ut fere illic liberaliter instituti juvenes solent. Primo Goettingam veniens, annum ibi commoratus est, audiens celeberrimorum scholas Profesorum de Jurisprudentia, Historia, Geographia, Diplomatica, Rerumpublicarum cognitione vulgo dicta Statistica, Politica; Oeconomia in primis et Technologia, id est de artibus officinarum, Beckmannum: privatim quoque Heynii nostri institutione stili Germanici utens. Inde peragrata illa Germaniae parte, illustratisque praecipuis urbibus Lipsia, Dresda, Berolino, Hamburgo, aliis;

aliis, mensem apud nos Amstelodami fuit: tum plerasque alias urbes Batavas obiens, porro in Belgium trajiciens, Lutetiam Parisiorum venit: ibique complurium commoratione mensium facta, ad suos rediit. Atque omnibus illis in terris locisque quum diligenter observasset, quae ad suum discendi consilium pertinerent, magnamque utilium rerum cognitionem collegisset, hanc continuo ad usum actionemque, patriaeque emolumentum, convertere coepit. Itaque porro se ad omnes Reipublicae partes perspicendas applicuit, eas maxime, quae ad vectigalia et furtus, eorumque invicem accommodandorum rationem, spectarent: proveniunt frumenti, pecoris, vini, mellis, olei, aliarum rerum et opificiorum: mercaturam, exportationem, et invectionem: decimas, tributa, portoria: alia hujus generis innumerabilia. Huc in primis referebat omnium opificiorum artes, quas diligenter in Beckmannianis scholis cognoverat: eaque de causa frequens officinas artificum ingrediebatur, cum quoque de sua arte diserebat; si quid forte novi ab eo discere, aut eum docere, posset. Ibi tum saepe accidebat, ut artifex fateretur, se, quominus artem suam melius etiam tractaret, ex re familiari laborare, et alieno subsidio egere. Quod W. nunquam surdis auribus audiens, laborantem semper consilio, opera, re, juvit. Unde pau-

paulatim factum est, ut aliorum etiam hominum, nisi re, consilio tamen et opera, ab eo juvari volentium, tantus ad eum numerus conflueret, ut brevi tempore negotiorum procuratione obrueretur; quippe qui per naturae suae beneficentiam et gratuito aliis operam praestaret, neque cuiquam honesta petenti negare aut vellet aut posset. Interea amicis eum subinde adhortantibus, ut uxorem duceret gentique suae propagandae operam daret: „Huic rei quantum satis est operam dant frater et alii gentiles: mihi quidem adoptivi filii multi sunt, omnes hi, qui mea re et opera egent et utuntur: vos vero nolite me in illam vitae conditionem includere, quae me cogat non amplius civibus meis, sed mihi soli, vivere.” Deinde suo sibi tempore Senator factus brevem pacis fructum cepit; Gallici mox regni conversione ingruente, Helvetiam quoque implicante, Bernae opes affligente. Quibus de rebus, ut recenti memoria et in totius Europae luce gestis, dicere opus non est. Illud non reticendum: his in fluctibus cum civilibus tum bellicis, quum Senatus Bernensis maximum et momentum et discrimen esset, W. nostri fidem et constantiam inter caeteros eluxisse, ejusque sententiam semper habitam esse eam, quae à sano sinceroque judicio, neque corrupto ullâ vel propriae utilitatis spe, vel partium studio, vel

vel quocumque affectu, profecta esset. Ac veluti tranquillus limpidae fons aquae in ipso fundo pellucet, atque imagines propin quarum rerum integras nulloque tremore aut flatu turbatas suscipit ac reddit: sic hujus animus simplex et apertus, nil simulatum tectumve alens, unicuique totus ad inspiciendum patebat, et externarum rerum visa, facta aliorum, actionesque, et fortunae casus, mediis in fluctibus, severo judicio accipiebat, nil alieni illis vel amore aut odio, vel cupiditate aut metu, affingente. Roganti mihi, ut istius conversionis narrationem à se factam ad me mitteret, perscripsit eam, sane lectu dignam, ex rerum civilium scientia et causarum observatione; ut plane scriptam Polybiana ratione dicerès, ad quam rationem, sine imitatione, suo ipse ingenio ferebatur. Senatu optimatum à plebejis dimisso, ipse tamen ab his amabatur et colebatur, ut qui semper utrisque ac toti patriae consulisset. Reconciliatis ambabus factionibus, lectus Senator utriusque Senatus, *universi* et *urbani*, Praefectus Quaestorio Vectigalium, moderandae Academiae Triumvir, his muneribus per reliquum vitae tempus praefuit. Ad quae quum, ut antea, alienorum procuratio negotiorum accederet, testamenta, tutelae, arbitria, advocaciones, et alia cujuscumque generis, ipseque haec omnia cum religione et cura administraret, nec vale-

tu-

tudini parceret, saepiusque rheumatismis tentatus, à medicis monitus, ut finem aut certe modum faceret illi procurationi, eos eo minus audiit, quod natura laboriosus viribus et consuetudini suae fideret, omniaque magnâ cum facilitate tractaret; quippe qui mirifico cuncta ordine digesta teneret, cujuslibet negotii et agendi certum tempus servans, et actis rationibusque ponendis certum locum tribuens. Itaque pergebat solito more vivere, nil quidquam vitae metuens: veluti mihi, cujus res in Batavis incertae videbantur, a. mccccx. prospiciens, suaeque omnia offerens, nullâ interpositâ morâ aliquot longiores epistolas scripsit, quasi optime valens, quamvis debilitato corpore; se minus bene valere ne significans quidem, nedum causans. Proximo anno valetudo dudum dubia in hydropem evasit. Cui levando quum vernum aestivumque tempus ruri degisset, vergente autumno Bernam rediit, praesente medici sui opusurus. cujus in curatione porro, degens d. xxi. Novebris vesperi in lectulo recubans, cum suis coenans et colloquens, dum se in alterum latus convertit, placide, ut voverat, ita exspiravit. Hic quantum sui suarumque virtutum desiderium reliquerit singulis et universis civibus totique patriae, declararunt Ephemerides Bernenses, non illae, ut aliae, vanilo-

vaniloquae, sed veritatis testes et consentiente populi iudicio confirmatae. Nos optamus, ut et patriae cives alii similes obtingant, et in hujus erga nos amore et officiis alius pari virtute cognatus succedat.

VI. Hunc virum quando jure meritoque laudavimus, religioni habemus tacere de optima sorore, quae nobis hanc de illo notitiam perscripsit, cum diligenter, tum dolenter et amanter, ipsaque patris post mensibus diem suum obiit, nosque induxit ad recordationem non modo hujus viri, sed etiam majoris nostrae sororis, dudum defunctae; ut eo acerbior multiplici jactura, vetere et recente, dolor ad animum nostrum accideret. Ergo et in sororibus, non minus mortuis, quam vivis, pietatem colamus, earumque memoriam comiter et usurpemus et prodamus. „ De mulierum „ virtute, inquit Plutarchus, dissentio à Thucydide, qui eam optimam mulierem esse „ pronunciat, de qua foris minimus vel in „ bonam partem vel in malam sermo sit: censens nimirum, ut corpus, ita famam quae „ bonae mulieris inclusam esse, neque in „ publicum exire debere. Mihi autem elegantior videtur Gorgiae opinio, qui mulieris, non „ formam, sed famam, vult multis esse notam. „ Optime vero Romanorum legem constitutam „ esse iudico, quae, ut viris, ita mulieribus „ quo-

quoque post mortem publice debitam laudationem tribui jubet." Ergo si justum est, virtutem in muliere laudare, in sorore eam reticere sane injustum sit. Et nos eâ memorandâ obsequimur et Plutarchi judicio, et Romano mori, et nostro dolori, et pietati, hoc illius caritati debitum officium existimantes: et vero religioni, nefas ducentes ab institutis his virorum parentalibus sororios manes excludere. Omnino fraterni amoris multae sunt causae, quas enumerare omnes longum sit: prima quidem et necessaria, iisdem parentibus nasci: tum plures, aliae aliis ita majores, ut majorem animorum conciliationem habeant: unâ vivere, nutrirî, educari, à parentibus pariter amari et curari: lusus et seria, laeta et tristia, communia habere: invicem ridentiùs arridere, flentibus adflere: majus etiâ vinculum adfert societas institutionis puerilis: longe autem maximum communio juvenilis disciplinae, et cognitionis elegantiorum Literarum, qua et ingenium ad veri pulcrique judicium, et animus ad virtutem, excolitur; unde existit morum, sensuum, studiorum, similitudo, et ipsa amicitia, alterum ut se ipsum amans, sine qua verus fraternus amor esse nequit. Ego vero quum unum fratrem, et tres sorores, haberem, frater ac tertia soror me juniores nunc etiâ supersunt: ille belli et pacis artibus Minervae alumnus,

emeritis laudabiliter longae militiae stipendiis, sibi vivit, suisque se literulis tuetur: haec conjugē sacerdotali ac tribus filiabus floret. Sed ejusmodi, qualem dixi, aequalitatis et condiscipulatus necessitudo mihi intercescit cum fororibus duabus me paulo majoribus. Et in artibus quidem juventuti utriusque sexus necessariis valde nos mutuo conciliabant Historia et Geographia: quas ita et ad eum modum perdiscebamus, ut quamcumque earum partem invicem interrogantes et interrogati memoriter redderemus: nec tantummodo ex nostris compendiis, sed etiam extra haec in rebus novissimis, veluti belli septennis, quod in illam aetatem incidit, gesta et vicissitudines assidue in novellis, quae dicuntur, ephemeridibus politicis, legentes, sic tenebamus, ut ea postea semper secundum ordinem temporis, quamvis subito, referre possemus. Inde utriusque linguae, id est Francicae et Germanicae, praecipuos poetas et scriptores, qui ad mores formando ingeniumque expoliendum valerent, legimus, et stilum exercuimus, vertendis insignibus illorum locis ex altera in alteram linguam, scribendis epistolis ad exemplum Sevigniae et Gellerti, pingendis characteribus ad imitationem Buyerii. Interea ego, qui separatim Graece Latineque discens, Virgilium et Homerum cognovissem, fororibus narrare, illam a-

no-

nobis lectam ac tantopere laudatam Voltarii Henriciadem fere ex Aeneide expressam esse, Aeneidem ex Iliade et Odyssea: illae mirari, quaerere Homeri Virgiliique carmina Gallicè reddita: legere, mox è manibus deponere, praeferre Voltarium, dicentes videri poetam quemque ipsum sua linguâ utentem legendum esse. Quod si fors nostra nos diutius unâ manere sivisset, haud scio an Graece Latineque didicissent. Et sic quoque, ut mulieres, doctae et erant et habebantur. Minorem etiam formâ commendatam multi petebant proci: quorum illa caeteros ut parum literatos contemnebat: uno excepto, qui et Literis et moribus amabilis videretur, Salchlii, collegae quondam patris mei in Theologiae cathedra Bernensi, filio: cujus, ut, poetae, haud exigua existit fama, et nos carmen *De Malo* memoravimus in Bibliothecae Crit. P. X, p. 135; quocum nupta tres et quadraginta annos in Helvetia, obiit d. xiv Julii a. MDCCCXII, duabus relictis filiabus, quarum minor nupta Lutetiae Parisiorum tertio post matris obitum mense optimum maritum morte amisit: major apud patrem vivit: qui ut saepe ad pangenda carmina Musam invocavit suam, sic quin nunc eam deservendae optimae uxori invocaturus sit, non dubitamus. Major nostra soror à literatis et ipsa petita procis, nacta maritum Ludovi-

cum Gallienum, Artium, ut vocantur, Pulcrarum Profesforem, Hanoviae mortua est a. MDCCCLXXIX, conjugii septimo, relictis item duabus filiabus, sed parvulis, in tutelâ patris, qui, earum institutionem diligenter ac prudenter moderatus, nuper ibidem obiit a. MDCCCIX. Harum utraque in domesticum à me convictum recepta: minor domi meae subito morbo extincta obiit a. MDCCCIII: major hunc vigesimum et primum annum apud me est, et diu sit. Mihi fratri, terni illius confortii reliquo, ad Batavos delato, in tanto annorum spatio, sorores non nisi semel invisere licuit. Ergo veterem consuetudinem mutuò desiderantes, et longinquam spem velut immensum mare prospectantes, desiderium literis scribendis consolabamur. Utraque literas scribebat, quales pauci possunt literati, amanter, facete, argute, cum rerum copia et varietate, et narrationis nativa facilitate; ut longissimae quaeque maxime delectarent: utraque non minus probitatis et beneficentiae, quam ingenii et eruditionis, fama floruit.

*Haec est feminei merces extrema triumphî,
Laudat ubi emeritum libera fama rogam.*

VII. Nobis vero hujus parentalis argumenti, quantum absolvimus, tantum succrescit; adeo
per

per hos annos amicorum funera continuavit fatum. Occidit et Heynius et Larcherus, uterque saeculi decus: occiderunt clari doctrina viri plures: Chardonus Rochettius: Joannes Randolphus V. S. R. Episcopus Londinensis, Plutarchi nostri fospitator: tum veteres nostri scholares, pueritiae Ithius, adolescentiae et Philomathiae Wagnerus, proximae et sequentis aetatis Paradysius et Temminckius, ille etiam et collega et medicus noster, et multis consuetudinis sermonumque suavitatibus nobis carus. Quibus si suum cuique debitum officium hoc in libro praestemus, eum justo et feriolem et longiorem emittamus. Itaque pios manes deprecamur, ut hac brevi mentione contenti, uberiorem nobis aut remittant, aut in aliud tempus differre permittant. Neque etiam nostro praeconio indigent, ipsi sua se doctrinae fama tuentes, cui comparandae satis illis longum vitae spatium superfuit. Et vero nos quemque eorum vivum aliis librorum nostrorum locis commemoravimus, et quae cuiusque de Literis merita essent, quae nobiscum necessitudo, significavimus. Quidam etiam publice disertos laudatores nacti sunt: Heynius Heerenium, Larcherus Boissonadium, Paradysius Tollium nostrum. Haec nunc hactenus.

VIII. Diversa est eorum causa, qui alumnii disciplinae nostrae, in eaque egregie versantes,

occubuerunt anteaquam industriae suae publicam laudem tulissent: qui profecto nostra opera et scriptione ab oblivionis injuria vindicandi sunt. Quo in genere fuit Wassenarius noster. Quum biennio post in similis fati consortium secutus est *Davides Catharinus de Haan*, Petri filius, viri in primis inter nostrates spectati, probitate, mercatura, familia, natorum cum felici proventu, tum diligenti institutione. Hi tunc erant numero septem, quum antea octo fuissent: eorumque quatuor deinceps nostris quoque scholis usi sunt, non solum ut assidue commune pensum peragerent, sed etiam ut adjungerent proprium ac domesticum, lectionem principis alicujus scriptoris, à cujus intelligentia deinde ad alios scriptores proficiscerentur. Hoc item alterum jam annum naviter factitabat Davides Catharinus, fratrum quartus ordine, perlectoque Homero, versabatur in Xenophonte, ac. subinde privatim ad me ventitans, et de locis difficilioribus quaerens, valde mihi progressus industriamque suam probabat, quum subito eum bellici impetus turbinis à nostro suorumque amplexu conspectuque abstulit. Annus erat abhinc tertius, MDCCXIII, mens Aprilis: putabamus res jam ad pacem et apocatastasin spectare, earumque salubritate terrarum orbem, longa calamitate fessum, tandem recreatum iri. Necquicquam: novus delectus,

lectus, prioribus acrior, per Francicum imperium, populosque ei subjectos, denunciatur. Rursus feralis Alecto bellicum insonat,

cornuque recurvo

*Tartaream intendit vocem; qua protinus omne
Contremuit nemus, et sylvae intonuere profundae,
Et trepidae matres presfere ad pectora natos.*

Poscuntur arma, viri, equi, apparatus: novum instituitur genus equitum, *satellites honorarii*, nisi malis eos verbum verbo reddens *custodes honoris* dicere. Legebantur è filiis familiarum ditiorum et honestiorum, qui suum ipsi equum aliaque in *militiam* adferrent. Quod acerbius etiam peragebatur in praefectura Amstelodamensi et Hagana, cui suberat Leida. Neque designato concedebatur mercede conducere volonem vicarium, qui ipsius loco militaret: quod alibi et alias licebat. Neque certum discrimen observabatur, ut maxime legerentur aut validi corporibus, aut animis feroces, petulantes, protervi, audaces, quales saepe sunt et haberi volunt adolescentes. Domus Haania tot filiis florens, quum prioribus è delectibus se expeditisset dandis vicariis, hujus postremi acerbicatem effugere non potuit. Designatur Davides Catharinus, inexorabili imperio, optimus adolescens, nec corpore robustus,

ius, et animo mitis, lenis, placidus: potius Μουσάων ἔρνος, quam ὄζος Ἄρμος. Fratres majores certatim se ejus in locum offerre: ille eorum beneficium generoso animo recusare, asseverans se ipsum suam sortem ferre velle.

Nos eum hilarare, militiae oblectamenta memorantes: novorum populorum locorumque cognitionem: proverbium, plurimas belli partes esse inanes, τὰ πολλὰ τοῦ πολέμου κενά: frequens otium reditus ad studia concedens: posse ei obtingere praefectum doctrinā politum, Xenophonae Anabaseos studiosum, quales semper haud paucos fuisse in Francieis exercitibus, tum id, quod tunc ferebatur, honorarios satellites Batavos non aciei et pugnae destinari, sed pro obsidibus servari, equos eorum in supplementum veteranis datum iri: denique notum illud: *haec olim meminisse juvabit.* His libenter auditis delectari visus, res ad profectionem componit, libros illos Graecos, et unum alterumque Latinum, sarcinis addit: mox ipse caeterique commilitones abducuntur Metim, Lotharingiae caput, ubi exercerentur, donec castris praeliisque idonei fierent. Hic eum prima fefellit spes de praefecto doctrina polito: adjungitur contubernio decani duri et ferocis, cui hoc principium muneris et antiquissimum erat, ut sarcinas tironum inspiceret, ac si quid suo judicio supervacaneum esset, quod sane multum

tum erat, auferret: in his erant sine dubio libri: abjiciuntur; denique servantur à domino ac domum remittuntur. Caeterum tironum hoc in negotio non una fuit conditio; ista communis, ut ad paucitatem supellectilis redigerentur; famulos haberent nullos; ipsi se, vestimenta sua, equum, instrumentum equestre ac militare totum, curarent et purgarent, stabulum everrerent, vilissima quaeque ministeria obirent: quod profecto adolescentibus liberatis, liberaliter educatis, Musarum alumni, è parentum suorumque sinu abreptis, iniquum et indignum accidebat, eorumque animos magis etiam ab hujus militiae causa abalienabat. Finitis induciis, quae fuerant à Calendis Juniis ad Idus Augustas, mittuntur Magontiacum, inde ulterius mittendi Lippsiam versus Dresdamque, ubi tunc omnis belli impetus constiterat. Neque tamen eo pervenerunt, sed inter Moenum Saxoniaeque fines haeserunt; sive quod ad belli usum nondum satis exercitati censerentur: sive quod mox Francicus exercitus, inclinatis rebus, reditum ad Rhenum moliretur. Cujus reditus pars fuit praedium ad Hanoviam, ejusque urbis incendium, exeunte mense Octobri: de quibus ad suos Leidam scripsit. Hae novissimae ejus fuere literae. Brevi enim postea ipse et alii, qui una cum eo ad Magontiacum erant, commilito

litones, equis ademptis, pedibus Treviros ire jubentur. Quo quum magna cum aerumna, per complures pluvios deinceps dies, per itinera illuvie stagnantia, et amnibus concisa exundantibus, tandem eluctati pervenisissent, Haanius continuo in letalem morbum incidit. Ibi tum insignis erga eum fides et cura commilitonum exstitit, qui recusantes in militari valetudinario eum collocare, privatum mundumque domicilium ei conduxerunt, cognitum probatumque medicum adhibuerunt, et omne ministerii genus praestiterunt: at exsuperante atrociam mali, et humanam opem respuente, in eorum manibus exspiravit. Hic non praetereunda est Creuzeri nostri benevolentia: qui a nobis rogatus, et in Germaniam proficiscenti Heidelbergâ commendatitias literas submisit multas: et monitus eum Treviris aegrotare, continuo ejus. causâ ad Trevirenses scripsit amicos: quamquam fera fuit haec opera, properante fato aegrotantis, et commeatu tabellariorum inter utramque Rheni ripam intercluso. Ad nos autem in Bataviam allatus nuntius de illius obitu optimum quemque gravissimo luctu affecit, simul et commiseratione boni adolescentis, crudeli sorte et in militiam abrepti, et frustrati cum vitae tum reditionis fructu, ejusque praecipuo gaudio, quod mox commilitones passim reduces percepe-

pe.

perunt, ut patriam liberam recuperarent, quam servam reliquisent.

IX. Et proximus deinceps annus, quamvis laetissimus ille ad libertatem ac pacem, nec ipse tamen caruit luctu ex duorum amissione discipulorum, insignium progressibus ac singulari discendi cupiditate, quae utrique, per studii vigiliarumque quamdam quasi intemperantiam, vitae finem maturavit.

Prior fuit J. D. Boudrit, Leidenfis: cui quum vivo aliquoties testimonium impertiverimus, quo diligentiam suam fautoribus approbaret, mortuum hujus publicae commemorationis expertem praetermittere non debemus. Hic natus d. xxix Martii a. mdccxci, paene puer à Ravio, collega quondam nostro, Theologiae et Oratoriae Sacerdotali conciliatus, eoque doctore antea orbatus, quam ejus exemplo vocem habitumque ad virilem firmitatem excoluisset, se rerum copia ac scientia tutatus est. Nam et complures diversarum Profesores disciplinarum assidue audiebat, et audita fideliter domi commentabatur, et praeterea dies noctesque in omnium lectione librorum conterebat, veterum, novorum, Graecorum, Latinorum, Orientalium, Philosophorum, Poëtarum, Historicorum, aliorum; vix ut sibi quidquam laxamenti et quietis concederet. Nostris quidem
fcho-

scholis quinquennium studuit: intereaque, ut facultatis in hoc genere suae specimen proderet, scripsit *Lectiones Homericas*, idque sua sponte, me ignorante, nedum adhorrente. Perscriptum mihi ostendit spissum volumen, de quo illud valeret, *cum flueret lutulentus, erat quod tollere velles*. Erant magnam partem similes aliorum poetarum et scriptorum loci, non modo Graecorum et Latinorum, sed Hebraeorum, Arabum, tum recentiorum, Belgicorum, Germanicorum, Anglicorum, Francicorum: in his quaedam ab aliis nondum observata: erant etiam quaedam è nostris scholis suscepta, quae pertinerent ad constituendam scripturam, et verborum obscuriorum ex analogia et origine interpretationem: quaedam etiam ad hanc rationem factae ipsius propriae animadversiones. Suasi ei, ut illud prius genus certo modo circumscriberet, hoc autem posterius omni ratione augeret et excoleret. Promisit se facturum: facere ingredientem excepit tempus, quod multorum studia discipulorum turbavit, patriæ in Francicae provinciae formam redacta, multorum civium fortunis afflictis aut everfis, Academica institutione ad Francicum modum ordinata, Literarum nostrarum scholis desertis. Ibi tum et ipse spe sua et voluntate maturius sacerdotii ministeria capessere, sermones sacros

com-

componere et recitare. Sic novis laboribus ad veteres accedentibus, magis etiam debilitatus, superveniente morbo exstinctus est, d. xvii Decembris, a. mdcccxiv.

Alter brevi postea secutus est, d. iiii Januarii, a. mdcccxv, Bartholemaeus Cornelius van Dorp. Natus Delphis Batavorum, parentibus perquam honestis, d. vi Januarii a. mdccxciii; puer variis deinceps in tutelis jactatus est. Patrem quadrimus amisit: cui successit vitricus: hoc post quartum annum mortuo, sola mater fuit: quâ item altero anno mortuâ, puero praefuit avunculus, tum patruus Cornelius van Dorp, mercator Rotterodamensis, fide et opibus spectatus, qui eum tradidit disciplinae et contubernio viri docti et prudentis J. Servaas, Med. Doctoris, eamque artem factitantis in pago Delphiportu (*Delftshaven.*) Ibi tum puer primum in constanti discendi via positus, proficere coepit. Omnino saepe professus est, multum se illi viro debuisse, cum ad eum Latinae linguae modum consequendum, ut Profesorum scholas cum intelligentiae fructu audire posset; tum ad initia philosophiae, mathematica et physica, tum vero ad iudicii diligentiam et observationem errorum vulgi et vitae communis. Venit ad nos Leidam a. mdcccxi, Jurisprudentiae se daturus, et scholas adhibitu-

rus

rus earum artium, quas apud priorem magistrum didicerat, patria quidem jam in Francicam provinciam redacta, at in Academiis adhuc vetere more retento. Quo item sub proximi anni finem abrogato, et Universitatis Parisiensis ordinatione apud nos constituta, discipuli plerique veterem studiorum cursum mutare coacti sunt. Ita et ipse, qui primo anno apud nos scholis de Historia Universali et Antiquitatibus Romanis operam dederat, jam omne suum tempus Jurisprudentiae tribuebat. Interea periculum subeundae militiae satellitii honorarii aegre, nec nisi insperato favore et commento conscriptoris, effugit; ad quam eo magis deligebatur, quod robore et statura commendaretur. Proximo anno, liberatâ patriâ, interceptas scholas repetivit, et Jurisprudentiae scholis adjecit mathematicas, physicas, literarias, nos quoque Ciceronis opus de Finibus interpretantes audivit, et se propius ad nos applicuit, stilo exercendo paraphrases capitum illius operis scriptitans, easque dijudicatum ac probatum privatim ad nos ventitans, magnamque progressum spem adferens. Quae spes, heu! brevis et vana fuit. Nam quum tot scholis assidue interesset, alia et varia argumenta secum domi tractaret, nec sodalium officiis absset, his tam multis rebus quum tempus non
sup.

suppeditaret, illud corporis curae, recreationi, ambulationi, quieti, somno, subtraxit. Itaque valetudo infirmari, inflammatione faucium tentari: atque sic affectus ad me aliquando venit lectum scriptionem quamdam suam: suadebam ei medicum adhibere, promittebat se facturum: caeterum nil periculi subesse: tamen studendum esse: nec enim sine studiis vitam vitalem fore. Discessit à me domum, ubi medicum quidem arcesivit: at illo invito, solitam vitae studiorumque rationem sequens, gravius aegrotare, sanguinem exspuere, similibusque affectionibus premi, quae ipsi fero medicinam quaerenti mortem attulerunt. Reliquit apud omnes, qui eum norant, haud vulgarem moerorem, quod in moribus, vultu, et sermone, decoris et humanitatis singularem habuisset significationem.

X. Tandem nos tristi parentalium officio defunctos sperabamus, quum rursus eodem revocamur obitu luctuoso Jani Petri van Heukelom, adolescentis ornatissimi, discipuli nostri sane probati. Natus hic Leidae parentibus honestissimis his puer orbatus, cum fratre minore relictus turelae propinquorum, prudentium virorum, ab horum uno, V. R. van Geuns, laudatae viro doctrinae et facundiae, Teleio-baptistarum tunc apud Leidenfes, nunc apud Amstelodamenfes, Ecclesiaste, ad me deductus

Q

meis.

meisque scholis commendatus est. Fuit idem amicissimus Haanii, de quo diximus, sodalis, cum eodem et assiduus in schola, et privatim domum ad nos ventitans consultum de studiis: ejusdem discidium mortemque acerbissime tulit. Itaque quam illi tribuimus morum literarumque laudem, cum hoc communicatam volumus. Biennium, quod illi superstes fuit, Jurisprudentiae operam dederat, quum eum nobis subita mors eripuit. Est hic apud nostrates, ut alios septentrionales populos, mos, ut hiberno tempore fluviis lacubusque glacie constrictis, ingens hominum, certe juniorum, multitudo, eo confluat: in primis eorum, qui in ferratis soleis currant, et inusitata velocitate per aequor glaciei quasi volent: alii trahis vehantur: alii aliud ludant: alii ambulent et spectent. Et habetur hoc unum ex praecipuis hibernis oblectamentis. Neque tamen mortis periculo caret; quod multi sint loci, ubi oculi incautorum falli possint fraude et insidiis glaciei, vel ruptae et apertae, vel tenuiter adstrictae nec satis duratae, vel ab undis non sustentatae, quippe subsidentibus et in alvei fundum vergentibus. Hoc fraudi fuit nostro discipulo. Nam die solis otioso X Decembris anni MDCCCXV pluribus hominum millibus Rheno insultantibus, ipse quoque cum nonnullis

lis sodalibus eo venit cursurus. Ibi tum longius provecti, locum suspectum celeritate pervadere conantes, ecce! rupta sub pedibus glacie, in undas incidunt ipse et duo sodales. Atque hi quidem in terram eluctantur: ipse vero aliquamdiu luctatus submergitur: post horae circiter quadrantem extrahitur mortuus, certe calore et spiritu ita vel extincto vel oppresso, ut omnibus quamvis propere adhibitis artis medicae remediis resuscitari non potuerit. Sic amisimus bonum discipulum, omnibus commendatum laude industriae, progressuum, humanitatis, comitatis, et vitae laudabiliter actae, duos et viginti annos natum. Atque hoc loco facere non possumus, quin discipulos nostros moneamus, ut in corporis exercitiis alia potius tractent, vel palaestrica, vel bellica, ingenuis adolescentibus magis decora et utilia: istud autem hibernum et prorsus frigidum, ut poetae dictum sequar, Periculosae plenum opus aleae, quo inceditur per aquas subpositas glaciei dolosae, aliis relinquant.

Ἄλλὰ φῶςδε τάχιστα λιλαίεο, à mortuis ad vivos redeamus, hujus libri editionem urgeamus; ut antea exeat, quam nobis fatalis necessitas novum parentale argumentum objiciat.

XI. At inanis fuit nostra spes. Jam enim fatalis necessitas nobis insciis novum argumen-

tum objecerat, nec praetereundum, et ad acerb-
 itatem doloris grave, amissionem capitis in
 paucis cari, Frederici Guilielmi Boersii, de
 quo pauca diximus Bibliothecae Criticae P.
 XI, p. XXI, nec nunc multa noster nos dolor
 et temporis angustiae dicere sinunt, longae quam-
 vis materiem scriptionis afferente. Natus gente
 honorata Leidae, ibidem educatus et utraque
 disciplina institutus est, primum puerili, dein-
 de academicâ, ut vocant, id est scholis Pro-
 fessorum. Quum mature solers ingenium in
 eo eluceret, destinatus est ab avunculo, apud
 quem aiebatur, rei publicae aliquando geren-
 dae, et ad hoc propositum studiorum suorum
 consilia accommodavit. Ergo Jurisprudentiae
 se dedit, ad eamque rite percipiendam, ani-
 mum Philosophiâ et Literis instruxit. In Grae-
 cis audivit Ruhnkenium, tunc Lectorem, quem
 caeterae totius discendi rationis auctorem se-
 cutus est: in Latinis et Historia Oudendorpium:
 in Philosophia Luloffium: in Jure Civili Schel-
 tingam, in Jure Publico Weisium et Pestelium.
 Ad hoc scholarum pensum, accedebat aliud
 domesticum et quotidianum, multorum lectio
 librorum eaque insatiabilis: non solum Grae-
 corum et Latinorum, sed et novitiorum, Bel-
 gicorum, tum vero exterorum, Gallicorum,
 Britannicorum, Germanicorum, harumque lin-
 gua-

guarum usus et meditatio eum in finem, ut iis et ad legendum et ad colloquendum valeret, Gallice etiam pure et accurate scriberet. Inerat praeterea jam in adolescente magna oris commendatio, sermonis varietas et jucunda comitas, quae per totam vitam mansit, certe raro nec nisi tempore aegrotationis eum reliquit. Tali ergo quum laude floreret, accessit etiam eruditionis fama è scripto libello, et consequendo titulo Doctoris Juris ad disceptandum proposito, *de Anthropologia Jurisconsultorum Romanorum quatenus Stoica est*, Lugduni Batavorum MDCCLXVI. Quo in libello quum appareret scriptoris et philosophum ingenium, et Philosophiae Jurisprudenciaeque diligens cognitio, et elegans Literarum doctrina, nemo erat qui dubitaret, scriptorem, si modo id agere veller, idoneum fore cathedrae cujusvis harum disciplinarum obeundae. Sed vetus reip. gerendae propositum eum ab instituendo alio vitae genere avocavit: et non ita multo post factus est Advocatus Societatis Indicae Orientalis. Quod munus quam fuerit plenum laboris et negotiorum, quam varium et multiplex, intelligunt, qui norunt, quanta pars Reipublicae Batavae fuerint coloniae Asiaticae et Africanæ, hujus Societatis regimini subjectae, quantumque momentum, cum ad patriae florem ac po-

tentiam, tum ad fortunas singulorum civium. Officium Advocati malumus verbis Pestelii, viri egregii, referre ex Commentariis de Rep. Batava p. 162: „ Duo viri ex tribus quisque „ nominatis a Principe Arausiaco electi, et „ *Advocatorum* nomine appellati, Curatoribus „ adsunt, ut eorum fide, diligentia in ex- „ quirendis rebus Indicis ac commodis Socie- „ tatis, probataque prudentia in consiliis dan- „ dis et decretis efficiendis, niti possint.” Boer- sius initio *Secundus Advocatus* factus, inter- jecto tempore in locum Primi succedit. Am- stelodami habitans, ad me venit recens Profes- sorem perhumaniter salutatam, affirmans me sibi quamquam ab aliis commendatum, tamen spon- te conciliatum esse; quod ego, item ut ipse, **L**iterarum cognitionem ad Historiam Philoso- phiae retulissem. Hoc fuit initium nostrae con- junctionis: quae deinceps, dum ambo Amste- lodami fuimus, mutuis officiis, multis congres- sibus ac sermonibus frequentata est. Decem annis post (1781), patria subito bello à Bri- tannis perculsa, naves nostras intercipientibus, portus obsidentibus, Societas Indica, Orienta- lis, ipso suafore, duos Legatos, quorum ipse unus fuit, in Galliam misit, qui cum Rege, Administris, et Praetoribus, agerent de mili- tibus conducendis, navibusque instruendis, et

e Gallia in Indiam emittendis, ad colonias Societatis adversus hostium incursum defendendas. Ibi quod ei supererat à legationis officio temporis, ad cognitionem urbis, populi, morum, regiminis, hominum, in primis doctorum, contulit, et proposito negotio dextre solerterque peracto, pace restituta, (1783) domum rediit. Interea disensiones civiles inter duas adversarias reipublicae partes increverant; et deinceps ita invaluerunt, ut ad manifestum bellum spectarent: quod praevertit, immo jam accensum extinxit, adventus Borussiae exercitus praetore Brunsvicensi Duce (1787). Vetere reip. forma restituta, partibus Nasavicis confirmatis, Boersius Societatis Indicae causa legationem in Britanniam obiit, similemque inde atque è Galliâ et laudem retulit, et cognitionis fructum percepit. Domum redux, interjecto quodam tempore, munere *Advocati Societatis Indicae* se abdicavit, aliud capessivit, magis illud cum potestate et interiore reip. administratione conjunctum: factus est *Pensionarius* civitatis Leidenfis: sic autem vocabantur tunc civitatum Hollandiae singularum, jus suffragii habentium, legati ordinarii ad senatum Ordinum Hollandiae, penes quem summa potestas Populi Hollandiae erat: hoc autem munus priori praeoptabat,

quod minus occupatum negotiis esset, et plures opportunitates offerret tuendarum partium Nasavicarum, quas ipse sequebatur, non suae sed publicae utilitatis causa sic faciendum judicans. Jam enim tunc in Gallia fervebant istae lites inter factiones Regiam et Popularem, mox in apertam vim erumpentes (1789), et victrice Populari, in omnem atrocitatem proruentes. Ad hujus factionis progressus, frequentes sane et magnos, nostrorum hominum Antinasavicorum animi erigebantur, ejus exercitus ut datores libertatis, aequalitatis, et fraternitatis, quas se allaturos profitebantur, expectabant. Incredibile dictu est, quam late hic error serpere coeperit, quamque multos infatuaverit, seniores etiam, veteres magistratus, priore reip. conversione loco motos, alios nil passos, tum vero juniores, qui sibi nescio quam cum libertate communionem intercedere putarent. In his fuerunt quidam studiosi adolescentes, qui ad legum decorique contemptum progressi, Boersium in auditorium publicum audiendae orationis causa venientem cum irrisione exciperent, occurrentes dictum quoddam, quod ipsi partes Nasavicas defendenti in Senatu Leidenensi exciderat, indeque ad vulgi notitiam emanaverat. Hic tam inaudita petulantia commotus, et magis etiam facinoris impu-

punitatem indignans, simul et instantem patriae sortem commiserabatur, in quam aditus hostibus pararetur, qui eam, nulla legum conditionumque habita ratione, libidinoso et superbo sub imperio vexaturi et exhausturi essent. Quod plane ita evenit. Nam quamvis laudans Gallicum populum ut ingeniosum, humanum, affabilem, comem, qualem ipse praesens expertus erat, hoc referebat ad eum, qui sub justo regio imperio fuerat: ad eum, qui postea fuit, nil minus. Tunc vero istis cogitationibus dies noctesque agitatus in gravem morbum incidit, eumque cum delirio conjunctum, quod subinde in furorem abiret. Igitur custodiebatur domi suae et à suis. Nam quamvis caelebs, sua ipse in domo habitabat, eaque famulitio instructa et supellectile, omnibusque partibus, quibus lauta domus censeretur. Accidit paulo post, ut Gallico exercitu omnem agrum urbesque hujus reip. occupante, dominarentur partes Antinasavicae, et exauctoratis veteribus magistratibus novos ad novam formam imperii popularis constituerent: quosdam etiam Profesores Leidenfes, ut deditos maxime Nasavicis partibus, suis cathedris privarent, Pestelium, Kluitium, et fratrem Boersii Carolum, Theologiae Profesforem, ipso minorem quadriennio. Hic, ut princeps cognatorum,

quorum in tutela et curatione aegrotans frater esset, hujus fortunis sic se consulere debere existimavit, ut eum, relictâ sua domo et familiâ, curandum alendumque collocaret certa annua mercede apud magistrum hujusmodi custodiae, quae Delphis est. Quod hic optimo consilio fecerat, id aegrotans frater summam injuriam interpretans, vehementius etiam quam antea animo exasperatus et furore incensus est; ut malum arte insanabile dubiae medicinae temporis relinqueretur. Vicit tamen naturae bonitas. Nam quum isti fervores et aestus quinto demum anno aliquantum resedissent, ut erat ingenio actiuo et scientiae cupido, vetera sua studia desideravit, librosque suos arcesivit. In his maxime eum ceperunt ac tenuerunt Graeci, eorumque quotidiana lectione oblectatus et paulatim in quamdam rationis viam reductus est. Legit Aristophanem et Herodotum. Tunc quoque nostrum congressum requisivit. Veni ad eum cum Paradyfio. Excepit nos lacrimans: mox ad pristinam hilaritatem rediens multa narravit, nil de suo morbo, quippe se semper sanae mentis fuisse putans: caeterum ipse omnem sermonem occupans, ex alio aliud memorans, satis prudenter diserebat, unum saltem alienationis vestigium servans, quod se non Boersium, nec patris, qui vul-

vulgo haberetur, sed alicujus Germani dynastae, quem nominabat, filium esse dictitabat. Proximo mense solus eum invisi, si forte solum magis audiret, sibi que illum errorem de patre suo eripi pateretur. Ipse rursus sermone in omnia alia deferebatur, nec interpellandi ansam praebebat. Surrexi ut abiturus, et „Vale, inquam, spero nos proxime alio in loco collocuturos.” Ad haec ille, quod volebam, erigitur: et „Ecquid, inquit, habes à meis cognatis mandati, ut mecum agas.” „Nil equidem, inquam, novi habeo; nam horum semper fuit propositum, ut ex hac tutela exires, quamprimum constitisset te plane sanatum esse: nosti enim profecto te aegrotasse: vin’ verum audire?” Quum se velle dixisset, narravi de morbo, delirio, furore. Haec omnia ei nova et inaudita accidebant, nil recordabatur, nisi se voluntate cognatorum, ipsius bonis inhiantium, vi è sua domo abreptum, in hanc custodiam deportatum esse. „Ergo, inquam, si vis sanatus haberi, depone hunc de cognatis, et illum de patre errorem. Neque est, quod te istius morbi pudeat. Est haec à Graecis dicta *μελαγχολία*, quae non in tardos et hebetes, sed in veloces et ingeniosos, homines incidit: de qua Aristoteles in Problematis (XXX, 1): indeque Cicero in Tuscu-

culanis (I, 33: III, 5). Favorinus autem; egregius philosophus, Plutarchi aequalis, his eam verbis ornat, ut dicat, *eam non parvis nec abjectis ingeniis accidere, ἀλλὰ εἶναι σχεδὸν τι τὸ πάθος τοῦτο ἡρωικόν.*" Haec et talia libenter audit, mihiq̄ discedenti promissit, se istos errores depositurum. Haec inter nos acta sunt Kalendis Juniis a. MDCCCI: et, paucis interjectis diebus, libertati suaeque ipse tutelae restitutus est. Rediit paulatim pristina vitae consuetudo, et illae supra laudatae doctes, sermo utilium jucundarumque rerum commemoratione frequens, perfacetus, sine offensione et acerbitate; immo in omni congressu urbanitas et cum benevolentiae significatione amabilitas. Quamquam habuit haec laus quandam exceptionem primis post recuperatam sanitatem et libertatem annis, ut nonnumquam ei disferenti duriora quaedam adversus amicos praesentes dicta exciderent; quae hi silentio praetermittebant, affectionis veteris accessiorem interpretantes; ne adversando mentis nondum satis firmatae proclivitatem sollicitarent. Sed illis morbi reliquiis tempore detritis atque abstersis jucundior cunctis accidebat. Nemo autem unus fuit, qui plures homines nosset, nemo cui cum pluribus vel notitia, vel familiaritas, vel consuetudo, vel aliquid officii

cli intercederet; ut per totam Batavam terram haberet, apud quos devertere et commorari posset. Et veterem hunc suum morem repetivit, simul ac rursus rerum suarum dominus esse coepisset; continuo familiares illos et amicos invisit: quibus omnibus gratus et acceptus hospes venit. Ventitavit etiam in conventus Societatum eruditaram, quarum Socius fuerat, Leidenfis, Harlemonfis, aliarum; nam fuit multarum. Et ipse fodalitium instituit, quo, ut suo opere, maxime delectabatur, cujus conventus convivio, mensuris intervallis, celebraretur ab hominibus doctis vel doctrinae amantibus, in *Aggere Leidenfi*, vico medietrium urbium, Leidae, Hagae, Delphorum, ubi ipse habitabat: hoc fodalitium à suis amicis obiri valde cupiebat, eosque cum adducebat, tum arcescebat: et ipse ei gratificans aliquoties veni. Publici autem muneris nullam partem attingere voluit, quamvis delati. Veluti quum Meermannus V. Ill., idem nunc nobis lugendus, sed quum is sub Rege Francico, Cubicularius, Administer, Praefectus Institutionis Publicae factus esset, Boersiumque, auctoritate Regis, collegam hujus praefecturae allegisset, ejusque nomen ut allekti in Ephemeridibus publicis prodidisset, ipse mox in iisdem Ephemeridibus epistolam edidit ad Meer-

Meermannum, recusans illud munus, humaniter quidem, sed iis tamen verbis, ut facile appareret, quid de Francico dominatu sentiret. Scripsit et alia, sed fictis sub nominibus: in quibus et libellus fuit pertinens ad indignationem injuriae Amstelodamensibus à Francico Rege, ut aiebat, factae, qui illis Curiam ademisset, sibi que regiam fecisset. Sed hae mox aureae visae sunt res, per infecutas ferreas. Patria Francica provincia fit. Continuo aes ejus alienum, ingens illud, in cujus foenore plurimi cives positas habebant suas pecunias, triente circumscribitur. Hinc plurimorum civium fortunae evervae. Accedit militaris conscriptio: vectigalium acerbitas: publicanorum exactiones: veterum omnium rerum commutatio: alia, quae recensere infinitum, et singularis scriptionis argumentum, fit. His in calamitatibus Boersius magis aliorum, quam sua causa, dolebat. Nam quamvis et ipse publici aeris circumscriptione magnam fortunarum partem amiserat, tamen, quia solus erat, et res suas diligenter dispensabat, habebat satis reliqui, unde liberaliter viveret, at non satis unde aliis, uti solebat, succurreret. Fecit nihilominus, ut nil ex vetere sua erga alios beneficentia imminueret. Omnino magis specie illatae indignitatis, quam ablatae utilitatis, mo-

movebatur. Veluti ineunte Novembri anni MDCCCXII, quum Academia ad Francicum modum ordinaretur, Profesforibus novo Francico vestitu, plane illo abhorrente a gravitate moris majorum, indutis, ipse praesens ita indignatus est, ut sibi temperare non posset, quin sensum animi vultu et voce promeret. Ecce vero ! illo ipso tempore, quo Libertas Batava conclamatur, sepelitur, et Francicae dominationi in perpetuum subjicitur, dominus in Russia ruit, indeque mox fugiens, proximi anni eodem mense Novembri trans Rhenum rejicitur, et Libertas Batava reviviscit. Boerfius hoc Virgilianum in se accommodabat:

*Libertas - sero tamen respexit inertem,
Candidior postquam tondenti barba cadebat:
Respexit tamen, et longo post tempore venit.*

Et sic erat: Francico illo undeviginti annorum tempore in privata quiete acto, ejus aetas magis otium quam negotium postulabat. Attamen ad remp. gerendam se revocari passus est. Et delata ei sunt amplissima munera: lectus est Statuum Generalium Collega Primi Collegii: et vero unus è Quinqueviris curandae Academiae Lugduno-Batavae. Nos ejus prudentiae doctrinaeque fructum percepturi eramus mode-

randâ ab eo ad majorum morem Academia;
quem ejus fructum nobis abstulit dura quae-
dam faci iniquitas, non nisi biennium Libertati
restitutae ipsum superesse, nec destinatum mu-
nus inire, sinens. Obiit septuagesimo quarto aeta-
tis anno, d. XXVIII Decembris a. MDCCCXV,
omnibus insigne desiderium suavitatis virtutum-
que suarum relinquens.



NARRATIONES,
ET
LIBRORUM SUMMARIA,
EPITOMAE, IUDICIA.

MEMORANDUM

I

FOR THE RECORD
OFFICE OF THE SECRETARY

NARRATIONES;

ET

LIBRORUM SUMMARIA, EPITOMAE, IUDICIA.

I. **C**ogitantibus nobis, quanta sit cum utilitas tum jucunditas etymologiae, quae vocabulorum origines et significationes ab eorum ultimis, quoad ejus fieri potest, principiis repetit, saepe mirum videri solet, multos esse, qui docti haberi velint, nec hujus rationis vim ac praestantiam ex vero aestiment, nec recte intelligant; atque adeo dictitare audeant, nil sua interesse, unde vocabula orta sint, satis sibi esse, scire, quid significant. Quorum simile est negotium illis, qui cibis ita vescuntur, ut non curent scire, unde et qualis quisque sit, purus an mixtus, peregrinus an patrius, terrestris, aquatilis, ex pecudum, piscium, avium, frugumne, pomorum, olerum, baccarum, vel ex alio genere sint; dicentes, nil se hac cognitione ad suaviter lauteque vescendum juvari.

R 2

De

De quibus merito usurpemus illud, naturam eos, velut pecora, pronos atque ventri obediētes finxisse. Sed etymologia, si nil nisi origines vocabulorum aperiret; vel hoc uno nomine satis commendata esse deberet, cum quia in principiorum indagatione versatur, quod est officium philosophi, tum quia necessaria pars est Grammaticae, ideoque Dialecticae, quae ipsa est pars Philosophiae. Nunc vero insignem voluptatis intelligentiaeque fructum adfert: nam et inventionē veritatis oblectat, quam, in ipso vocabulo latentem, Geometriae instar eliciens et manifestam animo objiciens, humanissima eum voluptate perfundit: et in scriptoribus antiquissimis abditum sensum vocabulorum singularium, nec alibi proditorum, certa ratione explicat: quo in negotio maxime apparet, *vir viro quid praestet*, imperito hujus rationis etymologicae, non nisi Lexicographis, Grammaticis, Scholiastis, quamvis veteribus, fidente, peritus et versatus in illa ratione, quae *analogia* a nobis usurpatur, prodita recentiore aetate a principibus in Gallia viris, Stephano, Scaligero, Casaubono, Salmasio, Menagio, indeque assumpta et exculpta ab Hemsterhusio ejusque discipulis, nunc quoque in Batavorum scholis viger. Sed hodiernis quoque linguis eam adhibuerunt, alii aliis, Francicae et Italiae

cae

cae idem ille Menagius, earumque origines insigni in lumine posuit, nec hujus beneficii debitam gratiam retulit, pasim vexatus malevolorum voculis, quae ne nostra quidem aetate deficiunt, ut subinde nobis viri doctrinam laudantibus sint qui occinant, hiccine est ille, qui tam ridiculas etymologias excogitavit. Sane, inquam, ridiculas, nonnullas, opinione quidem imperitorum, quibus veluti pueris nova et insolita fere dubitationem et risum movent, non judicio peritorum, qui omnes hujus operae praestantiam sponte agnoscunt ac praedicant. Ergo sua manet apud doctos et prudentes laus Menagio, ejusque *Dictionarium Linguae Francicae* aliquoties à claris viris auctum edendoque repetitum est. Sed haec hactenus. Nostra enim aetate vir elegantissimae doctrinae, idemque commendatus scriptione complurium librorum, philosophi, historici, literarii, et varii argumenti, *Carolus Pougens*, ab integro hoc argumentum ingresus, trigessimum sextum abhinc annum, majus et majore cum apparatu opus moliri coepit *Thesaurum Originum Linguae Francicae*. Ad quam materiam quum adhiberet non solum philosopham rationem, et eos fontes, qui Menagio adfuerunt, sed alios etiam, qui ei defuerunt, Septentrionalium et Orientalium Linguarum ube-

riorem cognitionem; merito speramus, tale hoc opus exiturum, ut priorum in hoc genere artificum, ipsius Menagii, Johnsoni, Adelungi, aliorumque industriam longe superet. Modo dii immortales optimo viro, ejusque disciplinae alumno et operis adjutori, eruditissimo Theodoro Lorin, vitam viresque conservent. Cui quidem voto nostro deos annuisse nuper praesenti indicio animadvertisse videmur. Nam quum ipse cum familia in praedio prope Suesionem viveret, nosque illa hactenus ineunte Decembri scripsissemus, mox confoederatis populis suas injurias ultum Franciam ingressis, et recto undique itinere Lutetiam petentibus, accidit, ut mense Martio belli impetus magnam partem ad Suesionem confisteret, urbs capta receptaque iterum caperetur, regio conculcaretur, praedium vastaretur, domini cum familia vix ex infestis telis vitam servatam in urbem evaderent, indeque Lutetiam confugerent: ubi lenior laetiorque omnium opinione duris laboribus obtigit exitus, ac terrarum orbi diu expetita pax tandem restituta est. Sed redeamus, unde digressi sumus, ad Thesaurum Etymologiae. Hic in illa, quamvis summa, fugae trepidatione, custodiae fidelis amici traditus, integer salvusque mansit. Continet vero supra quatuor milia locorum, id est vocabulorum etymologice

ex-

explicitorum: quorum nobiscum eos communicavit, qui sunt de his vocabulis: *Ananas, Anthrax, Agape, Allemande, Amazone, Ameshiste, Amnios, Araignée, Argile, Arsenic, Automate, Azerolle, Babouche, Bande, Barde, Baromètre, Brayes, Cauchemar, Chuchoter, Cinabre, Cinnamome*: in quibus omnibus apparet singularis cum eruditionis copia et varietas, tum naturae observatio et iudicii acumen, tum vero orationis mira proprietas ac perspicuitas; ut ex hac operis ratione et amplitudine facile existimari possit, quantam illius editio Etymologicae doctrinae accessionem allatura sit. Programma ejus dudum prodidit auctor in compluribus Diariis Francicis et Anglicis, tum in principio libri sui inscripti: *Tentamen (Essai) Antiquitatum Septentrionis* 1797.

I I.

*Specimen Juridicum Inaugurale, de Le-
ge VIII. C. „ Si certum petatur.”
Accedunt Tria Capita Observationum
in Ciceronis librum Secundum Acade-
micarum Quaestionum. — Quae pro
gradu Doctoratus, summisque in utro-
que Jure Honoribus ac Privilegiis, in
Vniversitate Lugduno-Batava, rite et
legitime consequendis, Eruditorum exa-
mini submittit GVILIELMUS THEO-
DORVS BAUMHAVER, Amstelo-
damensis, die XXIX Martii, anno
MDCCCXI. h. l. q. c.*

Hic est, de quo posuimus illa, in Addendis ad
Phaedonem nostrum, p. 335. „ Quaestio de
morte sibi ultro consciscenda late patet in omni
Veterum Philosophiâ: et in primis celebratur
à Stoicis in loco περὶ εὐλόγου ἐξαγωγῆς. De
qua quo minus nunc diceremus, in causâ fuit
cum nostrum brevitatis consilium, tum quod
librum de ea, propediem edendum, conscripsit
discipulus noster, Guilielmus Theodorus Baum-
haue-

hauerus, multae juvenis humanitatis, variae doctrinae, et in Graecis Latinisque Literis probe versatus." Libri illius tunc propediem edendi editionem interceptit patriae nostrae in Francicam provinciam commutatio, quae et civium fortunas labefactavit, et adolescentium academicorum studia deproperavit. Itaque et B. noster, quum sibi illam Stoicam quaestionem argumentum destinasset disputationis habendae ad consequendum gradum Doctoris Juris, ad eamque tantum apparatus collegisset, ut ei nulla pars materiae in antiquis monumentis proditae ad hoc propositum spectans deesse videretur; incidit denunciatio novae ordinationis Francicae ad certum diem nostris in Academiis instituendae; unde, ut alii adolescentes, praeoptans pristino more illum gradum capessere, seposito ampliore argumento sumsit brevius, quod citius et ante illum certum diem perscribi et in specimen legitimum produci posset. Fuitque id, ut titulus ostendit, bipertitum: utrumque accurate eleganterque tractatum, sed alterum subtilius, magisque nostris cum Literis conjunctum, quibus se totum penitus dederat; ut eas publice aliquando docendas sibi proponeret; tunc vero ordinis judicarii factus, Bruxellas delatus, in supremo tribunali honorificum locum adeptus, nunc Brugis tenet. Sed hujus Literariae Partis om-

nam copiam recensere, quandoquidem longius est, quam pro nostrae scriptionis finibus, certe operae pretium est, capitum et sectionum titulos referre. Cap. I. p. 1—35: *Stoicorum Doctrina De Visis*: *περὶ Φαντασιῶν*. Cap. II, *De Evidentia*: *περὶ ἐναργείας*; p. 36—89. §. I. *Constitutio Loci. Pars Prior*, §. II: *De Sensuum Veritate, ex usu, exercitatione, et virtute*, §. III. *De Rationis Veritate, ex artibus et rerum scientia*. §. IV. *Carneadea Visorum distributio*. §. V. *De Repugnantibus, quas Stoici Academicis objecerunt*. §. VI. *De Inanibus Visionibus, sive de phantasmatibus et phantasticis*. §. VII. *De Indiscretis*. §. VIII. *De Sorite dubio et inexplicabili, sive de Acervali et Mentiente. Pars Posterior*. §. XI. *Sapientem adsentiri quidem, sed nil opinari, id est, numquam adsentiri rei vel falsae vel incognitae*. Cap. III. *Observationes Miscellaneae in Ciceronis Librum Secundum Academicorum, qui inscribitur Lucullus* p. 89—113. Hinc apparet materiae copia et varietas. Accedit vero stili bonitas et elegantia, rationis dialecticae et grammaticae diligentia, proprietatis cum Graecae tum Latinae notatio, multorum locorum et explicatio et emendatio; ut hujus libri lectio jucunda futura sit omnibus antiquae doctrinae studiosis, necessaria etiam iis,

si-

siqui hoc argumentum et omnino hunc Ciceronis librum recte cognoscere velint.

I I I.

Theses Juridicae Inaugurales. — Quas pro gradu Doctoratus, summisque in utroque Jurè Honoribus ac Privilegiis, in Vniversitate Lugduno-Bataua, rite et legitime consequendis, publico ac solemnì examini submittit PETRVS VAN LELYVELD, Lugduno-Batavus, die XXX Martii, a. MDCCCXI. pagg. 38.

Eadem est hujus libelli causa, quem scriptor edidit octavo anno disciplinae suae academicae, in Literis Graecis, Latinis, et Historia, nostris etiam usus scholis: quum sibi tempus capessendi summi honoris academici longinquius proposuisset, et amplioris dissertationis amplius argumentum *περὶ ἀτιμίας* i. e. *de infamia*, jam conscripsisset, occupatus illa denunciatione Francica, ad brevius, et breviori tempore expediendum, argumentum descendit *Thesum* nomine vulgo frequentatum. Hae sunt numero XXII,

earumque complures copia ac diligentia integrarum instar disputationum. Summam earum et epitomen ipsius auctoris verbis referre quum non possumus, nos quas tribuimus superiori disputationi laudes doctrinae et elegantiae, easdem cum hac libenter communicamus.

I V.

Specimen Juridicum, continens Explicationem Legis V Codicis, de contrahenda et committenda stipulatione: Disputationem de Emancipatione secundum Codicem Napoleonticum: et Theses varii argumenti: Quod pro gradu Licentiatum rite et legitime consequendo, Facultati Juridicae in Academia Leidensi exhibuit, et publice defendet JANVS ADRIANUS VAN DER HEIM, Rotterodamensis, die XXIX Julii, anno MDCCCXIII, hora XII. Leidae. p. 48.

Exstant in hoc titulo indicia legis Francicae jam in nostra Academia constitutae: caeterum, libellus habuit eandem nascendi conditionem ac duo superiores. Scriptor jam quatuor annos tri-

triverat apud nos in Literarum ac Jurispruden-
 tia studio, sibi quæ proposuerat argumentum
 elegantis doctrinae specimini ad consequendum
 gradum Doctoris, Paradoxa Ciceroniana; quum
 subito denunciatur delectus satellitii honorarii,
 ipseque in istam militiam conscribitur. Tum
 vi et injuriæ jus et exceptiones opponit; quibus
 frustra consumptis, gradum Licentiatus assumit,
 si quid is forte in præsentem causam prodesset:
 conscribit specimen brevioris argumenti, vetere
 et ampliore seposito: nec tamen in præfatione
 profiteri ei licuit, istud coactæ militiæ officium
 sibi causam fuisse deproperandi studiorum con-
 silia. Abducitur Metim ad alios populares hu-
 jus militiæ socios: ibi manet usque ad mensem
 Novembrem: tum evadit cum uno commilitone,
 et salvus ad suos redit. Sed nos videamus libri
 breviter eos locos, qui ad nos nostrasque Lite-
 ras spectant. Praefatio ad patrem suum Anto-
 nium van der Heim, virum Amplissimum ac Doc-
 tissimum, Urbis Roterodamensis quondam Con-
 sulem, sane eleganter scripta, habet etiam quæ-
 dam de nobis nostraque disciplina grate et pe-
 ramanter dicta. Omisissis autem duabus partibus
 juridicis prioribus, ex Thesis has annotamus,
 ut propriis nostris cum studiis conjunctas. „ XII.
 Error quorundam, Leges XII Tabb. Romanis
 pueris ediscendas fuisse propositas, ortus ex
 ma-

male intellecto loco Ciceronis Legg. II. 4, 23, qui testatur quidem se illas puerum didicisse; unde non sequitur idem illud fecisse omnes Romanos pueros. XIII. Non ex Lege XII Tabb.; sed à primis reip. Rom. temporibus, originem duxisse successionem ab intestato, recte statuit Montesq. — XIV. Licet Serv. Tullius in oratione, qua imperium suscepit, se cauturum promiserit, ne umquam quis in posterum ob aes alienum in nervum duceretur, ut narrat Dion. Halic. p. 215, promissis his illum stetisse, ex eodem auctore probari non potest. XV. Male in Scepticis nonnulli numerant Socratem." XVI. Diversis et contrariis virorum doctorum de Ciceronis animo et moribus iudiciis adhibetur sententia à nobis è Plutarcho prodita Biblioth. Crit. Part. XI, p. 81. „ Est hic error à malevolentia profectus, in historia de magnis viris maledicam famam captare, eorumque factis et consiliis bifariam honeste et secus proditis, honestiorem rationem praeterire, ac deteriorem sequi." — Tum etiam confutantur, qui Ciceronem nullam de philosophia certam habuisse sententiam contendunt. — XVII. Immortales animos esse, jam ante Thaletem theologos et poëtas statuisse, et Veteres plerosque, exceptis paucis, illam sententiam firmis argumentis tenuisse. Haec breviter et summatim a nobis

re-

relata satis indicant scriptoris doctrinam; ut intelligatur, quam erudita et elegans destinata commentatio Ciceroniana futura fuisset, quamque dolendum sit, eam temporum iniquitate interceptam esse.

V.

ΓΑΛΗΝΟΥ Προτρεπτικὸς ἐπὶ τὰς τέχνας.
GALENI *Adhortatio ad Artes, cum sua annotatione, et versione D. Erasmi, edidit ABRAHAMVS WILLET, Lugduni Batavorum: apud S. et J. Luchtmans, MDCCCXII. 8. p. 153.*

Quod si nostra aetate rari sunt in hac Academia studiosi medicinae, qui Graecas Literas discant, ut adhuc omnino perrari fuerunt, horum certe illi, qui eas non solum discunt, sed etiam docere, aut editis libris interpretari, possunt, miraculi instar habendi sunt. Hoc in generi est editor hujus libri: qui natus Amstelodami, patre Francisco Eduardo Willet, celebri Doctore Medicinae, ipse destinatus huic studio, ibi in puerili disciplinâ initia Graecae linguae percepit, eaque in nostram Academiam delatus ad hanc facultatem excoluit, cujus in
hac

hac editione specimen exstat. Edendi autem hujus libri consilium suscepit è censure nostrae editionis Koehlerianae, prodita in Bibliotheca Crit. Part. VI. ubi cum meliore editione dignum perhibuimus, ut plenum variae et elegantis doctrinae. Itaque novus editor operi omne officium criticum diligenter adhibuit; ex variis lectionibus priorum editionum, tum suis conjecturis, contextum Graecum emendavit: tum res dictionesque explicuit: sententias veterum à Galeno frequenter adhibitas ad suos auctores retulit: qua in re etiam nostra admonitione et animadversionibus in illa censura expromtis usus est. Editio hoc libro, mox se ad medicinae studium retulit, nobis etiam suadentibus numquam intermissum, gradumque Doctoris capessivit. Et recte quidem. Erant enim tunc tristia tempora, et tristiora expectabantur. Et illud vulgare *Dat Galenus opes* non ad ejus scripta edenda valet, sed ad eum medica arte factitanda sequendum: quod nunc duce et auspice patre Amstelodami agit, nec sic abstrahi se à nostris Literis patietur, quin subinde reditus ad eas capter, per quos nobis speratam editionem Galeniani vel operis vel Lexici absolvat.

V. I.

NICOLAI PARADISII *Opuscula Academica. Accedunt N. G. OOSTERDYKII Prolusio, et HERM. TOLLII Narratio de Vita NICOLAI PARADISII — Edita à filio NICOLA O PARADISIO, Med. Doctore. Lugduni Batavorum 1813. 8. pagg. 191.*

Hic vero liber et voluptatem nobis adfert et dolorem: hunc recordando obitu optimi Paradisii: illam cognoscendis ipsius scriptis, et vita, sic à Tollio nostro enarrata, ut plane illud Callimacheum appareat — *quos blandae adspexere puellas Musae oculis, illos et coluere senes*; qui quinque et viginti annos ab academica vitâ remotus, et in quibusvis aliis negotiis versatus, redux eandem Literarum facultatem Latinaeque orationis sanitatem retulit. Similis laus debetur Oosterdykio, V. Cl., qui Prolusionis suae illo loco, brevior quidem, quippe quinque paginarum, Paradisii mortem, damnumque inde Academiae illatum, tam dolenter deplorat, virique in artè medica docenda et tractanda facultatem tam diserte exponit, ut suo exemplo

S

de,

demonstret, haereditariam illam gentis Oosterdykiae dotem, Latinae facundiae cum scientiâ medicinae conjunctionem, in ipso non decrescere. *Opuscula Academica* haec sunt. I. *Specimen Pathologicum de Natura Inflammationis*, scriptum gradui Doctoris Med. adipiscendo, a. MDCCLXIII. II. *Oratio de diligenti Therapeutices Vniversalis studio, maximo recte mcdendi instrumento, habita* (auspiciando muneri Profesforis) d. II. Octobr. a MDCCLXXXIV. III. *Oratio de Eibavaria naturali* d. VIII. Febr. IV. *Lectiones Publicae, de vera Medicinae Theoreticae ratione, ejusque finibus, habitae* a. MDCCLXXXV. Paradisus, qui raro scriberet, rarius etiam scriptum ederet, nisi more Academiae coactus, veluti illud Specimen et duas Orationes, Publicas Lectiones, quae sunt numero quinque, semel habitas in scriniis servabat, nec edi curabat, quamvis essent lectu dignissimae, ut scriptae ab homine, qui medicinae et rationem et usum, theoriam et praxin vulgo dicunt, perfecte teneret, multa legisset, vidisset, observasset, Graecos etiam et Romanos scriptores studiose tractaret, denique genus orationis adferret disertum, purum, perspicuum. Ergo filius utile et gratum omnibus elegantioris medicae disciplinae amantibus fecit hoc volumine edendo, eique his Lectionibus ad.

adjiciendis. Est hic Nicolaus Paradisus Medicinae Doctor, a patre ipso ad egregiam hujus artis facultatem institutus, eamque nunc facitans Leidae, insigni laude dexteritatis et felicitatis, aliquando paterno exemplo ex professoria cathedra, ut speramus, traditurus.

V I I.

HENRICI WAARDENBURG, *Harlemensis Gymnasii Rectoris, Opuscula Oratoria, Poetica, Critica. Harlemi MDCCCXII. 8. pagg. 313.*

Scriptor eruditione et modestia cognitus, brevi post editum hunc librum mortuus, magnum doctis hominibus dolorem fecit, Scholae Harlemensi etiam desiderium reliquit diligentis institutionis: quam nos quoque cognovimus in discipulis, qui ex illa ad nos venerunt. Opuscula singula, jam separatim edita per tempora Programmatum Scholasticorum, in Indice his argumentis notantur: *De Argumento Elegiae. De Ortu et Fortuna Academiae Lingensis. De Summo momento, quod mores Principum afferunt ad mores universae civitatis — Oratio*

de accurata Veterum lectione, reip. gerundae studio utilisima. Carmina varii argumenti. Observationes Criticae in Homeri Hymnos. — in Ciceronem. — in Virgilium. — in Tibullum. — in Propertium. In explicatione doctrinae est brevitās et elegantia, cum quadam significatione humanitatis, in quam conveniat illud, Emollit mores, nec finit esse feros.

VIII.

P. OVIDII NASONIS *Heroides, et A. SABINI Epistolae, à Burmanni maxime recensione editae, cura DAVIDIS IACOBI VAN LENNEP, qui et suas animadversiones subjecit. Editio altera, priore auctior et emendatior. Amstelodami apud Petrum den Hengst et Filium. MDCCCXII. 12 maj. p. 335.*

Animadversionum diligentia cognita erat: è priore editione, a. MDCCCIX. facta, cujus exemplis à bibliopolio divenditis, adornata est haec altera, cujus incrementum apparet cum in numero paginarum, quae sunt duodecim amplius quam prioris editionis, tum, necessario in-

instrumento ad usum lectorum, duobus *Indicibus*, altero *Auctorum*, qui in *Animadversionibus illustrantur aut emendantur*: altero, *rerum et verborum*, quae in iisdem explicantur: quos in proxima editione retentum et auctum iri speramus. Novam enim, locupletioremi amplioremq; molitur Lennepius, V. Cl., multis magnisque instructus copiis, Graeca interpretatione Heroidum à M. Planude facta, variis lectionibus codicum scriptorum circiter quadraginta, symbolis virorum doctorum haud paucis. Cui perficiendae ut editori et vita, et otium, et vires, obtingant, cum ipsius tum Literarum causa optamus.

I. X.

ΑΡΙΣΤΟΤΕΛΟΥΣ Μηχανικά Προβλήματα.
ARISTOTELIS *Quaestiones Mechanicae: recensuit et illustravit* JOANNES PETRVS VAN CAPELLE.
Amstelodami; apud Petrum den Hengst et Filium MDCCCXII. 8. pagg. 288.

Quum in omnis libri interprete duplex inesse debeat cognitio, altera rerum, verborum altera, id est materiae et linguae; hac quidem li-

bri mathematici interpretem exigua et levi contentum esse posse, vulgaris est opinio, sed affinis illa errori, et multas habens cautiones. Nam, quamquam hoc argumentum non capit ornatum orationis, sed simplex et unius modi brevissimis enunciationibus, formulis, signis, figuris, explicatur; tamen ipsa perspicuitas, quam unam orationis laudem confectatur, postulat interpretis facultatem, cum emendandae scripturae, vel è melioribus libris, vel ex conjectura, tum observandae significationis ac proprietatis, non modo singulis in nominibus et verbis, sed et in sententiis et constructione. Jam hujus interpres libri, et scientia argumenti valuit, nec linguae cognitione caruit, et utriusque generis officio recte functus est. Priorum editionum copias suis assumpsit et auxit. Graeco operi, quem *contextum* vocant, emendando adhibuit varias lectiones trium codicum scriptorum, duorum Parisiensium, unius Leidensis: has quavis pagina sub contextu posuit, et vulgatam interpretationem Latinam subjecit: porro omnem rerum verborumque difficultatem in Animadversionibus explicuit; quibus dum *Indices* addidit, *Vocabulorum* et *Auctorum*, denique in fine adiecit quatuor eleganter expressas tabulas diagrammatum, id est *figurarum mathematicarum*. Operae pretium est appo-

ponere verba Jacobi Morellii, viri humanissimi, principis Bibliographiae, Praefecti Bibliothecae Venetae, ex epistola, hoc libro jam edito, ad nos scripta. „ Subit modo cogitatio de Variis Lectionibus Mechanicorum Aristotelis, ex codice meo, Sec. XV scripto à Joanne Symeonaci Protopapa Chandacis in regno Cretae, homine doctrina praestanti, olim excerptis pro tomo secundo Bibliothecae meae manuscriptae. Has igitur non paucas, neque spernendas, scholiis etiam nonnullis auctas, si Jo. Petro van Capelle, quem Amstelodami opus illud denuo editurum esse novi, opportunum habere sit, idque tua ex sententia fiat, lubens offerrem, et ut facilis eas mittendi modus adesset optarem.”

X. *Laudatio JANI DOVSAE, Auctore MATTHIA SIEGENBEEK. Lugduni Batavorum MDCCCXII. 8. p. 168.*

Auditio grata civi Batavo, in recente dolore amissae civitatis Francico sub domino, revocans memoriam nascentis reipublicae excusso Hispanico jugo. Fuit enim hic vir illius con-

versionis magna pars, magnum momentum. Et Siegenbeekius V. Cl. hanc Laudationem recitavit loco anniversariae orationis, Rector Academiae magistratu abiens d. VIII Febr., a. MDCCCX., quo tempore denunciata jam patriae nostrae sorte in Francicam provinciam redigendae, optimus quisque civis novitatem et insolentiam istius libidinis indignabatur. Quo anno et nos simili consilio Protrepticum nostrum diximus *discipulis ad Literarum studia confirmandis*, editum in superiore Philomathiae libro, obsequentes veterum monito sapientum, in communi patriae calamitate auxilium solatiumque petendum esse ex domesticae virtutis ac prosperitatis studio, commentatione, et cogitatione laetioris fortunae; prouti laborantes oculis monemus, ut aciem à splendidis ferientibusque coloribus in virides mollesque convertant. Liber autem, cujus titulum praescripsimus, duas habet partes. Prior est ipsa *Laudatio*, paginis 42, Viri virtutes, cum ingenii, tum animi et morum, eruditionem, genus, vitae partes et facta publica ac privata, perspicue narrans. Altera constat *Annotationibus*, quae referuntur ad illos Laudationis locos probandos cum è scriptis Doussae et aequalium, tum ex historia civili et literaria, tum è prioribus de vita rebusque illius scriptoribus, et in varietate ar-

gumenti cum accurata diligentia explicantur. Vtraque habet lectionem utilem et jucundam, non solum Batavis humanioribus, sed et exteris nostrarum Literarum studiosis.

X. I.

Incerti Auctoris, (vulgo Pindari Thebani) Epitome Iliadis Homericæ; ex recensione et cum notis THEODORI VAN KOOTEN, edidit, præfatus est, suasque animadversiones adjecit, HENRICUS WEYTINGH, apud Campenses Gymnasii Publici Rector. Lugduni Batavorum et Amstelaedami, typis Luchtmannianis et Holtropianis, MDCCCIX. 8. pagg. 330.

In libris veteribus Latinis feruntur quidam incertae auctoritatis et ætatis, de Bello Trojano: duo, prosa oratione: *Dictys Cretensis*, hoc ipso titulo, *de Bello Trojano* Libri VI: *Daretis Phrygii de Excidio Trojæ* Historia: duo, carmine hexametro: alter, is quem præscripsimus: alter, sex libris *de Bello Trojano*, sub hac inscriptione veteribus in editionibus prodita:

*Daretis Phrygii, Poetarum et Historicorum omnium primi, de Bello Trojano libri sex, Latino carmine à Cornelio Nepote eleganter red-
diti.* Quod carmen postea *Josepho Iscano*, Exoniensi Anglo, aequali temporum Regis Henrici II, saeculi duodecimi, vindicatum. et sub ejus nomine, doctis cum animadversionibus *Samuelis Dresemii* editum, et in Amstelodamensi editione anni MDCCII, 4, Dictyis ac *Daretis Historiis* adjectum est. Illud, falso *Pindari* nomine insignitum, carmen desiderabat adhuc novam interpretis et editoris curam, subinde poeticae laudis, et quorundam melioris aevi indiciorum, causa commendatum à viris doctis, et tractatum, veluti *Barthio*, in *Adversariis*, et nuper à *Bondamo* nostro, *Var. Lect. II, 4.* Itaque mox advertit cogitationem *Jani Schraderi*, primarii in *Latinis Poetis Critici*, qui edendum *Kootenio*, disciplinae suae alumno, suaderet. Erat hoc amplum argumentum juveni ingenioso ad criticam exercendam, carmine et emendando et cum aliis carminibus comparando. Auctor enim ejus sic egit, ut non nisi res gestas brevi narratione ex *Iliade* referret, exiguo numero mille septuaginta quinque versuum includeret, quorum plerosque è *Virgilio* et *Ovidio* sumeret. Sed *Kootenium*, dum hujus carminis editionem parat, anteverit *Jo. Christianus Werns-*

Wernsdorffius, eundem librum edens in Poëtis Latinis Minoribus T. IV, anno MDCCLXXXV; luculenter sane, cum constituenda saniore scriptura ex veteribus libris, praesertim quatuor scriptis, tum comparatione Homeri, Virgilii, Ovidii: tum vero addendis quibusdam disputationibus perquam doctis et utilibus, de *auctore carminis*, cui quum nomen *Pindari* ex vero nomine *Pentadii* venisse pronunciasset T. III, p. 260, nunc hoc T. IV. inscribit ac tuetur nomen *Incerti Auctoris*, fortasse *Rufi Festi Avieni*, *Epitome Iliados Homeri*: altera est disputatione *de Homeri libris vetere et medio aevo Latine versis, et de Homeristis Latinis* p. 568 — 597: tertia, de subsidiis editionis suae, de proposito Kootenii, et opera aliorum illius aetatis Batavorum litteratorum in hoc carmen collata. Mox Kootenius tumultui civili complicitus, relictâ patria, ab a. MDCCLXXXVII in Gallia fuit ad MDCCXCV; redux rem publicam tractare coepit; bibliopola frustra eum ad absolvendam editionem revocare, et longam peractus moram, excusas plagulas omnes conscindere et abolere, excepto uno exemplari, quod in Kootenii manibus erat: qui tunc et ipse totum editionis consilium abiecit. Illud exemplar, cum reliquis illius schedis, ab ipso accepit Weytinghius, atque editione absolvenda, haud minus

nus atque ille instituendâ, gratum fecit eruditis hominibus, et elegantis doctrinae laudem tulit. Sed Kootenium quidem abhinc annos tres nobis morte ereptum dolemus, Weytinghium superesse gaudemus.

X I I.

Selecta è scholis LVD. CASP. VALCKENARII in libros quosdâ Novi Testamenti, editore discipulo EV. WASSENBERGH, qui dissertationem praemisit de Glossis Novi Testamenti. Tomus I. in quo scholae in Lucae Evangelium et Actus Apostolorum, cum brevi Editoris annotatione. Amstelodami, sumtibus Petri den Hengst et Filii, MDCCCXV. 8, pagg. 606.

Quum oratio Novi Testamenti duabus constet partibus, Graeca et Hebraica, illâ posita in ipsis verbis et linguae quasi materiâ, hac in constructione et formâ, Valckenarius certe utriusque partis cognitione valuit. Et de Graeca quidem dicere non atinet, quam constat ei totam ita perspectam pertractatamque fuisse, ut ne-

mi-

mini uni magis: Hebraicam aurem linguam ad-
 lescens didicerat, tum legendo Vetere Testa-
 mento tam Hebraico quam Graeco, et invicem
 comparando, eum usum collegerat in orationis
 diversitate notanda, ut facile ubique animad-
 verteret, quid ex purae dictionis fonte, quid
 ex Judaica consuetudine, fluxisset. Huc quum
 omnis Historiae et Antiquitatis scientia acce-
 deret, factum est, ut ad scholas in N. T.
 habendas tantam copiam adferret, quae nul-
 lum doctrinae genus desiderari sineret: has au-
 tem scholas habere erat more majorum pars
 officii Professore Linguae Graecae. Atque
 in his aliter versabatur, quam in illis, qui-
 bus interpretatio Auctorum classicorum propo-
 sita erat. In illis enim se magis ad locum quem-
 que Auctoris applicabat, ejusque sensu patefacto
 et Latine reddito, acquiescebat et progredieba-
 tur. In his vero Graecās divitias quasi effunde-
 bat. Ad sententias Novi Testamenti similes ve-
 terum Auctorum adhibebat: verbum quodque
 pure Graecum an fecus esset docebat, ejus sig-
 nificationes explicabat, cum ex usu et exemplis
 Scriptorum, tum analogia, id est originum
 ratione. Hae igitur fuerunt scholae, in quibus
 Valckenarius illud hereditarium Hemsterhusianae
 disciplinae et peculiare Batavorum bonum, ana-
 logiae scientiam, propagavit: quam nuper ali-
 quis

quis penitus ignorans stipes, idemque clamoribus
 fycophanta, allatrare ausus est. Legat hunc li-
 brum, videbit non meros sonos inculcari sed
 simplices, primitivas et in ipsa natura positas,
 formas, tum ex his ortas voces et productas,
 partim adhuc servatas, partim ex aliarum vesti-
 giis cognitās, a Valckenario caeteris animadver-
 sionibus cum iudicio ac delectu adspergi, ut
 earum lectione nil ad suavitatem jucundius, nil
 ad fidem faciendam luculentius sit. Sed Valc-
 kenarius, quum ipse edidisset *Schediasma*, *Speci-*
men exhibens Adnotationum Criticarum in loca
quaedam Librorum Sacrorum Novi Foederis,
 ad calcem suarum et T. Hemsterhusii Orationum,
 Lugd. Batav. MDCCLXXXIV: cujus libri cen-
 suram prodidimus in Bibliothecae Criticae Parte
 IX; plurimas alias reliquerat in Dictatis suis,
 easque publica luce dignissimas; quam iis imper-
 titam esse à Wasfenberghio, V. Cl., factamque
 ei edendi copiam à Jano Valckenario Jcto, L. C.
 V. filio, omnes gaudent, et beneficium grati ac-
 ciplunt harum literarum studiosi: editori ut vita
 et vires suppeditent ad editionem absolvendam
 oporant: ejusque in Disfertatione acumen et eru-
 ditionem, et in scholarum delectu iudicium,
 agnoscunt.

X I I I.

THÉAGÈNE, *Par Mlle G, Paris;*
à la *Librairie Grecque-Latine-Alle-*
mande, rue des Fossés-Montmartre,
n. 14. 1815. pagg. 93. 8.

Opusculum est Cleobulinae nostrae, nuper à Creüzero nostro insigniter laudatae, in praefatione Plotiniana: indeque humanissime celebratae ab eruditissimo Millin, in Horreo Encyclopaedutico: et à nobis supra p. 230 memoratae. Hujus in legendo scribendoque studium diu ad solam ipsius oblectationem spectabat, nec publicae notitiae destinabatur; dum interea nos aliique amici judicaremus, digna esse haec scripta quae ederentur, et edita fructuosa fore ad communem cognitionem. Quibus admonitionibus tandem ipsa sic concessit, ut nobis promitteret, se emisso primum hoc breviori libello, alios uberiores alio tempore submissuram esse. Hunc autem malumus ipsius lectione, quam nostra narratione, cognosci. Lectores quidem docti et elegantes quin eum probaturi sint non dubitamus: agnoscent genus scribendi plane Socraticum, et ad Atticam suavi-

viratē fanitatēque conformatum: cujus effigiem novitiis operibus subinde ostendi et frequentari, multum conducit eloquentiae ab invalescentibus continuo saeculi sordibus purgandae, hominumque ingeniis ad antiquorum exemplorum studia revocandis.

X I V.

Dissertatio Theologica-Inauguralis, de variis lectionibus Holmesianis locorum quorundam Pentateuchi Mosaici, quam — pro gradu Doctoratus, summisque in Theologia honoribus et privilegiis, in Academia Lugduno-Batava, publico et solemni examini submittit IACOBVS AMERSFOORDT, Amstelodamensis, die VIII. Aprilis MDCCCXV. Apud S. et J. Luchtmans, Acad. Typographos. 4 pag. 241.

Hujus dissertationis, nisi argumentum, certe praefatio et ratio, intra fines nostrae Philomathiae jacet, quippe latinitate et oratione sane quam elegans. Scriptor à Latinis Graecisque Literis ad Orientales ac Theologicas profectus,

eas Amstelodami inchoavit, Leidae excoluit:
 suisque utrobique doctoribus, tum fautoribus
 de se bene meritis, sincere amanterque in prae-
 fatione gratum beneficiorumque memorem ani-
 mum testatur. In quibus quum et nos eximia
 laude cumulemur, age hunc locum appona-
 mus, et quod antea numquam fecissemus, nunc
 posteaquam in nos exorti sunt sycophantae, his
 scilicet gratum faciamus, et errore eos purge-
 mus. Sic igitur scriptor: — „Leidam recens
 advena continuo me contuli in disciplinam Wyt-
 tenbachii Viri Cl.; quippe cujus libris legendis,
 in primis Ruhnkenii Vita quotidie terenda,
 puer ego primum, cum melioris Latinitatis et
 universae Antiquitatis, tum vero obtinendae
 in literarum studio animi constantiae, amorem
 admirationemque unice imbibissem. Omnino
 per tres quatuorve annos diem fere nullum prae-
 termiseram, quin aliquam partem Vitae Ruhn-
 kenianae legerem: numquam a lectione disces-
 seram, nisi et doctior et melior. Itaque viri
 illius, quem absens tantopere admirari coepe-
 ram, Leidae continuo praesens institutionem
 commendationemque consecutus sum. Et vero
 statim singulari me excepit V. Cl. humanitate;
 perpetuo me docuit, monuit, omnino ado-
 lescentiae meae favit. Sunt alii multi discipuli,
 qui justa orationis facultate Wyttenbachianae

T

dis-

disciplinae virtutem et efficaciam praedicare possint: illud vero longe supra vires positum est meas, mihiq. tantummodo hoc profiteri licet, quum Wyttenbachii praeceptis, et absens legendis, et praesens audiendis, literarum amorem et susceperim et aluerim, me hujus disciplinae memoriam perpetua grati animi reverentia prosecuturum." Haec scriptor: qui quatuor deinceps annos nostris et scholis et sermonibus studuit: cujus hunc locum, et grati erga nos animi, et facultatis Latine scribendi, insigne specimen praebentem, silentio premere ingratum videbatur. Dissertationis argumentum ex titulo satis intelligitur. Et ne quis forte ignoret, quae sint *Variae Lectiones Holmefianae*, sunt hae in opere formae maximae, cui titulus est *Vetus Testamentum Graecum. Cum variis lectionibus edidit Robertus Holmes, S. T. P. R. S. S. Aedis Christi Canonici, Tomus Primus. Oxonii è Typographeo Clarendoniano* 1798; neque hoc reticendum de scriptore hujus Dissertationis, eum, praeter judicium variarum lectionum in titulo propositum, huic praemississe Historiam criticam Veteris Testamenti Graeci, et submisisse Theses, ut assolet, ad disputandum; quarum in his acumen et disserendi subtilitas, in illa narrationis brevitās et perspicuitas, cernatur: ipsique nuper delatam esse

cathedram profesforiam Literarum Orientalium
in Athenaco Harderoviceno.

X V.

CASPARI JACOBI CHRISTIANI
REUVENS *Collectanea Literaria ,
sive Conjecturae in Attium, Diome-
dem, Lucilium, Lydum, Nonium,
Ovidium, Plautum, Schol. Aristoph.
Varronem, et alios, passim MSto-
rum librorum ope factae, et maxi-
mam partem ad Romanorum rem sce-
nicam pertinentes. Quibus accedit
Disputatio de Linguae Graecae pro-
nunciatione. Lugduni Batavorum ;
apud H. W. Hazenberg juniorem,
MDCCCXV. 8. pagg. 197.*

Hunc librum paucis memorare, quam silentio
praeterire, malumus; siquidem et dignus est
mentionem, et multa de eo dicere spatii tem-
porisque angustiis prohibemur. Scriptor, ju-
venis eruditus, usus scholis Lennepii, nostris,
Boisfonadii, ad nos rediit capto consilio col-
ligendi fragmenta Comicorum, eaque editione

frequentandi. Qui sane locus vacat in Literis Latinis; quod post P. Scriverium et G. J. Vossum, quorum editio Tragicorum a. 1620 (perperam in Fabricii B. L. Ed. Ern. T. III, p. 234; exstat 1720.) Leidæ prodiit, nemo quod sciam similem colligendi operam Comicis Latinis præstitit: igitur hic locus, quamvis vacans, tamen ejusmodi est, ut facultatem veterani ejusdemque principis desideret. Interea tamen scriptor utilem operam navavit doctrina, industria, conjectandi solertia, quam lectores lectione ipsius opusculi cognoscent. Neque hoc ignorari volumus, et ipsum nobis aliisque suis magistris in præfatione humanissime amorem gratiasque testificari: et libri à se scripti commendatione cathedram profesoriam Humaniorum Literarum in Athenæo Harderovicensi nuper adeptum esse.

XVI. In recensendo proventu Batavo veterum literarum non prætereunda est scheda Latina quatuor paginarum formæ quartæ: qua in scheda Peerlkampius, vir doctissimus, Rector Scholæ Doccumensis in Frisia, proficitur, se novam editionem Xenophontis Ephesii, è bibliopolio Harlemensi Adriani Loosjes emissurum, ea conditione ut emtores huic ad librum emendum, pretio quindecim florenorum in singula exemplaria, fidem suam nominaque dent, quo

quo magis ex nominum numero intelligat, an opus propositum sine suo damno suscipere possit. Nos nostram sententiam de scriptoribus historiae amatoriae Graecis prodidimus Bibliothecae Criticae P. II, et IV; in censuris Achil-
lis Tatii et Longi: Xenophontis Ephesii editio-
ne contenti fuimus antea, illâ ab Antonio Coc-
chio edita Londini a. 1726, 8: deinde nova
Baronis Locellae factâ Vindobonae 1796, 4:
Peerlkampii facultatem laudavimus Bibliothecae
Crit. P. XII, p. 128; igitur optamus, ut et
libro emtores obtingant, et ipse editor scholae
alicui celebrioris civitatis praeficiatur.

X V I I.

PLOTINI *Liber de Pulcritudine. Ad codicum fidem emendavit, annotationem perpetuam, interjectis Danielis Wytttenbachii notis, Epistolamque ad eundem, et Praeparationem, cum ad hunc librum, tum ad reliquos, cet. ad-jecit FRIDERICVS CREVZER, Litterarum Graecæ, et Lat. in Academia Heidelbergensi Prof. — Accedunt Anecdota Græca; PROCLI Disputatio de Vnitate et Pulcritudine; NICEPHORI NATHANAELIS Antitheticus adversus Plotinum de Anima; Itemque Lectiones Platonicae, maximam partem ex Codd. MSS. enotatae. Heidelbergae MDCCCXIV. In officina Mohrii et Zimmerii Academica (8. max. pagg. 547, Epistola et Praeparatio CXLII).*

Plotinus quum è Platoniciis Græcis, qui ad nostra tempora servati sunt, ætate, auctoritate, librorum scriptorum numero, Platoni, quam

quamvis longo intervallo, proximus sit; sane mirari quem subeat, non nisi duas ejus exstare editiones, easque è Seculo XVI, alteram Latinam Ficini, alteram, eandem repetitam addito Graeco exemplo: hasque ipsas satis superque esse pro paucitate legentium; quippe qui ab hodiernis hominibus rarissime citetur, nec nisi in argumento philosopho; numquam in grammatico, ubi de verbi aut dictionis usu probando agitur, quo in iudicio is nullam omnino testimonii dictionem habere existimatur. Causa neglectiois posita est in obscuritate orationis: haec partim in scriptore, partim in lectoribus. In his, quod Thucydideum illud valer, ἀταλαίπωρος τοῖς πολλοῖς ἡ ζήτησις τῆς ἀληθείας, καὶ ἐν τῷ ἔτοιμῳ μᾶλλον τρέπονται: laborem debitum investigationi veritatis impendere non audent. In Scriptore, qui ad demonstrandum argumentum orationis genus adfert simillimum Esoterico illi Aristotelis, quod, ut ait Themistius, cognitionem magis habet abditam et obseptam, quam regia, quae est Ec-batanis. (Vid. Logica nostra III, 1, 9): eam tamen, quae saepius relegendo et usu scientia-que Organi Aristotelici recludi possit, uberri-mosque intelligentiae fructus ferat. Nos qui-dem, nostra aetate, quod sciamus, soli, Ploti-num, cum ad rerum, tum ad verborum et ora-

tionis explicationem, adhibuimus: nostramque rationem secutus Creuzerus novam scriptoris editionem instituit, cujus hunc librum specimen esse vult, qua huic Scriptori illam dudum desideratam intelligentiae lucem accensurum confidimus; si quidem jam nunc apparet, eum in toto Platonico et Plotiniano argumento sic habitare, ut in rebus et verbis omnem hujus fontis amplitudinem, omnemque rivulorum varietatem, teneat. Itaque harum tantarum hujus libri copiarum indicia promere quum infinitum sit, relinquimus eas in conjectura lectorum, quam ducant cum e titulo libri, tum e numero paginarum, tum cognita Creuzeri doctrinâ. De quibusdam tamen locis dicendum est. — *Nicephorus Nathanael* est ille antea *Nicephorus Chummus*, deinde, monachus factus, *Nathanael* cognominatus, tempore Andronici Palaeologi I, qui regnavit ab anno 1282 ad 1332, libris scriptis et aulico munere cognitus; ut Creuzerus e Villoisfoni Anecdota Gr. p. 72, et ex aliis colligit. Disputatio paginis constat quinquaginta, nec elegantia et perspicuitate caret: rebus ipsis magis monachi quam philosophi. — Epistola ad nos scripta plena est benivolentiae, humanitatis, officii: propositam habet confutationem sycophantarum, nostrorum, cum popularium, tum peregrinorum
quius

unius Tittmanni nominatim. Sed popularium
 nomina non posuit, utpote nostra et nostrorum
 Sodalium oratione infra omnes mortuos amanda-
 torum: convicia saltem ab illis in nos conjecta
 paucis verbis memoravit. Tittmanni autem va-
 nitatem, puerilem gloriolam, ignorantiam,
 stuporem, non Wytttenbachio soli sed omnibus
 Batavis literatoribus conviciati, ut retuderit,
 non est opus referre, post illam à Sodalibus
 Philomathiae in hoc libro proditam censuram.
 Illud unum, sed ipsius Creuzeri verbis, refe-
 ramus, quae eum causa impulerit, ut adversus
 istos sycophantas nostrum patrociniū suscipe-
 ret: „*Solo equidem*” inquit, *indignabundos*
et ista Tittmanni convicia et alia gemina au-
diisse plerosque nostratium, et optimos quosque,
sed silentio excepisse, utpote qui probe tene-
rent; viris gravibus et bene meritis nec pa-
trono nec laudatore opus esse. Neque vero
ipse non tacuissim in Tua causa, Wytttenba-
chi, ni pietas prohiberet, qua una in rebus
divinis atque humanis nil esse homini sanctius
debet. Quocirca nunc equidem non quaeram,
an Tu patrono egeas: neque magis quaeram
illud, num. quid ego, qui vixdum bene velitis
functus sum officio, veterani militis propugna-
tor possum existere. Illud quaeram unice,
quid veritati, quid honestati, quid partis

virtute egregia meritis, debeatur. Et Bangius mihi versatur ante oculos, qui me, ex sorore nepotem, neminem quemquam magis in Literis suspicere jussit, nullius magis vestigia premere, quam Tua. Cujus ego viri memoriam nisi eadem, quam ipsius mei germani parentis, caritate prosequar, omnium mortalium ingratissimus fuerim. Neque ego ullus dubito, hominem natura lenissimum (nosti enim potuisse fieri nihil illo mitius) et ipsum stomachaturum esse, si videre possit, quam in partem honestissima Tua consilia à lividis rapiantur."

Aurei profecto generis anima! *νῦν γὰρ δὴ γένοετο σιδήρεον.* Nunc à sycophantis lacesciti, ex iis qui se ferunt amicos adeo audimus, quid hoc ad me? me non petunt sycophantæ: ego pacem cum iis colo: tu fac item. Haec est manifesta civitatum labes, et item eruditæ civitatis, in qua ex vetere ochlocratiâ frequens sycophantia fervet. Cui unice Solonis remedium adhibendum est: qui interrogatus, *quæ civitas optime valeat?* respondit, *ea, in qua lædentem illaesi pariter ac laesi persequuntur:* eamque rationem in legum suarum latatione secutus est. De quo qui plura cognoscere cupit, videat nostram animadversionem ad Plutarchi Convivium Sapientum p. 154, D. Nos vero hæc reputantes eo magis dolemus,

mus, tali et Academiam nostram doctore, et nos collega, carere.

X V I I I.

EPHORI CVM AEI *Fragmenta. Collegit atque illustravit MEIER MARX, Literarum in Academia Heidelbergensi Magister. Praefatus est FRID. CREVZER.* Ἐκ μέρους γὰρ γινώσκομεν, καὶ ἐκ μέρους προφητεύομεν. **PAVLVS APOSTOLVS.** *Caroliruhae, apud David. Raphael. Marx. MDCCCXV. 8. pagg. 290: et XXXII. Praefat.*

Rem sane ad studiorum incrementa utilissimam agunt, qui reliquias amisforum Scriptorum colligunt, illustrant, et edendo frequentant; nisi enim et harum, item ut superstitum integrorum operum, peculiare editiones essent, sed in illorum quasi corporibus inclusae commixtaeque circumferantur, veteris literaturae materiam, suis nec finibus circumscriptam, nec partibus descriptam, tenebimus, nec ejus quasi fundum censere poterimus, ut sciamus quousque pateat, quid ejus cultum, quid incul-

cultum, quid cujusque domini sit. Et est ejusmodi reliquiarum collectio in primis apta argumento, in quo doctus et industrius adolescens progresuum suorum specimen prodat; ut et alibi ostendimus, et Bibliothecae Criticae P. XI, p. 47, in Mahnii nostri *Diatribae de Aristoxeno* recensenda: nec dissentientem a nobis experti sumus quemquam, nisi Lycophantam, eundemque idiotam, in libello volatico in nos involare solitum. Legat iste prudentem Creuzeri admonitionem in Praefatione p. V: „*Illud, inquit, neminem quaesiturum à nobis arbitror, cur Scriptorum maxime fragmentis juvenum eruditorum studia contineri velimus. Est enim longum explicare minus doctis: doctioribus non est necesse. Illis tamen nunc quidem credo haec oratio satisfaciet: nolle nos calidius quidquam fieri à commilitonibus nostris; velut cum adolescentuli in primarios Scriptores involant, ac sicubi aliquid conjecturarum cuderint, illud continuo effundunt, integrosque textus, indotatos aliunde nudosque, foras projiciunt. Quorum editorum studia si ab ea temeritate avocarentur, adstringerenturque certis consiliis, et hoc ipso maxime, quod ad historiarum aliasque reliquias pertinet, non dubitare, quin multo melius consultum fuerit, ut antiquitatis studio, ita reliquiarum litera-*

ra-

rarum omnium. Et Creuzerus ipse hoc egerat in tribus antiquissimorum Historicorum, Hecataeo Milesio, Xantho Lydio, Charone Lampfaceno, quorum fragmenta annos abhinc circiter decem edidit. Tribus deinceps illis principibus, Herodoto, Thucydide, Xenophonte, integris servatis, proximi erant, quibus haec opera navaretur, duo clarissimi scriptores, Ephorus et Theopompus: quorum fuerunt luculentissima de rebus rebus et factis Graecorum scripta, unde posterī, qui supersunt, maximam suarum copiarum partem transcripserunt. Horum Ephorum discipulo suo Marxio ornandum tradidit: Theopompus ut in eadem schola editorem reperiat, à quo magistri ductu et auctoritate item ornetur, speramus. Hujus etiam quasdam res Creuzerus in Praefatione attingit, quas referre utile sit. Veluti quod eum liberat à crimine mentiendi, cujus facultatem et studium ipsum professum esse perhibuerat Caesaubonus, ex perperam intellectis ipsius verbis apud Strabonem I, p. 74, A: Θεόπομπος δὲ ἐξομολογεῖται — ὅτι καὶ μύθους ἐν ταῖς ἱστορίαις ἔρεῖ κρεῖττον ἢ ὡς Ἡρόδοτος καὶ Κτησίαιος καὶ Ἑλλάνικος —. Creuzerus opportune monet, esse hoc idem atque id quod Plutarchus dicat τὸν μῦθον ἀνασώζειν πρὸς τὴν ἀλήθειαν. i. e. *rem fando traditam verisimiliter explicare*, in

Vi-

Vita Alexandri p. 686, B. Dicam, quae mihi ratio in mentem venerit, in schola paucis abhinc mensibus interpretanti Ciceronem De Legibus I, 1: *et apud Herodotum patrem historiae, et apud Theopompum, sunt innumerabiles fabulae.* Attendendum et ad significationem nominis *fabulae*, quod et origine et usu valet de narrationibus *fando* traditis, sive veris sive fictis, à verbo *fari*, unde et *fama*, *fatum*, i. e. dictum, oraculum. Vera res est apud Ovidium Met. IV, 189, quam Dii ipsi viderant, *Haec fuit in toto notissima fabula coelo.* Similiter Trist. IV. 10, 68: *Nomine sub nostro fabula nulla fuit.* Q. Cicero De Petit. Conf. 14, *vitare fabulam.* Sed ab iis fabulis, quae dudum incerto auctore antiquitus traditae ferebantur, quasque susceperunt historici, v. c. Herodotus et Theopompus, atque ut tales fabulas prodiderunt, diserte distinguuntur illae, quas ipse quis, vel poeta vel alius, finxit, addito *fictae*, aut alio adjectivo: v. c. Fin. V, 19, *fictae fabulae* opponuntur *historiae*, et proinde fabulis historicis. Offic. III, 9: *fictam et commenticiam fabulam prolatam dicunt à Platone.* Miloniana 3: *non sine causa etiam fictis fabulis doctissimi homines memoriae prodiderunt* — scilicet poetae in tragoediis de Oreste: sic Amicit. 7. de eodem *fabula* Pacuvii

rem

rem fictam perhibebat: item Fin. V, 22: *ta-
libus exemplis non fictae solum fabulae, ve-
rum etiam historiae, refertae sunt.* Haec ad
usum Latinitatis. In Graecis eandem esse vim
vocis *μῦθος* nemo nescit, certe summus vir Is.
Casaubonus non ignorabat, sed tunc illa scri-
bens non cogitabat. Si *fabula ficta* significa-
tur, dicitur *μῦθος καὶ πλάσμα*, per figuram *ἐν
διὰ δυοῖν*, cuius formae exempla apposuimus
Bibliothecae Crit. P. X, p. 5: vel *μῦθος πε-
πλασμένος*, ut Plutarcho Symposiac. VI, 10,
p. 685, E. Jam Theopompus non dixit, *ὅτι
πλάσει μύθους*, *se fingere posse fabulas*, sed
ὅτι ἔρεῖ μύθους, *se narraturum esse fabulas*:
quod fane ut exercitatus scholis rhetoricis pro-
fiteri poterat se melius facturum, quam illos mi-
nus hac in arte exercitatos historicos. Est
autem *fabulae narratio* unum ex argumentis
Progymnasmatum rhetoricorum. Hujusmodi est
fabula Theopompi de Sileno in Aeliani Var.
Hist. III, 18, quam et nos attigimus ad Plu-
tarchi Consolationem ad Apollon. p. 115. B.
Est et *Ecphrasis* rhetoricum progymnasma,
quo Tempe Thesfalica descripsit, quae exstat in
eodem Aeliano Var. Hist. III, 1: Theone So-
phista Progymn. II, p. 19. „ Haec nos. Alia
habet opportune animadversa Creuzerus; v. c.
de fabulis apud Justinum ex Theopompo du-
ctis:

ctis: de stilo oratorio apud eundem ac Diodorum Siculum ex ejusdem Theopompi scriptis expresso: de forma dictionis Isocrateae, ejusque per imitationem degenerante stilo historico Ephori et Theopompi a simplicitate veterum, Herodoti, Thucydidis, Xenophontis. Quod autem Ephorus in excerpto Cosmae, quod est Topographiae Christianae p. 148, sic laudatur, αὐτός ὁ Ἐφορος παλαιός ἐστι συγγραφεύς, φιλόσοφος, καὶ ἱστοριογράφος: quod igitur *philosophus* appellatus, fortasse ipse suum historiae studium *philosophiam* et *philosophari* vocaverit, quod item nomen et verbum ejus magister Isocrates de sua oratoria usurpare solebat. Et Aristides Or. Aegypt. T. II, p. 348, citatus scriptori hujus dissertationis p. 214: Ἐφόρου τοῦ φιλοσόφου καὶ σοφιστοῦ —. Hactenus de Praefatione. Sequitur ipse liber, supra nostram expectationem illé doctrinae copia refertus, ut satis habere debeamus ejus fines capitumque titulos significasse. Pars prima est, *Commentatio de Ephori Vita, Scriptis, Dicendi genere, Auctoritate*. — Caput. I: *de Ephori Nomine, Patria, Rebus*: quo in argumento locus Plutarchi qui dicitur de X Oratoribus apponitur: τοῦ δὲ Κυμαίου Ἐφόρου ἀπράκτου τῆς σχολῆς ἀπελθόντος, καὶ πάλιν ὑπο τοῦ πατρὸς Δημοφίλου πεμφθέντος ἐπὶ δευτέρῳ μισθῷ παί-

παίζων Δίφρον αὐτὸν ἐκάλει. Scriptor hujus
disputationis edidit Δίφρον, et in parenthesi ap-
posuit haec. *Var. Lect.* Δίφρον, Διάφρον, *illud*
recepisse Wytt. miror. Atqui non recepi, sed
reliqui: erat vetus lectio in omnibus scriptis
codicibus prodita: et habebat quo se tueretur
ut paronomasia nominis Δίφρος; et ab hoc or-
tum, vid. Etymol. M. in Voce, et Eustath.
Iliad. β. 412 fin, et pronunciando ad hoc ip-
sum accedens et hoc ipsum significans: et ha-
bens adjunctam notionem ridiculam huic rei
convenientem quasi fellae seu scamni, cui in
schola infidetur: itaque pro mea religione, Δί-
φρον sub textu posui, Δίφρον in textu reli-
qui. — Caput. II. *de Ephori scriptis.* §. 1:
Libri Historiarum. Hi fuerunt numero tri-
ginta, de rebus Graecorum quidem maxime,
sed et barbarorum cum his conjunctis, tempus
complexi à reditu Heraclidarum ad Perinthum
urbem à Philippo Macedone expugnatam: i. e.
ante nostram aeram ab anno 1103 ad 341. §. 2:
Libri Inventorum, περὶ εὐρεμάτων. §. 3: περὶ
ἀγαθῶν καὶ κακῶν: incertae auctoritatis nec ni-
si apud Suidam produntur. §. 4: παραδοξῶν τῶν
ἐκασταχοῦ βιβλία i. e. rerum in quavis re-
gione mirabilium libri quindecim: item incer-
tae auctoritatis, nec nisi a Suida memorati.
§. 5. *Επιχώριον,* i. e. *populare,* seu de rebus,

patriae suae Cymae. — §. 6: περὶ λέξεως de dictione §. 7: Dubia. — Caput III: §. 1: de Ephori scribendi genere, auctoritate, fama: §. 2: quomodo in ipsa historia ejusque partibus versatus sit. §. 3: non se continuit intra spatium temporis quod sibi praescripserat, sed ad antiquiora etiam egressus est; unde in Suida legitur, *eum initium historiae fecisse ab excidio Trojae*. Et reliquam materiam quam in historiae opere condere non posset, in libros *Inventorum*, tamquam in appendicem inclusit. §. 4: de rerum cognitione et fide Ephori. Caput IV. de Ephori Chronologia. Quum ante institutam eam Opympiadum numerationem quae facta est anno ante nostram aera 776, Graeci nullam haberent communem temporum notationem, utebantur, generationibus et annis regum, magistratuum, quam materiam scriptores genealogiarum in ordinem redigere studuerunt, in primis Pherecydes Lerijs, Hellanicus Lesbjs etiam ad Indicem Sacerdotum Templi antiquissimi Junonis Argivae exegisse dicitur; *ad historiae quidem scriptionem notatio Olympiadum a Timaeo primum inducta est*. Hoc editor demonstrare sibi videtur apposis his verbis (*Polybius* XIII, 12). Nos ibi legimus, magnam fuisse Timaei in temporibus notandis diligentiam: comparatione Regum et Ephorum

rum Spartanorum, Archontum Atheniensium, Argivarum Sacerdotum, et victorum Olympicorum, non item, *historicis ante eum nullam adhibuisse Olympicorum annorum commemorationem.* Marshamus quoque in Canone Chronico Sec. XVI, p. 488, eandem sententiam de Timaeo appositis Polybii verbis ferens, dicit tamen *videtur*, ut conjecturae affine, caeterum addit non satis perspicuum illud, *Quidquid ante aetatem Timaei ad Olympiadem aliquam accommodatur, id quidem κατὰ πρόληψιν collatum videtur.* Quae tria postrema verba quid significant, non capio. Caeterum editoris in hac disputatione conclusionem probamus: *quantum, inquit, diforti veterum loci, sine ulla praejudicata sententia perpensi, verisimilitudinis mihi suggerunt, in Trojae excidio suae posuit numerationis cardinem, unde per distinctos annos, vel etiam generationes, ut apud Strabonem VI, p. 410, X, p. 735 et 711, rerum gestarum tempora deinceps adnotavit.* Hactenus pertinet *Commentatio.* Sequuntur *Fragmenta Ephori*, ex veteribus, qui post eum fuerunt, Scriptoribus collecta; maxime Strabone, apud quem hujus commemoratio et narrationis relatio fere utramque paginam facit: cui proxime accedit Diodorus Siculus: tum Polybius, Dionysius Halicarnasensis.

sis, Plutarchus, Pausanias, Scymnus Chiusi porro è caeteris omnibus Graecis Latinisque omnis generis scriptis. Haec igitur Fragmenta adeo cumulate collecta, tum diligenter distributa et ad suum quodque librum relata, tamque erudite illustrata, lectionem praebent omnibus historiae et Graecarum literarum studiosis, et utilisimam et jucundissimam, tot seculorum res gestas in reliquiis clarissimi auctoris recognoscentibus. Et nos quum horum ex numero lectorum simus, perceptae suavitatis causa grati aliquid symbolae adjicimus, leve illud et quasi guttam in mare Aegaeum; quando scriptor hujus libri suis copiis omnem reliquam nostrae suppellectilis accessionem praecepit. Duae autem sunt symbolae. Prima ad Librum III, de deductis in Asiam coloniis Aeolensium et Jonum. — Eo magis dolendum perpauca ex hoc Ephori libro superesse fragmenta, quod hunc locum item tractatum a Trogo Pompejo libro I, ut è Prologo constat, omisit Justinus. Altera de Epaminonda, cujus laudes in primis celebravit Ephorus, Diogenis Laërtii II, 54, qui ex Ephori libro XXV refert in pugna Mantineensi Epaminondam et Gryllum, Xenophon-tis filium, obiisse. — Nos vero jam finem hujus censurae faciamus, ac magistro tam doctum disci-

sci.

scipulum, discipulo tam egregium magistrum, gratulemur.

X I X.

ΠΛΟΥΤΑΡΧΟΥ ΤΟΥ ΧΑΙΡΩΝΕΩΣ ΤΑ ΗΘΙΚΑ.
 PLUTARCHI CHAERONENSIS
 MORALIA, *id est Opera, exceptis Vi-*
tis, reliqua. Graeca emendavit, No-
tationem emendationum, et Latinam
Xylandri interpretationem castigatam,
subjunxit. Animadversiones explican-
dis rebus et verbis, item Indices co-
piosos adjecit DANIEL WYTTE-
 NACH, *Hist. Eloqu. Litt. Gr. et Lat.*
in Illustri Athen. Amstelod. Professor
Operum Tomus VI, Animadversionum
Primus. Oxonii e Typographeo Cla-
rendoniano MDCCCX. — Editionis 4.
Unum Volumen pagg. 593. edit. 8.
Duae Partes. — 1222.

Tandem ad nos venit hic liber, quum jam
 quartum annum e typographeo exiisset, et
 continuo tunc in Parisiensem hominum, Lar-
 cheri et aliorum, manibus versaretur. Nos

autem propter tempora suspiciosa et severe interdicitum Batavis cum Britannis commeatum, librum arcescere non auderemus, atque omnino, quod Plutarchum edendum Britannis comissemus, nobis domini nostri paslim vitio verterent. Nunc, mutatis rebus, hunc tomum nacti, pauca de eo dicemus, uberiores descriptionem relinquentes idoneis iudiciis, et aequis, id est, et nostrae et omnino humanae conditionis rationem habentibus. Fuit autem nostrae conditionis haec pars; ut, quod diximus in praefatione, „opus nostrum in duas distribueretur partes: quarum prima, libros Plutarcheos, Graece et Latine, emendatos, addita brevi Emendationum annotatione, complecteretur; altera Animadversiones ad rerum verborumque interpretationem comparatas et Indices contineret; quae partitio eo valebat, ut, si fatum non sineret huius alterius partis materiam a me aut alio in lucem proferri, opus tamen meliore sui parte salvum esset, id est, ea quae ad ipsius Auctoris manum et scripturam sanandam et constituendam refertur, in qua proprium ac praecipuum editoris munus versatur, quae vel ipsa per se sola justae instar editionis censeatur. Qua in re, ut parva magnis conferam, cavi ne idem committerem quod in Polybio commississe Casaubonum dolemus: qui magni et egre-

egregii commentarii molitione occupatus emendationem Graeci exempli vix attigit, quamvis facile absolvendam, si à commentario eam disjunxisset et anticipasset: nunc utrique simul intentum parti mors, cum reliquae interitu operae conjuncta, occupavit." Accedebat etiam urgens festinandi causa, imminens anno MDCCXCIV exercitus Francici adventus et metus ne chartarum nostrarum in Britanniam transmissio incideret in tempus interclusi comitatus: igitur complures loci in *Emendationibus* levius attingendi et in *Animadversiones* rejiciendi erant: quod item valet de aliis locis, quorum emendationes postea demum se mihi obrulerunt. Hujus ergo meae conditionis rationem habere debebant, homines docti, *Animadversiones* nostras expectare, nec ex solis prioribus voluminibus de toto opere judicare. At vero hanc aequitatem eorum non magnopere experti sumus. Ut alios taceam, fuit nuper in Germania magis velocitate, quam judicio et et lectione valens, obiter in Plutarchum nostrum invehens: hic in libro de Solertia Animalium p. 966, A, pro $\sigma\tilde{\upsilon}\nu \mu\acute{o}\nu\omicron\nu$ pronunciabat legendum $\sigma\tilde{\upsilon}\nu \mu\acute{o}\nu\iota\omicron\nu$, quasi me ista correctio fugisset: quam ego minime ignoratam dictionem, non pro correctione hujus loci habebam, quippe aliam medicinam postulantis. Hoc vi-

disset si meam Animadversionem expectasset. Illud vero festivum est, quod alio loco, De Superstitione p. 170, E, pro *κάρτα θύοντες*, ex codicibus nostris annotaveram *κάρτα σείοντες*. Ad haec quid edicit *ὁ νήπιος*? scilicet *vulgatam ineptissimam, esse, veram Plutarchi manum Wytenbachius exhibiturus fuisset, si datis opibus recte uti voluisset*. Dictatoria profecto critica! quod si criticus hoc volumen Animadversionum nostrarum de quo nunc dicimus, quodque tunc quum ille hoc scribebat, quantum annum emtorum manibus terebatur, inspexisset, vidisset, me de de utraque lectione in utramque partem disputasse, et cum illo Sophoclis Antig. 290. alia uberiora attulisse.

X · X.

CRITO, *sive Dialogus de Literarum in primis Latinarum studio recte colendo, auctore GVILIELMO LEONARDO MAHNE, Gymnasii Zierizeani Rectore.* — Zierizeae, apud Abrah. de Vos Jac: Fil a. MDCCXVI. 8. pagg. 101. Praefat. XI. Addend. 26.

Quum nuper, stante dominatione Francica, Gymnasium Zierizeanum in dioecesi Academiae
Brux

Bruxellensis esfet, hujus Rector, vir nobilissimus idemque eruditissimus, Car. Hulthemius, prudenter fecit, quod civibus suis ad linguae Latinae studium usumque revocandis, iis de optima ratione hujus propositi efficiendi commissionem et certamen Inscriptionum Latinarum, vel *oratione*, vel *carmine*, vel *dialogo*, scribendarum proposuit. Ibi tum Mahnius ad dialogum scribendum excitatus, eum perscriptum iudicibus Bruxellam misit. At bello tunc flagrante, quo mox illa dominatio labefactata est, ignorans quid illi commissioni, suoque dialogo evenisset, eum perire nolens, nunc seorsum ipse edidit: eaque editione optime de Literis meritus est. Habet enim ejus lectio insignem et utilitatem et jucunditatem, cum ab argumenti gravitate ejusque diligenti explicatione, tum a formae orationisque elegantia doctrinaeque varietate: quae ratio prope ad Erasmianam accedit, nimis illam, quamvis hereditarium bonum, à recentioribus Batavis ignoratam. Addenda continent annotationem locorum ex aliis Scriptoribus in hoc libro vel appositorum, vel significatorum: tum vero castigationem complurium errorum et barbarismorum Recensentis Retententium aliorumque, depromptam, illam ex interiori Latinitatis intelligentia, a Mahnium in primis valere constat. Caeterum, ne isti

perpetui sycophantae et syllabarum aucupes illud captent, sciant lectores operarum vitium commissum esse in Praefatione p. VIII, ubi legendum, ut Scriptor in suo exemplo dederat, *si viri harum rerum periti me errantem in viam reducere, et lumen mihi de suo lumine accendere velint.*

X X I.

Specimen Literarium Inaugurale, exhibens Miscellanea, Literaria, quae — pro gradu Doctoratus, summisque in Philosophia Theoretica et Literis Humanioribus honoribus et privilegiis, in Academia Lugduno-Batava rite et legitime consequendis, examini submittit
LEO ANNAEI F. BVMA, *Woudsenda — Frisius, die IV Junii. — Lugduni-Batavorum MDCCCXVI. 4. pagg. 32.*

Ad hujus libelli adspectum duo nobis in mentem venerunt HomERICA: primum, *Οἷσθα καὶ ἄλλον μῦθον ἀμείνονα τοῦδε νοῆσαι* cui deinde, lecto libello, succcessit alterum hoc, *Οὐτὶς*

τοι τὸν μῦθον δύσσεταί ὅσσοι Ἀχαιοί. Trien-
 nium est quod scriptor in nostram disciplinam
 et familiaritatem venit, sexto decimo aetatis an-
 no Graecarum Latinarumpue Literarum et stu-
 dio ardens, et intelligentia supra vulgarem
 modum valens, haud obscure aliquam Valcke-
 nariani ingenii similitudinem prodens, ut merito
 auguraremur fore ut, manente quidem studio
 vitaeque, nobis aliquando tantum virum referret.
 In illis deinceps Literis nos audivit: Palmium
 V. Cl. frequens in Orientalibus, quas et Val-
 ckenarium attigisse noverat. Plurimum autem
 studium domi tribuerat antiquis cum profae
 scriptoribus, tum poetis, maxime Tragicis:
 his adjugebat diligentem cognitionem Gram-
 maticorum Graecorum et notarum in hos alios-
 que auctores à principibus nostratibus editarum.
 Hoc agens et quotidie, naviter progrediens,
 occupatur novissima Academiae ordinatione ejus-
 que lege de capessendo Doctoris gradu iis qui
 aliquando has Literas publice tradituri sint.
 Cui ipse legi quam primum satisfacere totoque
 honoris istius adipiscendi negotio brevissime
 defungi cupiens; attulit specimen tenuius qui-
 dem quam pro aliorum expectatione et ipsius
 copia et facultate; quo referimus primum Ho-
 mericum versum; nam poterat *melius*: sed spe-
 cimen tamen attulit, unde Graece docti et vero
 Ἀ.

Ἀχαιοί, librorum praestantiam non numero paginarum et locorum citatorum multitudine, sed vere et scienter aestimantes, ex paucis indiciis doctrinam et acumen scribentis, quod dicitur ex *ungue Leonem* agnoscent: quo pertinet alter versus. Argumentum autem libelli est de Sophoclis Electra, quae ita tractatur, ut enarrato per singulas partes fabulae argumento subijciantur cuique parti animadversiones ad scripturam vel constituendam vel explicandam. Accedunt tres paginae Miscellaneorum, in Theocritum et Ciceronem.

X X I I.

Specimen Literarium inaugurale, exhibens Observationes in Xenophontis Symposium et Cyropaediam, quas — pro gradu Doctoratus Summisque in Philosophia theoretica et Literis humanioribus honoribus ac privilegiis in Academia Lugduno-Batava, rite et legitime consequendis defendit JOANES BROWN, Arnhemia Geldrus, die XII Septembris a. MDCCCXVI. Lugduni-Batavorum MDCCCXVI. p. 80. 8.

Hujus et scripti causa fuit quae superioris, et scriptoris eadem nostra cum disciplina neces-

ces-

cesfitudo: qui ex institutione eruditissimi Zilefenii in nostras scholas venit, iisque quadrien-
nium ita usus est, earum ut repetitioni dome-
sticae adjungeret aliud insuper pensum Graecum,
quo Scriptores, quorum adhuc non nisi partes
cognovisset, totos legeret: hi erant Historici,
Herodotus Thucydides, Xenophon, Tragici,
Aristophanes, Lucianus. Hinc natum est hoc
specimen quod proprie ad Xenophontem, et
hujus maxime duo scripta pertinet, Symposium
et Cyropaediam, et utrique ex diligenti ratio-
ne grammatica accurataque linguae cognitione,
interpretando emendandoque, haud parum lu-
cis attulit. In Cyropaedia quoque usus est co-
dice membranaceo ~~Leidenfi~~ quem et nos adhi-
bueramus in Selectis Historicorum Graecorum.
Neque etiam illud reticendum est, Latinae ora-
tionis bonitatem apparere cum in reliquo li-
bello, tum in praefatione erga nos amanter
scripta.

X X I I I.

Quaestionem positam in exitu superioris libri,
de Commentario scriptoris non nominati in Ari-
stotelis Categorias, egregie nobis expedivit vir
eruditissimus, saepe nobis laudatus nec umquam
satis laudandus, Jacobus Morellius, Bibliothecae
Venetae S. Marci Praefectus, in Epistola ad
me

me data d. VI Jun. MDCCCXII. . Sic igitur ille de hoc quidem argumento. „ Opus ineditum exstat in codicibus duobus Bibliothecae Venetae Saec. XV, numeris CCXXXV. et DXCIX. notatis, et in aliis quoque aliarum, Parisiensis nimirum, Matritensis, Oxoniensis, Augustanae, Monachiensis, Florentinae Laurentianae, Taurinensis, Indicibus impressis, relatum, et *Davidi θεοφιλεστάτω*, corrupta voce *Thesfalonicensi* à nonnullis dicto, una cum ejusdem Commentario in Isagogen Porphyrii, qui in codice Bibliothecae Lugduno-Batavae (Catalog. p. 392.) ex fide codicum ipsorum tributum. De codice Veneto priore cum pauca scriberem in tomo primo Bibliothecae MS, multa de *Davide* ejusque Commentariis me allaturum esse recepi, ubi de posteriore qui etiam Prolegomena Philosophiae et Commentarium *Davidis* in Porphyrium continet, esset mihi dicendum: neque enim pauca, equidem collegi, quae cum aliis bene multis pro tomo secundo comparatis, utinam recensere ac typis edere possem. Jam cum *Davidem philosophum non ignorabilem* à Scipione Carteromacho in Oratione de laudibus Literarum Graecarum dictum esse, ejusque scripta Gesnero, Fabricio, Harlesio, Bublío, aliisque innotuisse animadvertēbam; licet cujas idem exstiterit, à nemine eorum

eorum umquam didicissem. At vero Armenium fuisse, eundemque unum habendum esse ex iis qui medio circiter saeculo quinto, Constanti-
nopolin, Alexandriam et Athenas ad Literas addiscendas misi, Biblia Sacra et Scriptorum quorundam Graecorum libros in linguam suam transtulerunt, postea cognovi et allatis à Mose Chorenensi Histor. Armen. Lib. III. Cap. 60. 61. 64, Clemente Galano Hist. Conciliationis Ecclesiae Armenae cum Romana P. I, Cap. VII, n. 14: et Guilielmo de Villeroy in Disfertatione inedita *de Armeniorum Literatura*, cujus excerpta prodire in *Compendio historico Rerum Armeniacarum* Italice scripto Venetiis a. 1786 impresso, ~~sub falso Joannis de Serpos~~ veluti auctoris nomine. Inter Codices Armeniacos Parisienses duo sunt in Indice typis edito numeris CV et CVI notati, qui Porphyrii Isagogen et Aristotelis Categorias, hujusque alia quaedam cum Commentariis *Davidis*, ejusque scripta nonnulla philosophica continent: verum Graecis literis non nisi Prolegomena Philosophiae et Commentarii in Porphyrium et Aristotelem existare videntur. Et hos quidem non Armeniace, sed Graece scriptos à *Davide* fuisse, re expensa, se omnino putare mihi affirmabat *Lucas Engigi*, Monachus Armenius Venetiis olim degens: qui gentis suae Litera-
cu.

turam optime callens, scribendi rationem et syntaxin Graecam, cujus erat satis peritus, in textu Armeniaco agnoscebat: quamquam mihi linguae ignaro peregrinum aliquid in textu Graeco se identidem offerre videretur. Neque illud ἀπὸ Φωνῆς, in titulo librorum *Davidis* positum, ne eos Graece primum prodiiſſe putemus, facit, quemadmodum Sanctocrucius de ea phraſi diſerens tradidit, Magazin. Encycl. An. III. T. I. p. 203. Caeterum *Davidēs*, philoſophus eclecticus, eruditionis copia, Scriptorumque Graecorum lectione ſe commendat: horum tamen testimonia, operum titulis interdum immutatis aſſert, ſuppoſitiſtis etiam libris, narrationibusque incertae fidelis adhibitis."

Noster codex Lugduno-Batavus in libris Voſſianis eſt notatus numero 8, p. 391, habet primo *Porphyrīi Vitam Plotini*: tum Plotini aliquot diſputationes editas nec omnes: ſiinceps quaſi Plotiniana continuarentur, ſequitur pars Commentarii in Porphyrium foliis tribus: porro in Categorias foliis 64: denique Mathematica in Catalogo notata.

X X I V.

Nos verò ſcribendi finem facere cogimur, deficiente et facultate et tempore. Itaque aliorum, quos commemorare decreveramus, nomi-

mina librorum ne penitus silentio praetereamus, verbo saltem significemus. Sunt autem hi potissimum:

Strabonis Rerum Geographicarum libri XVII. Graece et Latine, opera et studio Thomae Falconer, Oxonii. Tom. I. et II. MDCCCVII. in Folio.

Hephaestion de Metris, opera Thomae Gaisford. 8. Oxonii MDCCCX.

Poetae Minores Graeci: Praecipua Lectionis Varietate, et Indicibus locupletissimis, instruxit Thomas Gaisford. A. M. aedis Christi Alumnus, nec non Graecae linguae Profesor Regius. Fol. I. et II. Oxonii ex Typogr. Clarend. MDCCCXIV. et MDCCCXVI.

Reliquiae Sacrae: sive auctorum fere jam perditorum Secundi Tertiique Saeculi Fragmenta, quae supersunt. Accedunt epistolae Synodicae et Canonicae, Nicaeno Concilio antiquiores. Ad Codices manuscriptos recensuit notisque illustravit Martinus Josephus Routh. S. T. P. Collegii S. Magdalenae Praefes. Oxonii Tom. I. II. III. 8. Ao. MDCCCXIV. et MDCCCXV.

Catalogus manuscriptorum Clarkianorum et Dorvillianorum Bibliothecae Bodleianae 4. 2 vol. Euripidis Alcestis, edit. J. H. Monk. 8. Cantabrigiae MDCCCXVI.

Tracts and Miscellaneous Criticisms of the late

Richard Porson: Collected and arranged by the Rev. Thomas Kidd. London MDCCCXV. 8.

Mélanges de Critique et de Philologie par S. Chardon de la Rochette. Tom. I. II. III. Paris 1812. 8.

Histoire Critique de l'établissement des Colonies Grecques. Tom. I. II. III. IV. Par Mr. Raoul Rochette. Paris MDCCCXV. 8.

Notice sur Monsieur Larcher, avec le Catalogue des livres rares et précieux de sa Bibliothèque. Par Mr. Boissonade. Paris 1814. 8.

Banquet de Léontis, par Mme Wytttenbach. Paris, à la librairie grecque, latine, allemande. 1817. 8.

Marini Vita Procli, edidit Boissonade. Lipsiae 1814. 8.

Tiberius Rhetor, altera parte auctor, de Figuris: una cum Rufi arte rhetorica, edidit J. T. R. Boissonade. Londini 8. in aedibus Valpianis 1815.

Symbolik, von Friederich Creuzer, Professor zu Heidelberg. 4 Bände. 8.

Acta Monacensia, edidit Fredericus Thiersch. Tom. 4. Monachii 1812. 8.

Geschichte des Römischen Rechts im Mittelalter, von Friederich Carl von Savigny. Heidelberg 2 Bände 8. 1815 und 1816.

Meletemata è disciplina antiquitatis, opera Frederici Creuzeri. Lipsiae 1817. 8.

150.

Ifocratis Oratio de permutatione, et Isaei Oratio de Menecelis Hereditate. Edidit J. Conr. Orellius. Turici 1814. 8.

Gregorii Corinthii et aliorum Grammaticorum libri, de dialectis linguae Graece. Recensuit. et cum notis G. Kuhnii, Francisci Bastii, Boisfonadii, suisque edidit Godofr. Henr. Schaefer. Accedit Bastii commentatio Palaeographica. Cum tabulis aeneis septem. Lipsiae 1811. 8.

Anthologia Graeca, ad fidem codicis olim Palatini nunc Parisini ex apographo Gothano edita. Curavit Fredericus Jacobs. Tom. I. Lipsiae 1813. 8.

Imm. Bekkeri Prof. Berol. Anecdota Graeca. Vol. I. II. 8. Berolini 1814. et 1816.

J. W. Kuithan, Versuch eines Beweises dass wir in Pindar's Siegeshymnen Urcomödien übrig haben. Dortmund und Leipzig 1808. 8.

Memoria Viri Perillustris Chr. Gottl. de Voigt. Scripsit Henr. Carl. Abr. Eichstädt. Jenae 1813. 4.

Thorlacii, Profesforis linguae latinae in Universitate Havn.: Prolusiones et Opuscula Academica. Havniae 1806. 8.

Ejusdem Prolusio de Lege Rulli, Tribuni, Plebis Agraria. Ibidem.

Chr. Car. Bunsen, Disquisitio Philologica de Jure hereditario Atheniensem. 4. Gottingae 1813.

Gustavi Knös, *Disquisitio de fide Herodoti, qua perhibet Phoenices Africam circumvectos.* Gött. 1805. 4.

Litterae Criticae in Varronem de lingua latina, ad Vir. Cel. Chr. Gottl. Heyne scriptae a D. G. Köhler. Dusb. ad Rhenum 1790. 8.

J. G. Huschke, *Commentatio de Inscriptione Fasculi Locris in Italia reperti.* Rostochii 1813. Folio.

J. G. Huschke, *Albii Tibulli Elegiae tres.* Rostochii 1814. 4.

Caroli Morgenstern, *Oratio de literis humanioribus.* Lipsiae et Gedani. 1800. 4.

Euripidis Reliquiae. Edidit Aug. Matthiae. 1815. et seq. 8.

M. T. Ciceronis *Orationum, pro Scauro, pro Tullio, pro Flacco, partes ineditae.* Invenit, recensuit, Angelus Majus, *Bibliothecae Ambrosianae a linguis Orientalibus.* Ad exemplar Mediolanense. Francofurti ad Moenum 1815. 8.

Frontonis, *Epistolae ineditae, Graece, ab eodem.*
Themistii *Oratio inedita, ab eodem.*

Natalis Lasthesii *Marosticensis Gratulationes.* Patavii 1767. 8.

Josephi Mariani Parthenii, *de Vita et Studiis Hieronymi Lagomarsini, Commentarius.* Editus a Vincencio Georgio. Venetiis 1801. 8.

Gas

SVMMARIA EPITOMAE IVDICIA. 325

Casparis Garatonii, in M. Tul. Ciceronis Orationem pro Cn. Plancio, ex optimo Codice Bavarico, Curae Secundae. Bononiæ 1815. 8.

Elogium Joannis Meermanni, auctore Henrico Constantino Cras. Amst. et Hag. 1817. 8.

Cornelii Annei den Tex, Disputatio inauguralis, de vi Musices ad excolendum hominem, de sententia Platonis. Traject. ad Rhen. 1816. 8.

Caspari Bax, Disputatio inauguralis de Naturae simplicitate in Euripidis Oreste. Traj. ad Rhen. 1816. 8.

J. van Iddekinge, Disertatio Philologico Juridica, de insigni in Poeta Ovidio Romani Juris peritia. Amst. 1811. 8.

Joan. Melch. Kemper, Antecessoris Leidenfis Oratio, de Aetatis nostrae fati, exemplo gentibus ac praesertim Belgis numquam negligendo. Lugduni Bat. 1816. 8.

Jo. van Voorst S. Th. P. Oratio, de commodis atque emolumentis, quae e singulari Principum Europeorum, in religione Christiana his temporibus profitenda, consensu sperare et augurare liceat 1817. 4.

G. J. Zillefen, Oratio de Belli Gallici laudibus, ejusque vi et efficacia ad ingruentem barbariem propellendam. Lugd. Bat. 1814.

Gysberti Fenema, Oratio de Veterum Scriptorum praesertim Graecorum meritis, quam habuit

326 NARRATIONES ET LIBRORUM

buit d. VII. Febr. 1816. quum Scholarum
Dordracensium Rectoris munus solemniter auspi-
caretur. Dordr. 1816. 8.

X X V.

Una etiam nunc nobis res superest verbo certe
attingenda, Mahnii nostri Oratio, habita his ipsis
diebus Gandavi novae Academiae dedicandae, et
Literarum cathedrae auspicandae, insigni audien-
tium favore concelebrata. Nos illi Academiae
hunc talem doctorem eo magis gratulamur, quo
magis nobis persuasum est, viri doctrinam,
industriam, facultatem, Literarum studiis fru-
ctuosam fore. Atque sic demum

PHILOMATHIAE LIBER TERTIVS
EXPLICIT FELICITER.



MAG 20056 44



